




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.384






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.384





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 1.7.384





Early European Books. Copyright © 2011 ProQuest LLC.
Images reproduced by courtesy of the Biblioteca Nazionale Centrale di Firenze.
CJMA01. 1.7.384

















HISTORIA
LITVANA

no 287

17.384

22859

A

XXIV

PARS ALTERA

SEV DE REBUS

LITVANO RVM

KOIAL

Pars Lituan


et Magni Ducatus cum Regno

et UNIONEM

comitum

JACOBYM MEYERUM

ANNO 1734



17.386 81

HISTORIÆ
LITVANÆ

PARS ALTERA,
SEV DE REBVS
LITVANORVM,

A coniunctione Magni Ducatûs cum Regno
Poloniæ ad VNIONEM eorum
Dominiorum.

LIBRI OCTO

AVCTORE
ALBERTO WIIVK KOIALOWICZ
SOCIETATIS IESV S. THEOLOGIÆ DOCTORE.



ANTVERPIÆ
Apud IACOBVM MEVRSIVM
ANNO M. DC. LXIX.

HISTORIA
LITVANA

PARS ALTERA

SECVS DE REBVS

LITVANORVM


A continuatione Magistri Michaelis cum Regno
Polonie ad VNIOM socum
Dominorum.

LIBRI OCTO

AUCTORE

ALBERTO VIVIO KOZLOVICH

DOCTORIS THEOLOGIE ET THEOLOGICAE DOCTORE



ANNO MDCCLXXIX
APUD IACOBVM MEVSIVM

ILLVSTRISSIMO DOMINO
 DOMINO
 CASIMIRO IOANNI
 SAPIEHA
 COMITI IN BYCHOW

Magni Ducatûs Lituanîæ, Curîæ Thesaurario,
 Brestensi, Volpensi Capitaneo &c.

DOMINO ET PATRONO
 COLENDISSIMO.

POsteaquam priorem
 Historiæ Lituanæ par-
 tem CASIMIRO LEONI
 SAPIEHA M. D. L.
 Procancellario, Heroi æternâ me-
 moriâ

moriâ dignissimo, Patruo Tuo, dicaui: huic alteri in publicum prodeunti, non potui quærere Patrum, alium à Te Illustrissime Domine; vtpotè sanguinis propinquitate, Nepote; affectûs & lustralis Fontis iure, Filio; non tantum Nominis, sed etiam propensionis erga bonas artes, Hærede. Quæ me ad Sapiehanæ domûs venerationem momenta ante inclinârunt: eadem nunc, ne ab eâ declinem, impellunt. Quemadmodum enim sub initia exardescantis per Russiam seruilis rebellionis, Res Litwana, præsidij Patru Tui, vnicè seruata est: ita hisce annis, Illustrissimo Parenti

renti tuo PAVLO IOANNI SAPIENHA, Palatino Vilnensi, Supremo Lituaniæ exercituum Duci, potissimum debet; quòd cùm coortis ab omni parte hostibus validè in ruinam nutaret; non omninò corruerit. Palmaris hæc eius gloria, non à palpantis calami vbertate, sed è vero nata, pridem vniuersam Europam occupauit. Tuam hîc, Illustrissime Domine, diuturnam extra Patriæ limites peregrinationem, testem appello. Multas vrbes, ac prouincias accessisti: nullam tamen reperisti, ad quam Te Parentis Tui admiratio, non præcesserit: vidisti, audistiq̃ plurima; sed pauca omninò,

a Anno
1655.

ninò, quæ non fuerint infra Paren-
tis Tui Famam, concordi populo-
rum plausu, non ex vano, neque su-
pra meritum, celebratam. Quanto
latius per orbem, ante decennium
de Republica nostra conclamatum
fuerat: tantò grandior, certiorque
laus seruatae Patriæ, Parenti Tuo
constat. Deploratissimus siquidem
eâ tempestate, Lituaniæ status erat.
Laterâ ab omni simul parte, finiti-
morum armis quassabantur: viscera
dissidijs, factionibusque ciuium, fa-
tiscebant: Rege temporum se iniu-
riæ extra Patriam tantisper subtra-
here coacto; nemo ad gubernacu-
lumerat. E duobus militiæ Litua-
næ

næ Ducibus, Supremus, re, quam
perditam putabat, desertâ, sub no-
ua imperia concesserat: campestris,
sub potestatem collegæ redactus,
nihil suo iure agere poterat. Supe-
rerant quidem exiguæ, militis fa-
niora consilia secuti, reliquæ, quid-
uis pro aris & focis, ausuræ: Sed ne-
que neruum, neque caput, bello
gerendo, habebant. In tanta pu-
blicæ rei calamitate, Parens Tuus
omnium votis, studijs exercitûs,
nobilitatis suffragijs, auctoritate Re-
gia, Palatinus Vlnensis, & supre-
mus Lituanæ Militiæ Imperator
dictus, se in Ducem belli, Fortunas
omnes in neruum, pro Rege &
Patria

Patria deuouit. Quamobrem sicut
longè laudabilius æstimatur, inue-
nisse; quàm inuentis addidisse: ita
quamquam nemo negauerit, non
defuisse viros Regi fidos, Patriæque
amantes, qui erigendæ Reipubli-
cæ humeros suos admouerint; hanc
tamen supremam Gloriam, quòd
iuuandæ illius curam, infinitis im-
plicitam periculis, profusis ægrè ex-
plicandam sumptibus, *Primus* Sapie-
hano animo sit aggressus; *Solus* sibi
optimo iure vendicat. Peruetustam,
nullisq̃ue casibus ruptam, in Maio-
rum suorum Domo, Fidei in Pa-
triam & Principem constantiam,
non est passus, aut hostilibus arti-
bus,

bus, aut ciuium exemplis, labefa-
ctari. Grassanti impunè Moscho,
Primus aperto campo se ad Bre-
stiam^b obiecit, atque exigua manu^{b 23.}
Orusouum, cum octodecim mil-
libus illi Prouinciæ impendentem,
profligauit. Utinam verò miles,
quàm fidus Patriæ semper fuit,
tam deinceps, à victoriâ modera-
tiore animo, Ducisq̃ue imperijs ob-
sequentiore, ad Wierzchovvicze^{c 27.}
fuiſſet! iam tunc, Parentis Tui
ductu, exactus Lituaniâ totâ ho-
stis, pacata omnia reliquisset. Ad
nuncium Regij in Russiam redi-
tûs, *Primus* in occursum Lituana
signa duxit, atque Succum Lubli-

d Anno
1656.

no depulit. Primus Varſauiam;
nuper Poloniæ Regum ſedem, tunc
hoſtilium optimatum domicilium,
armatis^d cinxit: quo facto & Sue-
ticis capitibus Vitembergio, O-
xeſternio, cæteriſque conſiliorum
adminiſtris, euadendi ſpem præ-
cidit; & ciuitatis arcisque obſi-
dionem, ſuperuenientibus Regijs
copijs, expeditiorem reddidit. Op-
pugnatio ſubſecuta, ſemper eius
conſilia, impenſas, operam, in pa-
rato habuit. Ea ipſa militaris fa-
mulitij audacia, quâ arrogans, per-
tinaxque hoſtis, fractus eſt, atque
ad deditionem compulſus, magnâ
parte, vires animumque, à Paren-
tis

61
tis Tui exemplis, ac largitione,
sumpsit. In pugnâ ad Varfauiam,
in qua Suecus cum Brandeburgi-<sup>e 31. In-
ly.</sup>co, aliquot cohortium impetu, lo-
co motus, fronte aciei & tormen-
tariâ re, desertis, fugam non obscu-
rè respectabat; non ampliùs ani-
mum & prælum resumpsisset: si
per tibiæ ante paucos dies confra-
ctæ dolores, Parenti Tuo campo in-
uehi, auxilia ordinare, gladio, pro
more suo, victoriam vrgere, licuif-
set. Quàm integer illi in agro cor-
pore animus constiterit; argumento
posteris erit: quòd breui perfecerit;
ne hosti ex depulsis campo Regijs
copijs voluptas diuturna esset. Mi-

râ enim celeritate, ingentique sum-
ptu, attrita reparauit signa : atque,
cùm ipse ægritudine excluderetur
à campo, Collegæ ductu, suis auspi-
cijs, hostem ad oppidum Prostki,
f. 4. Oñob. insigni clade fudit ^f, castris ac im-
pedimentis exiit. Post Philipouien-
g. 21. Oñob. sem cladem ² rursùs exercitum re-
parauit : atque resumptis aliquan-
tùm viribus, ipse, Tykocinum du-
xit. Obtinebatur locus ille, firmo
Suecorum præsidio, quod terna
propugnacula, vallo, operibusque,
trium instar diuisarum arcium, per-
munita, atque tormentis instructa,
infederat : vnde vicinas Prouincias,
Mazouiam ac Podlachiam, grauif-
simis

simis excursionibus, infestabat. Ob-
sidio eius nuper ab alijs, irritò, ne
dicam, damno conatu, tentata,
pertinaciam hosti auxerat. Verùm
à Parente Tuo, simul vndique ad-
mota vi, intra pauculas horas^b suc-
cubuit eius fortitudini: cuius cle-
mentiam pridie reiecerat. Inde per
Tribunos suos, Prussiam Sueticas
partes secutam, latissimè euastauit:
quo consilio, vires hostium in se
auertendo, Regi iter Dantisco in
Poloniam apparanti, securitatem
muniuit. Nouo, à Transyluania ex-
orto bello, legiones, quòd nulla illis
è publico stipendia numerarentur,
militiam detrectantes, in obsequio
ẽ 3 de

h Anno
1657.
Febr. 1.

de suo continuit: atque modicâ re-
creatas quiete, in hostem mouit.
Naruiâ & Bugo superatis, Iano-
uiam, Mielnicum, cæterasque Pod-
lachiaæ arces recepit: præsidij Bre-
stiaæ impositi excursiones stitit: Lu-
blinensem oram hostibus eiectis
vindicaui. Rakotzio Vistulam ad
Zavvichostum transgresso, atque
extremam vastitatem, viciniæ om-
ni, ferociter minanti, castra sua op-
posuit: equitatûs populabundi per
obuia grassationes castigauit, repres-
sitque: auxilia Zaporouiorum, hu-
manitate ac liberalitate suâ, Litua-
no nomini deuincta, à Transylua-
no auertit: vniuersum totius exer-
citûs

citûs hostilis robur, solido triduo,
feliciter sustinuit: denique instru-
ctâ pro castris modicâ suorum ma-
nu, hosti victoriæ confessionem ex-
torfit. Quid enim aliud erat Rakot-
zium summam rei aperto prælio
credere non audere? exercitum nu-
merosum, absque certamine, ex a-
cie priorem deducere? quàm, vi-
ctum se fateri. Abeuntem verò, aut
potiùs fugientem, constanter inse-
curus, à lateribus excursores cæden-
do, cohortes tardiùs procedentes
intercipiendo, impedimenta diri-
piendo, tantâ Transylvuanos affli-
xit clade: quantam illi, cùm se pu-
gnæ subtraherent, timuerunt. Parte
copiarum

copiarum equestrium, duce fortis-
simo Tribuno Alexandro Polubin-
ski, trans Vistulam misso, pluri-
^{k Inl. 11.}
^{22.} mum contulit, vt ^k semel iterumq;
Transylvanis à Polono milite cæsis,
intra paucos dies integrè debellare-
tur. Digressus è castris cum suo
domestico comitatu, equestrem
Hastatorum centuriam Brestia ad
Transylvaniæ Principem tenden-
tem, quàm animosè inuasit, tam
fortunatè deleuit. Versis deinde in
Moschos armis, sub conspectu ho-
^{11658.}
^{in Off.} stium, haud procul Vilnâ', castra fi-
xit. Legatorum Regionum securi-
tatem, atque in ijs Regis ac Reipu-
blicæ Maiestatem, sub lubrica per-
iuræ

iuræ gentis fide in ancipiti positam,
 seruauit : destinatas à Georgio Do-
 lhoruki in profundiore Litua-
 niam excursiones stitit : auxilijs è
 Moschouiâ venientibus , viam ad
 Miedniki præclusit : ipsum Ducem,
 cum exercitu, Moschouiam fugien-
 tis specie repetere , coëgit : Min-
 cum admotâ per Legatum suum vi,
 hosti eripuit. Curoniam dolo vicini
 Sueci interceptam, per suas copias
 iniusto possessori^m ademit, Reipu-^{m 1659.}
 blicæ asseruit. Andream Chovvan-
 ski Moscum, ingenio ferocem, suc-
 cessuum nuperorum memoriâ au-
 dacem, quatuor supra viginti arma-
 torum millibus præfidentem, col-
 latis,

1660.
Jun. 28.

latis ad Polonkam signis, " profligavit : atque eodem cursu triumphali, castris hostilibus à pugna loco per aliquot leucas disitis, Victor inuectus, Arcem sui iuris Lachovvicze, nullius hostis possessione violatam, trimestri oppugnatione fatigatam, suis & Reipublicæ vindicavit. Promoto deinde trans Borysthenem exercitu, alterum hostilium copiarum Ducem Georgium Dolhoruki, (qui magis metu quàm vallo exercitum suum ad fluviū Basia clauferat) infestis incursionibus in apertum elicit, ausumque aciem ad prælium instruere, toto equitatu^o mulctavit. Verbo rem complector.

x
complector. Quidquid redux in Pa-
triam, aut seruatum aut restitutum
per Lituaniam reperisti : totum id
integrè, Parenti Tuo ante alios, de-
bemus vniuersi ; debebitque poste-
ritas, illum verè Patrem Patriæ æ-
ternum prædicatura. Hæc, aliaque,
Parentis Tui amplissima erga Rem-
publicam merita ; Aui item Tui
IOANNIS SAPIEHA, triginta vi-
ctorijs, Triumphatoris Moschouiæ
titulos prætergressi, gesta, explica-
tiùs tertia Historiæ pars daturæ est:
interea tamen accedenti Tibi ad
Rempublicam, præclaris Maiorum
Tuorum consilijs, atque factis fir-
matam & auctam ; Sapiehanæ Do-
mûs
ĩ 2

mûs gloriam, in Parentis Tui pro
Deo & Republica intra decennium
actis, sub compendio strictim re-
uocare libuit; vt ad magna aspi-
ranti, Maiorum vestigia præ oculis
essent. Sequere igitur Duce Paren-
te Maiores Tuos: perge ad summa
Sapiehanis passibus: imple spes om-
nium, atque inprimis Nomen SA-
PIEHÆ, quod semper in Hostes
fulmen, pro Patria scutum, au-
dijt, fuitque. Hoc ego, priuatus
quidem, voueo, sed ex publico bo-
norum sensu, ac præsertim paren-
tis meæ, minimæ Societatis IESV:
quæ prius quàm potuisset suis offi-
cijs, debitam Tui Nominis venera-
tionem,

tionem, testari; iam te Sapiehano
præiudicio Patronum suum expe-
ritur: atque vt eo deinceps fruatur
glorieturque, se atque sua pro Tua
incolumitate, atque felicitate, me-
cum deuouet.

ILLVSTRISSIMÆ CELSITVDINIS TVÆ

Cliens indignus

ALBERTVS WIIWK
KOIALOVVICZ.
Societatis IESV.

73

FACVL-

FACULTAS

R. P. PROVINCIALIS.

Ego infra scriptus Societatis IESV, per Prouinciam Lituaniam, Præpositus Prouincialis, potestate mihi ad id factâ ab Admodum Reuerendo Patre Nostro Ioanne Paulo Oliua Vicario Generali, facultatem concedo, vt, HISTORIÆ LITVANÆ pars altera, à P. Alberto Koialowicz scripta, & ab aliquot eiusdem Societatis Theologis, reuisa ac approbata, typis mandetur. In quorum fidem, has literas manu mea, & consueto Officij sigillo munitas, dedi. Grodnæ 9. Septemb. Anno Domini 1663.

IOANNES RYWOCKI.

APPRO-

APPROBATIO CENSORIS.

R P. Alberti Wiiuk Koialowicz S. Iesu Presbyteri
 S. Theol. Doctoris Historiæ Lituaniæ pars alte-
 ra à R.R.PP. Societatis Iesu ad hoc deputatis examina-
 ta, poterit typis excudi & publicari, utpote nihil conti-
 nens quod fidei Catholicæ Romanæ aduerfetur. Datum
 Antuerpiæ 26. Iun. 1668.

ALBERTVS VANDEN EEDE
 I. V. L. Protonot. Apostolicus Cano-
 nicus & Archidiac. Antwerp. Libr.
 Censor.

SVMMA

SYMMA PRIVILEGHII REGII.

CAROLVS Dei Gratiâ Hispaniarum Indiarumque
&c. Rex Catholicus, Archidux Austriæ, Dux
Burgundiæ, Brabantiæ &c. Serenissimus Belgarum
Princeps, diplomate suo sanxit, ne quis librum, cui
titulus est, HISTORIÆ LITVANÆ pars altera
Auctore R. P. Alberto Winiuk Koialowicz Societatis
IESV, citra Iacobi Meursij Typographi Antuerpien-
sis voluntatem vlllo modo in Belgio, intra nouem an-
nos proximos, imprimat, aut alibi terrarum impres-
sum in has inferioris Germaniæ ditiones importet,
venalemque habeat. Qui secus faxit confiscatione li-
brorum, & pro singulis exemplaribus peregrinis huc
illatis, triginta florenorum pensione multabitur :
vti latius patet in litteris datis Bruxellæ, die xx Apri-
lis, Anno M. DC. LXIX.

Signat.

LOYENS.

HISTO-

1.7.384

XIII

HISTORIÆ
LITVANÆ
PARS ALTERA

DE REBUS LITVANORVM

Post coniunctionem Lituaniæ cum Poloniâ,
ante vnionem earundem gentium.

LIBER I.

DE REBUS LITVANORVM

An. Dom.
1387.

Sub Principe Casimiro I. Skirgelone.



Utatâ nuper Reipublicæ formâ, cùm
Poloniæ sese adiunxere Litvani; tran-
quillitas Lituaniæ, Principis sui in Re-
gem Poloniæ fide, maximè consiste-
bat: atque eo fortè imprimis respectu
CASIMIRVM Skirgelonem sibi suffe-
ctum, Magnum Lituaniæ Ducem, Rex IAGLO, re-
nunciârat. Quamquàm enim inconstantiore animo, re-
pentiniſque in ferociam affectibus, CASIMIRVS eſſet:
A à na-

Casimirus
Skirgelo
M. Dux
Lituanie
creatus.

An. 1387 à natura tamen proclivis in ea vitia, quæ otio aluntur, illi genitus, non vanam spem faciebat; pronius fore, ut recentem illam supremi Magistratûs potestatem, magis in luxus materiam, quàm in occasiones novandarum rerum infumat. At, quæ humanorum consiliorum ratio est propè perpetua, ut quæ tanquam optima eliguntur ab ignavis futurorum, plerumque malorum fontes contineant: tandem ea spes, ingentibus dispendijs Lituaniæ constitit. Nam licet Casimirus Romanis sacris, simul cum Rege fratre, Cracoviæ initiatus fuisset; nihilominus instituto Russorum, inter quas adoleverat, Græcis ritibus addictior, Catholicæ religionis apud subditos populos promouendæ negligens, curam eam aut omnino dimiserat, aut ad postremas relegarat. Neque intentior in eam Reip. partem, quæ civilia negotia complectitur: dies solidos per commestationes ducere solitus, cum ex crapulâ rarò sibi sufficeret, publico propè nunquam par erat. Conuiuiorum exitus, plerumque cædibus funestabat: nam aut longè ante conceptas suspiciones feralibus inter calices sententijs in capita, vindicabat; aut si quæ fortuitò ad mensam offensæ occasio dabatur, ipse per se repentino ictu aliquem conficiebat: quò mortis genere, multi familiarum Principum leuissimas causas luerunt.

*Vitoldus
rebellat
Casimiro.*

Ab his vitijs, meritò plurimis inuisus proceribus, Vitoldo ultra commune odium, prætensionem novorum motuum dedit. Agebat is Luceoriæ, vir animo ingenti, neque minore ambitione: atque hinc non tam ad vitia

vitia Casimiri, quàm ad dignitatem eius moderatè fe- *An. 1387*
rendam, plane imbellis: pensabat tacitus, sua in lage-
lonem, & Lituaniā merita: quæ ut magna certè erant,
ita maiora apparebant oculis affectu vitiat. Possidebat
quidem lagelonis beneficio amplissimas Prouincias,
Samogitiam, Podlachiam, Polesiam, partemque præ-
cipuam Volyniæ: sed hæc infra merita æstimabantur,
quia infra votum erant, supremam Lituaniæ Præfe-
cturam, titulosq; Magni Lituaniæ Ducis, ambienti. Do-
lere itaque se ea spe delusum, quâ ante aliquot annos
ostentatâ, ad amicitiam Prussorum eiurandam, illectus
fuerat. Ab eo dolore, simul irâ in lagelonem, & inuidiâ
in Casimirum plenus, bellum moliri cœpit, occupandi-
que Principatûs consilia. Augebat animos, quod & pa-
lâm multos factioni accessuros, & priuatim facinus
suum nemini procerum non probandum speraret. Quæ
enim omnis rebellio meritò damnanda habet, ea po-
pulus odio aut metu Principis obcæcatus, aut difficul-
ter perspicit, aut faciliè dissimulat.

Initium motui sumptum ab inuasiōe Vilnæ: quæ *Vilnam*
vrbs, & genti vniuersæ caput, & Magno Duci sedes. *conatus*
Gerendæ rei opportunitatem aperuerat Casimiri ab- *occupare*
sentia. Polociæ enim, qui locus leucis quinquaginta *reijcitur.*
Vilnâ distat, Casimirus versabatur. Vitoldus ratus per
Principis abitum negligentius res Vilnæ administrari,
cum modicis copijs, raptim lectis, Vilnam aduolat. In-
gressu arcium à præfidiariis prohibitus, vim semel, ite-
rumque adhibet: sed vtrâque vice à ciuibus & Polonis,
quibus

An. 1387 quibus præsidium constabat, reiectus est. Vbi astus frustra fuit, proditis iam consilijs, ad apertum bellum comparandum necessitate ipsâ deuenit: certus, & Casimirum arma contra se correpturum, & Iagelonem Regem auxilia è Poloniâ maturaturum. Podlachiâ, ac Polesiâ, quàm maximè poterat, munitis, valida ex Germano milite præsidia, per Grodnam, Surazum, Brestiam, Cameneciam, aliasque arces partitus, ipse cum coniuge, familiâ, pretiosiore suppellectili, suæque factionis capitibus, in Mazouiam, ad Ianusium, & Semouitum Duces, affines suos abiit. Ab utroque ita acceptus est, ut ingratum hospitem se esse non difficilè sentiret: sic enim illi sua in profugum officia temperabant; ut metus, incuriosè celatus, latere non posset, quo & ab inquieto Vitoldi ingenio, & ab offensâ regiâ sibi providebant, intenti, ne ancipiti surgentis belli causæ, res suas aliquo modo immitterent. Infanum enim profectò est, bella suis auxilijs inter eos populos alere, è quorum pace plùs commodi speres. Desperatis ab ea parte auxilijs, in aliam circumegit consilia Vitoldus: secundiorum votis suis portum quæsiturus, ad Prussos transijt. Ibi uti sperauerat, apud Conradum Zelnerum Ordinis Magistrum, consilijs suis stabiliendis, omnia expedita reperit. Quamquam enim Urbanus IV. Pontifex summus, literis ante annum datis, tum Regem, tum Equites Crucigeros ad colendam mutuò pacem, grauiter fuerit cohortatus: Zelnerus tamen belli occasionem non illibenter arripuit. In speciem commiseratione
exulis,

*In Mazo-
uiam su-
git:*

*ex Mazo-
uia in
Prussiam.*

andisp

A

exulis, quidquid bello opus esset, abundè offerebatur: *An. 1387*
 caterum, quod res erat, cupiditate ac spe ditionis per
 Lituaniā proferendæ, miles sumptusque belli, satis
 promptè à Conrado addicebantur. In plano erat non
 dari, sed vendi auxilia, lucro omni tandem ad Cruci-
 geros redituro. Primum eorum officium iacturâ Sa-
 mogitiæ constitit: nam Vitoldo ab initio belli pecunijs
 egenti, non priùs trecenta millia *Koparum* (genus
 Lituaniæ monetæ est, quod nunc sextam imperialis
 nummi partem quinques continet) annumerata sunt,
 quàm vniuersæ Samogitiæ possessionem, pignoris no-
 mine Crucigeris consignasset.

Fœdere completo, ad infestandos finitimos Litua- *Bellum in*
 niæ agros, bifariam prædabundæ immittuntur legio- *Prussis*
 nes, per Memenum è Prussia, è Liuania per Dunam, flu- *Lituaniæ*
 uios. Graue bellum ab externis viribus, non tamen om- *inset.*
 nino formidabile; quòd sæpiùs ante Crucigerorum co-
 natus Lituanijs armis repressos esse, populus meminif-
 set. Longè magis domestica dissidia periculum exage-
 rabant: multi enim Equites, Proceresque apertè Vi-
 toldo fauebant, neque ex vano metuebatur, fore ut in
 dies, longè plures proderent Casimiri parres. Rex Ia-
 gelo acceptis nuncijs, quo statu res Lituaniæ essent,
 multum à Vitoldi artibus timebat, neque minùs à Casi-
 miri ignaviâ. Celerrimis itaque itineribus, expertum
 bello virum, Nicolaum Moskorouium Regni Procan-
 cellarium, rebus necessarijs, atque aliquot Polonis co-
 hortibus instructum, in Lituaniā mittit. Casimirus
 quoque

An. 1387 quoque non dubius molem belli eò vertendam, vbi
 summa & præmium victoriæ esset, lectis properè præ-
 fidijs Vilnam firmavit: Moskorouio, præfidijs, vrbis,
 arciumque præfecturam, atque adeò vniuersam belli
 administrationem tradidit. Vitoldus ingenti per agros
 vastitate editâ circumferens latè bellum, priusquam
 Vilnam perueniret, quarto inde milliari ad Trocos
 confedit: non tam oppugnandi eius loci necessitate,
 quàm vt contractis isthic è populatione copijs, totâ si-
 mul vi, ad caput belli progrediretur. Conatus est ta-
 men intereà, extemporaneâ operâ, arcibus oppidoque
 Trocensi potiri: sed duplici assultu inter damna suorum
 amisso, rem infectam deseruit: veritus, ne quantum il-
 lâ morâ suorum vires animique attererentur, tantum
 spatij permuniendæ accuratiùs Vilnæ relinqueretur.
 Subita siquidem vis, & integris animis illata oppugna-
 tio, meliores successus habere solet. Vilnam motis ca-
 stris, per imminentes vrbi à meridie montes ducto ex-
 exercitu, à tergo arcium, ab Oriente inter montem & flu-
 uium Viliam (quem locum vulgari linguâ *Antakalnic*,
 id est, ante-montanum dicimus) fixit tentoria. Trocis
 venienti prima ciuitatis mænia in conspectum occurre-
 bant, sed eius oppugnationem prudens neglexit, siue
 alio quopiam consilio, siue quod indicaret eius expug-
 nationem, & aliquantò operosiores, & parum vtilem.
 Nam quod copiosus satis miles in ciuitate haberetur,
 facilè pars hostem à mænibus arcere, pars per loca eru-
 ptionibus commoda, latera oppugnantium infestare
 potuisset.

*Trocos pri-
 mum irri-
 to conatu,*

*deinde
 Vilnam
 oppugnat.*

supponit

et A.

potuisset.

potuisset: expugnata verò ciuitate, tantumdem negotij
superfuisse, in oppugnandis arcibus, in quibus solis
quidquid bello illo petebatur, conclusum habebatur.
Superiorem arcem satis editi, ac prærupti montis iugo
incumbentem, Polonorum præsidium obtinebat: infe-
riorem, quæ ad radicem montis sita, Vilna flauio cin-
gitur, Lituani miles tuebatur. His arcibus sæpius ten-
tatis, cum præsidiorum virtus, omnem eius conatum
vinceret, obsidionem soluere, exercitumque in Prus-
siam reducere coactus est. Redibat quantum spolijs lo-
cuples, tantum spe suâ minor, animoque egens: quod
non prædæ, sed dominationi obtinendæ, eâ expeditio-
nem suscepisset. Crescente in horas animi ægritudine,
inter varias, quæ mentem subibant, cogitationes flu-
ctuare: ex inauspicatis primis successibus longè aliter,
quàm ante, de vniuerso bello, ominari. æstimare secum
constantiam Procerum pro Casimiro, & Rege: inspicere
penitiùs, quàm ægrè, quàm lubricâ fide à Crucigeris
auxilia suppeditarentur, trahendo tantum bello suffi-
cientia, non autem necessaria eius dignitati asserendæ;
propriam nimirum rem magis, quàm eius agentibus:
suspiciari, quod possit adhuc Iagelo permoueri, vt abro-
gatâ Casimiro præfecturâ, fasces Lituaniæ ad Vitol-
dum transferat.

An. 1387

Varijs cõ-
silijs agi-
tatus,

Quare, siue pertentaturus tantum sententiam Iage-
lonis, siue aliunde edoctus, quid ab eo sperare posset,
per occultos fidosque nuncios in eam sententiam Re-
gi scribit. Funesti belli, quod Lituaniam, miserè nunc
exerceret

Regi Ia-
geloni re-
cõsiliatus.

An^o 1387 exerceret, se militem esse: Ducem verò, & facem; ipsum Casimirum Skirgelonem: cuius vitij, omnes quidem ad indignationem, se verò uti cæteris Litvani nominis amantiores, etiam ad arma actum, iam eò usque prouectum esse. Porro ne ulterius pergeret, adhuc in Iagelonis potestate relinqui. Lituaniam perditam, neque umquam se voluisse, neque nunc cupere: illud solum hætenus Crucigerorum auxilijs tentasse, ut Casimiro exacto, Lituaniam non sibi, sed Lituaniæ ipsi assereret, quam sub ignauo Principe, pessum ire nemo non videret. At verò postquam comperisset Crucigerorum consilia in perniciem Lituaniæ intendi, paratum se esse ad arma odio Casimiri sumpta, amore Iagelonis & patriæ ponenda: modò Iagelo ipse, Fratrem se potius habere mallet, quam Hostem. Non actorum pœnitentiâ, sed agendorum desperatione Vitoldus ista agebat: quare, cum idem omnino, quamquam alijs artibus, querere constitutum esset, pax neque longa, neque fida sperari poterat. Nam veluti magnetis attractu vitiata acus, extra debitam stationem nequit conquiescere: ita animus ambitionis malo semel agiratus, nescit, ante destinatum vestigium quietè consistere; neque prius consilia in omnem partem versare desinit, quam votum occuperet. Plana nimis isthæc omnia erant Iageloni: quia tamen metuebat, ne Lituania ac Russia, molesti belli pertæsa, sub potestatem Vitoldi concederet; qui non armis modò palàm, sed tacitis quoque machinationibus res suas clam promouebat: belli impetum, quibusuis

307013K3

uis conditionibus, maturè sistere maluit. Breuiter itaque per literas hortatus Vitoldum, ne inconsultos affectus incitatiùs prosequendo, per patriæ damna, hostium cupiditatem saginaret; iniectâ etiam spe Principatus; respondit: Pacem non Lituaniæ modò necessariam, sed & ipsi Vitoldo honorificam; optatissimam sibi esse.

Ambientibus, nihil faciliùs, quàm spes; nihil promptius, quàm fides: cùm ea promittuntur, quæ cupiuntur. Vitoldus complexus animo veluti certissima, quæ à Rege acceperat scripta, inchoatis consilijs insilit, quæ se suosque ex Prussia euoluere posset, intentiore curâ vestigat: nam siue proprius impetus, siue Crucigerorum artes, ita eum implicuerant, ut huc atque illuc versanti animum, vix aliquid succurreret, quod in rem opportunè conficiendam, vsui fore videretur. Tantum momenti est, ad ipsa fæderum initia præuidere mente, quomodo amicitias cum hostibus inchoes: ne fortè eò vsque deferaris; vnde cùm hostem iterum expertus fueris, quâ pedem efferas, non reperias. Tandem ut erat prompto versatiliq̃ue ingenio, istud consilij commentus est. Coniugem cum imbelli familiâ, suppellectili quæ oculis patebat, immotâ, velut ad recognoscendam per attributa à Crucigeris prædia rem familiarem, propediem redituram dimittit. Ipse paucis post diebus Magistrum Ordinis clam adit, secreti specie auctoritatem figmento facit: confirmat se insignem Lituaniæ cladem animo concepisse, cuius momenta

A. 1387.

A. 1388.

Fugam ex

Prussia

adormat.

B

celeri-

A. 1388. celeritate ac silentio constarent : eam ob causam , sibi ac militibus ad leue ac volatile expeditionum genus assuetis , quales soli sui essent , negotium totum demandari poscit. Facilem habuit ad ea magistrum , suapte cupidum , ut per nouas Lituaniæ iniurias , exulceratis amplius offensis , quò difficilior redderetur cum Rege Iagelone concordia , firmior cum Crucigeris seruaretur amicitia. Arma ergo suos , annonam in plures dies , & quidquid subitæ excursioni opus , expedire iubet : ipse singula ita moderari , ne vel impedimentis sui onerarentur , vel Crucigeris suspicio fugæ præberetur. Digressus Mariæburgo diuersâ viâ ab eâ , quæ ad prædium ducebat , mox iter flexit : coniugem ex destinato ad omnia intentam , cum gaza , è prædio abripit ; atque cursu prope in propinqua Samogitiæ euadit : inde verso in Podlachiam , quàm suis præsidij obtinebat , itinere , per confinia Prussiæ , Iurborgi , Neihausij , Mergenburgi , amici specie acceptus , gregarium Germanorum militem trucidauit , arces spoliatas exussit , Præfectos abduxit. Grodnam , suæ ditionis oppidum delatus , celerrimis nuncijs Iageloni scribit. Regis patriæque causâ , non amicitias modò Crucigerorum se recidisse , sed etiam veteres inimicitias nouis cladibus restaurasse. Quàm vera scriberet , integrâque fide ageret , Crucigeros ipsos argumento fore , quos in finitimis Præfecturis ab se captos Regi mitteret. Quare , quoniam quæ Rex postulare potuisset , ea ipse iam longè exaggeratiùs præstitisset , orare : ut quæ sibi promissa fuerant ,

*Magnum
Lituanie
Ducatum
ambit.*

rant, ex fide præstarentur. Amoueretur Lituaniæ Præ- A. 1388,
fecturâ homo superbiâ suâ nemini ferendus, quantum
in hostes ignauus, tantum in suos cruentus. Ut verò eo
eiecto, sui ante alios Rex rationem habere velit se ta-
cente, satis fore, si fidei datæ meminisset. Esse quidem
illi germanos: sed hos solo sanguinis iure; se veteris er-
ga Regem amicitiae, meritorum in patriam ipsiusque
regij promissi, præiudicio, ad eius in primis beneficen-
tiam, tum ad Magni Lituaniæ Ducis titulos audere
niti.

Gaudebat Rex solutâ inter Crucigeros & Vitoldum,
armorum societate: at ne pura ea voluptas esset vacua-
que curis, postulata Vitoldi corrumpebant, immodicæ
solicitudinis materiâ. Nam neque Casimirus repente
Principatu moueri, neque alij fratres Regij posthaberi,
neque Vitoldus aperte repelli, absque nouorum mo-
tuum metu poterat. Illa tandem regi cura probata, sus-
ceptaque est: ita literis ac promissionibus Vitoldi spes
sustentare atque tractare, ne qua repulsæ opinio porri-
geretur: quin imò persuaderetur, Regem haud impru-
denter veritum, ne violentis consilijs nouas seditiones
concitaret, in occasionem, exequendo commodam in-
tentu, nihil nunc abnuere, sed & postulata eius & pro-
missa sua, aliquantum differre. Siue ita animo Rex con-
stitutus reuerâ fuerat, siue etiam ad confirmandum in
amicitiâ Vitoldum, dissimulanter magis, quàm verè
ista dicebantur: Vitoldus certè spes suas, vota que non
diu quæta tenuit.

Rege ad
petita eius
tergiver-
sante,

sursum Re-
gi offendi-
tur:

A. 1388.

Moræ impatiens, neque minùs procrastinatione offensus, quàm si apertè repulsus fuisset, ad ingenium facilè redijt. Principatum Lituaniæ imprimis altu, tum si is irritus abijsset, vi inuadere constituit. Non remedia, sed incrementa, à tempore veniunt ambitioni: quemadmodùm amnes, si obiectum aggerem collectis exaquant aquis, perrumpunt; ita ambitio, morâ repressâ, crescit, & nisi ab aduerso obiectâ potentiâ spes omnis superetur, tamdiu audet, donec perfringat. Vitoldus: commodumque per id tempus acciderat, vt de nuptijs inter Henricum Mazouiæ Ducem, & Ringailam Vitoldi Sororem agi, fama spargeret. Occasione enim inde sumptâ, vulgat connubiali pompæ delectam esse Vilnam: vbi rumor variè sparsus, ita inualuit, vt fabula satis superque fidei apud plerosque haberet; delectam è nobilibus in facinus expeditis manum præmittit, quæ sparsim intra ciuitatis mænia recepta, signum ad vim expectaret. Destinato inuasioni die, trecenti currus, rebus apparando conuiuio necessariis onerati submituntur, quibus quadringenti viri occulebantur, præter curruum rectores, agrestes quidem illos, at in pugnam comparatos. Omnia ad fraudem scitè instructa, nullum suspicioni locum relinquebant. Solum Vitoldi nomen satis per se suspectum, tergiuerfandi aliquam occasionem, simulque detegendæ fabulæ initium dedit. Cum enim à Præfecto curruum, de admittendis in arcem curribus, deponendisque oneribus, animosius

Vitoldi

*Vilnam
occupare
nisiur
ajtu.*

Vitoldi nomine agitur; portarum custodes, obstinatiùs A. 1388.
 moras neunt: interea pramissi nuper Nobiles, vel in-
 solitâ circa portas concursatione, vel nimia solitudine
 (plerumq; enim ex curâ, quibus doli anxie teguntur, in-
 de se maximè produnt, vnde nimium cauent) seu alio
 quopiam indicio, præsidiarijs, præsertim Polonis, su-
 spicionem astûs mouerunt. Cœperunt itaque curiosius Irrid. enē-
tu.
 excuti currus: armati deprehenduntur, atque cædun-
 tur: soli equites, qui extra arcem agebant, sub ipsa ini-
 tia detectæ fraudis, maturè suat elapsi. Vitoldus hoc co-
 natu infelicitèr abeunte, tanquam non elusum dumta-
 xat telum esset, sed etiam in auctorem remissum, quan-
 tum dolere, tantum furere: rursus arma, cædes, animo
 præcipere. Quod verò his affectibus priuatæ opes non Quare
rursus ad
Crucigeros
transit.
 sufficerent, veritus ne repentino bello inde à Iagelone,
 hinc à Casimiro interclusus opprimeretur, ad fœdera
 Crucigerorum, iteratò maturauit: vnicum eâ tempe-
 state perfugium omnibus, qui contra legitimos Litua-
 niæ Principes aliquid tentaturi, viribus egerent. Infidus
 vicinus, fomes erat rebellionum. Vix fidem apud le-
 ctorem res reperiet, post tot delusiones, aut Prussos Vi-
 toldo amicitiam postulanti credere potuisse, aut Vitol-
 dum sperasse eos credituros: at vtilitatis spes maximam
 quiduis persuadendi vim habet. Certè Conradus Va-
 lerodus Ordinis Magister, Zelnero vitâ functo, succes-
 sor datus, auidè hanc subigendæ Lituanie occasionem
 arripuit: quare militem, omnemq; operam Vitoldo
 liberaliter obtulit. Quibus conditionibus nouum illud
 fœdus

A. 1388. foedus coaluerit, proditum non reperio. Vitoldus quàm primùm à Magistro responsum accepit; cum omni familia, præcipuis Procerum utriusque suæ fortunæ socijs, ac præsertim Ioanne Algimundo Duce Holsano in Prussiam se contulit: ubi integros deinde duos annos exegit.

1389. Nihil tamen interea hostile à Crucigeris in Lituaniam motum esse, argumento sunt, monumenta foederis inter Lituanos, & Robinum de Eloz, Magistrum Equitum Liunionensium icti. Sub idem tempus Demetrio Corybuto dominium in Seueriensem Principatum, confirmatum est, à Jagelone Rege. Verùm prius, viri Seueriæ Principes, Demetrii legati, Dauides Russanus, Basilus Toroszcraius, & Gregorius Niesvicki, suam Principisq̃ue sui fidem, Jageloni iureiurando obstrinxerunt: sanctè polliciti, Demetrium semper in obsequio regis mansurum; quod si is aliquo euentu à regno Poloniæ, aut Rege deficeret, Seueriam illi auxilia non ministraturam. Pari iure Simeoni Linguenio Mischlauensi Duci, Jagelonis Germano, ditio magnæ Nouogardiæ concessa est: quo nomine Simeon Regi ac Regno fidelitatem iurauit. Vitoldus verò, ut eò magis hostilem animum dissimularet, quò intentius bellum cogitabat, nouâ cum Casimiro amicitia inita, promissisque contra quosuis hostes (dempto solo Jagelone) auxilijs, fallaci illâ securitate, ignaui Principis periculum auxit.

1390.
Vitoldiani
insestant
Lituaniam,

Ad ipsum enim initium proximi anni, dum maiore mole

mole bellum in æstatem paratur, milite per Prussiam *4.1390.*
 ac Germaniam conscripto; subitis agrorum vastationi-
 bus, ab ijs maximè cohortibus, quas Podlachia præsi-
 dio Vitoldus reliquerat, præludi cœpit. Neque Litua-
 næ solum, sed & Polonæ ditionis agri infesti habeban-
 tur. Indixerat Iagelo quoque delectum per Lituani-
 am: sed is lentius procedebat. Quare nobilitatem prius Po-
 lonam Iagelo in Podlachiam contra Vitoldianos duxit. *Rex Iage-*
 Nam & ad arcendas à Minore Polonia prædas, & co- *locum Po-*
 pias in Lituaniam moturo, necessarium erat vniuersâ *lonis in-*
 prius Podlachia, ac Polesiâ Vitoldianos eijcere: quod ea *erat Pod-*
 media inter Poloni Lituaniq̃ iuris Prouincias, si ab *lachiam.*
 hoste obtineretur, haud leuia incommoda militi, hinc
 inde commeanti, allatura procul dubio esset. Neque
 minùs momenti ad accelerandam expeditionem ad-
 didit metus, ne quantum Rex quiesceret, tantum Vi-
 toldi, factio per Lituaniam & Russiam virium sumeret:
 cum nutantes Procerum animi in eas partes procum-
 berent, in quam ostensis armis impellerentur. Bre-
 stia imprimis regiùs exercitus admotus est: arx ac ciui-
 tas intra decem dies Regi cesserunt: Rex, præfecturâ *Brestiam*
 Brestianâ Hincæ Rogovvski commissâ, cum bellum *expugnat.*
 victoriamq̃ vltèriùs promouere contendit, militari se-
 ditione retardatus est. Suscepta quippe erat expeditio
 infestâ adhuc anni parte, cum Februarius decurreret,
 mensis ante alios, per vicina Septentrionibus loca, hye-
 me peracutâ sæuire solitus. Impatiens eius mali Polono-
 rum exercitus, molestam, atq; vix ferendam liberis ho-
 minibus

4.1390. minibus militiam detrectabat : missionem flagi-
 tans eò contumaciùs, quòd non stipendijs auctoratus
 esset, sed ex veterè harum gentium instituto, publico
 equestri ordinis tumultu, lectus. Dimissis hisce copijs,
 Rex viribus longè minor, animo tamen integer, solo
 aulico comitatu, & voluntariam militiam professis, Ca-
 menecum aggressus est. Nongentos non excedebant
 omnes sub signis : virtute nihilominus Ductoris, ac mi-
 litis, in vices numeri subeunte, parum negotij fuit in eij-
 ciendis inde Vitoldianis. Cameneci Zindramo Masko-
 vvski Regni Enisfero, ad locum præsidio obtinendum,
 relicto, signa reliqua Grodnam mota. Habebat Grod-
 na, præter ciuitatem, arces duas, operibus ac milite
 Germanico contra vim validè instructas : quare tamdiu
 ab oppugnatione cessari debuit, donec Lituanarum le-
 gionum accessione, quas haud procul abesse nunciaba-
 tur, exercitus augetur : interea tamen paucis licet co-
 hortibus per Nemenum transportatis, clausa sunt itine-
 ra, ne inferendæ annonæ commoditas in arcem pate-
 ret. Paucis post diebus regij Fratres Casimirus Skirgelo
 vniuersæ Lituanæ ac Russiæ, Volodimirus Kiiouia,
 Corybutus Seueriæ, Duces, cum validis copijs in castra
 peruenerunt. Rex ergo eas copias trifariam partitus,
 arctatâ vndique obsidione, infestius è propinquo obses-
 sos vrgerè cœpit. Vitoldus etiam neque sibi, neque suis
 deerat : vbi audiit Regem cum exercitu in Podlachia
 esse, captisq; Brestia & Cameneco Grodnæ instare,
 lecto quàm primùm per Prussiam milite, Grodnam re-
 età

Etâ duxit: castris in aduersa ripa Nemeni, sub arcis re- 4.1390
 giorumque conspectu, positis, incertum quo consilio
 ad excitandum editum tumultum, muniendumque in
 eo propugnaculum, primas operas conuertit. At regij
 obstinatius oppugnationem vrgebant, quòd ob pro-
 pinqua hostium auxilia, pronius esset cuique vereri, ne
 importatis in arcem validioribus præsidij, annonâ, ac
 vario missilium genere, obsidio pænè perfecta, aut in
 irritum omnino abiret, aut obsidentibus, quàm obses-
 sis, grauior redderetur. Inualescebat enim in dies per
 regia castra fames, militi iumentisque exitiosa: ex va-
 statis circumquaque agris nihil annonæ pabuli que ha-
 beri poterat: plerique agresti pane, ex integris spicis
 contulis confici solito, vitam agrè sustentabant: equis
 verò aut folia arborum sub niuibz collecta, aut stra-
 men calis rusticanis detractum, idque quatuordecim
 inde leucis quæsitum, pabuli loco erat. Cum hoste si-
 mul, & tot malis, miles confligebat: quare vt quàm
 primùm debellaretur, ipse metus trahendi belli, vel in-
 uitos animabat: & iam in ferioris arcis vallum regij non
 incruento successu obtinuerant, Vitoldo suorum cla-
 dem ab altera ripa inspectante; rapido enim præalto-
 que fluuio, vti his mensibus accidere solet, à suis abstra-
 ctus, tantùm spectare regios cogeatur. Vbi tandem
 obsidionem ad discrimen superioris arcis loco editiore
 sita, redactam aduertit, opem periclitantibus matu-
 rare & extemporaneo ponte militem conari transpor-
 tare. Vtramque Nemeni ripam crassiore ferreâ catenâ,
 inter

Vitoldum
 à ferendo
 subsidio
 arces.

C

flagi-
 oratus
 ablico
 copijs,
 solo
 is, Ca-
 lebant
 ac mi-
 in eij-
 lasko-
 odum,
 Grod-
 milite
 amdiu
 um le-
 ciaba-
 cet co-
 itine-
 pate-
 cirgelo
 iouia,
 castra
 artitus,
 obsef-
 ue suis
 llachia
 nstare,
 iam re-
 età

4.1390. inter castrorum propugnaculum, portamque arcis iungi iusserat: tum naues anchoris, palis, & catenâ contra aquarum vim obfirmatas exiguis interuallis seiunctas, trabibus transuersim iniectis colligari, ac tabulis insterni. Prope absoluebatur opus, quando ingentes rates, à regijs confectæ, ac secundo flumine, magno cum impetu in pontem illatæ, catenam ruperunt, ac plerasque naues cum operis, ac milite submerferunt. Vnicus natandi non imperitus, ne quidquam Germanis ab arce clamantibus, vt mergi se potius pateretur, quam salutem hostili in ripa quæreretur, quâ propior ripa certiores vitæ spem promittebat, ad regia castra euasit. Ad Regem introductus, quàm arctæ res in arce essent, quantum Vitoldo militis, quidûe consilij, exposuit. Instare itaque acrius Rex, & continuis oppugnationibus obsessos fatigare. Vitoldus, tanquam si vniuersa iuuandæ arcis spes nauibus fuisset vecta, simulque cum ijs fluuio hausta, non pontis modò, sed & spei omnis iacturâ factâ, in Prussiam cum suis redijt. Neque præsidarijs, post desperata auxilia, diu pertinacia fuit. Quinquagesimo ab inchoata oppugnatione die, arcem regi permiserunt. Rex Grodnâ receptâ, in Maiorem Poloniam abiit, tuendæ contra vteriores Vitoldi progressus Lituaniæ curâ, Casimiro Principi demandatâ. Secuta paucorum dierum quies, ingentis belli procellam, maturefcente iam messe, adultaque æstate, effudit.

*Grodna
petitur.* Lencestræ Dux Henrici Angliæ Regis filius, & Algardus Hohensteinianus Comes in Prussiam venerant; vterque

*Principes
Christiani
contra Li-
tuaniam
militant.*

utrumque religionis specie, ad honorariam militiam per- A. 1390
tractus: prior Anglos, Scotos, Gallos; posterior Ger-
manos, ducēbat. Quamquam enim Lituania, uti iam
memoratum est, Iagelonis operā, ad Christiana sacra,
maximā iam parte accesserat; ea tamen res inter Chri-
stianos Principes obscurior, Crucigerorum præsertim
artibus, habebatur: intererat illorum siquidem, Litua-
nos, adhuc inter Ethnicos censerī, atque ita sacræ mili-
tiæ prætextu Christianos armare, quorum deinde ar-
mis, non iam Religioni, sed suæ per Lituaniā ditioni
stabilitendæ, abutebantur. His exterorum copijs auctus
Valerodus, assumpto qui ex Prussia ac Liuania educi
poterat, milite, iunctis legionibus, quæ Vitoldi stipen-
dijs in Germania conscriptæ fuerant, totā simul mole
opprimendæ Lituaniæ incubuit. Partem exercitūs Va-
lerodus, partem aliam Liuania Magister, tertiam Vi- Agros va-
flant.
toldus ducebant, diuersis itineribus, ut strages latius ex-
cenderetur: postquam vniuersæ copię ab agrorum po-
pulatione circa Caunam conuenerunt, Trocos ductæ
sunt. Oppidum eius loci, atque arces paruo temporis
laborisq; impendio occupatæ, excisæ. Flexo inde ad
Viliam itinere superato fluuio, sub conspectu Vilnæ in
Siskinijs campis, cui nunc loco Soltani-curia nomen
est, confederunt. Opposuit hosti intrepidè regium ex-
ercitum Casimirus Skirgelo, & Lituani ac Russis le- Skirgelo-
nē præli-
fundunt.
ctum, præter paucas Polonorum cohortes, quas Iage-
lo, dum Poloniam repeteret, reliquerat. Pertinaciter
utrimque decertantibus, variantisque fortunæ vicibus,

A. 1390. agri Verkos vsque patentes, campum præbebant. Satis erat animi Skirgelianis ad audaciam, utpote domi suæ rem agentibus: attamen quia numero, & armorum genere, longè infra Vitoldianos erant, postquam prælium cum aurora inchoatum, in meridiem constanter fortiterque pertraxerunt, tandem arenâ excedere sensim cœperunt. Victi planè, neque tamen temerè in fugam effusi. Vilnam se recipientibus, Vilia fluuius occurrebat: ne ergo tumultuaria fugâ, opprimendi ad ripam reliqui exercitûs occasionem victoribus facerent, seruatis quantum fieri poterat ordinibus, recesserunt. Amisit in eo prælio Skirgelo è præcipuis Hlebum Smolensciæ, Simonem Iawnutiadem Zaslauia, Hlebum Constantini Czartorijscensium, & Iuanum Lwowicz, Duces. Qui prælio superfuerunt, instantem victorem fortiter reprimendo, cum Skirgelone, Trocos sese receperunt.

*Vilnam
oppugnat.*

Vitoldus depulsis campo regijs, vniuersas vires ad expugnandas Vilnenses arces, conuertit. Sed expugnationem spe suâ difficiliorem reperit. Nam & obsessi pertinacissimè dimicabant: & Skirgelo properè resecto Trocis exercitu, omnem viciniam hostilibus castris infestam fortunatis excursionibus reddebat. Securos ab externa vi, domestica proditio prope perdidit. Aliqui obsefforum, vel Vitoldianis promissis corrupti, vel odio Skirgelonis furentes, duabus infimæ arcis portis ignem subiecerunt. Munitio è lignis constructa conceptum occultè incendium, periculosius longè in publicum euomuit:

euomuit: cum flamma per pinnas loricaeque manium A. 1390.
 decurrens, prope momento propugnatores depulisset;
 vniuersos verò ancipiti nimium malo inuoluisset. Man-
 suris intra arcem, ab igne, erumpentibus, ab hoste,
 pereundum erat: quatuor, supra decem, capitum mil-
 lia, quæ flammis, quæ ferro interijisse memoratur. Acces-
 sit cladi Dux Constantinus Korigelo, Iagelonis ger-
 manus. Hic ægrè ex incendio elapsus, cum in Germa-
 norum cohortem incidisset, ad Vitoldum perductus
 vitam flammis ereptam, ab hoste seruata, apud fra-
 trem amisit. Vitoldi iussu caput ei amputatum, atque
 in hastili per castra circumlatum, miserabile argumen-
 tum præbuit, plus crudelitatis semper habere fraternas
 inimicitias. Putabat Vitoldus tantâ suorum clade
 fractos oblectos, faciliores se ad deditionem præbitu-
 ros, quare totis viribus oppugnationem vrgebat: præ-
 fertim, quod castelli iugo montis impositi paries Cal-
 uo-monti obuersus, non exigua parte, tormentorum
 ictibus deiectus, viam ad assaultum aperuisse videretur.
 At præfidiarij numero non animis imminuti, nihil de
 constantia remiserunt: omnes hostium machinatio-
 nes Miskorowij indultia, irrita conatu abibant. Mu-
 rorum ruinæ, iumentorum corijs, & faccis lupulo im-
 pletis, ad eludendum hostilem oculum tegebantur: in-
 terea incredibili celeritate, terrâ ceteraque materiâ,
 congestâ occludebantur. Enituit inter primos, eximia
 Narimundi Pinscensium Ducis virtus, qui cum suis
 non solum rudera, quæ igni supererant, inferioris arcis

C 3

fortiter

1390. fortiter retinuit, sed etiam ad ferendas, cum res posce-
 bat, Miskorowio suppetias, in tempore semper ad-
 erat. A Vitoldiano tandem equite ad singulare certamen
 prouocatus, cum animosè magis, quàm feliciter
 decertat, hastili ex equo deiectus, uiuus in potestatem
 hostium venit. Nihilo tamen inde fortunatiùs oppug-
 natio Vitoldo procedebat: sed neque plus fraudes ei
 profuerunt. Miskorowius enim, quos vel suo ingenio,
 vel Vitoldi æstimatione inconstantiores, atque ad no-
 uandas res procliuiiores deprehenderat, ac præsertim
 Russos, omnes ex arce eiecerat. Furere itaque Vitol-
 dus, & tantæ expeditionis in irritum abeuntis dolore
 percitus, cum non haberet, quò impotentis animi fero-
 ciam effunderet, in captiuum Narimundum, plus
 quàm barbarè desæuijt. In proximo prato, pedibus ab
 vlmo suspensum, tormentis telisq̃ue obsessorum obie-
 ctum, ipse suâ manu & arcu confecit. Desperatâ de-
 mum expugnatione, plurimis suorum amissis, atque
 inter primos germano Totiuido Principe, & Algardo
 Comite Hohensteiniano, obsidionem ab VIII. Kal. Iul.
 ad ipsas Oâ. Kal. continuatam soluere coactus, in Prus-
 siam cum vniuerso exercitu redijt. Tantus erat Chri-
 stiani illius exercitus inter redeundum in obuia furor,
 vt ne à templis quidem sibi temperaret: ita nihil sacri
 illis est, qui humanis affectibus in præceptis se agendos
 semel permiserunt. Vitoldus, cæteris copijs dilapsis ad
 hyberna, adiunctis Ragnetenſi & Insterborgenſi præ-
 fectis, vicinam Samogitiam inuasit, sedè isthîc igne ac
 ferro in omnia grassatur.

*Irrito eni-
 tu in Prus-
 sâ rediit.*

*Vitoldus
 Samogitiâ
 vastat.*

Periclitanti Lituaniz subsidium laturus Rex Iage-
 lo, cum exercitu aduentabat; sed tardiùs quàm pericu-
 lum postulârat: nullo itaque ferè alio emolumento,
 præterquam quòd fama venientis, hostem ad maturan-
 dum cum prædâ abitum, permouerit. Itaque subtra-
 cta belli gerendi materiâ, ad componendum afflictæ
 Reipublicæ statum, consilia vertit. Annonæ imprimis
 ex hostili vastitate difficultatem, ex agris bello intactis
 omni frumenti genere abundè conuecto releuauit.
 Tum humanitate ac liberalitate regiâ eos in obsequio
 continere contendit: quos tantarum calamitatum per-
 tæsos, quòd Skirgelonem bello infaustum, pace crude-
 lem odissent, alienatis ab eo voluntatibus, etiam in fide
 erga Regem non obscurè nutare, sermo erat. Misko-
 rowio tamen nullâ ratione persuadere potuit, vt pro Re-
 ge, Vilnæ præflet. Permolestæ, ac prope continuæ ho-
 stium incursationes, maximè verò Skirgelonis arro-
 gantia ac sæuitia, patientiam viri planè profligauerat.
 Substitutus, est illi Ioannes Oleśnicki, studijs militari-
 bus, maiorumque antiquitate, per Poloniam in pau-
 cis clarus. Remanebat adhuc internarum proditorum
 fomes, exosa Casimiri Skirgelonis præsentia. Nolebat
 Iagelo mouere eum Principatu, earum ipsarum ratio-
 num respectu, ob quam Principem creauerat. Verùm
 res ipsa exigebat omnino, vt Vilnâ amandaretur. Libe-
 ralitatis ergo specie in Russiam eum relegauit, auctum
 Kiouienſi Principatu, quem Vlodimiro, fratri natu
 maximo, ademerat. Ianussio quoque Mazouiz Duci
 Drogi-

A. 1396.
 Iagelo Rex
 in Litua-
 niam cum
 exercitu
 tardat.

Reip. sta-
 tum ordi-
 nat.

A. 1390. Droginum, Mielnicum, Bielscum, attribuit ita, ut æquo cum cæteris per Lituaniam Ducibus iure, Regi subesset. Ita Mazouia Ducum opibus, contra Vitoldianas infestationes Podlachia firmata, cæterisque per Lituaniam rebus ex ordine dispositis, Poloniam Rex repetijt.

1391.
Vitoldus
Crucigerus
in Litua-
niã ducit.

At Vitoldo nondum spes omnis capiendæ Vilnæ euanuerat. Nam, ut vis non succederet, proditioni viam non defore videbat. Regij ergo in Poloniam reditûs occasione vsus, suadere institit Equitum Crucigerorum primoribus, ne grauarentur tertio instaurare opugnationem Vilnæ. Secundis auribus acceptus, non multis opus habuit, ut persuaderet. Sciebant nullum exercitum à Rege relictum, qui arcendo apertâ acie bello, par esset. Solam proinde Principatûs sedem, vnicum desperatæ rei refugium, totam belli materiam fore augurabantur. Vitoldus ante alios gaudebat belli reliquum cum ipso Skirgelone Vilnam compingi: quod & moenia infirma, facilè posse capi existimaret, & odium præsentis Skirgelonis, plurimùm apud ciues ad proditionem valiturum speraret. Non minores certè animorum quàm corporum febres sunt: cùm enim nimis affectibus inardescunt, fingunt gaudia, quæ nunquam sunt. Ex insana imperandi cupiditate Skirgelonem Vilnæ, Vilnam absque munitione, Vitoldus somniabat. At iam Skirgelo Kiiouia agebat. Olesnicius verò exustis vicinis arcibus, plebe omne intra infirmæ arcis sepimenta receptâ, locum vndique varijs operibus,

ribus, contra hostilem vim egregiè permunierat. Spe
tamen plenus Vitoldus, ingentes copias, varijs machi-
nis oppugnando necessarijs instructas, terrâ atque ad-
uersis fluuijs Nemenô ac Viliâ deduxit: ac ne tempus
minore pretio tereret, ad caput rei admouit, Vilnâ ob-
sidione cinctâ. Germanorum legiones armorum gene-
re, & gestorum memoriâ feroces, inter ipsâ exultâ vr-
bis rudera, planâ ad Deiparâ Virginis templum arena-
riâ, posuerant castra. Olesnicius non ignarus quantum
virium ex primis belli vestigijs, reliqui successus sumant,
verebatur, ne si eam Germanorum ferociam non casti-
gatam relinqueret, suorum animos imminueret. Non
diu itaque cunctatus, hostem aggredi, prius quàm ca-
strâ curiosius permuniret, statuit. Promptissimum
quemque ad rem fortiter agendam hortatur: aciem in-
tra vallum instruit: cohortibus singulis diuersâ man-
data, pro loci commoditate, edicit: tum per decliues
Vilnâ amnis ripas educto clam milite impetum in Ger-
manorum castra facit. Depulsus est proximis stationi-
bus hostis, multi Prussorum cæsi captique, nemo Li-
tuanorum amissus. Plus tamen tumultûs, ac terroris,
quàm periculi fuit. Olesnicius enim conscius virium,
quàm impares debellando essent, non expectauit, do-
nec receptis animis, maiore numero hostiles cohortes
ad arcendum periculum concurrerent: sed dato matu-
rè signo receptui, victorem militem seruatis ordinibus,
inter relictâ suorum opportunis locis præsidia, intra ar-
cem reuocauit. Creuere ab eo euentu obsessis animi,

*Vilnam
obsidet. O-
lesnicio fe-
liciter eâ
defendere.*

D

ex

a, vt æ-
Regi
Vitoldus
que per
m Rex

Vilnâ
ditioni
m redi-
tucige-
are op-
s, non
nullum
rtâ acie
m, vni-
iam fo-
belli re-
: quod
t; & o-
tues ad
s certè
nim ni-
æ nuf-
irgelo-
s som-
cius ve-
tra infi-
ijs ope-
ribus,

A. 1391. ex fortunato initio, non iniquum belli exitum augurantibus: Vitoldo autem, & Crucigeris, desperatio: præsertim cùm rescuissent solius Olesnicij ductu & auspicijs, omnia in arce geri, & Lituanorum in Skirgelonem odia, per eius absentiam, non leuiter refrixisse. *Oppugnatum suorum clade.* Experiri tamen vim priùs placuit, quàm spem omnem abijcerent. Vniuersis copijs, semel iterumque oppugnationi instauratur: vtraque vice reiecta, cum clade oppugnantium. Nunciatur subinde Skirgelonem è Prussia properare ad soluendam obsidionem. Vitoldus, sine metu, quòd fama Skirgelonis copias exaggerasset nimium, siue ne in spem irritam diutius in eo loco tempus tereret, siue alio consilio, ad nuncium aduentantis Skirgelonis, properè solutâ obsidione in Prussiam mouit. *Soluit obsidionem* In eo itinere, Nouogrodeci, quam munitionem nuper Skirgelo ad Viliæ ripam excitauerat, ex Vilcomergia ad amnem *Vilcomergiam & Nouogrodecum capit.* *Syvvienta* sitæ, oppugnatione retardatus est. Per vim vtroque loco potitus, præsidia excidit, munimenta ac ædificia exussit. Affecutus est eum, haud procul inde Skirgelo: sed exercitum, ad carpenda auersa agmina, aut palantes liberius intercipiendos, quàm iustæ dimicationi comparatiorem habebat: modicum, & leuiter armatum. Ausus nihilominus apertâ acie signa conferre, post breue certamen, inconsultæ audaciæ pœnas luit, non minùs infelix, quàm temerarius; vt ferè in bellis indiuisa temeritatis comes est, infelicitas. Amisso exercitu, ægrè Trocos fugâ euasit, plus miseræ patriæ profuturus, si in acie mansisset, infelicem

ecum Principatum, & clades Lituaniæ, morte fortiter
 obitâ, conclusurus. Victores cæsis in campo armatis,
 cum nihil per agros ad prædam, post iteratas toties po-
 pulationes nancisci possent, in Prussiam redierunt. Mo-
 dicâ ibi quiete refecto milite, instaurata est in Samo-
 gitia irruptio; quâ duo territoria bello hæcenus inta-
 cta, peruastata sunt. Hyems successit nihilo æstate quie-
 tior Lituaniis, Vitoldo neque ab hybernis expeditio-
 nibus temperante.

Samogitiam uastat.

Quòdenim Cauna Viliâ ac Nemeno confluentibus
 cincta, per æstatem difficilior accessu videretur; aquis
 per hyemem glacie instratis planiorem oppugnatio-
 nem spondebat: eius capiendæ spe, tacito per syluas
 agmine Vitoldus progressus, inopinatò sub vallo cum
 milite comparuit. Valido opere arx, ciuitasque com-
 munita, firmo præsidio à Lituaniis, ac Polonis stipen-
 diarijs obtinebatur. Operosiores proinde quàm credi-
 derat Vitoldus oppugnationem reperit. Quoties miles
 admotus vallo, toties magno damno reiectus, Poloni
 præcipuè peditatûs insigni virtute. Desperatâ expugna-
 tione, ne nihil egisse eâ expeditione dicerentur hostes,
 ad Insulas Nemeni, vnâ ferè leucâ dissitas digressi, no-
 uas arces moliantur. Duas insulas, Nouam & Eque-
 stre, Neiuerder, & Retteruerder dictas, suo præsidio
 Crucigeri, tertiam Mettenburg vocatam, Vitoldus
 suo, firmarunt. Infesta nimium erant vicinis agris ea
 præsidia: exiguis, at frequentibus excursionibus, ma-
 iora quàm pro suo numero inferebant impunè damna.

Caunam frustra tæ-

*Noua ca-
stella in
Lituania
excitai.*

A. 1391.
Ea Ale-
xander
Vigundus
frustra op-
pugnat.

Moritur
veneno
sublatu.

Iagelo co-
matur Vi-
toldu re-
conciliare.

Ea res Alexandrum Vigundum Kiernouiensem Ducem permouit, vt eiiciendi inde hostis curam susciperet. Tribus Polonorum peditum, & aliquot Lituanorum equitum turmis Reteuerdum aggressus, haud dubiè eo castello potitus fuisset, si adniti ampliùs voluisset, ne adultam iam deditionem desereret. Ex ipsis enim hostibus deinde cognitum est, obsessos ne aliquot quidem dierum moram laturos fuisse. Non diu ei expeditioni superuixit Vigundus, veneno domi suæ sublatu. Acer erat iuuenis, militaribus studijs ante alios fratres commendatus: ob quam laudem à Rege, germano suo, finitimas Prussiæ præfecturas, Bidgostiensem, & Inowloclauiensem acceperat. Verùm vt nemo alius inter fratres erat, quem magis Iagelo diligeret, ita non alius, cui Vitoldus esset infensior: oderat siquidem iuuenem, vt ætatis respectu minimum; ita indole ac meritis, plus quàm alios in spem Principatûs, ex omnium voto, surgentem. Inde fabulane, an vera narratio fontem habuerit, nescio; vt propinati veneni suspicio, maximè ac prope vnicum, Vitoldum, apud vulgus notaret.

Iagelo Rex expeditiorem Lituaniae pacem fore certus, si Vitoldum Magnum eius Ducem renuntiaret, ne ad id consilium hætenus animum verteret, solius Vigundi respectus maximè obstiterat. Nam vt non difficile fore existimabat, Skirgelonem, ac Suidrigelonem, venationibus, commensationibusque, quàm gerendo Principatui aptiores, ab æmulatione auertere, collatis alijs possessionibus, vbi pro suo genio solitis vitijs opportunius

portuniùs indulgerent: ita Vigundi, nihil humile spirant, ferocem animum, promptumque agendo ingenium, non poterat, non subuereri. Ea nunc curâ solutus, liberiùs de reuocando Vitoldo, cogitare, nec difficilem se eum præbiturum, credere. Cum enim in omnes occupandi Principatûs vias, præceps ambitione ageretur, non ex vano promitti poterat, eum spe Principatûs firmiore, quàm alias fuerit, ostensâ, in regias partes concessurum. Ita decretum est, permolesto, ac diutino bello, quod neque Rex, Polonia negotijs oppressus, per se gerere posset, neque Skirgeloni infauito Duci permittere auderet, finem imponere: & Lituaniam ab extrema calamitate vindicare. Præsertim, quod inde Litvani nimiam vastitate exhausti sumptibus belli non essent, inde Poloni tanquam in alienam rem agrè pecuniam conferrent. Consilio inito, cui tam secreti negotij molestuto demandaretur, qui & apud Crucigeros extra suspicionem, & apud Vitoldum in auctoritate esset? Henricus Semouiti Mazouiae Ducis filius nuper Plocensis Antistes dictus, delectus est ad obeundam à Rege apud Vitoldum legationem. Aduentûs eius causa, (quamquam plerique eam celari posse affinitatis prætextu opinabantur) non potuisset non esse suspecta Crucigeris: nisi fors ita tulisset, vt sub hoc ipsum tempus Vitoldus filiam suam Sophiam, Basilio Moschouiae Duci magno apparatu in matrimonium Mariaburgi elocaret. Cum cæteris enim Principibus ad connubialem pompam, Henricum Annæ Vitoldianæ coniugis

A. 1391.

1392.

per Henricum Mazouiae Ducem.

conjugis fratrem venisse credebatur. Accidit & alia res, quæ plurimum momenti ad fallendos Crucigeros contulit. Henricus quamquam Diaconi gradu ad Sacerdotium inauguratus, iam alias, ut lubrica iuuenibus præfertim in opulentiore fortuna, morum constantia est, Sacerdotalis continentia pertæsus, & Ringalæ (soror ea Vitoldi erat formâ insignis, & florentissimâ ætate) amore ager, contemptum an ignorantia sacrarum legum non constat, apud Vitoldum institit, ut Ringalam sibi coniugem daret. Neque Vitoldus abnuebat. Tyro quippe adhuc inter Christianos erat, ut non admodum disciplinæ Romanæ gnarus, ita non nescius apud Russos Sacerdotum matrimonium non damnari. Cumulantur itaque solemnia: post Sophiam Moscho desponsam, Ringala desponderetur sacrilegis nuptijs Henrico. Crucigeri interea id solum ab vxorio iuvene agi rati, minimè animis in alia intendebant: ceterum Henricus ipso nouæ affinitatis iure fidentiùs cum Vitoldo agere permissus, quoties eum absque arbitris nancisci posset, Iagelonis mandata ac promissa depromere: obtectari ne tot stragibus ac impendijs, irritò conatu quæsitum Principatum, suapte venientem è manibus elabi sineret: per omnia hospitij ac iteratæ affinitatis sacra spondere, quàm primùm amicus Vilnam accessisset, ab Olesnicio intra mœnia admittendum, summâ etiam rei in urbem & arces permissâ: id à Senatu magno consensu suatum, id à Rege constitutum. Neque destitit animum Vitoldi, ex Superiorum memoria, præsentia

*Succedit
Henrico
conatus.*

*Vitoldus
Regi recu-
satur.*

conjugio

sentia æstimantem, variè versare, donec excussis timori-
 bus ac suspicionibus, in fidem & amicitiam Regis infle-
 xit. Vitoldus officijs hospitalibus perfunctus, vbi sibi
 relictus est, supputare animo, quæ cum Henrico con-
 dixerat: vereri, inde ne quid Crucigeris suboleret; inde
 ne Rex more suo aliquid innouaret: moram itaque, vel-
 ut periculum excutere: maturare consilia, instruere
 abiturum, miræ ac planè incredibilis solertiæ, in fallendis
 toties Crucigeris. Coniugem cum imbelli aula, specie
 filia, in Moschouiam abeuntis, honoris causâ aliquan-
 tum deducendæ, in Samogiticas possessiones relegat:
 promptissimum quemque secum manere, in momen-
 ta paratum, iubet. Captatâ deinde occasione cùm Met-
 tenburgum, suæ ditionis arcem aduolâset, vicinum
 Retteruerderum insperatus inuadit: leui cum impari-
 tis pugna castello potitus, quotquot Teuthonici gene-
 ris mercatores, aut milites deprehendit, cæcos in præter-
 fluentem Nemenum abijci mandat, præcipuis Cruci-
 gerorum secum ductis. Vulgatâ citò eius cladis famâ,
 vicinorum præsidiorum præfectos ad arma exciuit: siue
 contemptu paucitatis, siue spe prædæ recuperandæ,
 raptò equitum agmine, Vitoldum in profundiora Li-
 tuaniæ abeuntem audaciùs insequuntur. Vitoldus ac-
 cepto eo nuncio, iubet captiuos prædamque omnem
 cum exiguo præsidio subsistere, ipse remensus iter, ap-
 tas insidijs angustias cum armatis insedit; quas cùm te-
 merè hostis intrâset, omnes interneccione deleuit. Cæ-
 sorum inde capitum numero inito, vti is, qui omnia
 Cruci-

A. 1392.

Ex Prussia
se subda-
cit.Crucigero:
rum arces
inuadit,
exscindit.

alia res,
 ros con-
 sacerdo-
 bus præ-
 sentia est,
 æ (foror
 à ætate)
 arum le-
 Ringa-
 nuebat.
 non ad-
 nescius
 amuari.
 Moscho
 nuptijs
 diuene
 æterum
 n Vitol-
 tris nan-
 romere:
 conatu
 nanibus
 finitatis
 n accēs-
 summa
 tu mag-
 eque de-
 præ-
 sentia

4.1392. Crucigerorum perspecta habebat, facile coniecit, quàm pauci ad præsidium arcium, cæteris ad insequendum profectis mansissent. Quare celerrimè suos ad earum oppugnationem ducit: vacua prope milite castella nullo negotio occupat, exspoliatur, exurit, ac diruit: atque victor ad relictum suorum agmen reuertitur. Præmissò inde, qui Olesnecium de suo aduentu edoceret, Vilnam rectà tendit. Olesnecius tempestiuè mandatis regijs instructus, vti hactenus cupidè Vitoldum expectauerat, ita præsentem magnà omnis humanitatis testificatione intra mœnia deduxit. Nihil honoris in eum omisit, quem in spem Principatûs venisse non ignoraret, neque ambigeret tam certò amicum regium esse, quàm non dubiè Crucigerorum hostem cerneret, à recentibus eorum cladibus, cum præda atque captiuis, ouantis specie, portas Vilnæ intrantem. Vt verò magis eum erga Iagelonem obstringeret, atque fidendo fidere doceret, quemadmodum imperatum à Rege fuerat, arcium Præfecturam, in nouum hospitem à se transtulit.

*Vilnā ab
Olesnecio
splendide
deducitur.*

*Rex Iage-
lo Vilnam
venit.*

Celerrimis totius negotij nuncijs in Poloniam perlatis, Rex Iagelo cum Regina, procerumque Polonorum splendido comitatu in Lituaniam profectus est. Verebatur ne ex mora noui aliquid suboriretur discriminis: quod ex facili euenire poterat, quamdiu inter Skirgelonem & Vitoldum non conueniret. Inuectus est Vilnam magnà Procerum, populi que lætitiâ, quam affulgens publicæ tranquillitatis spes animis omnium affundebat: neque multum moratus ad reconcilianda

rei capita, Skirgeloneim & Vitoldum Duces, toto conatu incubuit; arbitrium tamen concordiae, ut extra inuidiam apud germanos suos esset, sibi non sumpsit. Ab ipsis Ducibus Regina Hedwigis arbitrallecta: cuius opera in eas condiciones, post longa verborum certamina, conuentum est. Alexander Vitoldus cum coniuge Anna, pro se, suisque posteris iuraret, se in regis obsequio ac fide, cum vniuersis Lituaniae ditionibus constanter mansurum: magni Ducatus Lituaniae factam cum Regno Poloniae coniunctionem, ac societatem integram inuiolatamque sacrosanctè conseruaturum: amicos ac hostes communes cum Regno ac Rege Poloniae semper habiturum. Cum Skirgelone pacem, atque fraternam amicitiam coleret. Kiuouiensem Ducatum, cum omnibus eius ditionibus suis impensis, ac milite, Skirgeloni eiusque posteris vindicaret. Trocos, Cremeneciam, & alias quasdam minores possessiones statim ei consignaret. Casimirus verò Skirgelo, attributis Ducatibus contentus, Principatum Lituaniae non repeteret. Rex Iagelo neminem Vilnensi, Vitepscensi, Mercensi, ac Grodneni, arcibus praefectum, in scio aut inuito Vitoldo imponeret. Lituania vniuersa, cum subiecta sibi Russiâ, ita ex forma, icti per Iagelonem cum Polonia fœderis à Vitoldo administraretur, ut sub Regis Poloniae imperio maneret. Hæ condiciones in tabulas relatae, annulis ac subscriptione capitum fœderis, atque adeò iureiurando firmatae, ad publicum regni tabularium Craconiam sunt remissae. Completis mox,

E

quæ

A. 1392.

Reginae
arbitrio
Skirgelo-
nem &
Vitoldum
reconciliat.

4.1392. quæ tempore non egebant, Vitoldus Skirgeloni suffe-
ctus est, atque Olefnicus Vilnæ administratione abire
iussus.

L I B E R II.

DE REBUS LITVANORVM

Sub Principe ALEXANDRO I. Vitoldo.



*Alexandri
Vitoldi
Magni
Ducis in-
augura-
tio.*

*Diversi-
modè à
varijs ac-
cipitur.*

Alexander Vitoldus, Magnus Lituaniæ Dux
renunciatus, nouam Reipublicæ fortunam
orditur: quæ quamquam hætenus non pœ-
nitenda fuerit, & deinceps satis florens; nun-
quam tamen aut rerum gestarum gloriâ, aut imperij
amplitudine, augustior, quàm Vitoldo Principe. Vir
erat ingenio vehemente, atque otij impatiens: & quem-
admodum famæ ac proferendi imperij auidiori, nun-
quam bellorum materia deerat, ita vix aliquando in
susceptis expeditionibus ab euentu destituebatur, à pue-
ro militaribus artibus innutritus, solitusque impigrè
exequi, quæ animo destinasset. Magno apparatu, tum
ipsius Vitoldi, tum coniugis Annæ inauguratio, Vilnæ
in templo D. Stanislai, ab Andrea Wafilone Antistite
Vilnensi peracta est: ritibus, quorum ab antiquo vsus
erat, ad Christianæ religionis integritatem, ab omni
superstitione castigatis. Fusa inde in publicum lætitia,
mirum dictu, quantum popularium animos exhilarauit:

rit: pacem plurimum expetitam, minimè speratam, A. 1392.
 eoque iucundior, quàm publicè, quàm priuatim, omnes
 mutuo gratulari: varia hilaritatis argumenta in vul-
 gus edere: fausta omnia, nihilque mediocre, non so-
 lum ex noui Principis indole, sed etiam ex communi
 plebis vniuersæ in hilaritatem conspiratione, ominari.
 At verò qui non totos se lætitiæ illius sensui permiserant,
 cogitationes profundius immittere, sagaci què mente
 veltigare; quantorum motuum semina illo die iacta es-
 sent! quantum ignis superiniecto cinere sepultum? Ger-
 mani fratres consobrii postpositi. Skirgelo Principa-
 tu exutus; Volodimirus, Demetrius Korybutus, Bole-
 slaus Suidrigelo, alijque præteriti. Kieystutiades impe-
 rans; Olgerdiæ priuati, ac stipendiarijs accensi. Vt
 calamitatum auctor præmium sceleris haberet, quod
 supererat cladibus Lituaniæ, Vitoldo donatum. Pleris-
 que omnino non perfunctum, sed obligatum dumta-
 xat vulnus videbatur.

Et certè sola ferè præsentis Regis auctoritas contine-
 bat, ne ipsa publicæ hilaritatis sacra, aliquibus motibus
 funestarentur: at, vbi Rex abiit in Poloniam; non diu
 concepta animis ægritudo quieuit: quàm violentè fue-
 rat dissimulata; tam ferociter in apertum erupit. Casi-
 mirum Skirgelonem ex amisso Principatu, & damni
 dolor, & pudor, exacerbabant; Boleslaum Suidrigelo-
 nem spes interuersæ: nam uti natus proximus Skirgelo-
 ni erat, ita ad successionis iura primus. Skirgelo in au-
 daciâ pronior, Russorum quoque gratiâ, ac pecuniâ *Skirgelo*
in rebellas.

A. 1392. in Principatu corrasâ potens, proprijs viribus bellum moliri cœpit, comparato per Ruffiam exercitu, Vilnam ac Vitoldum aggressurus. Suidrigelo, cui & ingenium timidius, & arctiores, quàm pro tanto ausu opes, & popularium exiguus fauor, spiritus minuebant; ad vim apertam domi impar, apud vicinos hostes consilijs suis subsidia quæsiuit. Nouus tunc Magister Equitum, Prussiam administrabat Conradus Iuningen: hic

*Suidrigelo
in Prussia
fugit.*

1393. ad militarem fortunam, initio Magistratûs, apud suos probandam, suapte bellum optabat; quare non illibenter auxilia Suidrigeloni sponndit. non eius vtique gratia: sed Vitoldi, aut odio, aut metu. Nam & amicitia tot federibus instauratæ repentina rescissio, acuebat odium ad vindictam: & potentia inquieti ac bellicosi hominis vicino Principatu aucta, non ex vano metuebatur; præsertim si armorum cessatione firmatâ, formidolosior euaderet. Facilius nimirum obstititur malo, ne vires sumat, quàm validum iam viribus opprimi possit. Suidrigelo Crucigerorum armis succinctus primùm priuatas Vitoldi ditiones inuasit, confinia Podlachiaæ fædè peruastauit, Stramelam, Surazium, Grodnam arces vi cœpit; ac tria captiuorum millia in Prussiam abduxit.

*Podlachia
cum Cru-
cigeris va-
bat.*

Rex Iagelo Nouis turbis excitus Rex Iagelo properè in Lituaniam accurrit, omneque studium adhibuit, vt pacatis consilijs, arma Skirgeloni excuteret: plurimum apud eum auctoritate valebat, agrè tamen id euicit, attributis ei, ad veteres possessiones, arcibus, earumque amplis

*lo Skirge-
lonem Vi-
tio do con-
siliat.*

plis te
Volyn
dus in
exhib
lum te
berius
tende
nem, t
que co
Regis
Vitold
volens
nibus
in An
to. M
Princi
lo An
que di
Vitold
gemin
regiar
etiam
cepto.
liberta
tus, ta
motus
ceps I
bus ge
rum C

plis territorijs: Starodembo in Seueria, Cremeneco in Volynia, veteribus Trocis in Lituania. Neque Vitoldus in eis permittendis aut inuitum, aut difficilem se exhibuit: mallebat exiguae partis detrimento, periculum totius redimere, vt conciliato sibi Skirgelone, liberiùs in solum Suidrigelonem, animum viresque intenderet. Ne autem per leuem quampiam dissensionem, noua bellomateria deinceps daretur, inter vtrumque conuenit, vt exortæ controuersiae solius arbitrio Regis decidendæ relinquerentur. In eodem congressu Vitoldus Principatus sui inuidiam apud regios fratres volens imminuere, amicitiam eorum sibi varijs rationibus conciliare est conatus: atque inprimis beneficio in Andream Vigundum Ducem Trubecensem collato. Molientem turbas, atque Crucigerorum armis Principatum affectantem, primo sui regni anno Iagello Andream in carceres coniecerat, atque in eum vsque diem in vinculis vitae incertum detinebat. Pro eo Vitoldus enixè apud Regem egit, vt illius diei latitiam geminare vellet, non solum Vitoldo ac Skirgelone ob regiam auctoritatem, simultatem deponentibus, sed etiam Andrea ob Vitoldi preces in gratiam Regis recepto. Aegrè quidem, obtinuit tamen Andrea vitam, libertatem, & possessiones. Ijs deinde Andreas contentus, tam procul à suspicionibus & periculo, quam remotus à curia, priuatam vitam egit, nullamque deinceps Reipublicae partem attigit; auctor insignium, rebus gestis familiarum, Polubinsciorum, ac Trubeciorum Ducum.

E 3

Stabi-

A. 1393.

Andream

Vigundum

libertate

donat.

*A. 1394.
Suidrige-
lone insti-
gare, Cru-
cigeri bel-
lum adori-
runt.*

*Lituaniam
inmadunt.*

*Continuum
celebre
prælio
premittit*

Stabilita per hyemem in Lituania pace, Iagelonem Poloni regni negotia reuocarunt. Suidrigelo vero incitare Crucigeros pergebat, ut per hybernā quietem bellum in primam ætatem apparare non negligerent. Non ordinarius modò exercitus nouis per Prussiam delectibus auctus est: sed etiam è vicina Silesia, Austria, atque adeò totā Germaniā, non modica auxilia contracta; multis ad honorariam militiam etiam ex Anglia, & Gallia, concurrentibus. Ordo siquidem ille Teuthonicorum equitum, quos vulgò Crucigeros vocabant, ob perpetuum armorum studium, pro theatro militaris gloriæ, eā tempestate habebatur: quare non modò stipendijs actis celebres, ac emeriti milites, sed etiam expertissimi bello Duces, in Spem augendi Nominis, in Prussiam ex regnis Christianis confluēbant. Conradus Magister equitum non suo tantum, sed exterorum quoque exercitu fretus, adulto vere in Lituaniam mouit: ab vtraque Nemeni ripa agros latissimè populatus, aliquot arces Lituanis, Samogitisque eripuit. Legionibus ab agrorum populatione ad Mariæuerdum insulam contractis, antequam in profundiora Lituanie duceret, celebratissimum Prussorum annalibus, conuiuium in eadem insula eum instruxisse scribitur. Adhibiti mensæ Duces omnes, ac præcipui equitum, eo ordine, quem cuique eximie virtutis dignitas fecisset. Caput mensæ cessit Equiti Austrio Kinodiut, quoddam sexaginta Turcas, se insequentes, occidisset. Proximus ei accubuit Fridericus Marchio à Misnia, ob

præro-

prærogatiuam familiæ, ex qua nemo vnquam ordi-
nem deseruit. Tertius Comes Hildermirdus natione Scotus, quod eo parente natus esset, qui vt Regem ser-
uaret, se ipsum neci obiecit. Tum Comes Rupertus, ob imperium Romanum, ad quod vocabatur, spre-
tum. Conradus deinde ipse, conuiuij illius structor, ob
sponsam ætate ac formâ florentissimam, gratiâ ordinis
Teuthonici desertam. Vestphaliæ signifer Degenhar-
dus, quod aduersarijs, qui parentem suum occiderant,
veniam indulgisset. Fridericus Eques quod nihil vn-
quam negasset ei, qui interposito D. Gregorij nomine
aliquid postulasset. Denique reliqui, pro merito quis-
que. Conuiuium non ad militarem frugalitatem, sed
ad vrbanas delicias instructum, horas quinque tenuit,
ac quingentis marcarum millibus constitit. Nam non
cibi modò ad luxum apparati incredibili copia appo-
nebantur, sed etiam utensilia omnia, argentea atque
aurea, mensæ illata, conuiuiis cedebant. Hoc veluti
congiario militari, animatis Ductoribus, Conradus re-
ctâ mouit contra Vitoldum, ignarus tantis impensis ad
lanienam eos saginatos. Idem enim annalium Prussi-
corum scriptor, qui conuiuium hoc memorat, confir-
mat pugnatum fuisse cum Vitoldo ad Vilnam, victum-
que eo prælio Conradum, triginta suorum millia in
acie amisisse. Cæterum apud Lituanarum rerum com-
mentatores, nulla aut conuiuij huius, aut tantæ cladis
mentio reperitur. Quod si superioribus annis hæc con-
tigisse, quispiam contendat: necesse erit alios à Vitol-
do

*A Vitoldo
profligantur.*

A. 1394.

do & Conrado Duces, ei bello assignare. At comper-
 tum habetur, hoc primum anno, cum ingentibus ex-
 terorum subsidij bellum à Conrado contra Vitoldum
 gestum esse, atque post vastatos agros, Vilnam obsi-
 dione cinctam. Per duos menses nihil omisit Conra-
 dus, eorum, quæ ad capiendas vrbes, à peritis adhibe-
 ri solent: posteaquam verò ea omnia frustra fuere, Sui-
 drigelo ad fraudes se conuertit. Impigro è familiaribus
 iuueni mandat, vt transfugæ specie in vrbem transeat:
 si fortè fidem inueniret, atque intra mænia admittere-
 tur, quæreret idoneos, sibi que fauentes, quorum ope-
 rà vtriusque arcis munimentis ligneis, ignis simul subij-
 ceretur. Receptus absque metu prodicionis, veluti trans-
 fuga, non alios designati facinoris arbitros ministros-
 que adsciscit, quàm græcæ religionis Monachos Rus-
 sos. Illos Suidrigeloni, sectæ suæ eximio fautori, non
 parùm obnoxios faciliùs posse sollicitari sperabatur, fa-
 ciliùsque destinata exequi, quòd reuerentiâ religionis,
 huc atque illuc per otium circa mænia commeari, li-
 berè ab excubitoribus permitterentur. Non fuit opus
 magnâ contentione, vt persuaderetur scelus: onerati
 promissis, exhibitâ quoque non modicâ pecuniâ addi-
 cunt operam: monetur Suidrigelo vt in occasionem
 expeditos haberet oppugnatores. Successisset procul
 dubio facinus, nisi ex eorum ipsorum Monachorum
 numero quispiam, siue pietate in patriam, siue spe ma-
 ioris quæltus permotus, consilia proditorum arcis Præ-
 fecto indicasset. Hostes in omnia intenti, cum instru-
 ctas

post Vilnā
 frustra op-
 pugnata
 vi,

ex fraude
 Suidrige-
 lonis.

ob

ctas

Etas ad oppugnationem copias, condito tempore intra vallum tenuissent, ubi nihil ab arcibus moueri aduerterunt, euulgatam fraudem coniecerunt, desperatoque vltiore successu paulò post obsidionem soluerunt. Non procul inde Vitoldus suas copias habebat; sed prudens conferre castra non audebat: quod non ignoraret, & armorum genere, & bellatorum multitudine, longè validiorem Crucigeris exercitum esse. Solitâ nihilominus celeritate non mediocriter afflixit hostem. Cum tempus obsidione trahitur, expedito equite semel iterumque Prussiam inuasit, ac obuijs vastatis reuersus in Lituaniam celeriter, non pabulatores modò securiùs palantes, sed vigiles quoque pro castris excubantes, intercipiebat: in castra ipsa, alibi tumultu excitato, alibi cæde editâ, incurfabat. Neque minùs infestum iter redeuntibus fecit: modò auersa agmina, modò alas à lateribus, carpere; modò præcursores insidijs excipere. Fulguris instar suos huc atque illuc circumagebat, tanto successu, vt damna Lituaniæ, Crucigerorum damnis exæquâsse existimaretur. Crucigeri reductis in Prussiam copijs non diu quieuerunt: trifariam diuiso exercitu, diuersas Lituaniæ Prouincias populati sunt per hyemem. Marechalculus ordinis Henricus Tettinghar ipsam Lituaniam, Vlricus Iuningen Iudex Sambienfis, frater Magistri, Miednicenses ac Rosienenses in Samogitia agros, Conradus Koborg Balgenfis Præfectus Drohicensis in Podlachia tractum. Non tamen impunè: nam eadem hyeme Crucigeris ad hy-

A. 1394.

Mutuis se
inimicem
cladibus
Crucigeri
ac Lituani
affligunt.

F

berna

A. 1394. berna digressis, Vitoldus insperato, cum leuiore equi-
tatu in Prussiam irrupit, ac circa Insterburgum omni-
bus præuastatis, vicem hostibus refudit.

*Vitoldus
subiectos
sibi Duces
aggreditur*

Post biennale cum Crucigeris bellum, mutuis qui-
dem cladibus, maiore tamen Lituaniæ damno gestum:
de instaurandis propè collabentis Principatûs viribus
Vitoldus agitare secum cœpit. Quantumuis Suidrigelo
quiesceret, à Crucigeris nihil quieti sperari posse, quos
non pacis studio, sed respirandi necessitate, arma di-
misisse, campoque excessisse constaret: Prouincias Prus-
sis conterminas, Lituaniam, Podlachiam, Samogitiam
hostium populationibus miserè afflictas, ærario Prin-
cipis diuturnis sumptibus exhausto, impares fore vlte-
riori bello: remotiores verò, Kiiouiam, Seueriam, Po-
doliā, Regionum fratrum ambitione, vix in Vitoldo
supremam Magni Ducis auctoritatem agnoscere; ne-
dum aliquid in bellicos vsus, contra Lituaniæ hostes,
aut militis aut pecuniarum conferre velle: si tamen ad
obsequium veteri more Magno Duci debitum adige-
rentur; haud dubiè non exiguam virium accessionem
futuram. Præcipui Ducum erant, Demetrius Korybu-
tus Dux Seueriæ, Volodimirus Dux Kiiouia, Theo-
dorus Coriathus Dux Podoliæ, opibus ac milite poten-
tes. Eorum itaque animos priùs experiri instituit, mis-
sis legatis, qui pecunias ex eorum Prouincijs, in æra-
rium Magni Ducis Lituaniæ, inferri olim quotannis so-
litas, repeterent. Siue collato consilio, siue suo quisque
impetu; ferociùs omnes legatis responderunt; ac præ-
fertim

sertim Demetrius, ante alios, alieni imperij minus pa- 4.1395.
 tiens. Respondit ille: Olgerdo se Magno Duce Litua-
 niæ progenitum, Iagelonis Regis fratrem, nihil Vitoldo
 debere. Frustra in se captiosis legationibus aliena
 imperia extendi, qui fraternum etiam non prius ferre
 cœpisset, quàm armis domitus. Abundè Vitoldo à se
 concessum, quòd permetteret eum quietè imperare in
 Lituania, cuius ipse hæres esset. Permitteret igitur vi-
 cissim Vitoldus Demetrio, æquo cum alijs Ducibus iu-
 re, in solo Rege supremam potestatem agnoscere. Si
 verò tributarium sibi eum vellet habere, necesse esse, ut
 prius hostem sentiat. Longè magis è re sua Vitoldum
 facturum, si omisâ tributi ac subiectionis omni men-
 tione, amicum seruaret. Noti erant Vitoldo, hominis
 feroces spiritus: quare cùm non aliud, quàm quod da-
 tum est, responsum animo præcepisset, maturè per Li-
 tuaniam ac Samogitiam collegerat copias, quas reuer-
 sis legatis contra Demetrium duceret. Verùm neque
 Demetrium latere poterant Vitoldi consilia: cùm ex
 ipsa legatione constaret, bello materiam quæsitam es-
 se. Lecto properè exercitu, auxilijs quoque Tueren-
 sium auctus, ne bellum intra suas ditiones acciperet,
 prior in Lituaniam mouit. Ad Niekudouum collata ca-
 stra; neque diu cessatum à prælio; eductæ in aciem co-
 piæ acriter concurrerunt, cùm fortuna neutrò inclinans
 ad plures horas pugnam protraheret: tandem Russo-
 rum acies primò nonnihil turbari, ac pedem aliquan-
 tum referre. Id verò ubi sensit Vitoldus, totis simul vi-

*Cum De-
 metrius Se-
 naria Du-
 ce cõfligit.*

A. 1395.
Profligat
Seuerios.

ribus cōnissus inclinatos impellere, turbatis instare; denique cum fortissimorum cuneo in mediam se aciem inserit, quā perruptā, Russos in effusam fugam coniecit. Misso leuiore equitatu qui fugientes sequeretur, omniq̃ue studio caueret, ne aut locus, aut otium sese recolligendi victis daretur: ipse lectis spolijs cum robore exercitūs in Seueriam successit. Caput Prouinciæ erat Nouogrodecum, vrbs perampla, non priuatorum tantum opibus, sed Principis etiam gazā, opulenta: nam & ab antiquo sedes Seueriæ Ducum fuerat, & Demetrius ibi coniugem liberosq̃ue habebat, atque ab infelici pugna, cum præcipuis suorum eō se ex fuga contulerat. Quamquam verò & defensorum copiā, & vallo (vti mos gentis eo tempore ferebat) ligneo, satis valida esset, oppugnare tamen eam Vitoldus ausus est. Multum omninò intererat eā potiri, quod miles refici, ærariumq̃ue insigniter iuuari ex præda posset: & Demetrius captus, prorsus debellari. Obsidio longiore tempore egere videbatur: verendum autem erat, ne mora victoriæ cursum abrumperet, cæteris Russiæ Ducibus ad propulsandum à Demetrio periculum concurrentibus, quod, eo oppresso, omnibus commune futurum esset. Totum itaque rei benè agendæ momentum à celeritate pendebat. Quare Vitoldus cum decreuisset coronā urbem aggredi, vocatis ad se tribunis ac præfectis imperat: omnia ad vim comparata habeant, militemq̃ue quā priuatim, quā publicè moneant. Vrbe non capta, victoriam nuper in campo partam, non quietis, sed

Nouogro-
decum op-
pugnat,
& caput.

sed calamitatum in Lituania sementem fore: verum 4.1395.
eius victoriae fructum, vnico vallo clausum sub eorum
oculis, ac manibus positum esse: non curarent mania,
pro quibus starent profigitorum reliqui ex recente pa-
uore necdum animis receptis: nihil esse amplius neces-
se, praeterquam audere, & solita alacritate hostem ag-
gredi, adnitiq̃ue aliquantum; id si facerent, victores vno
impetu euasuros: amplitudinem vr̃bis audaciae incita-
mentum debere esse, quod quanto amplior esset, tanto
opulentiorẽ victoribus praedam seruare. Hac Vitol-
dus coram Tribunis; eadem tribuni ac praefecti apud
vulgus militum; eadem milites per contubernia iactare
ac exaggerare: vnde mutuis cohortationibus inflamma-
to exercitu, quisque praelij signum auidẽ expectare. Da-
to tandem signo, tanto ardore ac impetu in mania ac
hostes vndique procursum est: vt licet hostis impigre
certaret, iam tamen appareret eum de victoria despe-
rare; magisque necessitate pugnandi, quam spe vincen-
di decertare. Nihil verò ita perdidit Demetrianos, vt
incendia pluribus simul locis coorta: ignes enim ad
eum vsu instructis machinis ciuitati iniecti, facile te-
cta aedesq̃ue ligneas corripiebant; & per cuniculos sub
iplas munitiones ab aliquot partibus perductos, secure
Vitoldiani commeantes, flammis turribus portisque
subijciebant. Tam ancipiti malo propugnatores distra-
cti, cum in vtrumque non sufficerent, vr̃bs capta est,
atque direpta. Priuatarum aedium praeda, promiscue
militi, Principis Demetrii thesauri, & quidquid opum

*A. 1395.
Seueriam
Lituanie
subijcit.*

in arcem aut templa comportatum fuerat, Vitoldi fisco cessit. Vniuersâ deinde Seueriâ, nullo negotio sub vetus Magni Ducis Lituanie ius receptâ, Prouinciæ Præfectus impositus, qui eam pro Vitoldo obtineret, prouideretque, ne quid belli à Demetrianis emergeret. Demetrius cum coniuge ac liberis Vilnam ablegatus, diu in superiore arce detentus est: neque prius libertati restitutus, quàm Alexander (vulgo Holha) Dux Rezanensis, multis precibus interuenisset, ac vadimonio adpromisso, Vitoldum conciliasset. Atque, ut nihil ad domandos contumaces spiritus potentius est aduersâ fortunâ, iam Demetrius in diuturno carcere didicerat subesse. Post obligatam iureiurando, erga Vitoldum eiusque successores Magnos Lituanie Duces, fidem, amplas possessiones ab eo accepit Brastawiecium, Winniciam, Cremeneciam, Sokolecium; quibus contentus Seueriam ambire desijt. Vir multis nominibus celebris, Zbarazij ac Wisniewicij ciuitatum conditor, à quibus desumptos titulos, cum sanguine Korybutano

*Demetrio
patrimo-
nium at-
tribuit.*

*A quo
Duces
Wisnie-
wiczij, ge-
nus ducit.*

Duces Zbarazij, ac Wisniewicij, Demetrii posterij, ad nostram ætatem deduxerunt, Imperatoriâ gloriâ, neminiper Poloniam ac Lituaniam secundi.

*Volodo-
mirus Kiou-
iam adi-
mit.*

Demetrio domito contra Volodimirum Kiouia Ducem, arma Vitoldus vertit. Duo in publicum probabantur, quæ belli illius indignitatem apud vulgus emollirent: par inprimis Volodimiri cum Demetrio causa, tum recens cum Iagelone pactum, quo vrgeri videbatur Vitoldus ad Kiouiam proprijs impensis Skirgeloni

loni afferendam. At re ipsa priuatarum offensus memoria vindictam fodicabat, quod Vitoldo in Prussia exulante, Volodimirus maximè Iageloni obstitisset, ne Vitoldum Magnum Ducem renunciaret; auxilijsque suis inuisset, cum Podlachia, Grodna, ceteræque possessiones armis regijs, Vitoldo adimerentur. Neque Volodimirus spes suas clade Demetrii metiri: intrepide bellum apparare; quidquid ad repellendam vim spectaret, neque negligere, neque segniter curare. Vitoldus, ut Skirgelonis causam se agere probaret, Owru-
czam, Zitomirumque arces vi expugnatas Skirgeloni attribuit: inde contra Volodimirum, qui iam in campum prodierat, duxit. Antequam castra conferrentur per opportunè à Iagelone missi primores Poloni adfuerunt: eorum interuentu, & fraternæ acies parricidalis prælio abstinerunt, & belli Duces certis conditionibus concordiam inierunt. Volodimirus Kiiouix Ducatum resignauit Skirgeloni: Vitoldus Volodimiro perpetuo iure donauit Kopylum cum latifundijs ad triginta leucas excurrentibus. In ea deinceps portione Volodimirus, conquieuit, neque aliquid deinceps molitus est: habebat satis, extra inuidiam & periculum, eas possessiones pro posteris exornare. Conditâ ciuitate Slucko, per Alexandrum filium (popularibus Olekonem) Slucensium Ducum nomen, ut dignitatis gradu humilior; ita rerum fortiter pro patria, præsertim contra Scythas, gestarum, maiestate amplius; ad posteritatem transmisit.

*Skirgeloni
attribuit.*

Skirgelo

*A. 1395.
Skirgelo-
ne veneno
extincto.*

Skirgelo neque moram passus, sine qua arces promissæ ordine consignari non poterant, loca aliqua vi occupavit: inquieto ac suspicaci animo, omnia æquo tardius, neque ex fide fieri videbantur. Verùm hanc noui Principatûs voluptatem, tam impotenter quæsitam, aliena improbitas, non diuturnam ei fecit. Cùm enim in venandi oblectamenta effusior Skirgelo, ad propinquum Russorum Monachorum prædium diuertisset, post lautiorē cœnam, ubi potu incaluit, absque prælibatore hilariùs poculis certanti, eorundem Monachorum præpositus, Metropolitani Antistitis Kiiouienâs Vicarius venenum clam affudit. Scelerato exemplo, sed multis optabili euentu; cum vitâ Principis inuisi, fata eorum, quorum malo victurus erat, prærepta sunt. Intra paucos dies vi mali consumptus Kiiouia obiit: Kiiouienâs vti in viuâ ob prodigam liberalitatem carum eum habuerunt; ita mortuum regio funeris apparatu, in celebres eius regionis cryptas intulerunt. Suffecit ei Vitoldus Ioannem Alгимundum Holzanensem Ducem, suarum expeditionum, exiliorumque indiuisum comitem, non tamen Ducis Kiiouia titulo, sed solâ Gubernatoris potestate.

*Theodoru
Podolia
Ducē præ-
fudit.*

Solus iam restabat Theodorus Coriathus Dux Podolia, qui ex sociorum clade nihilo, aut modestior aut timidior, eò maiore curâ bellum instruebat, contra Vitoldum, quò certior erat soli sibi illud gerendum. Ante visum hostem, confertaque arma, ex solâ sociorum fortunâ, animo vinci, nimis quàm turpè esse, aiebat: sapienter

obgredirent

rent illi alienis malis, qui nihil spei domi suæ haberent; *Ar. 395.*
 sibi neque Vitoldi felicitatem, quæ victoribus perquam
 lubrica est, adeò æstimandam, neque vires proprias es-
 se contemnendas. Cum valido itaque exercitu, quem
 per Podoliam, & Valachiam collegerat, Vitoldo ad
 Braslauiam occurrit. Vitoldiani geminâ victoriâ fero-
 ces; tanto ardore in hostem iuerunt, ut prope vno im-
 petu eum profligauerint. Effusis in fugam suis, instan-
 te acriter Vitoldo, ægrè Camenecum Theodorus eua-
 sit. Non poterat tam properè instaurare copias ad rem
 aperto campo restituendam; arcem itaque validis præ-
 fidijs firmat, certus inde bellum trahere. At Vitoldus
 victoriâ, prius quàm eius fama consenesceret, celerri-
 mè ad finiendum bellum usus, non Cameneco, cuius
 oppugnatio difficilior, nihil spei ad celeritatem facie-
 bat, robur exercitûs admouit: sed copijs diuisis, propè *Podoliam*
 fugientium tergis inhærendo, varia Podoliæ castella, *universâ*
 oppida, arcesque improuisus inuasit. Ijs partim metu, *occupat.*
 partim voluntate, fortunam victoris secutis, cum nihil
 aut Demetrio ad spem, aut sibi ad periculum totâ Po-
 doliâ remansisset, Cameneci oppugnationem orsus est.
 Vix tamen aliquid sub ea arce profecisset, cuius admi-
 randa naturæ beneficio munitio, omni hætenus vi ac
 industriâ humanâ, superior permansit. Sed quid tam
 tutum, validumque quod discordiâ non pereat? quid
 tam inaccessum, quò animorum dissensio non pene-
 tret? Siue Vitoldi artibus, siue alia ex causâ, ortis inter *Camenecâ*
 Podolios ac Valachos dissidijs, velut strato ruinis mu- *deditione*
 ro, *recipit.*

4.1395. ro, via hosti aperta est: omnem communis salutis tuenda curam, apud exacerbatos aduersum se animos, priuata odia restinxerant. Mittuntur legati de tradenda arcis conditionibus acturi: quibus, cum Vitoldus nihil pacati respondisset, omnia eius arbitrio ab obsessis permilla sunt. Arce dedita, Podoliâ vniuersâ Lituaniæ rursus adiunctâ, præsidia ac præfecti Lituaniæ originis arcibus oppidisque sunt impositi. Theodorus Dux, cum familia, Vilnam abductus. Pupugit ea res non leuiter Polonos, veritos ne veteres eorum in Podoliæ possessionem prætensiones Vitoldi victoriâ antiquarentur: præsertim, quod Vitoldus, haud immemor bellorum, quæ Lituani Olgerdo Duce gesserant, vt Scythas Podoliâ depellerent, eam Prouinciâ non solum tanquam recentis victoriæ præmium, verum etiam tanquam antiqui iuris ditionem se obtinere, non dissimularet. Multis proinde laborandum Iageloni fuit, vt Vitoldo non inuito, ius Polonorum assereret. Verum Vitoldus, eâ maximè causâ, vt Polonos Regi magis deuinciret, flecti se tandem permisit: impensarum tamen nomine quadraginta millia æris Polonici (florenos dicimus) postulabat. Pecuniâ, quod publicum ærarium exhaustum bellis esset, à Spirkone de Melstin Palatino Cracouiensi suppeditatâ, Camenecum, Smotriciam, Skalam, Czeruonogrodecum, Regno ac Regi restituit: quæ deinceps possessiones Spirkoni fiduciario iure, à Rege sunt attributæ. Eadem occasione inter Regem, ac Vitoldum conuenit, vt Seueriæ Ducatui, pro Magno Lituaniæ

Cum Polonis de Podoliæ possessione transigit.

Theodori Saguiko Ducem Seueriæ renunciat.

nia Duce, Dux Theodorus Sanguszko præficeretur. *A. 1395.*

Pacata iam videri poterat vndique Lituania, si quiescere voluisset Suidrigelo; at ille crescente ex Vitoldi successibus invidia, amplius furere; eo que audacius, quod alienis ut armis, ita & periculis fureret. Crucigerorum in Prussia & Liuania Magistros assiduò contra Vitoldum sollicitabat. Ad VIII. Id. Febr. Lituaniam, tum Samogitiam fædè vastârunt. Vitoldus copias adhuc per Russiam in hybernis habebat: paucis autem cohortibus, cum quibus in Lituaniam redierat, nihil momenti agi poterat, siue populantibus occurrisset, siue abeuntes insequi voluisset. Ne tamen impunè hosti ea excursio abiret, contractis quàm primùm suis, Liuiam inuasit; agros populatus. Dinemburgum ad Dunæ ripam vi expugnavit. Non ambigo eo etiam maximè consilio arma à Vitoldo in Liuiam versâ fuisse, quod per exploratores constitisset, Suidrigelonem ex Prussia in Liuiam transisse. Metuebant autem prudentiores, ne inde in propinqua loca, hætenus Crucigerorum vastationibus intacta, aliquid moliretur. At Suidrigelo aliò animum ac consilia flexerat. Videbat illo latrocinij potius, quàm belli, genere, quo per intervalla subitis irruptionibus Lituania ac Samogitia infestabatur, solos Crucigeros saginari; se perinde inope ac exule remanente. Cum Russis ergo proceribus agitare cœperat, de rationibus Russiæ occupandæ, ex qua suis auspicijs, bello Vitoldum persequi posset. Non ad eò dissipta à Liuiæ sinibus, Albæ Russiæ Prouincia opulenta, Vitepskia,

*Crucigeri
Lituaniam
vastant.
1396.*

*Vitoldus
Liuiam*

*Suidrigelo
in Liuiam
transit.*

*Cum Rus
sis conspi
rat.*

41396. pſcia, à Theodoro Wioſna Regiarum in Lituania venationum præfecto, pro Iagelone Rege obtinebatur. Etſi enim iam ante fuiſſet per Olgerdum Lituaniæ Principatui adiuncta, Iagelo tamen eam, velut paternæ hæreditatis portionem ſibi retinuerat. Cæterùm (vt ferè fieri ſolet, cùm regiarum cupiditatum miniſtris conſinia regnorum committuntur) minùs ſolicitè, ne dicam, negligentius, tanquam extra periculi ſuſpicionem habebatur: Vitoldus quoque, vt in re aliena, pericula eius aut ignorabat, aut diſſimulabat. Suidrigelo itaque Ruſſorum proditionis ſecurus, exploratis per Polocenſes filuas vijs, tacito agmine tranſgreſſus, cum aliquot Liuonici militis millibus Vitepſciam inuadit, ciuitatem Vitepſcum, geminamque arcem, non ſolùm operibus, ſed etiam opportunitate loci, eximè munitam, nullo negotio capit: inde Orſzam, ac reliqua inter Boryſthenem, & Dunam loca, Ruſſis ſponte ſub imperium eius concedentibus, in poteſtatem redigit. Celerrimis nuncijs Iagelo ea de re edoctus, non tam damni ex Prouinciæ iactura, quàm ignominia (Præfectum enim Prouinciæ Wioſnam Suidrigelonis mandato ex muris præcipitem actum, ceruicibus fractis, periſſe nunciabatur) impatiens, Vitoldo mandat, ne priùs quieſcat à bello, quàm recuperatâ Prouinciâ, oppreſſoque Suidrigelone.

Vitoldus ſuapte in id bellum pronior, quòd Albæ Ruſſiæ Prouincias cuperet obſequentiores imperijs Magni Ducis Lituaniæ, quàm ſe exhiberent; lubens eam curam ſuſcepit. Orſza per breuem vim expugnata, Druckum

*Vitepſciam
ſem Prouin-
ciam
occupat.*

*Vitoldus
ſcra Sui-
drigelonem
monet.*

Druckum mouit. Drucenses enim Principes, primo-
rum Rursiæ Regum progenies, sub initia horum mo-
tuum minùs Vitoldo addicti, Suidrigelonem apertè fue-
rant secuti; at repentino bello oppressi, maluerunt in-
certam Vitoldi clementiam supplices, quàm armati
ferrum experiri: neque difficulter post obligatam Vitol-
do, eiusque successioribus iureiurando fidem, veniam
obtinuerunt. Georgius quoque Suetonslaides Smolen-
scensium Princeps, quamquam in absentem Vitoldum,
non dubium se hostem gessisset, præsentium armorum
terrore, inimicitias dissimulauit, atque ut fortunæ con-
silia applicaret, copias suas Vitoldo coniunxit. Smo-
lensensium accessione auctus Vitoldi exercitus, Vi-
tepscum ductus est. Mensem integrum oppugnatio te-
nuit: non quia neglectum est aliquid, quod in eiusmodi
euentibus probatum profuerat; sed quia Suidrigelo-
nis non tam exhortationibus, quàm imperijs & minis
animati præsidarij, ac præsertim Liuones, summâ con-
tentione resistebant. Trigesimo demùm die Vitoldiani
in arcem inferiorem per stratos. ruinis muros perrupe-
runt: occupatis manibus, pauci ad eadem sunt inter-
cepti. Desperatis enim rebus magno tumultu milites
iuxta ac ciues in superiorem arcem, montis iugo impo-
sitam, euaserant. At hoc ipsum, ad celeriores perni-
ciem plurimum contulit. Quo maiore numero pro-
miscua cum liberis ac coniugibus, multitudo conflu-
xerat, citius omni absumpta annonâ, fames primùm
(validissimus ad expugnandas arces aries) subsequuta,

A. 1396.
Proceres
Russorum
domat.

Vitepscum
obsidet.

Vi capit.

A. 1396. mox ab intolerantiâ famis, priuatorum contra Suidrigelonem occultum murmur, tum aperta plebis gregarijque militis seditio. Cum pauci hostem, nemo famem, diutius sustinere vellet, Suidrigelone nequidquam obfistente, tumultu, non consilio aliquo, arx Vitoldi arbitrio permissa est. Vitoldus recuperatam Prouinciam atque castella Litvano præsidio communiuit: Suidrigelonem captiuum, cum victoriæ nuncio, ad Regem misit.

Suidrigelonem captiuum Regi misit.
Smolenscum Georgio Duci ademptum.
 Confecto eo bello victor exercitus in Lituaniam dimittebatur, cum nunciatur Smolenscensium Principem Georgium, ex socio repentè hostem factum, in reditu ex castris Vitepscensibus, magnam Orszani fundi partem hostiliter inuasisse, eiectisque possessoribus, agros inter suos clientes partitum esse. Expostulanti per legatum Vitoldo de iniuria, non modò nihil pacati, sed etiam arroganter respondebatur. Socer enim Georgij Dux Rezanensium Holha, exurgente in vicino Vitoldi potentia, multâ metu inuidiâ ager, augebat iuueni animos ac turbulenta consilia. Vitoldus malum in ortu compescendum ratus, signa Lituaniam petentia, in Russiam absque mora redire iubet: Orszano agro hostes depellit, Smolenscum rei caput, bello petit. Georgius, uti mos quibus in lingua Mars totus, postquam aduertit rem ad manus deductam, neque viribus, neque animo, in bellum suffecit: non aperto campo credere, non Smolenscensibus vallis fidere: præmaturâ fugâ, cum coniuge ad socerum, belli facem, euasit.

fit. Deserti à Principe Smolenscenses, eò melioribus
 conditionibus, quò maturius, cum arce atque Vniuer-
 sa prouincia sub imperium Vitoldi concesserunt. Hle-
 bus quoque Georgij frater facilè impetrauit, ne iano-
 xium, vti videri volebat, fraterni criminis, par cum fra-
 tre discrimen, cum inuolueret, si antiquo maiorum suo-
 rum patrimonio exueretur. Substitutus Georgio Hle-
 bus non diu in fide mansit, Rezanensi ignem, mate-
 riamque rebellionis ministrante: quàm primum Vitol-
 dum in Lituaniã mouit, Hlebus ad fraternum genium
 redijt; ausus apertè imperia Vitoldi aspernari, & obse-
 quium erga Magnum Lituaniæ Ducem, cum vniuersa
 Prouincia excutere. Importunè omnino is motus Vi-
 toldo acciderat aliud bellum totis Lituaniæ ac Russiæ
 viribus meditant. Et si enim in promptu copias habe-
 bat, quibus rebelles Hlebi spiritus reprimere poterat,
 dolebat tamen militis & temporis iacturam. Mutua si-
 quidem, licet inæqualia, vincientium ac victorum da-
 mna esse; atque vt ferrum cædendo ligna, obtundi, ita
 exercitus vincendo, consumi necesse est: quidquid au-
 tem gerendum est suo tempore eget ac morâ. Veritus
 itaque Vitoldus, ne si contra Hlebum moueret, dum eâ
 expeditione & tempus & miles teritur, Russorum ad
 Scythicum bellum ardor consenesceret: ita consilia in
 Smolenscensem intenta dissimulauit, vt vicini Duces,
 ipseque Hlebus, prius intellexerit Smolenscum à Vitol-
 do occupatum, quàm Vitoldum ex iniuriæ sensu ultio-
 nem meditari.

A. 1396.
 Hlebo eius
 fratri at-
 tribuit.

Hlebo re-
 bellat in-
 iuriã disti-
 mular.

Cele-

An. 1396.
 Scythici
 belli occa-
 sione Ille-
 bum fallit.

Celebratissimus Scythicorum populorum, trans
 Volgam habitantium Ductor, Latinis dictus Tamer-
 lanes (Russis *Temirkucien*, Scythis *Temirkutki*, Moschis
Temirakszak, id est felix, aut claudum ferrum) Tachta-
 mem Scytharum quoque regulum bello oppressum,
 paternis ditionibus eiecerat. Tachtames cum præci-
 puis primorum, quos *Murzas & Vlanos*, vocant, ad Vi-
 toldum confugit, faciliq[ue] negotio persuasit, vt resti-
 tuendi illius in auitum regnum cogitationem susci-
 peret. Non ignoro proditum esse à quibusdam, augen-
 dæ famæ imperijq[ue] proferendi cupiditate tam audax
 consilium à Vitoldo admissum esse. At perpendenti,
 quòd quantacunq[ue] ea fuisset, bellis Prussicis abundè
 exsatiari potuisset, propius longè verò videtur, eum ex
 Russiæ seruandæ sollicitudine Scythici belli curam sus-
 cepisse. Cum enim Tamerlanes magnâ orbis parte eua-
 statâ, fractâq[ue] Baiazetis Turcæ potentia, reliqua re-
 gna magno metu concussisset: inprimis timendus erat
 vicinæ Russiæ, Scythicas vires, fatales sibi, non semel
 expertæ. Monitis itaq[ue] vniuersæ Russiæ Regulis, quan-
 tùm periculi à Tamerlane immineret, quantùm securi-
 tatis accederet, si Tachtame in patrocinium recepto,
 præcipui Scytharum populi, in amicitiam belliq[ue] so-
 cietatem pertraherentur, procul dubio accessuri ijs,
 quos pro ipsius Scythiæ libertate arma sumpsisse viderent:
 quàm faciliè victoria sperari posset, si vniuersæ Li-
 tuaniæ ac Russiæ vires contraherentur. Ipse Vitoldus ad
 Smolensciæ fines cum exercitu confedit. Inde rursus
 ad

ad singulos datis literis, permouit, ut in castra frequen-
 tes conuenirent, de vltioribus belli gerendi rationi-
 bus praesente ipso Tachtame, quem secum duxerat,
 consilia in commune collaturi. Ea occasione Hlebus
 quoque Smolenscensium Dux in castra aduenit: vbi à *Smolenscia*
 Vitoldo tamdiu varijs hospitalitatis officijs detentus est, *Lituanie*
 donec Smolenscum cum vniuersa Prouincia, à Vitol- *adiungit.*
 dianis occuparetur. Tum primum deposita personâ fa-
 bula detecta est, cum Smolenscum iter fuisset præclu-
 sum. Amplissima nihilominus ei Vitoldus latifundia
 donauit cum Polonna arce, ut eâ hereditate Smolen-
 scia desiderium temperaret. Quamquam verò eius oræ
 Praefecturam, viro impigro, Basilio Iamonto Borey-
 kowicz demandasset: ne tamen in nouo rerum statu,
 per ipsius absentiam, turbarum aliquid enasceretur; ali-
 quantum Smolensci Vitoldus hæsit. Interea copias bi-
 fariam partitus, Simoni Linguenio Miscislauiensium
 Duci in primis negotium dedit, ut Litواني exercitus
 parte Rezanensem Principem, auctorem turbatae Rus-
 siae aggrediretur. Deinde Olgerdo è proceribus Litua-
 niae, ut cum reliquis Lituanis, atque vniuerso Russo-
 rum exercitu, desertos campos transgressus, trans Voi-
 gam Tanaimque penetraret: itinera, situm locorum,
 vires ac consilia hostium exploraret, & si Superi occa-
 sionem offerrent, fortunæ animique experimentum,
 in sequentis belli præludia, sumeret. Vtraque expedi-
 tio ex voto cessit. Simon Linguenius cum Rezanensem *Rezaniam*
 nullibi se opponere ausum, elicere in campum nequi- *Vitoldianis*
 uisset: *vassans.*

H

uisset:

A. 1396. uisset: omni illius ditione, quæ Oca & Tanai fluuij clauditur, ferro ac igne uastata, incolumem prædâ-
Ad Tanaim cum Scythis pugnatur. que grauem exercitum reduxit. Olgerdo plus operis fuit. Emensus desertos campos, fortè ad Tanaim cum castris confederat: cum tres fratres Crimensium, Kirelensium, ac Monlopiensium scytharum Regulos, ingentem exercitum ducere nunciatur. Tanto interuallo in hosticum progressis, nulla spes ex fuga supererat: vincere necesse erat, uiuere uolentibus. Ipsa ergo uincendi necessitas, ad pugnam animos Olgerdianis auxit. Commissio prælio, semel iterumque suo more incurrentes Scythas fortiter reiecerunt. Sparsi per campos pernici cursu Scythæ, repente in legiones conuolare solent, actaq; in gyrum vniuersâ acie, mox quâ minimè timeas, globo facto irrumpunt, iterumque se prælio eripiunt, ac rursus resumpto impetu cursu in pugnam redeunt. Reiecti itaque semel iterumque Scythæ, non pariam alacritate prælium instaurabant. Lituanii aucta ex uincendi spe audaciâ, animosiùs abeuntibus signa inferunt, atque turbatis eorum gyris ad pugandum collato pede cogunt. Cæsis neque infimis, neque paucis, atque adeò ipsis Regulis, reliquum exercitum in apertam fugam impulerunt: magna strages in pugnantibus, ac fugientibus edita. Nuncius eius uictoriæ, uictorque ipse Olgerdus, Vitoldum adhuc Smolensci, uallo arcem munientem, deprehendit.

Vitoldus in Russia bellum committit. Felix eius expeditionis euentus incredibiliter Russiae Principes ad bellum Scythicum accendit, atque in-

inprimis Basilium Moscuæ Ducem: hic datâ nuper in
matrimonium Vitoldo filiâ, visendi Generi causâ Smo-
lenscum aduenerat, vbi siue reliquorum Ducum ex-
emplo, siue initæ affinitatis respectu, non illibenter fæ-
deri contra Tamerlanem accessit, militem pecuniâque
pollicitus. Vitoldus ex faustis initijs ad vltiora excita-
tior, Tachtamem cum alijs exulibus in Lituaniâ præ-
mittit: publico sumptu liberaliter habendos: mox ipse
augendarum copiarum causâ properat. Institutis per
hyemem, quàm maximis, delectibus, vniuersas copias
Kiiouiam maturè conuenire mandat: atque isthic vl-
teriora mandata præstolari. Ipse quoque ordinandis
non nihil per Lituaniâ rebus moratus, cùm primùm
gerendo bello apta tempestas adfuit, ad exercitum ve-
nit. Kiiouia motis signis, tacito agmine Azouiam con-
tendit. Superato ad Azouiam Tanai, priùs Scythiis pu-
gnandum fuit, quàm nuncius de aduentu Vitoldi ve-
nisset: in ea pugna ingenti clade Trans-Volgensium &
Nahaiensium populorum exercitus, attriti sunt. Capti-
uorum integræ tribus (Hordas illi vocant) cum imbelli
sexu atque ætate abductæ sunt. Pars illorum ad Iagelo-
nem Regem missa, deserto impio Mahomete, ad Chri-
stiana sacra, in Polonia, transijt. Qui verò in Lituania
sedes acceperunt, obstinatissimè suam sectam retinent:
non solum ad Vacæ amnis ripas, sed etiam tum per a-
gros, tum per suburbana regiarum ciuitatum, Primo-
rumque Lituaniæ possessiones, sparsi. E nobilitate ferè
Scythica originem ducunt, quia Magnis Lituaniæ Du-
cibus

A. 1396.
tra Ta-
merlanem
molitur.

A. 1397.
Exercitū
Kiiouiam
contrahit.

Scythiam
inuadit.

Fuse exer-
citu, capti-
uorum in
Lituaniâ
tribus
educit.

A. 1397.
Captiuorū
Scytharū
in Litua-
nia ma-
nentium
conditio

cibus attributos agros possident; & per suæ gentis tribunos ac signiferos certo numero recensiti, proprijs impensis militare debent: si qui eorum, à iusta militia liberi manent, ij (maximè iuuentus) aut sponte stipendia in castris faciunt, aut in magnatum aulis tabellionum vires obeunt. Reliqui ac præsertim, de promiscua plebe, aut hortorum culturâ, aut operam vectorum, viatoribus mercatoribusque locando, rem familiarem tuentur. Prodiderunt aliqui scriptores, eos in Lituania, æquo cum equestri ordinis capitibus iure viuere: sed ij multum aut ignorantia, aut affectu lapsi sunt, diuersa à vero, scribendo. Et si enim ad arcendas ab eis iniurias, (quæ à Christianis frequentes inferebantur) Principum indulgentiâ extendi cœperit eadem multa, quæ in violatorem aut trucidatorem nobilis viri legibus statuta fuerat: ab omnibus nihilominus nobilium prærogatiuis exclusi, ordinario Præfectorum arcibus iuri, non minùs, quàm agrestes regionum vicorum coloni, subiacere coguntur.

A. 1398.

Bellū Vi-
toldi cōtra
Tamerla-
nem.

Proximo quoque anno, Vitoldi aut auspicijs, aut etiam ductu, contra Scythas bellatum esse, argumento est, quòd Patricum Vitoldi germanum, eo anno, in prælio à Scythis cæsum fuisse, proditum vetustis annalibus reperiam. Scriptores verò rerum Lituandarum intenti animo in sequentem expeditionem, non minùs clade funestam, quàm apparatu nobilem, huius anni gesta consignare neglexerunt. Dissuadebat studiosè Rex Iagelo Vitoldo, ne Tamerlanis fortunam orbi vniuerso formi-

formidabilem, temerarijs armis irritaret. Aiebat Rex 4.1398.
 Præteritis victorijs satis iam Nominis ad famam qua-
 situm esse: quantò maioribus viribus gerendum bel-
 lum susciperetur, tantò plus metùs ex varia bellorum *Dis-suade-*
 vicissitudine animò obuersari: vicinæ potiùs Prussię, à *tur à Rege*
 qua nihil fidi sperari posset, arma opponenda; quò pro- *& Regina.*
 piora inde pericula inminerent, eò præsentioribus il-
 lic remedijs opus esse. Regina quoque Hedwigis, siue
 muliebri timore, siue altiore quopiam instinctu mota,
 multùm ei expeditioni aduersabatur infausti euentùs
 obnunciatione. Neque defuerunt è primoribus Polo-
 norum, qui Regina hortatu, propè de via reuersi, ab
 incepto destiterunt. At Vitoldus anterioribus succes- *A Vitoldo*
 sibus inescatus, dimoueri se de sententiâ non permisit. *appara-*
 Cum Crucigeris in primis transegit, qui non modò pa- *tur.*
 cata omnia absenti promiserunt, sed etiam ex noui fæ-
 deris formula, quingentos delectos suppeditârunt. Hâc
 curâ Vitoldus liber, securiùs Samogitiæ ac Podlachiæ
 incolas ad idem bellum exciuit. Nobilissimi quique Po-
 lonorum, Militiæ illi velut sacre, contra religionis Chri-
 stianæ hostes Mahometanos, spontè sua nomina dede-
 runt. Raphaël Comes de Tarnow, Spitko de Melsztyn
 Palatinus Cracouiensis, Socha Palatinus Plocensis,
 Ioannes de Glowaczyn Palatinus Mazowiæ, Ioannes
 Dabrowski, Dobrogostus Warszycki, Samotulski, O-
 strorogius, Pelikus, Mikocki, Wokasz, alijque proce-
 res. In exercitu verò Lituano, præter alios magni no-
 minis primores, quinquaginta Principes, Magnis Li-
 tuaniæ

tuaniæ aut Ruffiæ Ducibus orti, numerabantur.

*A. 1399.
Inuadēti-
bus Scy-
thiæ Ediga
in immē-
ſis copijs
occurrit.*

Contractis Kiiouiam vniuerſis copijs, promotiſque verſus Scythiam ſignis, nullus in ingreſſu hoſtici miles occurrit: interiores etiam Prouincias nemine obſtente peruagati, Pſolam, & Solam flauios abſque certamine tranſierunt. Circa Worſlam flumen Ediga Tamerlanis Legatus, cum ingentibus Scythiarum agminibus apparuit. Ad conſpectum innumera prope multitudinis, quiſque priuatim fortunæ publicæ augur, ex viribus hoſtium, de euentu pugnæ ominari, ferociam ſuam præteritam damnare. Delatâ re in conſilium, communi ſententiâ decernitur, tentandos prius pacis mentione Barbarorum animos: vbi enim exigua aut nullâ victoriæ ſpe pugnare cogimur, temerarij non fortis viri eſt, nolle prius omnia honeſta experiri, quàm pugnam. Miſſus ad hoſtes Spitko Palatinus, pronos in pacem barbaros reperit. Id poſteaquam ad ſuos reuerſus palàm in conſilio retulit, prudentiores inclinabant, vt æquis honeſtiſque conditionibus de pace tranſigere-
tur. At iuuentus nobilior, ſanioribus pro tempore conſilij, ſpiritu: feroces frenare nondum aſſueta, fremere: materiam gloriæ timidorum ſententijs ſibi eripi, clamare: veniam ac ſignum inuadendi, non tam ſui, quàm
vniuerſæ Chriſtianæ religionis hoſtis, poſtulare. Ad-
hæc Vitoldus, ipſe quoque pugnæ auidus. Non virium diffidentiâ, aut victoriæ deſperatione prælium hæte-
nus diſtuli: ſed ne quid agerem, abſque eorum conſilio, quorum armis ac pectoribus vincendum eſſet. Tan-

*Ad pacem
ſe prouum
oſtendit*

*ſanioribus
ac Vitoldo
pacē ſper-
nentibus.*

ta

ta itinera emensi, tot difficultatibus superatis eò usque A. 1399.
 progressi, ubi in conspectum spontè quæsit hostis ve-
 nimus, ut verbis non manu, decernamus, ferre non pos-
 sum. Cùm agendi tempus instat, nihil iam superest, nisi
 audere. Promptum iuventutis ad pugnam animum, in
 optimum victoriæ nomen accipio. Colluies hæc bar-
 barorum, non iustus exercitus, sagittis tantùm arcu-
 quæ edocta præliari, non feret generosum militem,
 postquàm is collato pede, gladijs ac ferrearum fistula-
 rum globis, rem agere cœperit. Baiazetes Turca debel-
 latus, neminem terreat: facilè vincitur, qui aduersis Su-
 peris pugnat. At vos Christiani, Numini vero, quod
 colitis, fidite: aderunt eius auxilia piæ causæ; modò vos
 solitæ, ac toties probatæ vestræ fortitudini, nolitis dees-
 se. Hæc Vitoldus: at longè aliud euentus, superis ita
 volentibus, tulit. Dato prælij signo, prope sine pugna,
 superiorem hostem fecit, ipsa multitudo. Media legio,
 cui Dux Demetrius Corybutus præerat, in oppositam
 hostium aciem, quæ confertissimus eques constiterat,
 illata; non armis, sed equorum multitudine obruta, cum
 Ductore suo tribusque eius filijs Iwano, Skindero, at-
 que Andrea, interiit. Mox ala vtraque, ac subsidiariæ
 legiones, ita ab hoste circumfuso cinguntur; ut nec lo-
 cum ad imperum in hostem faciendum, neque viam
 ad deferenda signa reperirent. Medij inter hostes inter-
 cepti, prope omnes sunt deleti, neque tantùm promif-
 sua capita, sed & præcipui Ductorum. E primoribus Po-
 lonorum soli euasere Oltorogius, & Samotulski, Spi-
 tko

*Prælium
committitur.*

*Profligantur Vitoldi
casi plurimis
procervis.*

A. 1399. tko cū fugā sibi consulere potuisset, in confertos hostium impetu facto occubuit. Vitoldus cum Suidrigelone agrē cædi caput pernicibus equis subdixerunt. Manserunt cæsi in campo, Andreas Vigundus frater Regius, Demetrius ac Theodorus Duces Wolski, Vitoldi ex Patrico nepotes, Hlebus & Simon Patruilagelonis Corybuti nepotes, Iwanus Kiiouienfis, Hlebus Smolenscensis, Michaël Podbereski, Iwanus Bielski, Duces, Ioannes Iewlaskowicz, Jamuntowicz, & alij Lituani ac Russi proceres. Scythæ neque tantâ clade, neque opimis cæsorū fugatorūque spolijs contenti, victoriā ulterius prosequuntur. Prouincias Russiæ Vitoldo subiectas, infestis armis aggressi, Seueriā uniuersā, Volyniā, atque Kiiouiensibus agris euastatis, urbem Kiiouiam obsidione cinxerunt. Ferendā illi ut cūque comparata Vrbs, depellendā omnino impar erat: sed neque Scythi ad oppugnationem apertam, aut apparatus, aut animus. Itaque cū maiore pertinaciā, quā fructu, septem diu tenuissent: tandem desperatā expugnatione, unde ferro non poterant, auro se inde depelli permiserunt, numeratis sibi tribus aureorum nummū millibus.

*Scythæ
Russiam
vastantes
Kiiouiam
obsident.*

Mortuus eodem anno est primus Vilnensis Episcopus Andreas Wasilo. Sed & Regiæ Hedwigis idem annus ultimus fuit: filiam enixa, vitā est functa: quæ res mærorem Lituaniæ non parum auxit. Erat siquidem Princeps Lituanis singulariter addicta, omneque studium semper intendebat, ad eorum iuuentutem omni disci-

*Hedwigis
Reginæ
morta.*

disciplinarum genere excolendam. Ea de causa, cum A. 1399.
necdum Cracouiæ publicum literarium gymnasium
esset erectum, Pragæ in Bohemia Collegium pro Li-
tuanis extrui curauerat, atque amplis redditibus instru-
xerat. Rex & publicâ clade & priuato mæore anxius,
domesticum vulnus ferè magis sentiebat. Quod enim *Regis Ia-
gelonis
anxietas.*
nullam haberet masculam prolem, ex Heduigi susce-
ptam, subuereri coeperat, ne coniuge regni hærede ela-
tâ, ipse quoque Poloniâ excedere cogeretur. Degustatâ
semel imperij dulcedine, horrebat priuatam vitam ani-
mus: timenti autem, nil proniùs erat, quàm suspicari.
Quare consultò in Russiam secessit, vt ab eo loco tum
animos Polonorum dispiceret, quò inclinarent; tum
rationes iniret, quibus, si fortè Poloniâ excluderetur, a-
moto Vitoldo, Lituaniæ imperium resumeret. Neque
priùs ijs curis solutus est, quàm Poloni proceres, regias
suspiciones odorati spondissent, eo viuuo, neminem
alium in Polonia regnaturum.

Eâ sponsione Rex erectus, animum ad secundas nu- A. 1400.
ptias flexit: duxitque coniugem Annam Hungaram
Ciliæ Comitissæ filiam, Casimiri Poloniæ Regis neptem.
Nuptialibus festis, præter alios Principes, interfuit cum
coniuge Alexander Vitoldus. Actum est inter illum &
Regem de renouando Poloniæ ac Lituaniæ fædere: at
commodiùs visum, si id negotij in Lituaniam differre-
tur. Intereâ tamen Andreas Vigundus Dux Starodubij
datis literis fidem suam obstrinxit Regi, se Vitoldo mor-
tuo cum alijs per Lituaniam Ducibus, nullius alterius
I imperium

A.1400. imperium agniturum, quàm Regis Poloniae Iagelonis. Vitoldus in Lituaniam reuersus, memor accepti nuper ab Optimo Numine beneficij, quo ex anni superioris clade incolumis euaserat, ad argumentum gratæ voluntatis, Sacerdotibus Ordinis D. Francisci, Caunæ primùm, deinde Osmianæ, templum cum asceterio munificè erexit, ac dotauit.

A.1401. Proximâ hyeme Rex Iagelo in Lituaniam venit: ab eius aduentu publico gentis vniuersæ conuentu Vilnam indicto, fædus Polonicum curâ exactiore instauratum est. *Iagelo fædus inter Poloniam, & Lituaniam instaurat.* Ampla enim erant nimis Iagelonis promissa, Polonis regni causâ factâ: sed impletu ardua, atque ideo cautiore suspecta. Quare iteratis literis, ac sponfionibus procerum Lituaniæ, ea firmari Poloni volebant. Præstitum id est, in hoc conuentu, legibus eiusmodi disertè expressis. Lituaniæ ordines, publico monumento testatum facerent, de libero ac concordi omnium consensu, Lituaniam cum suis Ducatibus ac Proincijs, Regno Poloniae accessisse: decedente Vitoldo, Lituania cum vniuersis sui iuris ditionibus ad Regem regnumque deuolueretur: principatûs Nouogrodensis portio, cum aliquibus latifundijs Sigismundo Kieystutiadæ, in patrimonium cederet, eâ tamen adiunctâ conditione, si in Regis ac regni obsequio permaneret: vxor Vitoldi, possessionibus dotis nomine sibi additis, quoad viueret, liberè frueretur: rege vitâ functo, neque Lituani, exclusis Polonis, Ducem Lituaniæ; neque Poloni, exclusis Lituanis, Regem Poloniae legerent: vtri-
que

que genti hostes communes forent; mutuisque se inui-
cem auxilijs in omni bello iuuarent. Addiderunt aliqui
scriptores, cautum quoque fuisse, vt Iageloni vitâ fun-
cto Vitoldus in regnum succederet: at huius rei nulla
vestigia in ipsis rei actæ tabulis deprehenduntur. Cum
Principes publicæ quietis commoditate vsi, in firman-
da populorum concordia occupantur, ad Podoliæ con-
finia, per Romanum Petrilowicz Palatinum Valachiæ
turbari captum. Verùm à Suidrigelone Podoliæ guber-
natore maturè domitus, carceribus pœnas temerè sum-
ptorum armorum luit. Neque prius sibi, ac Dominio
Valachiæ, seu Daciæ, restitutus est, quàm regiâ aucto-
ritate intercedente, libertatem impetrâset, his condi-
tionibus: Valachia Regno deinceps subiecta, perpetuò
maneret; Romanus verò in obsequio Regis: vtraque
conditio sponfione ac iureiurando Romani roboraretur.

*Valachi
Podoliam
infectantes
domitur.*

Bohemi quoque Iagelonem, vix nouo bello non im-
plicauerunt. Destinauerant illi Venceslaum Regem
imperio mouere, insignem eius ignauiam perosi. Vt
itaque contra vim, externâ se potentiâ munirent; Iage-
lonem ad capeflendum Bohemiæ regnum, splendidâ
legatione inuitabant. At cautior erat Iageloni mens,
quàm vt eam fulgor diadematis oblatis perstringeret, ne
penitiùs peruideret, quantùm sibi periculi, curarum-
que eâ legatione accerferetur. Nouerat probè, regna
ampla, ingenijsque ac moribus populorum diuisa, agrè
vnius imperio circumagi: supremo Numine, sic res
humanas

*A. 1462.
Iagelo ob-
latum Bo-
hemie
regnū non
acceptat.*

A. 1402. Inhumanas temperante, ut quemadmodum vnum caput vni corpori, ita vnus Rex vni populo, sit necessarius. Cogitabat, quantacunque Vencellai ignauia esset, non esse tantam, ut amissi regni vulnus non sentiret. neque Sigismundum eius fratrem Hungariæ Regem pacatè laturum, tam fratris exilium, quàm adsciti Principis in fraterno solio regnum. Hussij quoque concionibus facta in Christianis religionibus mutatio, totam prope Bohemiam grauibz iam turbis inuoluerat. His secum perpenſis, non grauatè lagelo legationem Bohemorum repulit, illud maximè prætendens quòd nollet isthic regnare, vbi populus Hæreticæ factionis, Christi & Ecclesiæ eius iugum, excussisset.

A. 1403. Breuem in Lituania pacem, nouum è vetere, malè extincto fomite, bellum exardescens excepit. Georgius Suetonſlaides, Smolensciâ nuper exutus, ad belli materiam, quam amissi Principatûs desiderium suppeditabat, solam occasionem quærebat: neque alia commodior visa, quàm cum Vitoldus clade Scythicâ attritus, ut virium, ita terroris, minùs habebat. Collatis itaque cum socero, Rezanensium Principe, consilijs & armis, inuasit Smolensciam. Urbis quidem, arcisque Smolensci, occupatio, non difficilis fuit: quòd in ea plerique ac præcipuè nobilium, factionem Georgij sequerentur. Admissus illorum prodicione intra mœnia, extreme in Vitoldianos defæuijt: non promiscuus tantum miles, sed vniuersi nobiles, vnà cum Romano Brancſcij Duce, Smolensciæ Gubernatore, cæterisque primoribus

*Georgius
Smolensciâ
occupat.*

bus caſi ſunt; ægrè eius coniugi ac paruulis liberis vita
donata. Vitoldus quiete potiùs ad reparandas vires ege-
bat: verùm ne rebellionis inultæ exemplum, ſpem au-
daciæque rerum non infeliciter nouandarum, ad vi-
cinores Prouincias vulgaret; raptò, quem potuit habe-
re, popularium exercitu, & paucis Polonorum cohorti-
bus ſtipendiarijs, quibus plurimùm fidebat, maximis
itineribus Smolensciam petijt. Georgium ſuos in cam-
po opponere auſum, prælio fudit. Smolenscum cum
Prouincia vniuerſa recuperauit, atque in formam (v-
t vulgò dicitur) diſtrictûs, redegit. Georgius deſperatis
rebus in Hungariam vſque profugit: vbi Sigismundi
Regis ſigna ſecutus, in prælio globo traiectus, interiit.

A. 1403.

*Vitoldus
eam armis
recuperat.*

Redditâ inde pace, ab alia parte, nouæ per Suidrige-
lonem turbæ ſunt excitatæ. Ex fædere nupero, obtine-
bat Podoliam, quam Rex à poſteris Spithonis redem-
ptam illi attribuerat: in Polonia verò arces Striûm, Sy-
dlouecium, Stobniciam, Vſcie, cum earum latifundijs.
Prætereà ex ſaliſodinis in ſingulos annos, mille qua-
dringentarum Marcarum Polonicarum penſionem
percipiebat. Amplum ſatis patrimonium, & magno
Principatui par: ſed ſuprema ambienti, quidquid in-
fra votum erat, pro exiguo habebatur. Iterum itaque
in Pruſſiam tranſijt, vt Crucigerorum auxilijs Princi-
patum Lituaniæ inuaderet. Vaſtata eſt miſerè, eâ Cru-
cigerorum expeditione Lituania. Vitoldus enim, in-
ſperato bello circumuentus, exercitum, quem oppone-
ret, ad manum non habebat. De pace verò cum Cru-
cigeris

*Suidrige-
lonem
nonaſtur-
bas conci-
tat.*

*Crucigeri
Lituaniã
vaſtant.*

4.1403. cigeris inconsulto Iagelone non poterat, quòd id nuper Iageloni spondisset. Monitus Iagelo de rerum Lituanarum statu, prior Crucigeros de pace per legatos compellat: neque Crucigeri alienos ab ea animos præferunt. Raciunzum ex mutuo consensu ad tractandum negotium destinatur: quò belli pacisque capita, Rex Iagelo, Dux Vitoldus, & Magister Iuningen, conuenerunt ad diem condictum. Multa à Crucigeris proponebantur, quæ procul dubio negotij cursum abruptissent, nisi necessitatis ratio plus extorsisset, quàm honesti studium permissurum videretur. Vitoldus enim seu vt Suidrigelonem Crucigerorum societate nudatum, ad alia consilia adigeret, seu quòd iam tunc bellum Moschouiticum animo coqueret, in conditiones admodum difficiles consensit. Ictum est fædus, præcipuo illius auctore Antistite Vladislauensi, his legibus: Crucigeris Vitoldus Samogitiam perpetuo iure addiceret; Rex Iagelo quadraginta millia florenorum numeraret: Crucigeri Dobryniam Polonis restituerent: captiui utrimque fideliter redderentur, transfugæ extra fines eicerentur, excursiones mutua per confinia seriò arcerentur. Conclusæ pacis initium, ab humanitatis officijs Conradus auspicatus est, Rege & Vitoldo Torunium inuitatis. Sed memorabilius est, regiae benignitatis monumentum, quod Iagelo Rex isthic reliquit. Cùm visendæ urbis causâ, equo per plateas veheretur, casu fortuito, an malitiâ, à muliercula quapiam è domûs fenestra coquinarijs sordibus est perfusus: omnibus ad tantum

*Fædus novum cum
Rege &
Vitoldo
percutiunt.
A. 1404.*

arrogio

81

tantum

tantum facinus horrentibus, Rex fœminæ, iam ad a-
 quas damnatæ, vitam & impunitatem impetrauit. Re-
 ge ad pacandam eam oram intento, Poloni sumptis tu-
 multu armis, Suidrigelonis præsidia ac præfectos totâ
 Podoliâ eiecerunt: legem insuper plebisciti instar tulerunt, ne deinceps paterentur, alterius quàm Polonæ nationis Præfectum Cameneco imponi.

A. 1404.

Suidrigelo
 à Poloniis
 è Podoliâ
 eicitur.

Vitoldus è Prussia digressus, ne Crucigerorum ani-
 mi Suidrigelonis artibus nutare inciperent, constitu-
 tam pacem quàm primùm reipsâ firmare instituit. Ho-
 norificâ legatione Magistrum ac Primores Ordinis
 Caunam inuitat, ut quæ Raciqzj conductæ fuerant, ad
 exitum deducerentur. Præcipui quique venerunt, at-
 que à Vitoldo Latino Teuthonicoque sermone conscrip-
 tas tabulas receperunt: quibus Samogitia à Principa-
 tu Lituaniæ auulsa, Crucigerorum dominio mancipa-
 batur. Mox deductis Vitoldianis præsidijs, arces, op-
 pida, atque adeò vniuersa regio, à Magistro Ordinis,
 præsidibus missis, consignata est. Graue nimium id iu-
 gum visum Samogitis, ad externa imperia non assue-
 tis: multæ itaque clandestinæ cædes interuenerunt,
 quibus curiarum pagorumque præfecti, à colonis aut
 ferro sunt iugulati, aut aquis suffocati. Quamuis verò
 commune gentis odium omnes suspectos cædium face-
 ret, auctores tamen perpetrati facinoris nullo certè in-
 dicio teneri poterant. Vitoldus ideo veritus, ne se aut
 instigante aut conscio, hæc attentari Crucigeri crimi-
 narentur: maiore curâ contendit, ne amplius sub insō-
 lito

A. 1405.

Vitoldus
 Samogitiâ
 Crucigeris
 tradit.

Samogitas
 ad obse-
 quendum
 Crucigeris
 cogit.

A. 1405. lito iugo Samogitæ tumularentur. Excitatis ad rebel-
 lium frenandos motus tribus arcibus, duabus ad Nie-
 wiazæ ripas, tertiâ in confluente Dubissæ ac Nemeni,
 præsidia valida imposuit. Suidrigelo verò Podoliâ de-
 pulsus, cum nequidquam Crucigeros ad præbendum
 perfugium sollicitasset, supplex ad Iagelonem redijt.
 Rex ut erat molliore ad preces animo, veniâ præterito-
 rum indultâ, cum Vitoldo agit, ut exulem ac suppli-
 cem fratrem recipiat. Nihil quidem constans Vitoldus
 ab ambitioso Suidrigelonis genio expectare poterat:
 nihilominus, ne beneficio negato spontè sibi hostem fe-
 cisse diceretur, ita illud præstitit, ne cum prodesset Sui-
 drigeloni, sibi officeret. Collatis enim Brancensi, &
 Starodubensi Ducatibus in Seueriam Suidrigelonem
 remouit, ubi facilius in obsequio retineretur, aut si ad
 ingenium rediret, opprimeretur. Solutus siquidem cu-
 rà Prussici belli, vniuersas vires in Seueriam vertere de-
 stinauerat, ut tandem diu animo agitatam in Moschos
 expeditionem aggrederetur. Belli huius occasionem,
 eiusmodi fuisse reperio apud Scriptores.

A. 1406. Non amicitia tantum, sed etiam affinitas, uti memo-
 raui, inter Vitoldum, & Basilium Moscæ Ducem in-
 tercedebat: hinc securius ab utriusque subiectis popu-
 lis commercia tractabantur, mercatoribus liberè qua-
 tuersum comitantibus. At quæ tam firma publica
 pax, quam auaritia priuatorum non euertat? Accidit
 fortè, Mercatores Lituanos circa Putiwoliam, à Mos-
 chis inuadi ac mercibus spoliari. Damnum, non tanti
 fortassis

fortassis erat, ut Principes bello committeret; sed quæ 4.1406.
eloquentia querelarum plerumque est, exaggeratiùs Vi-
toldo proposita, vehementer eum permouit: visaque
res non indigna, ut per nuncium & ablata repeteren-
tur, & auctores flagitij ad pœnas poscerentur. Basilius
verò, non quòd hostile aliquid animo volueret, sed
quòd leuius id negotium existimaret, quàm ut tanto
motu ageretur, legatum amicè ac honorificè habi-
tam, infectis rebus dimittit. Hinc Vitoldus non iam
subditorum iniuriâ, sed sui ut opinabatur contemptus
impatienciâ furere: ægritudinem tamen animi & belli
cogitationes, quamdiu pax cum Crucigeris esset incer-
ta, scitè tegere. Ita, sæpe momenta rerum apud Princi-
pes, opinionibus ijsque falsis vertuntur. Pacatis in Prus-
sia rebus, exercitum, tacitè, in eum usum, ante compa-
ratum, in Seuerciam mouit: atque inopinatò Basilij di-
tiones inuasit. Basilius insperato bello oppressus, raptò
quem poterat habere, milite, ad Vgram latè populan-
ti Vitoldo occurrit. Medius is fluuius inter aduersa ca-
stra labebatur: atque ea sola mora fuit, ne mox infestis
signis concurreretur. Interea Basilius, seu viribus suis
diffusus, seu nolens tam leui belli occasione, clade po-
pulorum litari, Vitoldum per legatos, affinitatis vete-
risque amicitia commonet, atque ad colloquium inui-
tat. Eam legationem Vitoldus, metus confessionem pa-
cisque postulationem esse interpretatus, atque adeò
dignitatis nuper læsæ reparationem, facile de cupidita-
te vindictæ remisit, neque alienum se à pace ostendit.

Exitus
eius belli.

K

Congressi

A. 1406. Congressi secum affines Principes, citò in pacem conuenerunt: ad veterem eius formam hâc duntaxat conditione adiectâ, vt damna priuatis, Vitoldo bellicas impensas Moschus compensaret. His constitutis, cum inter legiones Pax (populari voce *Mir*) inclamata fuisset; nobilis Vitoldianus eques, velut indignatus loco signi ad prælum, thesseram concordiae se audire, altâ voce paci illi obnunciat, ingeminando *Nemir, Nemir*. Hinc commilitonum militari licentia Nemira (cum ante Nâgora vocaretur) cognominatus, ad amplissimam posterorum suorum familiam, Niemirarum nomen transmissit. Sperari iam poterat cum Moscho firma pax, nisi vetus barbarum fax Suidrigelo, citò pertæsus eius fortunæ in qua beneficio Vitoldi agebat, pro vîitata inconstantia, nouo bello occasionem ministrasset. Sub finem enim huius anni Bransco ac Starodubo arcibus exustis Nouogrodecum Seueriæ Metropolim Duci Basilio prodidit, ipseque in Moschouiam fugit.

A. 1407. Cogitur itaque rursus arma resumere Vitoldus, & maiore apparatu bellum Basilio inferre. Ex vniuersis Lituaniæ Prouincijs copiæ Smolenscum conuenire iussæ. Adfuerunt ad conditum diem Rombowdus Lituaniæ Marechalculus cum Lituanis Samogitisque, Orlenko seu Alexander Slucensis Dux cum Kiuouiensibus ac Volynijs, Iwanus Boreykowicz Chodkiewicz cum Seuerijs ac Smolenscensibus. Stipendio in Polonia lecti hastati equites, ductore Shigneo de Brzezia, & centuria pedestris à Magistro Prussiae, suppetiarum, nomi-

ne

ne missa. Recenso ad Smolenscum exercitu, leuiorem *A. 1407.*
equitatum partitus, Ducibus ea mandata dat, vt varijs
itineribus à castris digressi, quàm latissimè in vtramque
partem, igne ac ferro grassarentur, ac demum ad O-
cam conuenirent: ipse verò Vitoldus rectà medius in-
ter vastantes, grauiorem militem atque impedimenta
duxit. Neque segniùs comparauerat bellum Basilius:
quod quia Suidrigelonis causâ susceptum erat, eius
quoque auspicijs ac ductu geri voluit. Occurrit Suidri- *Suidrigelo*
gelo maturè ad Ocam cum Scytharum Moschorum- *pro Mos-*
que copijs, atque occupato perdifficili inter paludes *chis pug-*
passu, quâ Vitoldo necessariò transeundum erat, eum *nat.*
ab vltioribus Basilij ditionibus exclusit. Insuper di-
missis, qui siluas inter ac paludes gnarorum ductu la-
titarent, atque redeuntem, ab agrorum vastatione equi-
tatum ex insidijs carptim affligerent, perdifficilem belli
continuandi rationem Vitoldo reddidit. Neque enim
submouere de statione hostem paludibus tutum, ne-
que vi suis aperire viam poterat, quòd peditatum, cū-
us maximus in ea occasione vsus fuisset, perexiguum
haberet. Harenti autem in eo loco cum exercitu, indies
arctior annona futura erat. Versatâ in omnem partem *Moschus*
mente, tandem rursus equestrium legionum ductori- *pacem po-*
bus mandat, vt paludes ac siluas plenis signis circum- *stulare ca-*
uecti, quâ per aperta possent, ditiones Basilij latissimè *gunt.*
vastarent. Sensit eam cladem Basilius, atque ad peten-
dam pacem compulsus est. Data est ex antiquis condi-
tionibus, Suidrigelone excluso. Vitoldus, tanquam si
consequitur K 2 confecta

A. 1407. confecta res omnino esset, designatis ad exercitum ex hostico deducendum Ducibus, ipse maximis itineribus, mutatisque per interualla equis, Vilnam properauit. Non parum interea, vt fere absentibus belli capitibus accidere solet, exercitus damni accepit. Quam-

Suidrigelo Vitoldi militem affigit. quam enim Moschi Suidrigelonem, vti cum Basilio conuentum fuerat, deseruissent: ipse tamen suæ factionis hominum opera, Russorum ac Scytharum aliquibus manipulis in prædæ spem sub sua auspiciis pertractis, haud leuiter Vitoldianos à tergo ac lateribus inter syluas infestando, carpendoque afflixit. Accessit in agris nuperâ vastatione exhaustis, extrema annonæ penuria. Aegrè ex hisce difficultatibus eluctatus exercitus, vbi Lituaniæ ditiones attigit, aliquâ quiete est recreatus: inde ordinariæ copiæ domos dimissæ, Poloni verò ac Prussi Vilnam vsque perducti, atque à Vitoldo non stipendijs tantum liberaliter numeratis, sed munificis etiam muneribus adiectis, exauctorati sunt. Eodem anno Iacobus Vilnensis Antistes, natione Lituanus, ex Franciscani ordinis disciplina, ad eam dignitatem assumptus obiit.

A. 1408. *Crucigeri bellum in Lituania meditantur.* Interea in Prussia nouum contra Lituaniam bellum fabricabatur. Samogitiæ nuper traditæ possessio, minor Crucigeris videri, quàm vt eius causâ spem Lituaniæ occupandæ negligenter. Cur enim prius quiescerent, quàm vniuersas Lituaniæ Prouincias sui iuris fecissent? Tantâ contentione per tot annos pugnatum esse, cum Lituanis res integræ fuerunt; nunc verò otio torpentes quieturos,

quieturos, cum prope debellatam haberent Lituaniā? A. 1498.
 Quomodo apud vniuersam Europam, nomen eque-
 stre tuerentur, si pace inde cum Polonis, hinc cum Li-
 tuanis firmatā, gladios rubigine obduci paterentur?
 Auderent modò rursus ad arma conclamare; procul
 dubio Iagelonem & Vitoldum, qui nuper belli metu
 Samogitiam prodidissent, propediem Lituaniā cessu-
 ros. Hæc, hisque similia, occultis sermonibus iactaban-
 tur, apud immodicæ cupiditatis homines: sicut flamma
 aggesta materiā augetur, non opprimitur; ita illis
 libido habendi, ex his quæ habebant, creuerat. Non
 defuerunt nihilominus inter illos, qui sitim illam san-
 guinis alieni abominati, Iagelonem præmonerent; ut
 gliscentis, ac propediem exarsuri belli initijs, obuiaret.
 Iagelo communicatis cum Vitoldo consilijs, velut alia
 agendo Caunam venit: atque per speciem humanita-
 tis, primores Crucigerorum ad se inuitat. Inter mutua
 hospitalitatis, ac nuper initæ amicitie officia, sermone
 ad pacis mentionem deducto, studiosius cœpit Rex
 cum Vitoldo, tum ipse rationes inquirere ac proponere,
 tum à Crucigeris vestigare, quibus solida inter Prus-
 siam ac Lituaniā pax, stabiliri posset. At ingenti fa-
 stu tumidi, augendarumque ditionum audiores, nihil
 moderatum aut admittebant, aut adferebant: itaque
 rebus infectis est discessum. Pauci deinde abiuerunt
 dies, cum ipsi Crucigeri apertis inimicitijs materiam
 ministrârunt. Per continua superiorum annorum bel-
 la, cum & vastationes hostiles omnia exhausissent, &
 volitan-

1408. volitantibus circumquaque militaribus signis, coloni
 agros deseruissent, ad extremam annonæ inopiam red-
 acta fuerat Lituania. Eam afflictæ patriæ sortem, re-
 leuare volens Iagelo, viginti maiores naues vario fru-
 mento oneratas, secundo Vistulâ ad fines Prussiæ deue-
 hi iubet; atque inde per confinia eiusdem, in propiora
 Lituanæ loca, frumentum curribus deportari. Eam
 annonam omnem Crucigeri in Vistula interceptam,
 auerterunt: insuper Regi de violato fœdere, illatâque
 iniuriâ per nuncium expostulanti, responderunt: ex æ-
 quo & iusto factum, quod ea sint ablata, quæ Rex E-
 thnicæ genti contra Christianos suppeditabatur.
 Quamquàm enim non ignorarent, à viginti & amplius
 annis Lituanum populum cum Proceribus suis, Chri-
 stianis sacris initiatum fuisse, Ethnicos tamen eos voca-
 bant, vt religionis prætextu, Principibus Christianis
 (adeoque ipsis Romanis Pontificibus) quorum aut vi-
 ribus, aut dissimulatione, bella in his regionibus fere-
 bant, imponerent. Rege ad hæc nil properè, ne quid
 temeritatis immisceretur, mouente: Crucigeri velut
 pertasi annuæ ferè quietis, impatientesque differri re-
 giâ benignitate bellum, Lituanos mercatores Ragneta
 in Prussia, ex fœderum fiduciâ securè agentes, inua-
 dunt; aliquos cadunt, reliquos fortunis omnibus spo-
 liant. Violdus eo nuncio accepto, siue quod ferocio-
 res ei essent à natura impetûs, siue quod gnaro rerum,
 nihil pacati à Crucigeris appareret, hostem præuenire
 statuit. Rombowdo Marechalco negotium dat, vt tu-
 multuario

Eique oc-
 casionem
 semel, ire-
 rumq; mi-
 nistrant.

Violdi
 iussu ex
 Samozitia
 eijciuntur.

multuario milite Crucigeros, quòd primi fædera rupif-
sent, totâ Samogitiâ, quàm celerrimè eijciat. Executus
impigrè mandata Rombowdus, prius præsidia omnia,
cum præfecto Prouinciæ excidit, vniuersâque Samo-
gitiâ est potitus, quàm primorum mortuum nuncius in
Prussiam peruenisset. Furere inde Crucigeri, ac velut
superos furoris sui ministros fore securi, extrema Vitol-
do, Iageloniq̃ue minari.

A. 1408.

Ne tamen aut materiam bello, aut initium, ipsi prio-
res dedisse viderentur, Regem per legatum compel-
lant. Legatus explicatis, quæ Vitoldi iussu in Samogi-
tiam acta essent, rem eam inultam abire non posse,
Ordinis sui vniuersi nomine protestatur: tum, nisi
quàm primùm compensatis damnis Samogitia resti-
tueretur, bellum Lituaniæ apertè indicit: demùm po-
stulat, vt Rex animi sui sententiam disertè aperiat, quid-
nam apud se constituisset, Vitoldinè defendendi curam
suscipere, an verò eo neglecto, pacem nuper cum Cru-
cigeris initam, conseruare? Anceps nimium erat quæ-
stio: in arcto constitutus Rex, quocumq̃ue animum in-
clinaret, in præcipitium ruebat. Negaturum se auxilia
Vitoldo sponderet: at cum fratre, Patriam, immanissi-
mis hostibus prostituebat. Vitoldum à se deserì non
posse diceret: at pro Crucigeris, Germanorum, Vnga-
rorum, ac Bohemarum arma, concitabat. Primores
Polonorum qui consilio aderant, Samogitiæ restitutio-
nem impensè apud Regem vrgebant: ita enim acci-
dere solet, vt in Rebus publicis quæ diuersis gentibus
constant,

A. 1409.
Crucigeri
bellum in-
dicunt.

4.1409. constant, cuius genti sua magis cordi sint; malitque
 quælibet, alterius potius damno, quam suo negotia
 transigi. Rex, siue ut quæstionem Crucigerorum elu-
 deret, siue ut moram consilijs sumeret, respondit. Se in
 ea Republica regnare, in qua de tanti momenti rebus,
 nihil extra comitia Ordinum, statuere certi posset. Di-
 misso legato, comitia Lanciam indicta: in ijs, Nico-
 laus Kurowski Gneznenfis Archiepiscopus destinatus
 est ad Crucigeros, cum mandatis, ut omni arte ac stu-
 dio, Magistrum ad amicam cum Vitoldo litis transa-
 ctionem, sollicitet. Non defuit commissio sibi negotio
 Archiepiscopus: at quidquid tandem ageret, diceret-
 uè, non aliud verbum ex Magistro elicere poterat,
 quam iam, iam, suos in armis esse, atque in Lituaniam
 duci. Intolerabili hominis superbiâ omni humanam
 negotij illius tractationem repellentis, ad indignatio-
 nem motus Archiepiscopus: desine, inquit, Magister,
 toties, tamque impotenter bellum minari: si quid mo-
 ueris, nos quoque domituz cum bello habebis. Ad hæc
 excandescens Magister: Sat, abundè legationi meæ
 responsum est: quoniam verò de regia voluntate, iam
 mihi ex tuis verbis constat, ego quoque caudâ relictâ,
 malo caput aggredi. Nihil moratus, ab discessu legati,
 signa in Poloniam moueri iussit. Dobryniâ vi captam
 exussit, præsidium omne cum Præfecto Plominski ex-
 cidit. Eadem ferociâ in Lipinum, ac Ripinum defauit.
 Bobrownikos deditione, Bydgosciam proditioe, Zlo-
 toryam octo dierum oppugnatione occupauit. Rex
 Iagelo

*Dobryniâ
 inuadunt
 et occu-
 pant.*

Iagelo tantis illorum progressibus coactus, bellum & *A. 1409.*
 ipse in Prussiam, per Poloniae Prouincias edicit. Mino-
 res Poloni, ac Volynij, Volborem conuenire iussi; Ma-
 iores Poloni Lanciam: Coactis ad Radzieiowiam uni-
 uersis copijs, Bydgostiam inprimis exercitus ductus.
 Accepto ibi nuncio Crucigerorum signa ad Swieszcze
 confluere, Rex prius quam castra eò promoueret, vali-
 dam delectorum manum præmisit, quæ bellicæ fortu-
 næ experimentum sumeret. Successit res ex voto: ma-
 gnâ clade Crucigeri profligati sunt, castrisque exuti. *A Poloniis profligantur.*
 Debellatum eo autumno fuisset, nisi Regis Bohemiae
 Legati felicem armorum cursum stitissent. Nam apud
 Regem pacis quàm belli cupidiorum, ostensâ spe eius
 conciliandæ, facile euicerunt, ut projectâ, quam in ma-
 nibus habebat, rei feliciter gerendæ occasione, conce-
 deret fædus, ad sequentis anni exeuntem Iunium, du-
 raturum. Antequam eius fæderis nuncius in Lituaniam *A Lituanis irrita-*
 perueniret, Sigismundus Dux Corybutus, subitâ in Prus-
 siam irruptione, tria oppida cum castellis cepit, vici-
 niamque circumiacentem vastauit. Famâ eius facti in
 regiam delatâ, Iagelo verebatur, ne vicissim Crucigeri
 aliquid attentarent: celerrimis itaque nuncijs, factum
 Sigismundi excusare apud Magistrum, contendit, po-
 stulans ne quæ per ignorantiam pactarum induciarum
 contigerant, fraudi essent fæderibus non pridem consti-
 tutis. Crucigeri nihilo ob excusationem regiam mitio-
 res, vindictæ animum ad tempus dissimularunt, ut
 crescente inde Litanorum securitate, maior repo-
 nendi

L

nendi eis damni commoditas daretur.

*A. 1410.
Lituaniam
inestant.*

Ad finem usque hyemis pacata erant omnia: ineunte primùm Martio ad fines Lituaniam tacito agmine perueniunt, excubijs ad Iskram amnem interceptis, in Volkouiscenses usque agros effunduntur. Volkouiscum subitâ incursione captum est, ingensque mortalium vis, quæ fortè festo die ad templum confluxerat, partim cæsa, partim in captiuitatem abducta. Non procul inde Vitoldus aberat, sed absque milite: ne itaque ipse quoque repentinâ clade inuolueretur, præsertim quod quantus esset hostis ignoraret, inter profundiores sylvas eum impetum declinauit. Sed neque deinceps quidquam mouit, ne nouo motu coalescentis pacis negotium abruptissimè eum Crucigeri criminarentur. In lunium usque, quietæ permansere partes: Crucigeri ex sumptâ vindictæ voluptate, Vitoldus verò fæderum religionisque reuerentiâ. Tantùm temporis ex fædere, paci consultò indultum fuerat, ut intereâ Venceslaus Bohemiarum Rex, de pace perpetua cum aduersis partibus transigeret. Sed ab homine suarum etiam rerum extremè negligente, quid solidæ operæ circa aliena nauari posset? Nihil omnino seriò per tam longum armorum silentium, de ulteriori pace actum est. Haud temerè igitur Iagelo suspicatus, rem omnem eò deduci, ut tandem armis decernere necessum foret, Brestiam Lituaniam excurrit, ut cum Scytharum Regulo, atque Vitoldo de bello conferret. Ibi communi consensu belli contra Crucigeros vniuersis viribus gerendi stetit sententia:

*Iagelo bellum contra
Crucigeros
decernit.*

at

at eo bello Sigismundum Imperatorem, Venceslaum-
 que Regem, non inuoluere, neque postrema, neque
 parum momenti rebus allatura, pars consilij erat. Sub-
 tractis enim Hungarorum, ac Bohemorum auxilijs
 Crucigeros resistendo pares non fore, non ex vano
 coniectabatur. Durabat quidem adhuc fœdus, in sede-
 cem annos, inter nominatos Principes, Poloniamque
 ac Lituaniam, initum; ex cuius formâ, auxilia Crucige-
 ris ministrari non debebant: at proum erat metue-
 re, ne religionum atque æqui auctoritas, hominum
 linguæ ac generis communione, iunctorum respectui,
 cedere cogeretur. Sumpsit id negotij in se Vitoldus: at-
 que Gastoldo, Romboudo, Radiuilo, proceribus, in co-
 mitatum adscitis, ad Cæsarem est profectus. Conuene-
 rat etiam secretis consilijs, solo Regni Procancellario
 Traba conscio, vt si Vitoldus Cæsarem fratremque eius
 non alieno à suis rebus animo deprehendisset, Iagelo
 quoque ad firmanda fœdera, quàm celerrimè occultis
 itineribus occurreret. Quamquàm verò Vitoldus nihil
 eorum omiserit, quæ ad conseruandum cum Sigismun-
 do & Venceslao fœdus profutura existimabat: omne
 tamen eius studium in irritum abiit. Sigismundus im-
 primis disertè professus causam Crucigerorum, à se de-
 feri non posse; negabat Polonis se amicum fore, si illi
 Crucigeros bello lacefferent. Deinde multis, (inter quæ
 erat promissum Regij pro Lituanâ diadematis) solici-
 tare Vitoldum contendit: vt, cum Prouincijs ad Litua-
 niam pertinentibus, secedat à Polonia. Execratus eas

A. 1410

*Sigismun-
 dum Cæ-
 sarem in
 amicitia
 conatur
 retinere.*

A. 1410. machinationes Vitoldus, cū nihil pro fæderum conseruatione, cuncta contra eorum fidem agi videret, in salutato Imperatore, in Poloniam abiit. Assecutus celerissimo cursu Imperator abeuntem, post varia hospitalitatis priuatæ officia, munificè donatum, ac exquisitis promissis oneratum dimisit. Vitoldus in Poloniam delatus, apertis Cæsaris consilijs, Iageloni auctor fuit, vt contemptâ Hungaricâ, Bohemicâque amicitia, vtpote nihil commodi rebus eius allaturâ, bellum omni ope contra Crucigeros maturaret. Rex certus belli, nihil neglexit, quod ad tentandas pacis vias, ex nupero fædere, seruiebat. Lectos è Polono Lituanoque senatu, viros Principes, ad Venceslaum Romanorum iam Regem, misit, vt quemadmodum sponderat, suo arbitrio pacem stabilire contenderet. At Venceslaus longè diuersa ab ijs, quæ superiore anno per legatos Iageloni promiserat, agebat: conatus insuper soluere fædus, quo Poloni Lituanique, in vnam coaluerant Rempublicam. Persuadere Polonis voluit, vt exclusis Lituaniæ Principibus, deinceps ex Germania Regem Poloniæ se sumpturos sponderent; si pacem aliquam inter Crucigeros & Poloniam stabiliri optarent. Indignitate rei, tamque impudente hominis calliditate offensi legati infectis rebus redierunt: interea verò, elapso Iunio bellum adoleuit; quod ab alijs copiosè scriptum, mihi eâ tantum parte memorabitur, qua Lituanorum res attingit.

Eodē successu cum Venceslao Rege agit.

Completo induciarum tempore, cum Iagelo Poloniæ

nia vniuersæ vires in bellum Prussicum expedit, Vitoldus cum Lituano exercitu, & Scytharum Trans-Volgensium legionibus, quas in eius belli usum non paucis mensibus, in Lituania aluerat, maturè ad Czeruinscum oppidum constitit. Inde ante Iagelonis aduentum trifariam exercitum partitus, leuiore equitum turmas, ad vastanda propinqua Prussiae misit. Edita non leuis vastitas: qualem meritò expectes ab ea gente, cui peccus ad clementiae moderationem, veræ religionis cognitio nondum emollierat. Tempia, & quidquid in illis maximè Sacrosanctum, fædè violata. Atque, ut quædam regiae ditionis oppida, loco viciniora fuere, ita cladis eiusdem communione facilius sunt inuoluta. Non Scythæ tantum, gens Mahometanæ superstitioni addicta, sed etiam Lituarii aliqui è gregarijs, nondum sacris Christianis initiati, communi famâ, facinoris auctores notabantur. Tremere itaque Polonus miles contra Vitoldi signa, tamquam sacrilegio commilitonum polluta: itaque, tum ad placandum Numen, tum ad eximendum Diuinæ ultionis populo metum, graues in facinus quæstiones, Principum mandato habitæ; atque Lituanorum aliqui noxæ conuicti, suspensio in castrorum conspectu necati. Iam Grinualdiam Iagelo cum exercitu peruenerat. Crucigeri quoque nihil ex aduerso morati, eductis in campum instructâ acie signis, prælium vrgebant. Rex pietissimus, haud ignarus, ut bella ipsa ex humanis affectibus plerumque originem habere, ita victorias solius Numinis nutu discerni,

A. 1410.
 Exercitus
 in Prussia
 ducitur.

Confinitia
 Prussiae ab
 exercitu
 Vitoldi
 vastantur.

Sacrilegia
 Lituanorum
 puniuntur.

Ad Grinualdiam
 castra con-
 feruntur.

*Atq[ue]o.
Rex præ-
lii eueni-
Deo com-
mendat.*

pensari, ante sacras aras, cum interea incruento sacrificio litaretur, ingenua prouolutus, imminentis prælii fata, supremo rerum omnium arbitro commendabat. Orantem interpellat Vitoldus: hostem sub signis versus castra progredi, nunciat; monet absteret alia agere, cum venisset tempus, quo ferro de summa rei decernere opus esset. Rege nihilominus inchoata pietatis opus, ad finem usque sacrificij constanter prosequente, è tentorio se protipit, ocyus cum Lituanis in aciem prodit, dextramque alam sub quadraginta signis occupat, eo maxime consilio, ne aliqua tergiuersationis specie, animi hostium auergerentur. Magister Crucigerorum Conradus victoriæ securus, atque inde moræ impatientior, plenâ saltu legatione Regem ac Vitoldum in prælium prouocat. Duos enses strictos, vnum dextrâ, alterum sinistrâ ferebat legatus: hic ubi surgenti ab orando Regi obuiam occurrit, Magistri sui nomine moram metumque exprobrat; si arma ad prælium decissent, vnum Regi, alterum Vitoldo gladium à Magistro offert. Imperturbato adhuc Rex animo, vultuque: Bene est, inquit, accipio lubens omen, Hostis in iugulum suum, ferrum ministrantis. Mox dimisso legato, Dei ac Deiparæ Virginis, Sanctorumque Indigetum auxilium breuiter inuocat, signumq[ue] pugnae cani iubet. Prior Vitoldus suos in hostem mouit: at illi vt eminus coniectis in hostem sagittis non leuiter equitatum, cum cadentibus nubis instar ab alto iaculis confoderentur, affligerunt; ita leui armorum genere inferiores longè collato

*A Cruci-
geris sa-
stuosè ad
prælium
prouoca-
tur.*

*Commis-
sa pugna Li-
tuani cæpo
pelluntur.*

collato pede confertisque gladijs, grauem ferro militem
 non diu tulerunt. Urgebat pugnam inter primos Vitoldus:
 & modò labentes ordines instaurabat, modò referentes pedem,
 conuictis atque gladio in prælium reuocabat. Vicit tamen fortissimi Ducis curas, totâ mole
 incumbens hostis leui equitatu. Ad iugeri intervallum primò tota ala sensim cessit; mox pars in effusam fugam
 abiit: pars, ac præsertim Smolenscenses, postquàm diu hostem fortiter sustinuit, Polonorum se signis coniunxit.
 Iam Vilnenses, Trocenses, Samogitæ, Nouogroden-
 ses, ac Volynij, amisso D. Georgij prætorio signo extremè periclitabantur: cùm Poloni fuso dextro hostium latere,
 in sinistrum de Lituanis prope triumphans, magno impetu inuehantur. Solutiores iam erant
 ab ea parte ordines, alijs ad insequendum fugientes effusis,
 alijs spe victoriæ negligentius signa observantibus: repente itaque mutata prælii fortunâ, victores suâ
 opinione, vinci cœperunt. Magna in hoste strages edita:
 quadraginta bellatorum millia cæsa, atque in ijs trecenti
 militibus functi præfecturis, cum ipso ordinis Magistro Conrado.
 Ex Polonis, quorum virtuti plena huius victoriæ laus debetur, pauci occubuerunt:
 maiore longè numero Litvani ac Russi, vt vel inde intelligi possit,
 violatorum nuper sacrorum poenam hanc fuisse, quòd infeliciter pugnaverint. Captiuorum militum
 quatuor supra decem millia numerata, cum tribus belli Ducibus:
 Vitoldus duos dumtaxat sibi poposcit Marquardum Salizbachium, & Sumbergum, in quos

*Poloni
 Crucigeros
 prostratos,
 magna in
 eis strage
 edita.*

A. 1410. quos offensiore animo erat. Impudentius illi Matrem Vitoldi in publico comitiorum confessu aliquando prosciderant: ad penam itaque eos dedi sibi impetrauit. Partâ tanti nominis victoriâ, Scythæ per Prussiam igne ac ferro obuia iussi exscindere; robur exercitus Mariæburgi admotum. Cessisset procul dubio arx fortunam prælii secuta, nisi fraude Hermani Liunionæ Magistri spes tanta in irritum abiisset. Tardauerat ille ad prælium Grinualdense, cum valida Liunionensium Crucigerorum manu, atque ad cladis nuncium, haud procul Hollando oppido substiterat. Ea re in castris regijs vulgatâ, iubetur Vitoldus cum suis, atque duodecim Polonorum cohortibus, obuiam ire. Ad Passeriam ameni nactus hostem Vitoldus, iam eum aggredi parabat, cum Hermanus prælio haud dubiè impar futurus, ad fraudes consilia flectit, & inopinatâ legatione Vitoldum sistit. Aiebat legatus: fractâ proximo prælio Crucigerorum, sociorumque potentia, ac præcipuis ordinis capitibus aut cæsis, aut captis, ex paucorum Liunionum cæde, nihil vel ad gloriam, vel ad commodum Vitoldi atque Iagelonis Regis accessurum: si verò Hermanus cum quingentis dumtaxat comitibus Mariæburgum ire permetteretur, effecturum eum procul dubio, ut victoribus tantæ victoriæ fructu, nempe pace, citò frui liceret. Fore enim tantum auctoritatis Hermano, apud reliquias Ordinis, quas Mariæburgi Rex obfidione teneret, ut eo suadente facilè consentiant, ad reliquum, quod belli calamitatumque superest, perpetuis

*Iagelo
Mariæ-
burgum
obsidet.*

*Fraude
Liunionæ
Magistri,
irrito eni-
tu.*

tuis fœderibus redimendum. Mariæburgi expugnatio-
nem, vel ipso Vitoldo (vti eius munitio-^{A.1410.} nis gnaro) non
diffidente, satis arduam, non posse esse Regi incruen-
tam: si verò Hermanus cum obsessis agere permittere-
tur, victos, sine ferro ac sanguine, clementiæ Regiæ se
permitturos. Inuenit dolus Hermani, & oratio legati,
fidem apud Vitoldum: dati, qui Hermanum cum quin-
gentis eius comitibus, absque iniuria ad Regem dedu-
cerent. Neque Rex cautior: eisdem promissis deceptus,
cum tam valido delectorum præsidio, arcis ingressum
Hermano permisit. Ille intra mœnia receptus, iam sui
securus, quæ animo complexus fuerat diuersa à verbis,
exequi: præsidium arcis, accessione suorum animo-
sius, ad defensionem hortari: mœnia tormentis pro-
strata, reficere: Equites Ordinis, cladi superstites, ad
instaurandam collapsam Rempubicam excitare: arces
alias, acciuitates per occultos nuncios in fide confir-
mare. Ita Mariæburgi expugnatio Hermani dolo ac o-
perâ, difficilior longè reddita, bellum insequentem vs-
que annum protraxit, tandem pace conclusum.

Ad Torunium de fœderibus actum est, ac conuen-^{A.1411.}
tum veteribus conditionibus, nisi quòd Crucigeri Sa-^{Pax cum}
mogitiâ cesserint, post Iagelonis ac Vitoldi fata eam re-^{Crucigeris}
cepturi. Ea res non leuiter Polonorum animos offendit.^{Stabilitur.}
Videbant siquidem, suæ victoriæ vtilitatem aliquam
Lituanis obuuisse, sibi verò prope nullam. Tacti huius
inuidiâ maximè Vitoldus laborauit, quòd crederetur
suis artibus eum impulsisse, vt Rex suapte erga Lituaniam
M pronior,

atrem
o pro-
trahit.
n igne
Mariæ-
unam
agistri
præ-
Cruci-
d pro-
regijs
decim
nam
parat-
urus,
e Vi-
oratio
cipuis
orum
moda
Her-
Mariæ-
al du-
pace,
arma-
x ob-
t, ad
erpe-
tuis

A. 1411. pronior, in eas conditiones consentiret. Constituta pace in Prussia, Rex per Lituaniam, reuersus est in Poloniam.

A. 1412. Cracouiam cum triumpho ingressus Rex, Cimbarcam Kieystudineptem, Semouiti Mazouiorum Ducis ex Alexandra Vitoldi sorore filiam, Ernesto Archiduci Austriae, magno apparatu, solennibusque caerimonijs in coniugium dedit. Adfuerunt plures Principum legati, inter primos, Caesaris Sigismundi. Hic, quæ nuper inter Polonos ac Lituanos ferere coeperat, vnde horum populorum secessio succresceret, neque hac occasione maturare neglexit. Securius nimirum Principum machinationes, sub hospitalitatis velo, & latent, & adulescunt. Ad retinendam speciem amicitiae, atque ad eximendam omnem suorum consiliorum suspicionem, publicas tabulas per legatos Jageloni Sigismundus misit, quibus in gratiam Jagelonis antiquabatius, quod, Hungarici regni titulo, in Haliciam & Podoliam partem, prætendebat. Priuatim verò mandata legatis dedit, vt Vitoldum talibus promissis inescarent, quæ, si à Polonis, vtpote rebus eorum non leue allatura præiudicium, non permetterentur; haud dubiam essent discordiarum materiam præbitura. Extat adhuc eius machinationis in tabulario regni publicum monumentum, Vitoldi ipsius, Nicolai Vilnensis Antistitis, Alberti Moniuidi, & Ioannis Niemira, Palatinorum, manu firmatum.

A. 1413. Atque ea fortè causa Jagelonem maximè impulit, vt in sequentem annum comitia vtrique genti indiceret, in oppido

oppido Hrodlo ad Bugum, peragenda. Conuenêre ad ea frequentes Lituani, non Principes tantum, & primores, sed etiam equestri ordinis. Consilij eius præcipua fuerunt capita: coniunctionis inter Poloniam ac Lituaniam roboratio, & Religionis Romanæ aduersus quasdam sectas ac superstitiones per Lituaniam propagatio. Quia verò nihil ita amicitias humanas in eadem Republica fouet, tuereturque, ut similitudo ac æqualitas: vix sperari poterat diuturna pax, quamdiu Magno Duci Lituaniæ, plus in capita fortunaque nobilitatis Lituaniæ, potestatis esset, quam Regi Poloniæ in suos. Maiore subditorum libertate, temperanda erat omnino Magni Ducis potestas: neque id melius præstari poterat, quam si nobilitate Lituaniæ, ad prærogatiuas Poloniæ admittat, omnes æquo iure, veluti vnus Reipublicæ ciues, viuerent. Ita futurum erat, ut deinceps pax atque vnio Lituaniæ cum Polonia firmitus consisteret: si amplius non à solius Magni Ducis, arbitrio atque cupiditatibus dependeret. Lege ergo publicâ in eo conuentu cautum est, ut deinceps Nobilitas Lituana, omnibus prærogatiuis, quas Polona habuerat, gauderet. Princeps in capita possessionesque nobilium, non plus iuris usurparet, quam quantum legibus Reipublicæ permissum. Ius legendi liberè Principis penes Senatorem, ac equestrem ordinem esset; ita tamen, ne vel Lituani inscijs Rege ac Polonis Magnum Ducem, vel Poloni inscijs Lituaniis Regem sibi adsciscerent. Magistratus, ut vocant, *terrestres*, ac Senatorum classes, ad

*Lituanos
ad præro-
gatiuas
Poloniarum
admittit.*

A. 1413. Polonorum normam instituerentur. Comitibus ab utrâque simul gente celebrandis, legitimus locus haberetur, Lublinum, aut Pargouia. Agrorum possessiones absque auctoritate Principis, ne venderent, neuè donarent equites. Ut verò eius fœderis societas arctius vniuersos stringeret, primores Polonarum familiarum, præcipuos quosque Lituanorum ad earundem gentilitiarum cerarum usum cooptârunt. Non quòd eiusmodi Nobilitatis aut argumenta aut ornamenta, Lituanis olim defuissent; cùm etiamnum plerisque familijs vetustissima maiorum suorum insignia, nihil commune cum Polonorum stemmatibus, habentia, sint in usu: sed quòd plurimùm momenti ad diuersos populos in vnâ Rempubicam copulandos, accessurum haud dubitaretur; si familiarum capita, velut cognatione quâdam, cerarum similitudine, secum colligarentur.

Familia Lituana à Polonis ad usum stemmatum admittitur.

Religio Lituana legibus Lituanis firmatur. Deniq; supra Religionis negotio ita sancitum est. Personæ omnes, quas Ecclesiasticas dicimus, earumque Sacerdotia, ac Sacerdotum bona, ijsdem quibus hactenus in Polonia fruebantur, priuilegijs, deinceps per Lituaniâ fruerentur. Princeps ne officia, aut dignitates, publica que munia cuiquam, quàm Romanæ religionis homini conferret, exclusis non solum Ethnicis, sed etiam quibusuis Christianis, qui Romano Pontifici supremo, subijci recusarent. Prærogatiuâ vniuerso equestri ordini collatâ, ne ad eos extenderentur, qui à Catholica religione, & Summi Pontificis obsequio alieni essent. His ita constitutis, atque per Jagelonem, & Vitoldum,

Vitoldum, consensumque Polonorum comprobatis, ^{A. 1413.}
Lituaniæ ordines suam ac posterorum fidem, in sequen-
tes leges obligarent. Magnus Lituaniæ Ducatus, cum
omnibus suæ ditionis Prouincijs, irreuocabili fædere
coniunctus, vnitusque Reipublicæ Polonæ maneret,
nullaque bella inconsultis Polonis susciperet, post sera
Vitoldi fata, eum solum Principem agnosceret, quem
Iagelo renunciasset.

Republicâ procuratâ, dimissisque comitijs, Iagelo
Rex & Vitoldus, ad religionis negotium in Samogitia
promouendum, curas omnes verterunt. Magno dele-
ctu è Polonia ac Lituania cælestis disciplinæ Magistri
euocati, qui rudibus fictorum numinum superstitione
implicatis, veri Dei, Diuinarumque rerum notitiam
patrio sermone explanarent. Multis omnino laboran-
dum fuit, in eo populo ab auitis sacris abstrahendo:
neque ipsi Principes extra partem laboris fuerunt, cum
magis ardua intellectu, ad rudium captum vernaculo
sermone explicanda essent. Mixta erat minis, muneribus,
promissis, ac precibus doctrina. Nihil autem ita ad
persuadendam supremi Numinis venerationem va-
luit, quemadmodum insperati illis euentus; quando ea,
quæ hætenus vt Sacrosancta coluissent, impunè à Chri-
stianis Sacerdotibus violari videbant. Ignem sacrum,
qui perpetuâ sacrificulorum curâ ad Niewiazam aleba-
tur, extinctum esse, idola euersa, lucos excisos, varia
suarum religionum fomenta deleta; deos tamen suos
quiescere, neque de violatoribus pœnas sacrilegij exi-
gere;

*Iagelo &
Vitoldus
circa con-
uersionem
Samogitiæ
laborant.*

A. 1413. Samogitæ religionem Christianā suscipiunt. gere; primū mirari: mox vana esse suorum Numinum nomina suspicari; tandem, quæ tamdiu fuissent reueriti, vt ridicula contemnere. Inito demū populari consilio, virum ante alios natu grandem delegerunt, qui omnium nomine sic Principes alloqueretur. Hactenus pro cultu antiquorum Numinum, & sacris nostrorum maiorum vfu firmatis, contumaciū fortē, quā nostram erga vos subiectionem decuisset, egimus. Est enim ac debet esse, maior Numinum, quā Principum reuerentia. Posteaquam verō Deos nostros, ita nobis laudatos, vestro iussu violatos, nihil pro se audere aduertimus, aut parū, aut nihil virium, illis esse minimē dubij, vestro Numini, tanquam fortiori, volentes accedimus, eiusque venerationi nos in futurum mancipamus. Acceptus perhumaniter à Principibus Orator, reliquis fuit auctor, ne exequi morarentur, quod per illum polliciti fuerant. Frequentiores ergo deinde ad audiendos de rebus Diuinis sermones, editcendaque veræ religionis præcepta, confluebant. Accidisse inter hæc lepidam rem Nicolao Wenzky Ordinis Prædicatorum sacerdoti, ad populum præsentibus Principibus verba facienti, aliqui memorant. Explicabat fortē de suggestu, creati orbis seriem sacer Orator: cum grandis natu vetulus sacerdotis sermonem, interrumpens, populum elatā voce alloquitur: Mihi credite viri: Quæcunque ab hoc iuuenulo homine dici audistis, ficta profectò sunt. Vnde enim ille hæc nosset, cum ego tot annos, & prope sæculum integrum, vitā & memoriā

moriâ complexus, nequaquam horum recorder? Abij-
 set tota concio in rilum, nisi Rex auctoritate suâ Sacer-
 doti fidem fecisset apud populum. Per benignè enim
 tum edentulum illum, tum reliquos allocutus, edo-
 cuit: sacros Oratores, non ea pro concione dicere, quæ
 ipsi aut oculis suis vsurpâssent, aut ætate attigissent, sed
 quæ pluribus ante sæculis supremi verique Dei potentiâ
 effecta, ex maiorum doctrina, scriptorumque vetusti-
 torum monumentis, ac præcipuè, ex Diuinis libris, hau-
 sissent. Post laborem diuturnum, superata est tandem
 rudis populi ignorantia, atque vniuersi doctrinæ Chri-
 stianæ rudimentis pro capto instructi, sacro fonte ad
 Catholicam religionem sunt initiati, magnâ Iagelonis,
 Vitoldique voluptate. Vitoldus nè sine cultore ager re-
 lictus, iterum siluesceret, Pontificatum cum sex Cano-
 nicorum Collegio erexit dotauitque: sedem nouo Pon-
 tificis, ac Cathedræ, Collegioque, oppidum Miedni-
 ki, exædificari mandauit, quod vt eius tempestatis mos
 ferebat, nullæ adhuc per Samogitiam ciuitates essent.
 Adiecit alia Sacerdotia minora, Syragolæ, Crofis, Ro-
 sienis, Widuklis, Velonæ, Coltinianis, Lucnicis, & ali-
 bi, insignibus templis, ac munificis dotationibus in-
 structa. Hæc omnia, quia iam ante animo destinata ha-
 buerat Vitoldus, magnificâ ad Constantiense Conci-
 lium, nobilium Samogitarum legatione institutâ, su-
 premæ auctoritatis iudicio confirmari, procurauerat:
 vniuersâ deinde Samogitiæ curâ ad Kieyzgailonem de-
 lata, Regem Iagelonem in Lituaniam deduxit.

Longè

Samogitiæ
Episcopa-
tus erigi-
tur.

M. 1414.

Longè diutiùs, quàm optasset, Iagelo in Lituaniâ morari coactus est: quòd pestifera contagio sæuissimè per Poloniam grassaretur. Inchoatam superioris anni autumnoluem, hyems subsecuta mirè propagauit: tam insolitâ per Ianuarium ac Februarium auræ tepiditate, vt passim herbæ arboresque vernis floribus contextæ spectarentur. Sedato aliquantùm malo, Rex circa solemnes Paschatis dies Poloniam repetijt: Vitoldus verò nouum bellum orsus est.

*Vitoldus
belli Rus-
sæ Septen-
trionali
infert.*

Septentrionalis Russiæ, opulentissimæ ciuitates, Ple-
scouia, ac Nouogardia, commerciorum occasione,
quæ cum finitimis Liuonibus celebrabant, sæpiùs varia
auxilia Crucigeris contra Lituanos suppeditauerant.
Non latebat id Vitoldum: neque leuiter eius rei recor-
datio animum fodicabat, sub vindictæ specie, dominij
in florentissimas ciuitates occupandi deliderio. Verùm
peritissimus dissimulandi artifex non nisi hoc anno se-
creta consilia in apertum protulit. Collecto exercitu,
cùm nemo intelligeret, quòd eum destinaret, inopinatò
versùs Siebiezium signa mouit, atque modico certami-
ne locum expugnauit. Pleseouiam deinde obsidione
cinxit. Diu eam ciues constanter ac fortiter sustinue-
runt; tandem mænibus integris, animo concidère. Cùm
enim inde Vitoldum capto operi pertinaciter insistere
viderent, inde vires ad diuturniorem patriæ propugna-
tionem impares sentirent: vt vitam fortunæque redi-
merent, libertatem prodegerunt, ciuitate ac vniuersâ
Prouinciâ Vitoldo deditâ. Victor Vitoldus, certâ num-
morum,

*Pleseouia
deditione
capit.*

morum, equorum, pelliumque pretiosarum pensione *A. 1444.*
 in annos, tributi nomine, imperatâ, Georgium Ducem
 Nofsâ, cum valido delectorum præsidio, gubernandæ
 ciuitati reliquit: ipse verò, prius quàm Nouogarden- *Co. Mag-*
 bus ex sociorum fortuna consternatis audacia animus- *nâ Nouo-*
 que rediret, vniuersi exercitus robore Nouogardiam *gardiam.*
 aggressus est. Non diu vim tulerunt, famâ Plescouien-
 sis victoriæ iam magnâ parte debellati: citò accepe-
 runt iugum Vitoldi, & tributi annui pendendi debitum.
 Simon Algimundus Dux Holszanus Prouinciæ admi-
 nistrandæ relictus est: præsidia Litwana munitioribus
 locis imposita: reliquæ copiæ prosperè domum redu-
 ctæ. At, quod plerumque temerè occasiones quasuis ad
 bella captantium, fatum est: dum inquietis armis alie-
 na auidius Vitoldus inuadit, domi inopinatum grauius-
 que longè bellum reperit.

Michael Cochmeyster nouæ Marchiæ Aduocatus, *Crucigeri*
 Equites Crucigerios contra Henricum Plauenium Ma- *nomi Ma-*
 gistrum concitauerat. Obijciebatur illi nimia facilitas, *gistrum*
 quâ Benedicto de Macrâ Concilij Constatiensis lega- *creant.*
 to, ad litem de Samogitiæ finibus terminandam misso,
 consensisset, vt Memelum ac Velona arces, Samogitiæ
 adiungerentur. Coniecto ob eam causam in Vincula
 Plauenio, ita reliquum negotium apud Equites tempe-
 rauit, vt omnium consensu ipse in eius locum sufficere-
 tur. Potitus rerum Michael, ante omnia fædus nuper *Fædus cū*
 ictum, immisissis inopinato in Dobryniâ vastatoribus, *Iagelone*
 rescidit: ac ne quid sceleris, violati iurifurandi sacrile- *& Vitoldo*
 gio, *rescindus.*

4.1414. gio, deesset, quoscumque Polonorum intercipi contigit, suspendio omnes enecavit. Gedani, Ragneta, & per alia emporia, mercatores Polonos ac Lituanos, fortunis omnibus exutos trucidari iussit. Ad eos motus reprimendos Rex Iagelo Polonas Lituanasque legiones, cum Silesiorum & Moravorum stipendiarijs, in Prussiam movit. Verum exiguo, aut nullo operæ pretio ea expeditio stetit: oppida duntaxat ignobilia aliquot capta sunt, & in agros latius sævitum, vastando. In ea excursione dum Lituvani solutiùs agunt, Mareschalcus Lituanix Butrym, cum illustri viro Nicem in potestatem hostium venit. Reuocato ab agrorum vastatione exercitu, Rex Polonas copias Torunium, Vitoldus Lituanas Culmam duxit. Aegrè ferebat Iagelo eam copiarum diuisionem: Vitoldus tamen in sententiâ perstitit, Culmamque operibus, ac assultibus pertinaciter fatigabat. Maturuerat iam ciuitatis expugnatio, vix paucorum dierum vim laturæ, cum desperatis rebus ab ingenio remedium Cochmeysterus subministravit. Comminiscitur Brodnicensis præfecti epistolam, quâ Magistro Ordinis nunciabatur, quàm angusta res esset Brodnica: quomodo annonæ ac tormentarij apparatus penuriâ extremè laboraret. Si Magister providere differret, hostis verò arma admoueret, intra aliquot dies ciuitatem perituram. Tabellioni deinde mandat, ita iter moderari, vt velut fortuitò in excubias Vitoldi incidat. Captus Tabellio, epistolaque lecta: sic fabula fidem, auctor fabulæ pretium consilij, reperit. Vitoldus enim nihil

*Iagelo in
Prussiam
exercitum
ducit.*

*Vitoldus
Culmam
obsidens,
eluditur
stratagemate.*

*Tabellio
captus
epistolam
legit.*

hil subesse fraudis suspicatus, verum capiendæ Brodnicæ spe plenus, obsidionem Culmensensem properè soluit: neque prius fraudem deprehendit, quam ad Brodnicam, cuncta Epistolæ aduersa, expertus est. Licet verò nullo omnino laboris fructu sub muris cum exercitu sederet, non prius tamen ab obsidione recessit, quam bello ipsi, finem Pax attulisset. Turcici enim belli moles, Hungariæ impendens, vel inuitos Principes ad concordiam vrgebat. Quare cum Pontifex Summus, ac commune Christianorum Concilium, pacem inter Regem ac Crucigeros maximè optaret: allaborante Pontificio Legato Lausanenſi Episcopo, biennales induciæ agrè sunt concessæ. Hortabatur insuper Concilium Principes, vt in ita cum Crucigeris pace, aut iunctis viribus arma in Turcam verterent; aut saltem per suas ditiones ituris contra Turcam Crucigeris, liberos transitus permitterent. Vtraque res plena periculi visa; itaque neutra concessa.

Plus apud Vitoldum Sigismundi Cæsaris auctoritas valuit. Abiturus ad Concilium, non ex vano metuebat Cæsar, ne per suam absentiam à Tyranno Turcarum contra Hungariam attentaretur: enixè igitur per legatum postulauit, vt eius interea tuendæ curam, Iagelo ac Vitoldus vellent suscipere. Iagelo certè ex vetere Reipublicæ Polonæ more plurimum abhorrebat ab eiusmodi occasionibus, per quas Turcico bello Poloniam intricari posse, suspicio esset. At Vitoldus secretioribus pactis Sigismundo obnoxius, Coronæ enim Lituaniæ

A. 1414.

Pax biennalis in Prussia statuitur.

Sigismundus Cæsar Hungariæ defensionem Iageloni & Vitoldo commendat.

A. 1415.

A. 1415. cogitationes, ac spes, iam in animum admiserat) nihil negare ausus est: quin & Iagelonem induxit, ne tam religiosam, atque dignitatis plenam causam, regni scilicet Christiani protegendi, negligeret. Quare, cum hoc anno Machmetes Turca Bosnam, Hungariæ validam urbem, aggressus esset, vulgatâ eius expeditionis famâ, Iagelo ac Vitoldus grauissimâ legatione egerunt, ut Hungariâ abstineret; bellum minati disertè, nisi eorum legationi annueret. Tantùm momenti eorum Principum auctoritas apud Barbarum habuit, ut ab ulteriore belli progressu deterritum, ad sexennales cum Hungaris inducias paciscendas inclinârit. Orientali quoque Imperatori, armis Turcicis miserè afflicto, ingentem eius ditionibus annonæ vim, hoc eodem anno suppeditarunt: hæc secundo fluuiorum alueo, ad Euxinum Pontum deuecta, ex Kacibeia, Lituanæ tunc ditionis portu, Constantinopolim maioribus nauibus deportabatur.

Vitoldus, Schisma in suis ditionibus servans, Vitoldus à bellicis tumultibus quietem nactus quò securiùs, eò studiosiùs conseruandæ in integro Religio- nis curas, resumpsit. Sacerdotes, ac Præsules Russo- rum, ut in sacris cæremonijs Græcum sequuntur ritum, ita errores Græcorum æmulati, eorum exemplo à Summi Pontificis obsequio, & Ecclesiæ Romanæ societa- te, per Vitoldi ditiones, desciscere incæperant. Mo- uit ea res Vitoldum, quòd sciret eiusmodi ausu, non le- uiter labefactari, quæ à se, ac Iagelone Rege, pro sub- ditorum concordia, in rem veræ Religionis sapientissi-

me fuerant constituta. Quia verò nouitatum harum ^{A. 1415.}
 auctores, non è vulgo, sed præcipui Antistites, non ob-
 scurè designabantur, ac præsertim qui Græcæ natio-
 nis essent: malo serpenti remedium, non poterat ali-
 unde, quàm à publico ipsorum Religionis Antistitum
 conuentu peti. Itaque singulari studio Vitoldus perfe-
 cit, vt concilium pro Russorum natione <sup>Per Nouo-
 grodense
 concilium
 cõprimi.</sup> Nouogrode-
 cum in Lituania indiceretur: cui, ipse quoque Con-
 stantini Magni exemplum imitatus interfuit. In eo
 consilio Gregorius Focius, Metropolitanus Kiouien-
 sis, Phocianæ inter Russos rebellionis excitatæ, atque
 propagatæ, auctor deprehensus est, atque in tanti sce-
 leris pœnam, magno omnium consensu dignitate mo-
 tus. Suffectus est illi Gregorius Cimoulacus Bulgarus,
 singulari sacrae eruditionis commendatione percelebris.
 Hic deinde à concilio suæ gentis, & Vitoldo Principe
 legatus, tum Romæ, tum in generali Synodo, negotium
 Orientalis Ecclesiæ ad concordiam cum Occidentali
 reducendæ, impensè promouit. Probabat vehemen-
 ter Martinus V. Papa eam erga res diuinas in Vitoldo
 animi propensionem, commendabat constantiam,
 quâ non Græcorum modò ab Ecclesia secessionem,
 sed & Viclephianorum errorum sectatores auersaba-
 tur: vtiliteris suis ad lagelonem datis, contestatus est.
 At simul vehementer metuebat, ne ob pertinacem
 ambitionem, nouis discordijs discerperet populos, qui
 magno Reipublicæ Christianæ bono, arctis fœderibus <sup>Regni Lit-
 tuaniæ
 ambis.</sup> in vnum coaluerant. Quæ enim ab aliquot annis se-
 cretius

A. 1415. cretius inter Sigismundum Cæsarem, & Vitoldum de regno Lituaniæ agitabantur: ita variorum sermonibus vulgabantur, vt nec Romanam Curiam laterent. Qua-

*Martinus
V. Papa
impedit.*

re haud ignarus Pontifex, quàm facilè promissi regni semina, & quàm altè, in animis Principum, radices agant: maturè Episcopum Calmensem (quem solum id ausurum publica ferebat opinio) grauissimis literis dehortatus est, ne Sigismundi Cæsaris auctoritate permotus, præsumeret Vitoldum, coronâ ac cæteris insignibus, ex Romanæ Ecclesiæ more, ad regnum Lituaniæ

*Rex Jagelo
dissimulat*

inaugurare. Ignorâsse Regem, eas Vitoldi machinationes, vix credi potest; illud verò propius, dissimulâsse: quòd Vitoldi, Lituaniæque ornandæ esset cupidior. Itaque specie mætoris, quam ex Reginæ Annæ obitu hauserat, diluendi; reuerà autem vt Vitoldo confirmaret opinionem, ignorari eius à se consilia, profectus est in Lituaniam. Accepit Jagelonem Vitoldus regali magnificentiâ: atque post paucorum dierum hospitium, ad Reginæ funus Cracouiam properanti, præter alia ampla munera, viginti millia Marcarum Bohemicarum, centum generosissimos equos, quadraginta vestes pellicum zebellinarum, centum togas Persici operis aureo filo intertextas donauit.

*A Vitoldo
colitur
munificè.*

*Scythæ
Rusiâ po-
pulantur.*

Redierunt interea legati ex Concilio rebus ex voto confectis, cum literis, quibus Archiepiscopo Leopoliensi, & Vilnensi Episcopo, erigendi Samogitiæ Episcopatus committebatur negotium. At ea res differri debuit aliquantùm, ob subitam eamque grauissimam tempestatem,

A. 1416.

pestatem, Crucigerorum largitione, ut aliqui conno-
 tarunt, excitam. Celebris ille Scytharum Regulus Edi-
 ga, ingentibus copijs inopinato Russiam inuasit, vasta-
 tisque latissimè obuijs, Kiiouiam insuper Russiæ Me-
 tropolim, urbem opibus, ac publicorum ædificiorum
 magnificentia, ante alias claram, ita depopulatus est,
 ut nunquam deinceps pristino splendori restitui potue-
 rit. Rex Iagelo hæcenus ad arma impiger, calamitatem
 hanc publicam sentire visus non est: ita Martium eius pe-
 ctus, ex Veneris toxico, ad sensum tanti mali obstupue-
 rat. A morte coniugis Annæ ad thorum destinauerat
 animo Elizabetham Pileciam gente, viduam Grado-
 wscij equitis, sibi ante spiritali cognatione iunctam,
 quod Mater eius Iagelonem sacro leuasset fonte: ea
 cogitatione absorptus, alia non curare videbatur. Mul-
 ta huic matrimonio obstabant, atque inprimis senatûs
 Poloni consensus. Vitoldus quoque peracerbè ferebat
 Regiam maiestatem, tam indignè tractari. At quod ip-
 se quoque vicissim ad sua consilia Regis aut consensu
 aut dissimulatione egeret, consilium Regium publicè
 non impugnauit. Rex verò ex Vitoldi silentio audacior
 redditus, facilè contempsit, quidquid ab eo matrimo-
 nio in domum regiam deriuaretur. Quo tempore Edi-
 ga per Russiam ferro & igne grassabatur: Iagelo nup-
 tialibus festis cum Elizabetha Sanoci celebrandis, præ-
 sente Leopoldo Austriæ Archiduce, indulgebat. Me-
 morabiles nuptiæ populi auersatione, sed inprimis tan-
 tæ Russiæ clade: quàm superos immisisse publicè cre-
 debatur,

Kiiouiam
 occupatâ
 vastant.

Rege in-
 tento in
 nuptias
 quas om-
 nes auer-
 sabantur.

A. 1416. debatur, ut id quod communibus votis populus accersabat, ab ipsis damnatum nemo dubitaret. Esse enim quandam consensionem inter publicam populi vocem, & secretam Numinis Supremi sententiam, vulgò creditur.

A. 1417. *Concilij
Constantiensis
legati
perficiunt
erectionem
Episcopatus
Samogitiæ.* Sedatis per Russiam Scythicis tumultibus, Vitoldus Concilij legatos inuitat, ut quæ à consilio mandata haberent exequi, nollent differre. Vt enim erat concitatio ingenio, nihil ipse lentè agebat, & in alijs moras odebat: præsertim quia non alibi magis, quàm ubi de cultu Diuino, populorumque salute agitur, mora omnis meritò damnanda est. Venerunt maturè Vitoldi rogatu in Samogitiam legati: qui instituto nouo Pontifice Matthiâ, Litvano gente, Theologicarum disciplinarum Magistro, nuper in Canonicorum Vilenfium collegio Præposito, vniuersa quæ ad ordinandas in eo Ducatu Ecclesiæ rationes pertinebant, ad Sacrarum legum præscriptum, ritè per Octobrem, perfecerunt. A Religionis negotijs ad Reipublicæ curas reuocauit Vitoldum, biennialium cum Crucigeris induciarum, imminens finis. Velonam fuerat indictus conuentus, in quo cer-

A. 1418. *Conuētus
Pacis
grauis
factus
bello
terminatur.* ti aliquid, aut de prorogando fædere, aut de perpetua pace, inter partes itaueretur. Sed obstinatè Crucigeris omnes alias condiciones respicientibus, ac intolerabili fastu Samogitiam, velut suam repetentibus, labor omnis in irritum abiit: neque multò post, aperto bello per insidias Crucigeri præluserunt. Soluta conuentu Rex substitit aliquantùm Velonæ, animi causâ, quòd in propinquo

pinquo essent loca venationibus ferarum, ad oblecta-
tionem celeberrima. At, cum feris intendit, vix ipse se
Crucigerorum casibus non induit, ægrè suorum vir-
tute seruatus ab insidijs, quas Rastemburgensis Præfe-
ctus, loco ad fallendum opportuno, tetenderat. Hinc
mutuæ incursationes finium subsequutæ, atque obuia
vtrimque vexata. Dum delectus ampliores instituun-
tur, Vitoldus post mortem Annæ coniugis, Trocis è vi-
uis sublata, cum Vliana Iuani Algimundi Ducis Ol-
szani filiâ connubium apparabat. Matertera erat de-
functæ, hæc Vliana. Quare Petrus Antistes Vilnensis
constantissimè obnunciabat, ne eo matrimonio diuinæ
humanæque leges violarentur. Atque fortasse suâ con-
stantiâ deiecisset à proposito Vitoldum; nisi Ioannes
Kropidto Vladislauiensis Episcopus, qui cum Rege in
Lituaniam venerat, eum confirmasset. Hic enim pro
assentatorum more, leges ad genium Principis inter-
pretatus, matrimonium illud ratum pronunciauit, at-
que solitis Ecclesiæ Romanæ ritibus comprobauit. Per-
actâ connubiali pompâ, ad bellum Crucigeris inferen-
dum omnem contentionem Principes vertère. Vitol-
dus, seu ex veteribus odijs alienior à Suidrigelone, seu
nouis insidijs in suspensiones impulsus, ne cum exercitûs
robur in Prussiam educitur, domi aliquid turbarum e-
rumperet, Suidrigelonem capi iubet, atque Kremene-
cij in vinculis asseruari. Nihilominus citò conspiranti-
bus Russis, excubiarum Præfecto Conrado Frankerber-
go trucidato, liber dimissus est. Sibi redditus, ad Sigis-
mundum

A. 1488.
Rex insi-
dias Cru-
cigerorum
enadit.

Vitoldus
coniugem
ducit.

Vitoldus
Suidrige-
lonem in
vincula
conijcit.

as accu-
le enina
vocem,
lgò cre-
Vitoldus
lata ha-
citatio-
tas ode-
de cultu
nis me-
gatu in
ice Ma-
inarum
collegio
Ducatu
m præ-
Religio-
oldum,
minens
uo cer-
perpetua
cigeris
lerabili
or omi-
ello per
tu Rex
in pro-
pinquo

A. 1418. mundum Cæsarem confugit, atque inde Cæsare ac Rege Iagelone allaborantibus, ægrè Vitoldo est reconciliatus. Bellum interea Prussicum iam maturuerat. Iam Poloni Lituaniq̃ue exercitus transgressi fines, Prussiam intrauerant: omnes, atque inprimis Principes Iagelo ac Vitoldus, eo animo, vt extremâ virium contentione tandem bello tam molesto finem imponerent: Crucigeris, aut ad obsequium quietè ferendum, aut ad amicitiam constanter colendam, vi compulsis. Crucigeri ab aduerso, vt pace inquieti, nimiumq̃ue sibi fidentes; ita bello, vbi impares se aduerterunt, non pacis studio, sed periculi metu, foederum cupidi: ruentibus ad iustam vindictam copijs, auctoritatem obiecerunt Pontificij legati Bartholomæi Capræ Archiepiscopi Mediolanensis. Validum profectò scutum, præsertim contra Iagelonem, & Vitoldum, quibus Religionis Christianæ non pridem susceptæ, atque Pontificiæ dignitatis veneratio tenerior, nondum antiquitate occaluerat. Stitère itaque arma: atque licet à Crucigeris nihil sincerè ageretur, operâ Archiepiscopi in biennales inducias iteratò consenserunt. Rex Daniæ, & Dux Pomeraniæ (qui cum auxilijs ad Crucigeros venerant) vbi iniquitatem in eo negotio aduerterunt, rei indignitate permoti, apertè causâ, & castris Crucigerorum desertis, ad Iagelonem ac Vitoldum transierunt, foedera pepigerunt: promissis contra Crucigeros auxilijs, si quid contra recentes inducias innouare auderent. Confectis induciarum tabulis, Vitoldus Lituaniam petijt, Rex maiorem Poloniam:

Bellum in Prussiam totis viribus susceptum.

A legato Pontificis inducijs terminatur.

in

in quo itinere cū Posnaniā Srodam tendit, non multū à periculo vitæ abfuit. Repentē enim atræ nubes cælo obductæ incredibili tempestate deconuerunt: duobus regij currūs Satellitibus, quatuor è sexigâ equis, quinto sub armigero, fulmine ictis.

A. 1418.

Redux è Prussia Lituanus miles, modicâ quiete re-creatus, ab Occidente in Orientem ductus est. Trans-Volgenſi Scythiâ, post amiſſum morte Regulum Zelandinum ſciſſâ in factiones: pars vnum, pars alterum ex defuncti Principis filijs, paterno imperio ſucceſſorem designabat. Kieremferdenes reliquis fratribus potentior, quod conſenſu obtinere non poterat, vi occupauit. Tachtames eius frater, ſuis ſuorumque viribus diſſiſus, cū æmulum neque tolerare, neque opprimere poſſet, ad Vitoldum cum præcipuis ſuæ cauſæ patronis confugit. Vitoldus hætenus eius populi conſtantem amicitiam ſæpius expertus, fidelemque bellicis expeditionibus operam; non dubitabat è Republica fore, ſi ipſum populi Ducem nouo beneficio ſibi obſtringeret. Tachtame in ergo benignè ac munificè acceptum, ſpe auxiliorum confirmat, Vilnæ ſolemni pompâ, im-poſito gemmis lapilliſque ſplendente pileo, Trans-Volgenſium Scytharum Imperatorem (vulgò Tzarem) re-nunciat, atque inaugurat. Redibat in patriam Tachtames ſpe imperij plenus, vltra populares copias, auxilijs Vitoldianis ſuccinctus. At, vt in aſcenſu præcipitis montis, qui ſemel planum verticis veſtigio occupauit, faciliùs enitentem in altum reiicit, quàm ipſe derrudatur.

A. 1419.

Scythiæ
populi à
Vitoldo
Imperato-
res ſuos
accipiunt.

41419. tur : ita Tachtami planè contigit. Kieremferdenes enim validissimo exercitu collecto, venienti occurrit, commissoque prælio copias eius profligavit, ipsumque fratrem occidit. A cæde Tachtamis, tertius frater Ieremferdenes, fortunam fraterno sanguine cruentam non exhorruit: sed ad Vitoldum ipse quoque confugit. Plus in mortali animo poterat honoris cupido, quam metus periculorum. Neque Vitoldus tanti æstimavit cladem nuper acceptam, quanti dignitatem sui nominis, quòd tam bellicosus populis suo arbitratu Reges daret. Quare Ieremferdenem legitimum Principem solemner renunciauit: ne autem solâ vani tituli pompâ illudere amico voluisse, quispiam diceret, omni ope in paternum imperium restituere decrevit. Marefchalco Lituaniæ Nicolao Radiuilo committit curam, ut instituto properè per Lituaniam delectu, validas copias instruat, ipsique Ieremferdenem in Scythiam deducat. Executus impigrè mandata Radiuilus, in Scythiam movit. In ipsis finibus, plurimi Scytharum, violentum Kieremferdenis dominatum perosi, ad Ieremferdenis castra confluerunt: vnde vires non modicè auctæ. Kieremferdenes tamen nihilo timidior, cui prioris victoriæ memoria animos faciebat, intrepidè ad Volgam cum exercitu sese Fratri obiecit. Ieremferdenes popularibus suis primam prælij gloriam petentibus, non inuitus concessit. Pugnatum est, aliquamdiu fortunâ neutrò victoriam inclinante, ubi prælium vires, virique æquabant: verùm Radiuilus non passus diutiùs suos ex-

tra

tra praelij aleam stare; facto in latus hostium impetu, *A. 1419.*
 & pugnam & fortunam inæqualem reddidit. Citò præ-
 lium in fugam versum est, cum casu belli auctore, om-
 nes campum deseruerunt. Superstitēs pugnae, facillè Je-
 remferdeni accesserunt: ut enim præciso capite reli-
 quus truncus riget immotus; ita factionum auctoribus
 sublati, facillè ad quietem populus componitur. Om-
 nium consensu Jeremferdenes imperio suæ gentis po-
 situs, beneficium Vitoldi amplâ legatione muneribus-
 que veneratus est: atque quamdiu vixit fidum se expe-
 ditionum bellicarum socium exhibuit. Tauricani et-
 iam Scythæ, quos *Crimæos*, & *Perecopenses* vocamus, eius
 victoriæ famâ Vitoldo ac Lituaniæ, mirè sunt conci-
 liati. Ipse Ediga Tauricanæ Chersonessi Imperator,
 cladibus Lituatorum ac Russorum celeberrimus, ho-
 norificâ legatione amicitiam Vitoldi expetijt: atque
 fidem suam, ad perpetuam pacem, & auxilia contra
 quosvis hostes suppeditanda, solemnī fædere obstrin-
 xit.

Tantis incrementis Vitoldi nomen per Septentrio-
 nem, ac Orientem assurgens, viciniorem sibi Bohe-
 miam perstrinxit, ut excusso legitimi Principis imperio, *Bohemi*
 spontè ad Vitoldi obsequium curreret. Controuersia, *regnum*
 inter Polonos ac Crucigeros, de certis ditionibus, per *lageloni ac*
 tot annos, armis atque disceptationibus agitata, bello-
 rum semen feracissimum, cum aliter terminari non *Vitoldo*
 posset, æquo Sigismundi Cæsaris arbitrio permīssa fue-
 rat. Iagelo enim ac Vitoldus Polonæ causæ æquitati *offerunt.*
 confisi,

A. 1419. confisi, eam conditionem non repulerant. At ubi constitit nihil à Cæsare ex æquo actum, sed contra fas sententiam esse pronunciatam, iudicio eius renunciârunt, atque ad vindicanda armis sua iura, sese comparabant. Bohemi post religionis dissidia nuper excitata, excusamque Ecclesiæ Romanæ venerationem, ad apertam contra suum Regem rebellionem prolapsi, externas vicinorum vires (vti superiùs etiam memoravi) circumspectabant; quibus se contra Cæsaris potentiam communirent. Cum ergo Cæsari infensiores redditos Iagelonem ac Vitoldum non ignorarent, rati quamcunque vindictæ occasionem haud dubiè arrepturos, Regnum Bohemiæ eis obtulerunt: Iagelo nihil omnino legatos moratus disertè respondit. Dominijs, quæ è diuina manu absque vilius iniuria, accepta haberet, contentum; aliena omnino non ambire: neque posse sibi persuadere, vt inter eos regnet, qui Ecclesiæ imperijs subesse nollent. Non ab simile responsum à Vitoldo retulerunt. Neque tamen spes destituit Bohemos: existimabant nullam esse tantam constantiam, quam regnandi cupidò non labefactet. Instauratâ iterum legatione animos Iageloni ac Vitoldi arietare pergunt. Mercej fortè in Lituania Principes, animum, corpusque, ferarum venatione exercebant: ibi legatis copia, exponendorum palàm mandatorum, data est. Orabant illi, ne tantam augendæ Reipublicæ opportunitatem, quâ nulla aut maior esse, aut faciliior, posset, elabi paterentur. Sileciam, aiebant, vel inuitis Bohemis repeti debuisse, vt antiquam

*Reijciuntur
ab utroq;*

antiquam iuris Poloni Prouinciam; spontè redeuntem, A. 1426.
nequaquam repelli oportere. Bohemiam ac Morauiam
eiusdem cum Polonia originis, nullo negotio in vnam
Rempublicam coalituras. Ita verò ab eorum populo-
rum accessione, vires Reipublicæ validas fore, vt Sigis-
mundo Cæsari, quo nemo alius Polono nomini infen-
sior esset, reprimendo, & Crucigeris perdomandis, ab-
undè sint suffecturæ. Non aliena à vero, ac in speciem
perquam vtilia, dici videbantur: nihilominus Rex ni-
hil de sua constantia remisit. Vitoldus famæ regnandi-
que audior, inter acceptandi repellendique consilia,
dubius sententiæ, aliquamdiu hæsit: atque ea de cau-
sa legatos apud se retinuit. Rebus verò penitiùs per-
pensis, ipse quoque disertè negauit, quæ à Bohemis po-
stulabantur.

Sequentem annum, belli curis liberum, pacis nego- A. 1427.
tius Vitoldus impendit. Inprimis indicto ordinum Li-
tuaniæ conuentu, ex eorum consensu tabulas publicas
confici curauit: vt quæ nuper Pontificatum Miedni-
ensem, & alia varia Sacerdotia excitando statuerat,
plus apud posteros haberent venerationis, ac roboris,
si in eo vniuersi Ordines consensissent. Deinde firman-
dæ domus Regiæ curam orsus est. Post repetita semel
iterumque connubia, ipse iam spe vltioris prolis exci-
derat. Iageloni quoque nullus hæres erat. Hinc quæ
vulgaris Principum ægritudo est, angi nimium Vitol-
dus, quòd id fastigij, ad quod domum suam euexerant,
posteris non essent transmissuri. Iagelonis domus ex nu-
pero

*Vitoldus
Pontifica-
tū Mied-
niensem
confirmat.*

*Iageloni
Sophiam
neptē ma-
trimonio
iungit.*

A. 1421. pero Elizabethæ coniugis obitu, vacua, nouo matrimo-
nio, spei aliquid reliquerat: præsertim quod suscepta ex
priori coniuge proles, argumento esset, non suo vitio,
herede Regem carere. Vrgere itaque Iagelonem cœ-
pit Vitoldus, vt in eam spem deligeret sibi conforrem.
Facile in sententiam Vitoldi permotus Iagelo, eodem
ipso auctore, animum ad Sophiam, Andreæ Kiouien-
sium Ducis filiam, Vitoldi ex sorore neptem, adiecit.
Virgo erat formâ florente, firmâ valetudine, ætate nu-
bili, Græcis religionibus Russo ritu addicta: atque ea
sola, non leuis, causâ metûs fuit, ne Poloni huic matri-
monio aduersarentur. At, cùm Parente annuente, vir-
go ad Romana sacra transisset, metu illo euanescente,
Matthiâ Vilnensi Antistite, solemnî ritu, vt eas nuptias
Numen faustas, fortunatasque Reipublicæ iuberet, ap-
precante, magnis in publicum lætitiæ argumentis edi-
tis, connubialia festa sunt peracta.

A. 1422. Tertiò Bohemorum legari, cum veteribus postula-
tis, redierunt, noua spe erectiores. Quod enim nuper
Sigismundus Nepo-
tem Regis
Bohemie
eligi pro-
curat.
Vitoldus tergiversari magis, quàm apertè negare, visus
esset, suspicionem haud mediocrem mouerat, fore vt
apud eum saltem, tandem aliquid obtineant. Auditi in
Senatu nihil publicè in rem suam impetrarunt: omni-
bus palàm nolentibus Rempublicam Bohemicis turbis
implicari. Nihilominus secretò vocatis; quid volueret
animo Vitoldus aperuit. Nolle se apertâ regni Bohemi-
ci acceptatione, Principum odia irritare, sibi non pro-
futura; Bohemis verò etiam noxia. Sigismundum Cæ-
sarem,

farem, suis in Poloniam iniurijs meritum esse, ne omnino abhorreat à Bohemorum defensione, sed eam aliter, quàm hactenus Bohemi censuissent, ratione, suscipi posse. Esse sibi Sigismundum nepotem, Ducis Demetrii Corybuti filium, Virum bello exercitatissimum, fortunatumque, ac quantonis regno parem. Si eum Bohemi Regem renunciarent, se extra invidiam, sub nepotis nomine res Bohemicas, milite ac pecunijs adiuturum. Facile in ea consenserunt legati: cum eo modo Jagelonem quoque posse pertrahi ad nepotem iuvandum arbitrarentur. Sigismundus celerrimis nuncijs à Vitoldo euocatus, atque de omnibus edoctus, quantà maximâ potuit festinatione exercitum à Vitoldo acceptum, per manipulos diuidit, extra Poloniæ fines tacitè educit, in Bohemiam, spe Bohemorum citius, penetrat.

atque contra
Caesarem
exercitum
instruit.

Res tam inopina pupugit non leuiter Caesarem Sigismundum: quia verò & vindicando, & repellendo bello simul impar erat, Crucigeros concitare contendit, ut ruptis foederibus Poloniæ fines infestis signis innaderent. Sperabat enim fore, ut bello ab alia parte coorto miles ex Bohemia reuocaretur. Diu hæc agitantur operâ occultorum internunciorum, per maiorem Poloniam, mendicorum habitu securè commean-
tium, donec fortuitus euentus fraudes prodidit. Tabellariorum vnus, Conini repentino oppressus, morbo decesserat: cum demortui corpus ad funus paratur, inter vestes literæ Caesareis ceris signatæ deprehenduntur.

Caesar
Crucigeros
concitat
contra Po-
lonos, ac
Lituanos.

A. 1422. tur. Ortâ suspicione, ne fortè aliquid in eis lateret, quod publicam rem concerneret, magistratus clausas ad Regem deferri curavit. Apertæ, Cæsaris machinationes aperuerunt. Suadebat ille Crucigeris confinia subitis incursionibus infestare: sicubi miles opponeretur, pacis ostentatione prælium declinare: molesto magis bello, quàm periculoso, assiduò diuexare: tanquam inuiti arma sumplissent, concordia desiderium præferre, negotij summâ ad Cæsaris vel Papæ arbitrium reiectâ: spe pacis, cohortes Polonas incautiùs agentes opprimere: omnia, quæ hostes solent, agere; pacem tamen verbis, vnice commendare. Detectis hiscè fraudibus, palàm bellum omni ope gerendum, contra Prussiam indicitur. Magnâ celeritate delectus perfecti: cohortes in vnum coactæ: exercitus validus in Prussiam ductus. Destinauerant Crucigeri, triginta millibus instructi, fortunam aperto prælio concedere. Verùm auctore Conrado Nemcio Sileseo, consilium mutârunt: diffisi campo, per castella atque arces, exercitum diuiserunt. Hoste nullibi pugnae copiam faciente, Iagelo & Vitoldus equitatum omnem ad agrorum populationem expediuerunt. Effusus latissimè incredibilem vastitatem edidit, longè maiorem patraturus, nisi legati Cæsarei aduentus, impetum retardâisset. Episcopus is Corbaniensis fuit, & pollicitatione æquiorum in rem Polonam conditionum Iagelonem ad agendum de pace flexit. Rogabat Cæsaris nomine, vt Corybuthum è Bohemia euocaret, atque bello in Crucigeros abstineret: quod

*Bellum in
Prussiam
inducitur,
a
Iagelone
& Vitoldo.*

*Prussia
latissime
vastatur
Crucigeris
per arces
haruibus.*

quod Cæsar paratus esset omnino, si coram illo de in-
iurijs per Crucigeros illatis disceptaretur, satisfacere.
Quod si fortè Cæsaris æquitatem Rex in dubium voca-
ret, libenter Cæsarem suo iure cessurum permissurum-
que (modò Regi id probaretur) vt viri Principes ex Bo-
hemia ac Polonia delecti, negotio discusso, liti finem
imponant. Ad hæc Iagelo. Cæsaris siue æquitatem, si-
ue amicitiam, satis sibi esse probatam nupero argumen-
to, cum electus arbiter Litis, contra fas pro Crucigeris
pronunciauit. Quamquam verò, eâ ipsius sententiâ, ni-
hil aut iniquius, aut magis hostile esse queat, à se ta-
men pacis studio nihil contra armis tentatum fuisse,
priusquam ipsi Crucigeri suis excursionibus, eam irri-
tam fecissent. Belli Prussici ipsum Cæsarem auctorem
esse, qui occultis literis classicum Crucigeris cecinisset.
Corybuthum nepotem suum, militaribus ausis à puero
innutritum, non regiâ auctoritate: sed proprio arbitrio
Bohemis auxilia suppeditasse, atque adeò vti se incio
petijisset Bohemiam, ita non excessurum, nisi cum ei li-
beret. Moderatiùs ista Rex. At Vitoldus ab indignatio-
ne concitior. Meo, inquit, iussu Corybuthus Bohe-
miam inuasit, vt de Cæsare vindictam sumeret. Man-
surum isthîc eum spondeo, donec Cæsar sentiat, quan-
to rerum suarum damno, amicitia specie hætenus sit
abusus, vt incautos Polonorum Lituanorumq; animos
circumueniret. Expedito legato, vastatio agrorum rur-
sus est resumpta: atque ab ea non procul Torunio con-
uenire legiones iussa. Hostis quoque in propinquo in-
tereà

A. 1422.

Cæsar per
legatū bel-
lum sistere
conatur.

Vastatio
Prussie
resumitur.

A. 1422. terea castra prae munierat, in occasionem rei gerendae intentus. Quare sedecim Polonorum, atque alijs sedecim Lituanorum signis negotium datur, ut hostem in loco tamdiu distineant, donec exercitus uniuersus superueniret. At iam Crucigeri priusquam in conspectum haec signa venissent, deserto vallo, in tutiora se mature receperant. Vastatis igitur Toruniensibus agris Culmam castra promouentur, ut alicubi hostem, aut occu-

*Crucigeri
ad petendam
pacem co-
guntur.*

*Pacis con-
ditiones*

*quas Cae-
sar rescin-
dit.*

*A. 1423.
Rursus
pax cum*

pare, aut elicere, ad pugnam possent. Tandem Crucigeri cum neque configere auderent, neque agrorum vastitatem, aut arcere, aut ferre possent, ad petendam pacem compulsi sunt, quam Rex modò æqua esset, non aspernabatur. Concessis breuibus inducijs, ad V. Kal. Octobris, dies agendi de foederibus dictus: locus, castra Polonorum. Post aliquam cum Euerhardo Magistro disceputationem, ægrè partes conuenerunt in has leges. Crucigeri ius omne in Sudouiam ac Samogitiam iureiurando adiecto antiquarent; Rex quidquid eo bello de Prussia, ademisset, restitueret: si quis prior foedera hæc violare attentaret, subditi eius ab obsequio liberi manerent. Verum ea tamdiu integra fuerunt, quamdiu impendentis exercitus metus, quietem inuitis extorquebat. Posteaquam victor exercitus è finibus Prussiae eductus, conspici desijt, omnia proculcata: negante Caesare Crucigeros ijs obligari, quæ ipso aut in scio, aut inuito, statuissent. Cogitur itaque Rex iterum bellum contra Crucigeros in sequentem annum edicere. Territus eo nuncio Caesar, permisit Magistro, ut non expectatis

expectatis legatis Cæsareis, de pace cum Iagelone, ac Vitoldo transigeret. Nihil ferè ijs pactis, ad Mielnicense fœdus, adiectum est: nisi quòd supplicantibus pro Cæsare Crucigeris, sponderit Iagelo, curaturum se, vt Corybutus cum suis, ex Bohemia abiret.

A. 1423.
Crucigeris
stabilitur.

Iam ille hoste aliquot locis profligato, Cæsareis totâ Bohemiâ depulsis, vniuersum prope regnum suâ potestatis fecerat: neque solùm Rei bellicæ peritiâ, ac successu; sed etiam vario officiorum genere, præcipuis capitibus deuinctis, regij tituli spem abundè stabilauerat. Non tamen ausus est, Iageloni ac Vitoldo reuocantibus, non obtemperare; neque eorum amicitia tam blandè attridentem fortunam antepone: præsertim quòd eam ipsam, quantaquanta esset, illis solis totam deberet. Adiecit suasioni monumentum regia pollicitatio, quâ ei Dobrynia promittebatur, si Bohemiam desereret. At, vt est facilis ad iram ambitio, cum Rex promissa differt, inde indignatione in Regem vrgente, inde degustatæ potentiæ memoriâ titillante, dolere quòd fortunam ipse suam destituisset: reditum in Bohemiam apparare. Sensit id Vitoldus, atque siue suâ sponte, siue, quod vero propiùs, Pontificiæ auctoritatis veneratione, sedulò laborauit, vt Corybutum in Lituania detineret. Acceperat enim à Martino V. Papa grauissimam Epistolam, quâ monebatur ne Princeps Catholicus, sectam Hussitarum propagare pergeret, rebellionem Bohemorum per Corybutum propugnando. Retento in officio Corybuto, prouiores se præstitère Crucigeri,

A. 1424.
Sigismundus
Corybutus ex
Bohemia
reuocatur.

A Vitoldo
in Litua-
nia deti-
netur.

A. 1424. in ijs exequendis, quæ nuperis pactis sponponderant. Nam & Sudouia, & Samogitia integrè sunt restitutæ, & certi limites ditionibus, incredibili consensu, præfente Vitoldo, designati.

*Regina
Sophia co-
ronatur*

Post tot bellicas agitationes, redditâ publicâ quiete, solemnis Reginae Sophiae inauguratio ad XII. Februarij indicta est: celebrataque singulari apparatu & lætitiâ. In apparatus liberius se Rex effudit, quod ex spe propinqui partûs non Reginam tantum, sed & Matrem Regum coronari crederet. Populo verò auxit hilaritatem, pacis diu expectatæ sensus: dilatâ enim ob bellicos tumultus, præter morem diutius inaugurationis pompâ, ac tandem his diebus peractâ, pro augurio in vulgus fuit, bellis tranquillitatem succedere. Aduêre ei festo multi Principes: Vitoldus declinavit. Etsi verò per legatum alias prætexet causas, populo tamen non difficile fuit subodorari eius animum in Reginam offensum, hæc de causâ. Hedwigis, Iagelonis ex primo matrimonio filia, solemnibus cærimonijs desponsa fuerat Friderico iuniori, Brandenburgico Marchioni. Mutato deinde consilio, nuptui dabatur Boleslao, Duci Stolpensium: pro quo, præter alios Principes, tres Reges instabant apud Iagelonem. Obstabat ei leuitati, uti eam ipse vocabat, vehementer Vitoldus, tum ex sua sententiâ, tum maximè à Martino Papa, gente Columnâ, Friderici fautore, permotus. Vbi verò suam omnem operam abijisse in irritum, sensit: indignationem in novercam vertit, cuius consilijs Iagelonem circumagi existi-

*Vitoldus
Reginæ
offenditur.*

existimabat. Tegebat illam animi ægritudinem opero- *A. 1424.*
 sè: sed quid centoculum Argum, suspiciosissimum ge-
 nus, populum, lateat? neque errasse, eum maioribus
 deinde indicijs constitit, quibus interior animi pertur-
 batio in apertum erupit.

Venerunt in Poloniam interea Bohemorum legati, *Corybutus*
 & Sigismundum Corybutum magno studio ad reg- *in Bohe-*
 num repetebant. Rex constanter istiusmodi consilijs se *miâ redit,*
 opposuit. A Rege palam repulsi, Corybutum ipsum
 clam legati adoriuntur, neque difficilem expugnando
 repperunt. Veteris fortunæ magis audus, quam per-
 tæsus, in omnia consensit. Dimissis legatis militem oc-
 cultissimè conscribit. Dabant alacres nomina, & spe
 copiosi stipendij Bohemici, & successuum Corybuti
 memoriâ illecti, veterani æquè, ac tyrones. Conscri-
 ptas, quæ sufficerent copias, non per manipulos aut si-
 gna, sed viritim propè singulos, ne Regi consilium in-
 notesceret, ad condictum diem, locumque convenire
 iubet. Tanto secreto res acta est, ut prius in Polonia
 nunciaretur, Corybutum milite Polono ac Litvano
 Bohemiam inuasisse, quàm Rex, aut quivis alius, eum
 abesse sensisset. Cæsar veritus, ne Regiâ aut auctorita- *In Polonia*
 te, aut connuentiâ, hæc agerentur, gravi legatione de *à Rege*
 violatis fœderibus questus est: cui Iagelo, ut erat reuera *proscribi-*
 tur
 ab omni noxa liber, non verbis tantum, sed & rebus ip-
 sis, fidei suæ integritatem abundè comprobavit, latâ in
 Corybutum sententiâ, quâ omnibus per Poloniam, Li-
 tuaniam, Russiam possessionibus exutus, tanquam pa-
 cis

A. 1424. cis publicæ violatæ, Maiestatifque regiæ læsæ reus proscriptus est.

A. 1425. Idem annus Iagelonem diuturni voti compotem fecit, nato filio, quem de suo nomine Ladislaum appellari voluit. Lustratio pueri Christiano instituto per sacrum fontem, in sequentis anni XXIII. Kal. Mart. reiecta est, in qua Rex singulari munificentia ludos, conuiuia, cæteraque eius temporis, exhibuit. Vitoldus cui nondum à nupera ægritudine animus conualuerat, odio Regiæ, ei festo non interfuit: lectulum tamen argentum infanti, centum pondo æstimatum, dono per legatum misit. Subsecuta æstas ita latè per vrbes, ac pagos pestem vulgauit, vt ad vitandam contagionem, ipsi Regi Vitoldoque, cum vniuersa curia, inter Lituanie nemora, lues vitanda fuerit. Vbi aliquantum remisit malum, ordinum Poloniae conuentus Brestiam in Cuiaria indictus est. Multis laborandum fuit Regi in ijs comitijs, priusquàm euiciret, vt Ladislaus Princeps paterni regni successor, publico edicto renunciaretur. Tabulæ nihilominus, quibus Polonorum ea dere sponsio continebatur, non Regi sunt redditæ, sed Sbignei Oleſnicki Cracouiensis Antistitis fidei commissæ, eâ lege, ne prius eas Regi redderet, quàm constaret eum omnia, in rem Polorum promissa, ex fide promissa.

A. 1426. Rege rebus Polonicis occupato, per Autumnum & initium hyemis Vitoldus bellum in Lituania apparabat: quâ parte erupturum, nemo ferè diuinare poterat. Causam belli nemo scriptorum indicauit: fortasse non

*Successor
regni pa-
terni re-
miciatur.*

*Vitoldus
Plescoriâ
inuadere
parat.*

non quod tam alto secreto Principis obruta ; quàm A. 1426.
 quòd nulla, fuerit. Recedente hyeme aliqua indicia e-
 manauère, in Septentrionalem Russiam impetum diri-
 gi. Monetur itaque maturè ab amicis Plefcouia. Accur-
 runt Plefcouienfes periculum auersuri : donis, suppli-
 ciq; habitu, animum Principis portentant : nihil pa-
 cati expiscantur. Bellum itaque aduersus patriam para-
 ri non dubij, properè ad suos redeunt. Sequitur cum
 exercitu Vitoldus. Desperatis Plefcouia rebus, cælum
 pro innocentia stetit. Incredibiles enim tempestates
 coortæ, tantam vim imbrium effuderunt, vt inuia pror-
 fus, per loca semper paludosa, reddita fuerint Plefcou-
 uiam itinera. Cessit cælo Vitoldi indignatio, neque ta-
 men quieuit, ante acceptam multæ nomine, ingentem
 pecuniam : pacem à Superis donatam, coacti sunt Ple-
 fcouienfes, apud Vitoldum nummis redimere.

*Pecunia
ingenti
multat.*

Cessantibus externorum motuum curis, recrude-
 runt veteres in animo Vitoldi morbi, atque ab ipso otio
 vires fumebant. Reginam à qua alieniorem se hactenus
 præbuerat, apertè odisse; sermonibusq; ac literis apud
 Regem, persequi: mœrere, quòd Ladislao successore Pa-
 tri designato, ipse regni sint amissæ: de Lituania Prin-
 cipatu retinendo angi: de regia domo vereri, ne ali-
 quando se suosq; Lituania excludat: Iageloni ipsi mi-
 nus quàm ante fidere: suspicionibus, quarum ambitio
 feracissima, noctibus diebusq; agitari. Primi omnium
 Crucigeri ægritudinem Vitoldi subodorati, ita eam
 promouere conati sunt, vt apertas cum Rege inimici-
 tias

*Suspicio-
nibus agi-
tari inci-
pit.*

A. 1427.

A. 1427. tias cōsciscerent. Multâ adulatione, atque amicitia
 exquisitis argumentis, promissisque impulerunt Vitoldum,
 ut eorum causam apud Regem susciperet, atque
 molendinum Lubicz cum suo latifundio, detractum
 Poloniae, Crucigerorum agris adijci, impetraret. Non
 dubitabant illi, nihil prorsus eâ intercessione Vitoldum
 profecturum: destinato tamen consilio, ea postulari
 voluerunt, quæ à Iagelone negari oportebat: ut quò
 constantius Iagelo postulata, repelleret; eò aliùs Vitoldus
 sentiret, intensioresque spiritus conciperet. Reiecta
 est semel, iterumque Vitoldi petitio. Poloni quoque
 Proceres, celebratis Vartæ comitijs, Paulum de Ruz-
 dorff Magistrum Ordinis grauer commouuerunt of-
 ficijs, ne Crucigeri malis artibus, & Vitoldi erga Regem
 regnumque fidem infringere, & icta nuper foedera sen-
 sim labefactare pergerent. Mox alijs Lancitiæ conuo-
 catis comitijs, per Sbigneum Cracouiensem Pontifi-
 cem, Reipublicæ totius nomine, Vitoldo præsentem,
 supplicarunt, ut ab ea actione desisteret, quæ Regiam
 ac Reipublicæ dignitatem conuelleret. Sincerâ Sbignei
 oratione offensus Vitoldus grauer excanduerat: sed
 dissimulandi artifex, surgentes motus tantisper preffit,
 compositoque ad tranquillitatem sermone, omnia Po-
 lonis pollicitus est, nihil præstiturus. A Polonis & Rege
 alienior redditus, primò in Reginam furorem effudit,
 quo Regem, regnumque inuoluit. Tertiò iam vterum
 Regina ferebat: ex tam frequente prole, suspicionibus
 domestici probri, violati que thori, innocentem palam
 exagi-

*Crucigeris
 promouē-
 tibus e-
 gritudine
 animi.*

*Regi ac
 Polonis
 offēditur.*

exagitare apud Iagelonem coepit. Maleuolorum sermo-
nibus res ad plures vulgata, non mediocriter Regem ac
Proceres conturbauit. Licet enim apud æquos rei iudi-
ces, fides ac integritas Reginae extra omnem suspicio-
nem esset: verendum tamen omnibus fuit, ne si forte
falsi rumoris fama, innocentiae præiudicaret; aut Iage-
lonia proles successionem excideret; aut regium fasti-
gium tanti probri turpitudine fœdaretur. Comitiae er-
go Hrodllum ad Bugum, Polonis ac Lituaniis indicta
sunt, ut in ijs Regina causam diceret, atque extortius
Reipublicae sententiâ, damneretur, aut absolueretur:
vbi innocentiam eius luculentissime probatâ, auctores
falsi, equites Poloni, poenas luerunt legibus latas.

A. 1427.
*Reginam
innocentem
falsis cri-
minibus
exagitat.*

Quieuerant rursus aliquantum domesticæ pertur-
bationes, Vitoldo ad bellum auerso. Nouogardiæ Ma-
gnæ incolæ, circa ditionis suæ limites à Vitoldo delig-
natos, coeperant aliquid innouare. Ad eos perdoman-
dos, exercitum à Lituaniis, & Polonis stipendio aucto-
ritatis, Vitoldus duxit. Nouogardiani inaccessibilem
propè per aestatem itinerum munitione freti, contem-
pserunt initio Vitoldi minas, atque ferocius agebant. At
vbi rumor allatus est, superatis obstaculis, Vitoldum
arcem Opocznam obsidione cinxisse, facile animis
concederunt. Missi properè legati, qui urbem victoris
potestati permitterent: amplique muneribus oblatis,
annuæ pensionis summam augerent: modò pax impe-
trari posset. Vitoldus, etsi diripiendæ urbis opulentæ
spe, maximè eo progressus fuerat: non inuitus tamen
pacem

A. 1428.
*Nouogar-
diam re-
bellantem
domat.*

A 1428.

*Conuentus
Luceoriam
inducitur,
eiusq;
causa.*

*Cæsar Ia-
geloni in-
fensus va-
rie eum
appugnat.*

*Cū Vitol-
do comi-
tere conā-
tur.*

pacem poscentibus dedit. Verebatur enim, ne diuturniore bello detentus, Luceoriam tardaret, ad conditum cum Rege, & Sigismundo Cæsare, cæterisque Principibus, diem: cuius celeberrimi conuentus, hæc in vetustis annalibus memoratur causa. Sigismundus Romanorum Imperator, iam ante Iageloni perquam infensus, negatis nuper in Turcicum bellum auxilijs Polonicis, longè infensior, cū armis odia non posset prosequi, dolis Iagelonem, aut rem Poloniam, euertere conatus est. Publicis primū literis, per Imperij Romani prouincias, ac vicina regna, ausus est queri, pròditum se cum Christiano exercitu Turcis à Iagelone, quòd auxilia promissa subtraxisset. Neque defuerunt fortè, apud quos calumnia, nomen, nec falsæ, nec iniustæ, querelæ reperit. Neque enim omnes nouerant, quòd Iagelo Cæsareis legatis belli Turcici societatem suadentibus, nihil omnino aut promiserit, aut promittere potuerit: negantibus id Ordinibus, ne fortè semel eo bello implicatis Polonis, tota tandem eius moles ferenda, solis incumberet. At vt fortè non omnes hæc nouerant, non tamen ita occulta erant, vt Cæsaris querelæ fidem publicam obtinerent. Quare in aliam partem versatis consilijs, Cæsar maluit reconciliari Iageloni, & amicitia officijs eum impugnare. Non ignorabat propè omnia apud Iagelonem Vitoldi auctoritate agi, neque mediocriter regni Poloniae potentiam auctam esse, accessione Lituania. Ita ergo Vitoldum in suam amicitiam pertrahere destinauit, vt eo ab Iagelone auulso, vniuersa

vniversa Polonæ ac Lituanæ concordie machina sol-
ueretur. Ipse sibi conficiendæ eius rei Prouinciam vsur-
pauit : ratus tanta negotia neque commodè, neque tu-
tò, tabellarijs aut epistolis, concedi. Itaque contentio-
num, quæ Polonos inter ac Crucigeros, prope totius
Europæ armis, tamdiu exercebantur, pertæsum se si-
mulat : operam suam stabiliendæ in perpetuum opti-
mis conditionibus paci, Ladislao Iageloni Regi, & Vi-
toldo offert: adiicit vnicam sibi causam videri, ob quam
tot labores suscepti, irriti fuissent, quòd nonnisi per le-
gatos hæcenus negotium actum esset: optare itaque
se, vt Principes potiùs ipsi secum amicè congrederen-
tur: quod si ob veteres simultates Iageloni ac Vitoldo
nullus in Imperio ad congressum locus probaretur, pa-
ratum se publicæ tranquillitatis causâ, eò venire, quo
ipsi conuentum indicerent. Iusta, videbatur, Cæsarem
postulare: nihil itaque ausus est negare Iagelo. Vitol-
dus verò in ea, quam animo fouebat à rebus Polonis, ac
domo regiâ, auersione, lubens occasionem arripuit,
quâ Cæsaris amicitiam sibi pernecessariam, non imme-
mor eius pollicitationum, commodiùs firmare posset.
Auctor insuper Regi fuit vt ad 8. Id. Ianuarij conuentus
Luceoriam, qui erat eius ditionis locus & Volyniæ
Metropolis, indiceretur.

Ad con-
gressum
inuitat.

Conueni-
dies &
locus des-
ignatur

Conuentus
Principum
Luceoria.

Celebratus est conuentus Principum, his partibus
frequentia inuitatâ; magnificentia Vitoldi planè me-
morandâ, solidis quinquaginta diebus. Præter Regem
Poloniæ, Duces Mazouix, Principes Lituaniæ, & Rus-
sia,

A. 1428. *sia*, Senatores Regni, cæterosque vtriusque nationis magnates, interfuerunt, Sigismundus Cæsar cum coniuge, ac plerisque Imperij Principibus; Ericus Rex Daniæ & Sueciæ; Ioannes Palæologi Orientalis Imperatoris legati, Basilius Moschouia, Boryssus Tweriæ, Olha Rezanæ Magni Duces; Scytharum Tauricanus & Trans-Volgensis Reguli; Magistri Equitum Theutonorum, Ruzdorffius Prussiæ, Sigfridus Liunionæ. Vniuersis alimenta, Vitoldi impensis ministrabantur, copiâ incredibili. Vt cætera sileantur, quæ ab eius ætatis hominibus curiosius leguntur connotata, in singulos dies boues septingenti, verueces mille quadringenti, feræ syluestres varij generis, in singulas species centum; potûs è melle cocti septingenta vasa, præter vinum varium, expendebantur. Plena fastus in publicum pompa, non falso argumento fuit Cæsari, quantum ambitionis Vitoldi pectore occuleretur: vtrique mox in flammam erupturæ, modò ei velut scintillam inijceret, spem dignitatis, quam Poloni cum Rege omni ope essent propulsaturi. Alia igitur Cæsar publicè cum Iagelone alia clam Vitoldo In confessu Principum sermo illi omnis de ineundâ concordia, vt viribus vnitis primùm in

A. 1429. Bohemia Hussitæ domarentur, tum omnium simul arma contra Turcam verterentur, ac Saracenos, pro Oriente vindicando. Magnifica hæc erant, & à plerisque magno plausu accipiebantur: sed quæ inchoari facilius, quàm perfici poterant. Iagelo collatis cum Senatu ac Vitoldo consilij respondit. Si vniuersi Principes Christi-

ftiani conspirent in bellum, non tantum animosè Tur-
 cis, inferendum; sed etiam omni ope, constanter, terrâ
 marique perurgendum: se ab ea belli societate non ab-
 horrere. At solius Cæsaris pollicitationibus, cuius vires
 bis Turca in Hungaria fregisset, permoueri non posse,
 ad violanda fœdera, quæ non ita pronum esset pro libi-
 to reficere, vt conuellere. Satis se videre, quàm lubri-
 cum sit ab his consilijs præcipitum, per quod Turca
 semel irritatus vniuersam belli molem, in Polonos de-
 nolueret, reliquis fœderis, non belli, socijs, alienum pe-
 riculum, extra eius ictum, spectantibus. Cæsar in pu-
 blico, subtristiore simulat vultum ex repulsæ impa-
 tientiâ: tum specie eiusdem negotij vberius pertractan-
 di Vitoldum, absque arbitris conuenit. Cum prius
 multis, Vitoldi Lituaniæque laudes exaggerâisset, easque
 percupidâ aure accipi aduertisset, in subactam adula-
 tione mentem, potens telum intorsit. Dolere se, aiebat,
 vehementer, quòd tantus rebus gestis, ac dominiorum
 amplitudine, Princeps, atque adeò re ipsa Rex, titulis ac
 insignibus regijs careret. Nihil illi ad Maiestatem Regiâ
 deesse, præter nomen: quo solo, minor cæteris Regibus
 esset, quos potentiâ ac opibus regijs longè superaret. Cur
 verò eam cogitationem suæ dignitatis augendæ, non
 admittat in animum, prorsus se non capere. Vt vt tan-
 dem ille sui incurius esset, se Cæsarem Christianum, pro
 muneris sui debito non permitturum vterius, quin bre-
 uium cum cæteris, insignibus regijs exæquet, modò
 constantem secum amicitiam, inire, atque deinceps
 colere

Cæsar Vi-
 toldi sibi
 consiliat
 spe regni
 Lituaniæ.

A. 1429. colere vellet. Vetus Principum malum ambitio, Vitoldo, homini, neque incauto, neque Sigismundi artium inexperto, caliginem offudit: vt non aduerteret, nequaquam ad se ornandum ea consilia dirigi, sed ad auellendos à Polonis Lituanos. Quare faciliè in eius sententiam atque amicitiam concessit, illud vnicum professus: Rege aut infcio, aut inuito, nihil se attentaturum. Sigismundus iam magnâ parte victor, ad Regem expugnandum machinas instruit. Iagelonem cum Imperatrice inuilit. Post mutua officia, atque incidentia colloquia, rem aggreditur. Iagelonem, Vitoldum, totamque maiorum seriem, rebus bello gestis mirè commendat: amicitiam suam erga domum regiam, & Lituaniam, prolixè explicat: postulat, vt si quam pro suo affectu rationem ornandæ Lituanie reperisset, eam ne ille repelleret: memorat regios in Lituania titulos non insuetos esse, cum adhuc sub Mendogo Principe, vix eis esset par; nunc in eam amplitudinem operâ Vitoldi excreuisse, vt sine iniuria titulo amplissimi regni careere nequeat: spondet, breui se perfecturum, vt Vitoldus Rex Lituanie inauguraretur, modò eam fortunam Iagelo fratri, patriæque, nollet inuidere. Iagelo quamquam alieno fortè ab his consilio animo esset; quia tamen instantem permolestè vna cum coniuge, rationibus ac precibus, aliter eludere non poterat, rem integram ad Senatum se relaturum respondit: si Senatus vota Vitoldi, suffragijs suis comprobaret, abs se nihil obstaculi fore. Idem responsum tulit Vitoldus, cum

condictio

A Iagelone consensum exorquere nititur.

Iagelo ad Senatum rejicit.

condictio iam inaugurationis suæ apud Cæsarem tem-
 pore, eodem præsentem, consensum Regis extorquere
 conatus esset. Conuocato Senatu ipse Vitoldus merita
 sua in Rempublicam, subditorum vota, exterorum exi-
 stimationem, ac quidquid in rem suam fore rebatur,
 disertâ oratione explicuit: ac demùm petijt, ne cùm
 sententiæ dicerentur, ipse Senatu excedere cogeretur.
 Sciebat enim raram esse in dicendo libertatem, quam
 metus præsentis non frenet; raramque constantiam,
 quam conspectus offendendi non labefactet. Et qui-
 dem Principis Senatûs, Gnesnensis Archiepiscopi ora-
 tio, ut multum de eloquentia habuit, ita nihil de liber-
 tate: veritus offensam Vitoldi, post multa copiosè di-
 cta, ad punctum tacuit. At Cracouiensis, Sbigneus O-
 lesnicki, inconcussa animi orisque constantiâ quàm
 suspecta Cæsaris esset amicitia, docuit; quæ eo consilio
 pericula tegerentur, aperuit; Vitoldum, ut annorum &
 veræ gloriæ satur, vanæ dignitatis speciem contemne-
 ret, iurisque iurandi quo se Regi ac regno Poloniæ ob-
 strinxerat memor esset, graviter monuit. In eandem
 sententiam dixit Ioannes Comes à Tarnow Palatinus
 Cracouiensis. Episcopum & Palatinum, reliqui vno
 ore sunt secuti. Vitoldus non tam repulsæ, quàm tantæ
 in dicendo liberratis impatiens, è medio Senatu se pro-
 ripuit, ac in abitu minitabundo similis, disertè subiecit:
 se vel inuitis Polonis destinata perfecturum. Digressio
 Vitoldo, Senatus cum Rege grauissimè exposulauit,
 quod tam periculosas Cæsaris machinationes aleret
 R conni-

*Vitoldus
suam in
Senatu
causâ pro-
mouet.*

*A Senatu
commone-
factus.*

*cum indi-
gnatione
abijt.*

A. 1429. conuiuendo: quem suæ domûs, neque minûs Lituanix, quàm Polonix, hostem esse, tot ante argumentis comprobatum haberet. Rex itaque de consilio procerum, statim, insalutato Cæsare, Luceoriâ abitum maturauit: in Poloniam delatus comitia Corcinum indixit, vt Ordinum regni sententiâ decerneretur, quâ ratione immodicæ Vitoldi cupiditati, obuiam eundum esset: Cæsar quoque, breuiter per absentiam Regis, constitutis cum Vitoldo, quæ ad negotium pertinerent, morari diutiùs non ausus, rectâ è Volynia Hungariam petijt. Abeuntem Vitoldus munificis donis coluit: quibus adiecit, celebre illud Vri, à Gedimino Vilnæ conditore occisi, cornu, auro & gemmis affabrè inclusum.

*Vitoldi &
Polonorum
mutuæ le-
gationes.*

Diurnæ deinde subsecutæ sunt concertationes, quas mutuò missis legationibus, Vitoldus ac Poloni exercuerunt: cùm ille à Polonis consensum extorquere nititur, hi Vitoldum à sententia dimouere. Primi à Vitoldo legati Gastoldus Palatinus Vilnensis, & Rombowdus Mareschalcus Lituaniæ, ad comitia Corcinenfia venerunt. In confessum Ordinum admissi, breui sed apertâ oratione mandata exposuerunt Principis. Vitoldum liberi populi, liberum Principem, non sui causâ facere, quòd tam studiosè postularet, vt Rex regniqûe Ordines, in suam inaugurationem consentiant. Quicumque tandem alijs animus futurus esset, illi fixam stare sententiam, exequi constituta. Rogare tamen, ne Poloni tum Regiæ, tum propriæ dignitatis curam negligerent, quam haud leuiter imminui opus esset, si in-

uitis

uitis illis Vitoldus destinata perficeret. Rogati sententiam Ordines, in eam plerique concurrerunt, vt nihil publicè legatis responderetur, reiecto integro negotio ad legatos suos, quos vicissim in Lituaniā missuri essent. Magno deinde studio è toto Senatu lecti viri, constantiā animi, dicendiq̃ue libertate celebres, Sbigneus Oleśnicki Antistes Cracouiensis, & Nicolaus Michalowski Palatinus Sendomiriæ. Commissum, vt Reipublicæ nomine, monito disertè Vitoldo, ne intempestiua ambitione, sacrosancta vnionis fœdera conuelleret; bellum, si secus faceret, denuntiarent. Sperabant mirum fore, vt quam cupiditatem æqui iustiq̃ue respectus non mitigaret, armorum metus perdomaret. Verum aliter euentus tulit. Legati quidem pro maiestate Reipublicæ commisso sibi munere sunt defuncti: Vitoldus verò ad minas nihilo mobilior, quin ex indignatione audacior, Cæsarem vt maturet opus, vrgeret; res suas nouis Crucigerorum fœderibus firmare; Polonorum procerum animos largitionibus clandestinis venari. His in Polonia nunciatis, rursus comitia ad VI. Id. Sept. Sendomiriā indicuntur: alia legatio ad Vitoldum decernitur, designatis legatis quorum integritati maximè fidebatur, Sbigneo Oleśnicki, & Ioanne à Tarnow. Summa legationis erat, qualem optabant ij Senatores, qui Rempublicam saluam optabant, Vitoldo ab eo non alienato. Quamquam enim illos humanitate ac beneficijs Vitoldi obstrictos, molliùs dixisse sententias censeretur: nemo tamen in ijs fidem desiderauit.

A. 1429.

Polonorum
legatio.Poloni Vitoldo suis
regnum
offerunt.

A. 1429. re ausus est, cum clarè constaret, Vitoldo extremè irritato, Poloniæ pericula cumulari. Iagelo quoque cum inde se annis grauem, Reipublicæ administrandæ onere ultra vires premi sentiret; inde impuberem prolem, nondum gerendis rebus parem, haberet: non aded verebatur Vitoldi successionem, quam nulla hæredis spes, fulciret. Itaque cum ex Regis, Ordinumque sententia, Vitoldi cupiditatem, oblato Poloniæ regno, alio auertere constitutum esset, ita Principem legationis locutum reperio. Quandoquidem Vitoldo id propositum esse Poloni scirent, nihil contentionis remittere, in occupando regali fastigio; Rempubicam Polonam communi Ordinum consensu, diadema illi offerre, quod nullo publico damno, magno verò suæ dignitatis augmento, acceptare posset. Meritissimo capiti nequaquam Polonos hactenus coronam inuidisse: sed suspectam habuisse illam, quam vetus hostis obtrudebat. Timuisse nimirum, Danaos etiam dona ferentes. Sumeret itaque fortunatus diadema Regum Poloniæ triumphis contextum, quo frontem regiam, & merita sua coronando, duorum potentissimorum populorum concordiam arctiùs adstringeret. Contemneret verò nouis Cæsaris machinationibus elaboratum, quo Sacrosancta Poloniæ, ac Lituaniæ fœdera rescinderentur. Geminatis enim regijs titulis, regnum quoque necesse esse ita geminari, ut simul, vires hactenus vnitæ, ipsâ diuisione conciderent: quod vnicum hostibus votum esset. Superi ipsi tantum à Republica malum auerterent: cuius

ius horrore plenus Rex Iagelo, Vitoldo solium suum
libens concederet. Insuperata legatorum oratio, tanta-
que in eum Regis ac Regni vniuersi propensio, emol-
lierat aliquantum pertinacem Vitoldi ambitionem. At-
que ut quandoque facilius dura in molles res impetu il-
lata, aut franguntur, aut repelluntur: iam eius mentem
destinatorum poenitentia subire coeperat. At postquam
aliquorum Polonorum, quibus ante publica commo-
da, priuata rationes cordi erant, occultis literis in anti-
quam spem erectus est, obfirmato animo legatis re-
spondit. Impudentiae cuiusdam, ne diceret, impietatis,
argumentum notamque perpetuam ad posterum fore, si
fraterno capiti detractum diadema, suo imponi permit-
teret: plus utique probri, quam dignitatis, apud vniuer-
sos habiturus. Regnaret incolumis diu Iagelo, retine-
retque coronam, quam illi, superi dedissent Polono-
rum suffragijs: non inuideret autem Vitoldo, ad quam
eorundem Superiorum ductu, amicorum beneuolentia
viam aperuisset. Non existimarent Poloni Vitoldum re-
gnandi cupiditate pertinacius agere. Non regni acqui-
rendi, sed seruandi nominis, studium, constantiae suae
materiam esse. Non posse iam absque ingenti famae
dispendio negligi, quod per vniuersam Europam vul-
gatum, omnium sermone circumferretur. Superos ip-
sos testari, quam nihil aduersum Regi, Regnoque Po-
loniae, animo ageret: nihilominus si Poloni prius ali-
quid mouerint, rebus suis neque militem, neque arma
defutura. Nondum abierant e conspectu Poloni, cum

A. 1429.

Vitoldus
illud non
acceperat.

*A. 1429.
Cæsaris
ad Vitoldi
legatio.*

*Vitoldi
responsio.*

Cæsarei legati iussi sunt mandata sui Principis explicare. Prolixâ illi Cæsareâ beneuolentiæ contestatione præmissâ, initâ recenter cum Cæsare ac Crucigeris amicitiæ symbolum, insigni opere ex auro argentoque elaboratum Draconem obtulerunt, postulâruntque, ut quasdam noui fœderis leges iureiurando firmaret. Ad hæc Vitoldus. Amicissimi Principis hospitale munus, gratâ accepto voluntate, at nouarum amicitiarum symbola nulla noui. Ad perpetuitatem veteris amicitiae, sat superque sufficit præteritum fœdus; quantumuis nullâ iuramenti religione firmatum. Fides, verbo Principum obligata, incerta esse non potest. Hæc publicè: priuatim verò actum est de maturanda inauguratione, tempusque designatum ad XVI. Kal. Octob. sequentis anni.

*Iagelo im-
pedit Vi-
toldi coro-
nationem
per Papâ.*

Rex Iagelo quo res profecisset à legatis edoctus, à summa in terris auctoritate remedium malo querit, Pontificem Romanum certiore de omnibus facit. Pontifex quidem, non dubius ingentes inde motus Christianam Rempublicam concussuros, grauiter Sigismundum, Vitoldumque hortatus est, ut ab incepto desisterent. Verum iam morbus medici manum non admittebat, præsentioribus remedijs curandus. Iedilnam comitia Polonis indicuntur: publico edicto designantur, qui circa extremos Poloniae fines vias armatis obtineant, magnâque diligentia inuigilent, ne aut Cæsarei, aut Vitoldiani, internuncij commencent. Negotio vniuerso Ioannes Czarnkowski præficitur. Hic im-
pigrè

pigrè suo munere functus, Baptistam Cigallam Senen-
sem, & Sigismundum Rotth Theutonem interceptit; ex-
cussisque sarcinis, ac literarum Cæsarearum fasciculo
ablato, liberos abire permisit. Literarum summa erat.
Superuacuum esse Vitoldi de Cæsaris, circa instituen-
dos, inuito aut inscio Papâ, Reges, potestate, dubita-
tionem. Excuteret eam vanam sollicitudinem, & ad
condictum diem promissa Regni Lituaniæ insignia præ-
stolaretur. Iam in itinere esse suos legatos, qui & Re-
gium diadema secum ferrent, & inaugurationi suo no-
mine adessent. Adiunctum præterea literis erat fœderis
inter Hungariam, Lituaniam, Prussiam, ac Liunioniam
recenter initi exemplum: tum publicæ tabulæ, quibus
Sigismundus Cæsar, Vitoldum, Lituaniæ Regem so-
lenni ritu renunciabat, creabatque. Vulgata hæc per
Maiorem Poloniam prius, quàm ad Regem deferren-
tur, vniuersam nobilitatem ad arma exciuerunt. Viæ
omnes armatis infessæ, ne quâ legatis liberi aditus pa-
terent: nunciata per Germaniam Polonorum conspi-
ratione, legati Francofordiam reuertuntur, duosque
menses ibi frustra morati, ad Cæsarem infectis rebus
redierunt.

Vitoldus quò propior spei, eò magis morâ affligeba-
tur: plurimos interea Principes, alio prætectu inuita-
tos, Moschouix, Tweriæ, Odoieuiæ Duces, Scythiæ
Regulos, Magistros Crucigerorum, publicis impen-
dijs in eam festiuitatem, Vilmæ detinebat. Vbi verò in-
teruersi Polonorum operâ totius negotij, nuncium ac-
cepit,

A. 1430.
Polonia
vias infes-
sent, nunc-
cios & li-
teras in-
tercipiunt.

Legati
Cæsarem
infectis
rebus red-
eunt.

A. 1430. cepit, maiorem coram hospitibus aut dissimulare, aut
certè fictâ hilaritate diluere, conatus est, protractis diur-
nis ad finem Septembris conuiuijs. Desperatâ tandem
planè re, digressisq̃ue hospitibus, cum ægritudinem to-
tam animo capere non posset, cum corpore eam parti-
ri cœpit. Incidit in morbum leuem quidem, uti videba-
tur, & lentum, sed supremum. Lecto affixus, nihil de
ambitione dimisit. Cum verò inuito Iagelone non pro-
fecturum se quidquam cerneret, eò consilia intendit, ut
Iagelonem tandem in suam sententiam pertrahat. Scri-
bit illi, per Nicolaum Maldrzyk familiarem suum; tan-
dem se rerum humanarum haud immemorem, omne
ambiendi regni studium deposuisse: precatur, ut quæ
hactenus agi contigerat, uti nunquam acta, æternâ con-
sepeliret oblivione: inuitat, ut agrum se inuisat, quod
ex eius conuictu, non leue morbi, quo conflicaretur,
leuamentum speraret. Suspecta erat Polonis, tanta in
Vitoldo, eaque subitò exorta, animi moderatio: quare
ut ab initio constanter obstiterunt ne Rex in Lituaniam
iret; ita abeunti eos adiunxerunt Senatores, quorum in-
tegritas ac constantia plus opinionis habebat. Suscep-
tus Rex ad Lituanix fines regali magnificentia, eadem-
que Vilnam deductus. Vitoldus post varia, dierum ali-
quot, in Regem ac Polonos Proceres officia, Regem
absque arbitris nactus, illaròq̃ue spontè de nuperis ge-
stis sermone, quæ celabat animo, effudit. Aiebat, non
adeo se tangi diadematis regij cupiditate: famæ suæ dis-
pendia ita grauia esse, ut ea neque animo, neque cor-
pore

*Regem
in Litua-
niam eno-
catum*

*Prenas
& solici-
tat.*

pore ferre posset : rem tanto conatu inchoatam , pro-
 motamque, totâ Europâ diuulgatam , quomodo sine
 insigni leuitatis notâ negligeret ? ipsam notam quomo-
 do sanus ferret ? Quid tandem damni allatura esset co-
 rona Lituaniæ , agro ac moribundo capiti imposta ?
 Quod si morbus eius suspectus esset , timeretque Rex,
 ne coronatus Frater diutiùs viueret, Superos se testari,
 quòd altero, aut tertio, ab inauguratione die, regno Li-
 tuaniæ Iageloni cedere destinasset. Cur igitur tam bre-
 ue regnum fratri inuideret ! His, similibusque, verbis,
 preces propè indignas tanto Principe adiunxit, quibus
 fraterna iura, meritaque Vitoldi præterita, vix non de-
 iecerunt Iagelonis constantiam. Negauit nihilominus
 Iagelo se quidquam facturum inuitis Senatoribus Po-
 lonis, quos sibi Respublica adiunxisset. Quare Vitoldus
 rursus ad prensandos Polonos vertitur, atque inprimis
 Sbigneum. Versabat virum inuictum, precibus, mu-
 neribus, minis, protestatus effecturum se vt Pontificatu
 Cracouiensi detruderetur. At Sbigneus adamante for-
 tior, ad omnia reponebat. Vitoldum ante alios Princi-
 pes dignum fastigio Regali sibi videri : at Regem Li-
 tuaniæ neminem esse posse, nisi hostem Reipublicæ Po-
 lonæ. Lituaniam, quibusuis regnis amplitudine parem,
 se agnoscere; at fœdera, tot religionibus inuicem firma-
 ta, exigere, ne alium Regem, quàm Poloniæ, habeat.
 Cæsarem, vt vt se amicum fingat, Polonis Lituaniisque
 rebus semper infestum, iactis iam discordiæ seminibus
 latum, inter epulas iactare; offam inter canes suâ ope-

A. 1436.

Tentat
 varijs me-
 dis Polo-
 nos.

S

ra

A. 1430. ra iniectam : quid verò dicturum speraret Vitoldus, ubi populos tamdiu inuictos, quamdiu concordēs, diffidijs adultis diuisos, singulos ad prædam hostium opportuniore aduerterit? Frustra suam constantiam oppugnari in ijs, quæ fraudi Reipublicæ essent : se ut patriæ proditorem esse non posse, ita neque Vitoldi postulationis consentire. Dies aliquot in his contentionibus abire : interea seu nimia animi solitudine, seu ipsa morbi naturâ, tantas vires ægritudo Vitoldi sumpsit, ut medicorum artem ac spem vinceret. Vbi itaque desperatio vitæ, grauiore futurorum curâ animum perculit : Vitoldus primùm contemnere humana, quæ retineri iam non possent : tum damnare antiqua studia, quorum ratio districto Iudici reddenda esset : demùm totum se dare cogitationi vitæ mortalis Christianæ concludendæ. Regem Iagelonem magnâ verborum modestiâ precatus, ut veniam eorum daret, quæ non suo arbitrio, sed aliorum instinctu, Regis ac regni dignitati contraria attemptauerat, Vlianam coniugem eius paternæ curæ commendat. Denique ad componendas animi rationes conuersus, expiatâ coram sacerdote per delictorum confessionem conscientiâ, sacris Christianis ritè munitus 27. Octobris die, Trocis obiit. Elatus est magnifico apparatu à Iagelone Rege, & Suidrigelone Duce : tumulatus Vilnæ in D. Stanislai summa æde. Multis deinde post annis memoriam eius ad posteros renouauit. Bona Sforcia Regina Poloniæ marmoreo tumulo ad dextrum aræ maioris latus excitato.

Princeps

Princeps fuit bellicâ gloriâ celeberrimus. Principatum Lituaniæ à mari Baltico, ad Pontum Euxinum, à confinijs Poloniæ ad extrema fere septentrionis propagauit. Scytharum populis sæpè suo arbitrio Regulos dedit. Ad omnia cautus, consilio promptus, pleraque insigni dissimulatione ac celeritate perfecit. Otij hostis, etiam cum cibo vires reficeret, animum aut dicendo iuri, aut de re militari disceptando, intendebat. In exteris liberalis: suis, etiam summis, seuerior. Sobrietate singulari, nunquam vinum, aut è grano vel melle coctum potum, gustauit. Prouinciarum præfectos ditatos, opibus exuebat; ac mox alijs Prouincijs præficiebat, ut se exigendarum rationum labore absolueret. Staturâ mediocri, neque altâ, neque obesâ: facie imberbi: sermone amœnus. Suadente quopiam ne perquàm gelido die, prælij copiam circa Borysthenem Scythis daret; imò, inquit, hodie confligendum est: si vincemus duplicabimus victoriam; si vincemur, gemino hosti succubuisse nos diceretur, Scythis, & gelu. Arguentibus, quòd aliquas Scytharum tribus, assignatis in Lituania & Russia agris ditâset: respondit; liberalitate etiam immanissimas feras mitescere. Laudanti cuiuspiam, Principem supra modum disertum; magis probari sibi reposuit, incomptè loquentem, sed vera. Sunt & alia festiui eius ingenij, non indigna calamo, argumenta: verùm gesta, non dicta conscribentem, hæc etiam memorâsse, nimium fortè nonnemini videbitur.

A. 1430.

LIBER III.

DE REBUS LITVANORVM

Sub Principe Boleslao I. Suidrigelone.

Ors Vitoldi Lituaniam diuersis votis ac studiis in factiones discerpsit. Non Principes modò viri, pro se aut suis, sperare vel ambire: sed priuati etiam, alium atque alium, tum tacitis cogitationibus, tum in amicorum congressibus, Vitoldo successorem designare. Pars præcipua oprabat Alexandrum Volodimiri Kiiouiensium Ducis filium, Ducum Slucensium auctorem. Alij Sigismundum Corybuthum Bohemiæ Regem electum, rebus bello contra Cæsarem fortunatè gestis celebrem: vtrumque Iagelonis nepotem. Alij Boleslaum Suidrigelonem regium fratrem, ac præsertim Proceres Russi, quòd suæ religioni addictiorem experti essent. Nihil in illo erat dignum eo Principatu. Homo furiosus, ac crapulâ infamis, qui Vitoldo imperante non leuibus cladibus Lituaniam affligerat; rebus verò desperatis in Hungariam profugerat exul, nec ita pridem reconciliatis Rege ac Vitoldo, in patriam redierat: habebatque non paucos, præter Russos, quos profusâ liberalitate olim sibi conciliauerat. Iagelo quoque in eum, veluti suum germanum, haud obscurè inclinabat. Id verò ubi sensere Primores

*Candidati
ad Principatum
Lituanie.*

*Boleslai
Suidrigeloni
mores.*

LIBER

2

mores Lituaniæ, deserto Rege & Republica, Trocis 4.1430.
 properè se subtraxerunt. Polonos quoque proceres, pau-
 lò ante mortem Vitoldi, Rex in Poloniam remisit;
 causatus non egere se eorum præsentia, postquam Vi-
 toldus mortis expectatione regni curas exuit: at reuera
 absentia illorum egebat, vt liberiùs Boleslaum, Mag-
 num Lituaniæ Ducem institueret. Non diu eius fauoris
 Iagelo pretium tulit ab homine furibundo, ac prope a-
 mente. Vix dum peracto Vitoldi funere, se sua aucto-
 ritate velut Magnum Ducem ferre; Regem non solum
 non obseruare, sed barbarè planè habere; impudenter
 ei carceres suos nouennales, atque iterata exilia, expro-
 brare; non dissimulare, sed palàm gloriari, quòd Re-
 gem in sua potestate haberet; Polonæ nationis homi-
 nes in curia agentes contemnere, ac probis afficere: li-
 teras ex Polonia missas intercipere, signa earum viola-
 re; cum liberet conscindere.

Rex nihilominùs tot iniuriarum sentum, vultùs amæ-
 nitate singulari tegebat, ac vniuersa superabat inuictâ
 constantia. Quin imò, incertum est, an grauiora veri-
 tus, an verò immanem belluam beneficio mitigaturus,
 Magnum Lituaniæ Ducem eum renunciare instituit.
 Prius tamen Boleslaus publicis tabulis spondit, Regi
 eiusque hæredibus, restitutum se Camenecum, Smo-
 ticiam, Scalam, Ceruenos, arces Podoliæ: si fortè in-
 ter Polonos ac Lituanos, aliâ ratione de earum posses-
 sione non fuerit conuentum. Facile Suidrigelo in eam
 conditionem consensit desiderio imperij: quod & si
 suorum

*Magnus
 Dux Li-
 tuaniæ
 creatur.*

A. 1430. fuorum ope posse vi occupari, non dubitabat; malebattamen bonâ potiùs gratiâ Iagelonis, illud adire, vt plus firmitatis ad durandum haberet. Violenta quippe imperia, properè quidem inuadi possunt, at non conseruari diu. Conscriptis de Podoliæ cessione ritè tabulis, Boleslaus Vilnæ in templo D. Stanislai iuxta vñtatos ritus, à Vilnensi Pontifice est inauguratus. Recentis memoriâ beneficij mollior Boleslaus, initio Regi atque Polonæ aulæ humaniorem se aliquantùm præbuit: at malè sopitus ignis, citò rursus in furias exarlit. Nunciata per Poloniam Vitoldi morte, nobilitas Podolica auctore Gregorio Kierdeio, Daugerdum Dedigoldum eius Prouinciæ Gubernatorem altu interceptit, Camenecum & alias arces cum Prouincia, exactis inde Lituanicis præfidijs, Poloniæ asseruit. Ad eius rei famam Vilnæ vulgatam supra modum furere Boleslaus: neque tantùm à conuitijs in Regem non temperare, sed manu vim barbæ eius intentare: Polonis carceres, crucisque minari, nisi quàm primùm sibi Podoliam restitui curarent. Neque multùm aberant, apud insanum hominem, à dictis facta. Quare quotquot erant in aula Poloni, latus regium fidelissimè stipabant, quiduis priùs ausuri, quàm Regem violari permissuri. Nihil tamen grauius tentauit Boleslaus, nisi quòd armato milite Regem ac comitatum eius cinctum, septem hebdomadas tenuit. Premebat ea Regis iniuria iuuentutem Polonam, neque deerant, qui cæde ipsius Boleslai, tantum probrum amoliri destinauerant. Fecissentque procul dubio, nisi in

Cōtra Regem & presentes Polonos furis.

in Rege validior fraterni sanguinis respectus, quàm *A. 1430.*
 propriæ iniuriæ sensus, ardorem Polonorum extrema
 audere paratorum, continuisset, ne quid in caput Bo-
 leslai attentaretur. Non priùs tandem libertati Rex red- *Sponsione*
 ditus est, quàm Podoliam se Boleslao restitutum, ubi *Podoliae*
 venisset in Poloniam, spocondisset. Inuito sibi eam *restituenda*
 sponsonem extortam, videri Rex volebat: at, ut sem-
 per, in patriam, eiusque res, propensiore animo sumus,
 ipsi quoque, Podoliæ à Lituania auulsio, non probaba-
 tur. Missus est Tarlo Zaklika Toporius cum mandatis
 Regis ad Camenecensem Præfectum, ut Camenecum
 atque adeo Podoliam totam, Michaëli Baba Boleslai le-
 gato tradat. Verùm Præfectus industriâ Andreæ
 Thczynski, & Nicolai Drzewicki, per literas cereo in-
 clusas, de Boleslai in Regem scelere edoctus, Michaë-
 lem in vincula coniecit, arces Podoliæ præsidij accura-
 tius instruxit.

Iam vniuersam Europam peruagatus rumor, de Bo-
 leslai in Iagelonem Regem insaniam Romam quoque
 peruaserat: quare summus Pontifex grauissimè Boles-
 laum commonuit, Ecclesiasticæ potestatis extremas in *A. 1431.*
 eum comminatus pœnas, nisi à facinore tanto desiste-
 ret. Poloni quoque in Vartensibus comitijs, pro Rege
 ad arma conclamauerant, ad XVIII. Kal. Febr. in Li- *Regē de-*
 tuaniam moturi. Sed iam Boleslaus furore residente, *precatur.*
 horrore belli quod concitasset, affectus mutauerat: me-
 tuere imminentem tempestatem: veniam factorum
 submissis precibus, amplisque muneribus apud Regem
 querere.

A. 1431. quærere. Non multis in ea obtinenda laborandum fuit: quòd inter fratres vnum infaniâ infamem, alterum humanitate admirandum, actum esset negotium. Vix tamen Rex Iagelò è Lituania digressus Poloniam attigit, Boleslaus in Podoliam cum exercitu mouit. Reiectus non sine clade ab arcibus, in Leopolienses, Trebowliensesque agros fœdè defœuit. Poloni Sendomiriæ comitia celebrabant, cùm cladis Podolicæ nuncium acceperunt: fremere itaque omnes, atque bello aperto perduellem destinare. Rex nihilominus in suos semper pronior, obtinuit; ne priùs armis res ageretur, quàm per legatos de iniuria cum Boleslao expostulatum fuisset. Iuère viri Principes, cum eiusmodi Reipublicæ, ac Regis mandatis. Podoliâ, Volyniâ, Podlachiâ confestim cederet: ipse coram in senatu postularet à Rege, Ducem se Lituaniæ ex vetere forma renunciari: sin mandata exequi pertinaciter recusaret, legati bellum indicerent Boleslaus negabat aliquid contra ius à se tentatum esse, cùm Podoliam vti patrimonium proprium repeteret: quin aiebat, non se priùs quieturum, quàm eam sibi ac Lituaniæ vindicâssèt. Arroganti responso grauiùs irritati Poloni impigrè bellum maturârunt. Rex solus nondum deposuerat omnem spem, flectendi ad saniora Boleslai. Bieciâ præmittit Ioannem Brzezinski, vt omne studium ingeniumque intendat, negotio huic absque armorum tumultu pacando. At Boleslaus neque præsentis belli metu, neque Regis respectu permoueri potuit: quin imò violato, per colaphum, legato, negotium

*Podoliam
inuadit.*

*Arrogan-
tia, &
violatione
legati Po-
lonorum,
bellum con-
stat cõtra
se.*

negotium in præceptis egit. Rex enim & consumptæ nullo
 fructu operæ, & iniuriæ recenter illatæ, dolore concitior,
 bellum ipse studiosius vrgere cœpit. Ægrè ferebat ob insani
 hominis furorem ditiones Lituaniæ, atque innocentum fortunas
 in discrimen conijci: sed iam aliter pax parari non poterat,
 quàm bello; ferendaque necessariò erat, etiam innoxijs, belli fortuna.
 Nihilominus, vt minore Lituaniæ damno, Polonus bellaret,
 vinceretque; antequam infesta signa Volyniæ inferrentur,
 imbellem turbam furori militis subtraxit, monitis per occultos
 nuncios tempestiuè agrestibus, vt ex apertis ad iniuriam locis,
 in tuta, se atque cariora, reciperent. Ad Hrodolum ciuitatem,
 Polonæ copię Bugum superarunt: non multum inde progressis,
 Boleslaus cum sex armatorum millibus occurrit, numero, militiæque
 genere longè inferior. Tentatâ belli aleâ per minora certamina,
 cum infelices successus habuisset, fortissimis quibusque cum
 Principe Russo Sienko, aut cæsis, aut captis, ne cogeretur
 vniuersâ acie de summa rei decernere, pròperè Luceoriam se recipit.
 Hinc securius equitatus regius ad prædas effusus, vastitatem latè vulgavit.
 Progredienti cum exercitûs robore Regi, Volodimiria aulâ portas
 claudere, vi cessit: atque ad reliquorum vrbium terrorem,
 flammis deleta est. Belzensem quoque Ducatum, Cazimirus
 Mazouiæ Princeps suis copijs atrociter populabatur.
 Iam vniuersum bellum Luceoriam compulsum fuerat,
 cum alibi nemo pro Boleslao arma opponere auderet.
 Præaltis ripis Viginosofque

A. 1431.

Post infestam Luceoriam se recipit.

Volodimiriam Rex capis dirigit.

T

que

4.1431. que alueo, circumfusus Styr, latè stagmatibus paludibus, auidis pugnae Polonis, superandus erat. In conspectu habebant Luceoriam bello finem daturam: sed deiectis nuper pontibus, abductaque in aduersam ripam omni, tum ratium, tum pontium materiâ, neque pugnandi copia, neque sternendæ viæ modus, dabatur. Tandem ab audacia (vti desperatis rebus sæpè accidit) remedium venit. Audacissimi quique nando fluvium transgressi, præsidia Boleslai opportunis locis disposita reijciunt, naues, ratelque secuturis socijs ministrant. Resistebat nonnihil Boleslaus, inde animosior, quòd loci iniquitas, non solum victoriam, sed etiam pugnam, Polonis difficilem redderet. Vbi verò ab exemplo priorum, in reliquis accensâ audaciâ, alios atque alios manipulatim ad certamen per fluvium eniti aduertit, ne aucto hostium numero interciperetur, intra mœnia se recepit. Mox vt prædam victoribus corrumperet, victoriæque cursum sisteret, ciuitati ignem subijci iussit. Validissimâ intereâ manu, sub præfecto Iurzâ ad præsidium, arcis impositâ: ipse cum reliquis copijs, per auersam viam, fugienti similis abiit eâ spe; quòd Poloni prædæ cupiditate, & difficultate viâ impediti, victoriam non essent prosecuturi. Superandus enim erat secuturis, sat difficili loco, ipsum arcis ciuitatisque vallum alluens riuus. Expeditioni tamen Polonorum equitatus, fugientem affecutus, cohortes, quæ tutando tergo lentius fuerant progressæ, profligauit: multos captiuos abduxit; atque inter alios, Galtoldum, & Rombowdum,

*Luceorie
exercitum
admonet.*

*Boleslaum
profligat
& Luceo-
ria exi-
git.*

tum, viros in Lituaniam primæ nobilitatis. Polonis ipsis non incruenta ea victoria fuit: cum enim Scythas fugientes incautiùs insequuntur, ab iisdem repenti ex fuga in pugnam, more suo, coorientibus, multi sunt oppressi. Rex depulsis campo hostibus, refectoque brevi quiete milite, dum recens adhuc metus minores animos præfidiarijs faciebat, arcis oppugnationem III. Id. Iulij aggreditur. Murorum parte machinis tormentarijs delecta, fit à milite assultus: pugnatur æquata utrimque audaciâ, damno impare: maior enim longè in oppugnantibus clades edita est, unde infectis rebus receptui signum datum. Si patentibus adhuc ruinis, contra fessos, qui extra pugnam fuerant instaurassent impetum, haud dubiè obsessis vires defecissent, ad tuendum. Id ipsum veritus præsidij Præfectus, tridui inducias petijt, specie agendi de conditionibus dedendæ arcis, reuerà ut militem quiete, muros operibus varijs, reficeret. Rex pugnae fructu victoriâ contentus, cladesque subiecti sibi populi perhorrescens, facilè in inducias consensit. Obsessi verò, magno silentio murorum ruinis vallum obijcere, aquam quæ deficere cœperat, comportare; vniuersa ad propugnandam arcem seruitura, instruere; elapso denique triduo, deditiois loco bellum ostentare. Delusis eâ fraude Polonis, omnis deinde conatus irritus fuit, atque obsidio in longum producta tempus. Hinc, ut prouum est in suspiciones vulgus, queri palàm miles: concessis inducijs, spontè à Rege permissum esse elabi victoriam; plus eum Boleslai fratris causæ, quàm

A. 1431.

Arcē Lucorissē oppugnat, irritō conatu.

Iulij aggreditur.

Iulij aggreditur.

A. 1431.

Regni commodis fauere; oppugnationem arcis in speciem fieri, exercitum interea arumnis exhauriri, ac confici. Verum, ut fortassis falsò hæc in Regem militari licentiâ iactabantur: ita non defuisse aliquos procerum Polonorum, qui obsessis consilia annonamque ministrarent, testatum reliquit Dlugossius. Boleslaus quamdiu Luceoria Regi non celsisset, necdum spe belli ex voto conficiendi incisâ; Valachis, Scythisque stipendio euocatis, collabentes res suas firmare instituit. Quia tamen ea auxilia, tam citò maturari non poterant, ut interea Luceoriæ oppugnationem lentiorrem redderet, Regem de pace interpellauit. Rex ita de ea per legatos agi permisit, ut nihilo segnius, negotium armis vrgeretur. Quare legatis utrimque de pacis legibus disceptantibus, Boleslaus Chelmensem Prouinciam inuadit: Ratnum peropportuno loco situm oppidum, Regi adimit: circumiacentes agros latissimè vastat. Concurrere citò nobiles ad arma ductoribus Tribunis regijs Ciolek, & Szafraniec: quorum prior non procul Chelmino, posterior ad Cremeneciam, non mediocri clade vastatores delêrunt. Vrgebatur interea à Rege Luceoriensis obsidio: sed nihil obsessis de audacia imminuebat; quin in bellainum furorem eam vertit. Quotquot enim inter se, siue captiuos, siue suos, Polonæ gentis aut Romanæ Religionis deprehendere potuerunt, exquisitis eos tormentis confecerunt. Excar-nificatos aut de muris suspendebant, aut in palum actos oppugnantium oculis obijciebant: ita nimirum defendendæ

*Suidrigelo
pacem se
petere sin-
git.*

*Polonoriū
vires di-
strahit.*

*Luceori-
fium Rus-
sorum im-
manis
crudelitas.*

Regi

T

dendæ extremâ vi arcis necessitatem sibi facturos exi-
stimabant, si omnem spem clementiæ præciderent, a-
pud eos, quorum inexprabile odium, tam immanibus
factis contra se vltro concitassent. Addiderunt crudeli-
tati, facinus sacrilegio horrendo plenum. Auctore quo-
piam mago, gente Iudæo, adolescentis Poloni collo
transfixo, eductoque inde omni cruore, recisis virilibus,
aperto pectore, extractis præcordijs, corpus reliquum
minutatum concisum, candentibus prunis torrendum
impositum est. Cuinam infernalium monstrorum eo
scelere litauerint, non comperio: illud constar, credi-
tunc eos inexpugnabilem arcem redditum iri, vbi com-
pira eius & angulos omnes, funesto illo nidore sacrâs-
sent. Poloni tam immanibus exemplis exacerbati, vin-
dictam quam in omnes vulgare non poterant, in eos
inevitabili cæde exercebant, quos casus aliquis mani-
bus eorum obiecisset. Frigidior tamen anni tempestas
sensim ingrauescens, viris simul ac iumentis peracerba,
vltiscendi pugnandi que ardorem restinxit: præsertim
quod pabulo omni circumquaque consumpto, gemi-
no malo, inediâ & gelu, enecarentur. Itaque pertæsi ca-
strensis miseriæ, quocumque fœdere bellum quàm pri-
mum terminari, palam summi ac infimi postulabant.
Boleslaus verò quia nuper pacis mentione imponere
tantum Polonis voluerat, nihil minùs, quàm pacem,
animo agitare. Augente præsertim animos nuncio,
quod & Valachiæ Princeps Alexander, Podoliam in-
uasisset, & Theodoricus Magister Crucigerorum, Do-
bryniam.

A. 1431. bryniam. Neque tamen audebat negotium simul omne pacis abrumperé: sed varias difficultates comminiscēbatur, quibus fœderis ineundi condiciones, iam criminando, iam reiiciendo, rem omnibus artibus protrahēbat. At ubi fama certior vulgavit, Valachos in Podolia Buczacijs Ducibus cæsos, Crucigeros à nobilitate maioris Poloniæ ad amnam Vinsza profligatos, desperatis auxilijs fœdus maturavit. Breves dumtaxat induciæ pactæ sunt, ut interea partium capita Parcouiam convenirent, atque de ratione perpetuæ pacis transigerent. Rex solutâ obsidione, dimissoque exercitu, Lepolim contendit. Volynij metu armatorum liberi, pervniuersam provinciam, in templa Romanæ religionis, ac Polonæ gentis capita, incredibili crudelitate sunt grassati.

A. 1432.

Iagelo

Parcouiæ

comitijs

celebrat.

Instabat dies conventui Parcouiensi ad IV. Non. Febr. dictus. Iagelo præmissis Polonorum Niepolomiciæ comitijs, nè quam suâ morâ novis turbis materiam præberet, ante conditum tempus Parcouiam venit. Convenierant quoque ex Lituania, tum proceres, tum equestres legati, magnâ frequentia. Solus Boleslaus desiderabatur. Perspiciebat probè Rex, quidquid tandem cum alijs è re publica statuisset, id ob Boleslai absentiam, neque firmum, neque diuturnum fore. Magno itaque studio Brestia Parcouiam cum pertrahere contendit: & procrastinantem, diu satis expectavit. Boleslaus verò contentus pacis spe Luceoria periculum depulisse, consilia obtestationesque regias contemnebat.

Faltu

Fastu tumida mens, vix dum presentium periculorum
sensu tangebatur, nedum futura ac incerta, vel videret,
vel aestimaret. Non parùm etiam contulit disturbandis
regijs consilijs Gubernatoris Torunienſis, Crucigero-
rum ad Boleslaum legati, opera: qui fratrum discor-
dias, Ordinis sui rebus pernecessarias, contemptum-
que belli Polonici, amplis promissis auxiliorum, stu-
diosè fouebat. Iagelo spe omni pacis frustratus, cùm
sanguinis amor, tot iniurijs ferendis non sufficeret, alias
rationes inire cœpit: quibus Boleslao domito, læsa Re-
gia auctoritatis iura vindicaret. In Poloniam Parcouiã
abiit, atque comitia Polonorum Siradiam indixit. Po-
loni, quod eorum maximè res ageretur, ne Podoliam &
Volyniam amitterent, quibus Boleslaum neutiquam
cessurum, tot argumentis constitisset, omni contentio-
ne persuadent Regi, vt Boleslao Sigismundum Vitoldi
fratrem, Starodubensium Principem, æmulum oppo-
nat translatis in eum Magni Ducis Lituaniæ titulis.
Non diu difficilem se præbuit eorum consilio Iagelo,
nimium quàm pertæsus Boleslai. Mittuntur itaque Re-
gis ac Reipublicæ legati: Sigismundus ad sumenda con-
tra Boleslaum arma tacitè, concitatur: auxilia à Polo-
nis spondentur: victoriæ præmium, Magnus Lituaniæ
Principatus addicitur. Sigismundus iam ante Boleslao
offensor, quod Principatum in Kieystuti familiam per
Vitoldum, illatum, in se, vi magis, quàm Ordinum aut
Regis voluntate transtulisset, auidè arripuit spem osten-
sam ornandæ domus, quàm filio egregio iuvene, pal-
ternarum

*Rex de op-
primendo
Suidrige-
lone con-
pulsat.*

*Sigismū-
dum Kiey-
stutiadem
et æmulum
opponit.*

A. 1432. ternarum ditionum successore, firmatam habebat. Lit-
 tuani quoque Proceres plerique Laurentij Zarembo o-
 perâ sollicitati occultè, nullo negotio in Regis senten-
 tiam concesserunt, atque partibus Sigismundi sese ad-
 iunxerunt. Nam ut vniuersos propè Boleslaus incredi-
 bili crudelitate à se auerterat, ita maximè in eorum o-
 dium incurrerat: qui antiquâ origine Lituanâ prognati,
 ægerrimè ferebant, in gratiam Russæ coniugis Twer-
 rensum Ducis filia, à Boleslao solos fere Moschos ac
 Russos magni fieri, & præcipuis Magistratibus admo-
 ueri. Ut primùm à Seueria digressus Sigismundus Li-
 tuaniam attigit, spontè accurrentibus proceribus, ac
 nobilitate, breui iustus coaleuit exercitus. Destinauerat
 Sigismundus, cum expeditionibus, tacito agmine, ma-
 ximisque itineribus, Boleslaum Osmianæ securè agen-
 tem opprimere, atque captum Regi mittere. Verùm
 Palatinus Trocensis Ioannes Moniuidus, à quopiam,
 quæ destinata essent edoctus, Boleslaum de imminente
 periculo pramonuit. Tam improviso ille nuncio atto-
 nitus, non arma, non consilium, retinendæ dignitati
 expedire, stupere ad omnia: solius vitæ curâ, viam fu-
 gæ circumspicere. Tanta porro fuit fugienti trepidatio,
 ut ne coniugem quidem, comitem fortunæ assumere
 voluerit. Re vniuersâ familiari cum coniuge affectibus
 æmuli proditâ, solus Smolenscum vsque fugit. Ibi pri-
 mùm recepto spiritu, Russorum fauore Polocensi ac
 Kiouienti, Proincijs, in suam factionem pertractis,
 Russiæ se Ducem ferre cœpit. Sigismundus omni propè
 bello

*Boleslaus
 Suidrigelo
 ex Litua-
 nia fugit.*

*Russiam
 occupat.*

bello absque pugna confecto, Vilnam, Trocos, Grodnam, ac reliqua totius Lituaniæ loca incruentâ victoriâ, sui iuris fecit: atque quàm primùm per Ioannem Niemirowicz de exacto à Lituania Boleslao, Regi gratulatus est. Subsecuti non multò post alij legati, qui narratâ in senatu rei gesta serie, postularent, ut Sigismundus Magnus Lituaniæ Dux renunciaretur. Non poterat negari præmium victori, Regis ac Reipublicæ fide promissum: præsertim quòd legati Sigismundi sanctè iponderent, eum in Regis potestate semper futurum, nec prius cessaturum à bello, quàm Boleslao penitus debellato. Differre postulata, res erat plena discriminis. Inter nouarum enim rerum turbulentos motus, sæpè ipsum tempus studia vnius factionis remittendo, alterius intendit. Cùm itaque festinatione opus esset, ex Senatus consulto lecti sunt viri, tum integritate probatâ, tum agendi dexteritate conspicui, Sbigneus Olesnicki Episcopus, Iarandus de Brudzow Palatinus Cracouiensis, Ioannes de Lichno Palatinus Brestensis, & Laurentius Zaremba, alijque. Ijs, Regis ac Reipublicæ auctoritas commissa est, ut certis legibus Sigismundum Magnum Lituaniæ Ducem inaugurarent.

LIBER

A. 1432.

LIBER IV.

DE REBUS LITVANORVM

Sub Principe Sigismundo I. Kieyſtutiade.

Sigismundus Kieyſtutiades
certis conditionibus
ſic Magnus
Dux Lituanie.



On multis laborandum fuit apud Sigismundum legatis Regijs, vt ea perſuaderent, quæ in ſecretis mandatis, à Rege ac Republicâ, acceperant. Quid enim proniùs, quàm imperij cauſâ, quiduis polliceri? Sigismundus tamen ita agere vilus eſt, vt ex fide eum præſtiturum, quæ ſpondiſſet, haud dubiè ab omnibus crederetur. Stipulationis iureiurando firmatæ hæc ſumma erat. Vetus Lituanie cum Polonia fœdus, vniò dictum, inuiolatum ſemper ſeruaretur. Sigismundus Rege, Ordinibusque Regni inſcijs, aut inuitis, neque procuraret, neque admitteret Regios pro Litvania titulos, ac inſignia: nullum alium, quàm Regem eiùſque hæredem, ſucceſſorem ſibi legeret, designaretûe. Filius eiùs Michaël Dux Trocenſis, & Starodubenſis, iſdem prouincijs contentus viueret, regiumque in ſe ius ſemper agnoſceret. Sigismundo mortuo Volynia regno Poloniæ adiungeretur. Michaële abſque maſculâ prole decedente, ius omne Trocenſis ac Starodubenſis Ducatûs, ad Regem deuolueretur. Hæc de Sigismundi ac procerum, nobilitatiſque conſenſu, in publicas tabulas relata, eorum ipſorum

ipforum nominibus ac signis ritè commonita, legatis
 regijs sunt reddita. Tum Sbigneus legationis Princeps,
 in templo D. Stanislai Vilnæ, Summi Pontificis diplo-
 ma, ad confertissimum populum explicuit: in quo Si-
 gismundus ipse, atque omnes Magni Ducatus Litua-
 niæ incolæ, iuramenti ante annum Boleslao præstiti
 religione, exolvebantur. Mox solitis ceremonijs Sigi-
 smundum Magnum Ducem, per Mareschalcos procla-
 matum, inauguravit, stricto ense, quem Rex miserat,
 dextræ eius inserto. Agrè ea res habebat Ludovicum
 Torunij Præfectum, qui cum tribus legationis suæ col-
 legis, Ordinis Crucigeri equitibus, Vilnæ, sub legati
 velo, egregiè vicibus, ac personâ speculatoris, funge-
 batur. Ille arcana Senatûs venari: Principem ac primo-
 res amicitia Crucigerorum inescare: nihil negligere,
 quod pactis conuentisq; Sigismundi, atque adeò fœ-
 deribus Polonicis conuellendis prodesset. Neque dee-
 rant qui eius machinationes apud Principem, & in Se-
 natu validè promouerent. Ante alios suam operam
 Crucigeris addixerat, Georgius Butrym vir magnarum
 in Samogitia opum. Hic ut erat in Senatu, præcipuè
 auctoritatis, quam versatili ingenio ac eloquentiâ, quæ-
 sitæque per exteram peregrinationem prudentiæ opi-
 nione, collegerat, non leuiter vniuersa labefactabat.
 Præualuere nihilominus, quibus sanior erat sententia:
 Ludovicus uti hostis, ut finibus Lituanæ, cum collegis
 quàm primùm abiret, publico edicto mandatum: Geo-
 rgio, ni grauiora vellet experiri, silentium impositum.

A. 1432.
 Inaugu-
 ratur &
 Sbigneo
 Episcopo
 Cracoui-
 f. 1432.9

Crucigeri
 pacem in-
 ter Polonos
 ac Litua-
 nos turbare
 conan-
 tur.
 Intra 2.
 abo 1. j. b.
 in 1. m. d.

*A. 1432.
Suidrigelo
ipse Li-
tuaniam,
per Ducē
Ostrogiū
Podoliam,
inuat.*

Boleslaus interea, cum Sigismundus Lituaniam ordinat, per Russiam, quam prope totam liberalitate factionis suæ fecerat, magno apparatu militem scribebat, bellum simul Sigismundo & Iageloni illaturus. Bifariam copias paritus, ipse in Lituaniam duxit; Theodoro Duci Ostrogio occupandæ Podoliæ curam commisit. Neque infelicitè Theodoro ea expeditio cessisset, si primis successibus pares euentus, instabilis rerum humanarum fors, attenuisset. Improviso bello Podoliam aggressus, breuè eam asseruit Boleslao. Rex ad progressus hostiles sistendos properè Leopolim accurrit, atque inde Vincentium de Samotulij Russiæ Palatinum, contra Theodorum expedit. Theodorus leui equitatu, ex Russis, Valachis, Scythisque conflato, ad insidias, quàm apertum certamen validior, non ausus occurrere Samotulio, tantum per intervalla infestando fatigabat Polonos, carpebatque. Samotulius vniuerso simul robore progrediens, obuias arces facillè recepit, iamque Braslaniæ imminebat. Theodorus veritus, ne si ea Polonis cederet integra, annonâ, cæteraque prædâ non leuiter reficerentur, præmissis expeditissimis equitum, arcem ciuitatemque exuri curauit. Excurrrens Nouember iam militem ad hyberna reuocabat, neque in Proincia supererat aliquid agendum, exercitu hostili omnem prælij copiam indultriè deuitante: quare versùs Poloniam Samotulius castra mouit. Abeuntem Theodorus tacito agmine, ita sequitur, ne vel Polonus sentiret Russos vestigio insistere, vel ipse rei gerendæ occasionem

*Samotul-
ski Podoliam reci-
pit.*

tionem elabi fineret. Morakua fluuius inter densa nemora, vliginosis ripis latè exundans, Polonis in reditu superandus restabat. Intrauerat eum glacie, autumnale gelu: sed ab ea, quòd ad ferenda onera necdum firma esset, plus impedimenti transitoris obiciebatur. Subsistere itaque coactæ copiæ, donec congestis temerè virgultis, ac vimine, via per paludosa loca tumultuario opere muniretur. Intentis in id opus Polonis, Theodorus cum suis, magno silentio fluuium alio loco traiecit, atque à fronte viam insidijs occupat. Pars Polonorum superato difficili transitu, cum impedimenta atque cohortes reliquæ sensim subsequuntur, nihil hostile ab illa ripa metuens, securè curandis corporibus indulgebat. Re per exploratores cognitâ Theodorus, sublato repente tubarum clangore, in securos impetum facit. Improviso circumuenti discrimine Poloni, cùm per occupatum curribus aggerem, neque ipsi ad suos se recipere, neque ab illis auxilia accipere possunt, auctis ex desperatione animis, hostem constanter excipiunt. Pugnatur acriter. Samotulius tam ancipiti periculo deprehensus, ociùs currus ex aggere agi præcipites, glaciem confringi, viam reliquis copijs, aperiri iubet: fluuium nando transgressus pugnam instaurat. Auctis Polonorum viribus acriùs vtriusque prælium insurgit; sed spes Theodoro superior: instructâ acie, recenti milite ac numerofo, cum fessis, ac tumultuariè in pugnam venientibus, prælianti. Adhuc animus Polonorum ac virtus æquabat fortunam prælij, cùm Rusi victoriæ secu-

*Theodori
Ostrogium
post ancipitem
pugnam
profligat.*

1432. ad spolia desertis signis, diffluere cœperunt. Nihilò tamen spes inde melior Polonis : Russis periculum non sentientibus. Solius Kemlicij Centurionis fortitudo vires confudit, prope victorum Russorum, ac in fugam inclinatorum Polonorum. Excurrerat ille Ducis iussu annonę causâ ad vicinos pagos, cum centum equitibus. In reditu, cum à longè clamorem strepitumque audisset, pugnari haud dubius, calcaribus adactis citato cursu ad suos properat, editoque confuso clamore, qui speciem maioris exercitus faceret, à tergo Russos aggreditur. Mox Poloni audaciam ac spem resumere : Russi à præda ad pugnam reuocati non signa, non ordines suos reperire. Theodorus Dux maiorum auxiliorum opinione deceptus ante alios è campo cum delectis ad tutiora se proripuit : Ducem, totius exercitus, effusa fuga est subsecuta. Cædes longè maior in fuga, quàm in acie, edita. Quòd enim sereno cælo, luna pleno lumine, diem ferè æquaret, Poloni ultra mediam noctem fugientem Russum insequendo, continuârunt victoriam. Pridie Kal. Decembr. loco ad quadraginta leucas Leopoli disito pugnatum est. Nuncius tamen victoriæ, nullò certo auctore, eodem ipso die per ciuitatem vagatus, ad Regem publicè in templo Superis supplicanti peruenit. Postero deinde die cum signis de hoste captis, legatus à victore exercitu Regem salutauit.

Non multò post, nempe IV. Id. Decembr. Boleslaus quoque in Lituania profligatus est. Quinquaginta milium

lium exercitu Lituaniam adortus, castra ad Osmia-
nam posuerat. Vniuersa prope Russia arma pro illo
sumpserat: neque ea solum, quæ Magno Duci Litua-
niæ subiecta Polociam, Smolensciam, Miscislauiam, Se-
ueriam, Kliouiam, Volyniam prouincias complecteba-
tur, sed etiam Moschouia, Rezania, Tweria, ductore
Iaroslao, germano Borysi Twerensium Ducis. Liuo-
nia quoque ex secreto cœdere, auxilia Germanica mi-
serat. Non deerant præcipuæ nobilitatis Lituaniæ pro-
ceres, qui exercitum eius suo milite auxerunt. Sigis-
mundus tamen, numero longè inferiores Lituatorum,
Samogitarumque copias, intrepidè æmulo obiecit.
Commisso prælio Superi victoriam ad bonam causam
inclinârunt. Decem suorum millibus in prælio amissis,
ægrè ipse fugâ Kliouiam Boleslaus euasit. Quatuor
millia viuorum in potestatem venerunt, atque in his,
præcipua belli factionisque capita. Eximia victoria fa-
cilè datura pacem credebatur: nisi eam satis in campo
cruentam, Sigismundus magis funestasset, fortè neces-
sariâ, nec iniquâ, odiosâ tamen nimium apud populares
seueritate. Posteaquàm fama vulgauit Georgium Lin-
guenium nepotem regium, Miscislauensium Princi-
pem, patrimonio omni exutum, in carceres Trocenses
coniectum: Daugirdum Dedigoldi filium, ac Ducem
Theodorum Odyniec, ceterosque, arctius haberi, quàm
eorum genus, dignitasque ferret: Ioannem Moniuidum
Palatinum Vilnensem, Rombowdum Mareschalcum
Lituanie, vt perduellionis reos peractos, capite trun-
catos

A. 1432.
Suidrige-
lonem Si-
gismundus
profugit.

Rebellium
primores
plectendo,
omnes à se
auertit.

A. 1432. caros esse: summi æquè ac infimi crudelè in nouo Principe ingenium suspicari, atque inde infame tyrannide eius imperium fore ominari, & execrari. Sigismundus, ne victorem exercitum suarum ditionum prædâ saginaret, modicâ à prælio interiecta quiete in Liouoniam mouit, quod contra fœdera à Liouonibus ministrata esse Boleslao auxilia compertum haberet. Prouinciâ totâ latissimè euastatâ, miles copiosâ prædâ, Dux ob iniuriâ vindicatam lætus, ad hyberna redijt in Lituaniâ. Inde ad venerationem Superiorum qui victoriâ dedissent versus, in perpetuum gratæ voluntatis monumentum, Osmianæ templum, ac Collegium Sacerdotale, *Canonicos* vulgus vocat, erexit, redditibusque amplis, instruxit. Russos, qui Græcis ritibus in Romani Pontificis obsequio, religionem Christianam colunt, insignibus priuilegijs ornauit.

A. 1433. Boleslaus nactus otium, quod hyems & hyberna Sigismundi quies, permittebant, instaurandis in Russia viribus impendit: maioribus longè copijs, fortunam superioris anni, primo vere correcturus. Plerique, nuper cæsorum procerum, amici, cognati, ac clientes, odio Sigismundi, Boleslao accedebant: præsertim quod satis auersos à se animos nuperâ magnatum cæde, magis irritasset incredibili auaritiâ. Quamquàm verò nonnulli, nondum auderent palâm ad castra Boleslai transire, ita nihilominus Sigismundum deseruerant, ut nihil dubij esset, illos Principis cladem à longè otiosè spectaturos. Neque Polona auxilia aut Sigismundus sperare, aut Boleslaus

*Suidrigelo
bellum in
Russia cõ-
tra Li-
tuaniam
instaurat.*

Boleslaus metuere, poterat. Nam Iagelonem Regem ^{A. 1433.}
 annis laboribusque præteritis fractum, ac bellis geren-
 dis imparem, domestica quies tenebat. Duces verò Po-
 loni exercitûs, Prussia nouo bello implicuerat. Boleslaus ^{Lituaniam}
 itaque trifariam exercitum partitur: ipse cum parte, ^{Provincias}
 Lituaniam interiora aggreditur, ac latè vastat. Legati ^{impunè}
 eius, ac factionis Duces, Corybutus, Ostrogus, Nof-
 sius, cum reliquis duabus partibus, per Podoliam, Vo-
 lyniamque impunè grassantur. Sigismundus Polono-
 rum auxilijs destitutus, de Lituanorum procerum fide
 non ex vano dubius, non est ausus se ipsum exercitui
 concedere: sed Petrum Montigerdowicz bello geren-
 do præfecit. Hic audendo nimius, cum temerè confli-
 git, amisso exercitu, Sigismundi partes propè ad extre-
 mum perdidit. Ad eius cladis nuncium Sigismundus, ^{Exercitûs}
 cum paucis, præcipuorum amicorum cohortibus, in-
 tra densiores syluas se, vxoremque ac filium, recepit. <sup>Sigismun-
di profi-
gat.</sup>
 Boleslaus depulsis campo Sigismundianis, ab ea victo-
 riâ longè insolentior, ne tempus oppugnandis arcibus
 tereret, in aperta extremè sæuiit. Vilnam, Trocos, Cre-
 uum, Lidam, Mercium, Grodnam, ciuitates, & quid-
 quid pagorum toto eo tractu erat, igne deleuit. Car-
 pebat quidem Sigismundus è sylvarum latebris identi-
 dem erumpens, incautiùs palantes: at vniuersi belli mo-
 li impar, nihil momenti maioris tentauit. Euastatâ Li-
 tuaniâ Vitepsciam Boleslaus duxit. In eo itinere captum ^{Vitepsciâ}
 Toloczyni Ducem Michaëlem Iwanowicz, aquis fusi ^{occupat,}
 focari iussit. Vitepsciâ potitus Simonem Holsanum <sup>eiusq. præ-
fectum</sup>
 Ducem, ^{enecat,}

4.1433. Ducem, Prouinciæ totius Præfectum, ab edito monte in præterfluentem Dunam, præcipitem egit. Ibidem deprehenderat quempiam impostorem Harasimum, qui usurpato vniuersæ Ruffiæ Pontificis titulo, Vicepsciæ Pontificatûs sui sede collocatâ, miseris populis imponebat, ab obsequio Romani Pontificis, ad Græcum schisma auocando. Eum quoque, siue in gratiam Kiio- uensium, siue aliâ causâ (neque enim veræ religionis tuendæ studio factum crediderim) viuum flammis addixit. Cùm Boleslaus à Septentrione per Ruffiam imperium sibi firmat, legati eius, Theodorus Corybutus, & Nossius peragratâ meridionali Ruffiâ, vastatisque Podlachiaë confinijs in Polesiam vsque penetrârunt. Brestiam magnâ vi oppugnabant: obsessosque grauius premebat fames, quàm hostis, quod in subitos casus, nullam annonam præfidiarij præparâssent. Cessisset procul dubio arx hosti, peroportuno loco sita, nisi Mazouiaë Duces contra vicinum hostem mouere iussi, impigrè in campum prodijssent. Famâ eorum territus Corybutus, obsidionem Polesiamque deseruit. Longè maior à Scythis imminebat clades, nisi eam Superi, in ipsius Boleslai caput, vertissent. Amplis muneribus Boleslai euocati, maximo numero sub signa confluxerant, vt Sigismundo eiecto, Lituaniam Boleslao restituerent. In via à Regijs legatis edocti, Sigismundum à Iagelone Lituaniaë Principem creatum, in eius obsequio agere; Boleslaum verò rebellem, Principatu exutum, bellum contra Regem gerere: furias, in Boleslaum, quod eos

Per legatos suos Polesiam vastat.

Scythæ contra Sigismundum exciti, in Suidrigelonem arma mouerunt.

sefellisset, effuderunt. Ne enim prædâ vacui domos re-
 peterent, crudeli populatione, in Russiam Boleslao
 subiectam, ac præsertim Kiiouiam, & Czernihouiam
 sunt grassati. Exeunte primùm Autumno è latibulis e-
 merfit Sigismundus, atque exiguis copijs, quæ magis
 ad iniuriam patebant, è Boleslai ditionibus, vastauit.
 Miscislauiam vsque vastatione progressus, post urbem
 arcemque pertinaci, vnus mensis oppugnatione, ca-
 ptam, in hyberna concessit.

Sigismundus Miscislauiam recipit.

Sequens annus Regi Ladislao Iageloni vltimus fuit.
 Excurrebat in Lituaniam, ibique à Sigismundo in op-
 pido Krynki omni honoris significatione acceptus, im-
 perium ei in Lituaniam confirmauerat. Regressus in
 Poloniam, Corczyni comitijs interfuit: inde Craco-
 uiam, deinde Leopolim contendit, vt Stephanum Mol-
 dauicæ Principem inauguraret. Tot itineribus afflictâ
 valetudine: in castello Grodek viribus instaurandis, a-
 liquantùm quieuerat. Sed iam grauior vis mali erat, eâ
 præsertim annorum maturitate, quàm vt quiete solâ
 leuaretur. Philomelam, inter proxima arbusta canen-
 tem, pro more suo, in longam noctem de fenestra au-
 diendo, sensim caput atque præcordia frigore noctur-
 no peruadente, febriculam conceperat. Accesserunt in-
 commodæ viarum, quæ malum auxerunt. Nondum ta-
 men ægritudinem aut medicus, aut Rex ipse sentiebat:
 senilium virium languor credebatur, qui morbus erat
 supremus. A mensâ demùm, cùm repenti animo lin-
 qui cœpisset, ad lectum delatus, de vita rem agi intel-
 lexit.

*A. 1434.
Rex Iage-
lo mori-
tur.*

41434. lexit. Vocatos itaque regni Proceres in primis rogat, ne
 in sufficiendo sibi Rege, Ladislaum filium præterirent.
 Pollicentibus singulis suam operam, ad Sbigneum Ole-
 snicki, oratione conuersâ, annulum digito suo detra-
 ctum illi tradit, magnaque demissione precatur, ut eo-
 rum, quæ ex occasione dissidiorum in sentiendo, acci-
 dissent, veniam sibi indulgeret. Tabularios deinde ac-
 cersiri iubet, qui supremam eius voluntatem in tabulas
 referrent. Tabulis ritè confectis, monente Sbigneo, to-
 tum se dedit ad eluendam exactiùs à culpis omnibus
 conscientiam, componendumque Christianâ pietate
 animum, ad extremum vitæ momentum. Intra septen-
 decim dies consumptus, pridie Kal. Iunij excessit è vi-
 ta: cum annos octo supra quadraginta, & quatuor men-
 ses, regnâset. Fuit Princeps, corpore laborum ac in-
 commoditatum patientissimo; animo ad excelsa ere-
 cto. Staturâ mediocri, facie ac collo, oblongis. Curan-
 di corporis studiosior videbatur, quòd balneum in sin-
 gulos aut alternos dies, adhiberet. Cæterum cibi potus-
 que parcus, vino semper abstinuit. Rudi, simplici-
 que habitu contentus, nihil in veste fastuosum admittebat.
 Venationum à puero studiosior, earum vñ corpus ad
 ferendos labores indurabat. Munificentia in omnes,
 sed præcipuè in templa, & exteros, insigni: nullum ipse
 donum, quantumvis exiguum respuere; neminem sup-
 plicantiem spe omni præcisâ repellere, verum aliquâ do-
 natum parte, benignè à se dimittere solitus. Egentiores
 magnâ comitate inuitabat, ad explicandas suas iniurias;
 quam-

*Mores La-
gelonis.*

quamquam, quod neminem libenter offenderet, tar-
 diorem se in ferenda sententia gereret. Cum domo e-
 grediendum foret, vno pedi insistens, ter in gyrum se
 circumagebat. Veterum superstitionum has fuisse re-
 liquias, credebatur: at quia, quâ animi sententiâ id fa-
 ceret, nulli aperuit, superstitionis ego non damnauero.
 Ita enim in Missâ sacrificio, cum ad cultum populi, sa-
 cra Hostia à Sacerdote in altum leuaretur, ille in ter-
 ram prostratus, festucam aut quidpiam simile arre-
 ptum minutimque confractum abiciebat. Neque ta-
 men id supersticiosum dixeris, quod eo argumento Su-
 premi Numinis in omnia auctoritatem, regionumque
 capitum subiectionem, publicè se profiteri affirmaret.
 Poloni nequid per longius interregnum turbaretur,
 Ladislaum Jagelonis natu maiorem filium VIII. Kal.
 Aug. solemni ritu inaugurârunt. Sigismundus his co-
 mitibus non interfuit, graui morbo domi detentus. Præ-
 cipuos tamen Procerum misit, qui eius ac Ordinum
 nomine, antiqua fœdera cum nouo Rege instaurarent.
 Eadem occasione Podolia & Russiâ nobilitas, ad pares
 cum Polonis equestres prærogatiuas admissa est, anti-
 quatâ vetere Ducum Russiæ consuetudine, quibus no-
 biles certam frumentorum pensionem debebant, & mi-
 litiam proprijs stipendijs.

Boleslaus interea à bello non cessabat. Russorum co-
 pias è Polocensi Prouincia eductis, per confinia Dunæ,
 Brassanienses agros inuasit: sed nullo ferè maiore operæ
 pretio. Nâ, ut est ea ora paludibus ac lacubus plena; in-

A. 1434.

Ladislaus
filius Ja-
gelonis
Rex Polo-
niæ.instaurat
fœdus Li-
thuanicum.Smidrigelo
infelicitèr
Lituaniam
remat.

A. 1434. solita imbrium vis, ita Boleslai castra implicuit, ut neque progredi, neque subsistere, sine damno ac difficultate posset. Frustratus spe, agrè Polociam signa reduxit. Peiore fortunâ Liuones Crucigeri ab eo conducti, Samogitiam inuaserunt: nam inter densissimas sylvas insidijs excepti, prope omnes deleti sunt. Magister ipse Sancius vix cædi caput fugâ subtraxit. Non meliores ex Podolia nunciabantur successus. Coortis nuper dissidijs, in vincula Theodorum Corybutum Boleslaus coniecerat. Eâ Boleslai ferociâ Corybutiani clientes ac subditi commoti, initâ cum Buczacijs conspiratione, copias Boleslai fundunt, Corybutum in libertatem asserrunt. Corybutus sibi redditus ad Polonos transijt, quas arces in Podolia suis præsidijs obtinebat, Braslauiam, ac Cremenecum Regi Ladislao dedit. Nihilo tamen inde minor animis Boleslaus, ex superiore potius successu, spes suas metiebat, neque inclinantis fortunæ vices, metuebat. Magnis viribus bellum in sequentem annum parat. Quotquot Russia dare potuit militiæ aptos, armat: auxilia tum ex fœdere, tum stipendijs conquirat: Liunos, Moschos, Casanenses Scythas, Bohemos ductore altero Corybuto, vulgò Zidimino, & Silesios ductore Sigismundo Rotth conscribit. Non ignorabat Sigismundus Boleslai apparatus: quare, præter institutos in Lituania maturè per hyemem deletus, Ladislaum Regem monet, quid discrimis Russia pariat. Intererat Ladislai, ut initijs regni domito Boleslao, bellicæ fortunæ famâ, reliquos hostes percelleret.

*Boleslaus
Suidrigelo
maiore
apparatu
bellum re-
sumit.*

Missus

Missus itaque est in Lituaniā expertus bello Dux, Iacobus de Kobylino cum octo millibus Polonorum. Iam Boleslaus primo impetu occupatā Braslaviā, atque inde reliquum Lituaniā excursionibus peruagatus, castra Vilkomergiæ admouerat. Verū eius oppugnationem *Vilkomergiam oppugnat.* situ loci difficilem, ex prædiorum constantiā, longiorem spe habuit. Sigismundus contractis in vnum Polonorum, Lituānorumque copiis, vniuersæ rei Michaëlem filium, strenuum iuuenem præficit. Michaël nihil moratus contra hostem ducit. Triduo aduersi exercitus, castris Suientā fluuiō diuisis, in mutuo conspectu steterē: quod Michaël ab itinere quiete suos reficeret; Boleslaus verò iniquo sibi loco prælium euitaret. Summo mane prior inde mouit Boleslaus, castris ac pugnae opportuniorem campum captaturus. Michaël dubio adhuc die, moueri castra hostium ab excubitoribus monitus, cedere Boleslaū existimabat: expeditis ergo cohortibus negotium dat, ut carpendo à tergo hostem, distineant. Ante ortum solis inchoato inter paucos certamine, cum pugnantibus vtriusque sensim maiora auxilia submittuntur, res eō deducta est, ut totis exercitibus concurreretur. Boleslaus indignatus, quod prior Michaël orsus esset pugnam, vlcisci ignominiam volebat: Michaël ratus Boleslaū fugere, vniuersis viribus insistebat, ne elaberetur. Errore Ducum commissi exercitus, pugnant paribus animis, armisque. Leuior siquidem Lituānorum equitatus, arcu solo ac ense pugnam ciere consuetus, cum Russorum equestribus copiis,

Ab exercitu Sigismundi præfigatur.

A. 1435. pijs, pariter bella gerere solitis, conflixit: Polonis equitibus hastatis, graues ferro legiones Liouonum, Bohemorum, & Silesiorum oppositæ. In has magno impetu illatus eques Polonus, ubi viam inter confertos ordines hastis aperuit, gladio rem agerem cœpit. Non diu hostis eam pugnam sustinuit; robore ipso exercitûs perempto, tota acies in fugam effusa est. Liouones pertinacissimè, locum, quo constiterant, retinentes, Magistro, Marechalco, & fortissimis quibusque cæsis, propè extremâ strage deleti sunt. Bohemorum, Silesiorumque ductores, atque Russorum plurimi, viui in potestatem venerunt. Michaël remissis ad Parentem captiuis, victoriam est prosecutus. Polociam, ac Vitepsciam Provincias vastauit: arcibus diu irritâ oppugnatione tentatis. Atrocior in captiuis strages edita. Sigismundus Rotth Silesius, quod obligatam non semel Polonis fidem violasset, sacrilegij pœnas in amne Suienta submersus eluit. Corybutus, sparso rumore in vulgus quod ex vulneribus obijisset, veneno extinctus. In Iaroslauum Linguenium nepotem Iagelonis, Ducem Miscislauum, Ioannem Volodimiri Principem Kiiouia, Michaëlem Lwowicz Wiazma Ducem, ac reliquos proceres (quadraginta capita erant) vario pœnarum genere sæuissimè Sigismundus, perduellionis vindicandæ prætextu. Cæterum ea res demùm Sigismundo perniciem accelerauit maximè, sæuendi que simul, ac imperandi, citò finem fecit.

Nondum victoriam ita fama, vulgauerat, vt Germaniam

*Sigismundus in captiuos se-
nit.*

Sigismundus Cæsar

niam peruagaretur. Nihilominus Sigismundus Cæsar, *A. 1435. ac Cruci-
geri pacem
cū Polonia
ac Litua-
nia in-
stant.*
siue quòd suspectam Boleslai fortunam haberet, siue te-
gendi animi studio, Ladislai Regis amicitiam ambire
cœpit. In Lituaniâ Boleslaum promissis auxilijs stimu-
labat, ne repetendi Principatus aut curam, aut spem
deponeret: in Poloniâ Ladislaumi Regem per legatos
hortabatur, ne cruentum in visceribus Reipublicæ bel-
lum permetteret, remedium fraternis odijs non appo-
nendo. Rex Boleslao offensior, sed neque Cæsari ad-
modum æquus, cuius amicitiam ultra verba nihil ha-
bere non ignoraret, acrius legatis responderi iussit. Re-
gem, maiore, quàm Cæsar opinaretur, curâ eius belli
tangi. At Boleslao eam contumaciam esse, quæ rectis
consilijs flecti nequeat, ideo ferro ac vi necessariò do-
mandam. Oraculi speciem responsum regium habuit:
priusquàm enim legati à Rege discederent, nuncius de
profligato Boleslao, deletisque vnâ cum Ducibus Liuo-
num, Silesiorum, Bohemorumque auxilijs, venit. Mi-
nores inde longè Cæsari, ac Crucigeris in Prussiâ, ani-
mi, atque expeditior ad pacem via. Post breues admo-
dum nuper in Autumno concessas inducias: nunc ini-
quioribus longè sibi conditionibus, quàm quas fuerant *A. 1436.*
aspernati, fœdus cum Ladislao Rege, & Sigismundo
Lituaniae Magno Duce, libentes percusserunt: quie-
tus itaque is & proximus annus Polonis fuit; at non æ-
què Lituanis. Rex Remplicam nactus pacatam, cu-
ras intendit ne quid religio vel ab Hussitarum vicinâ
Poloniæ sectâ, vel à Græco per Lituaniâ & Russiam
Schisma-

A. 1437. Schismate, detrimenti pateretur. Potestatem ergo quærendi in eiusmodi rerum sacrarum nouatores Nicolao de Lanciciâ, Ordinis Prædicatorum, demandauit; qua liberè per vniuersas Regni ac Magni Ducatûs Lituaniæ Prouincias fungeretur.

*Polocia,
Vitepscia,
Smolenscia
Suidrigelo
luni ad-
muntur.*

In Lituania Polocenses, Vitepscensesque pertinaciùs Boleslai factionem secuti, trahere bellum constituerant, donec Boleslaus vires colligeret. Verùm diuturnæ obsidionis malis fracti redierunt ad Sigismundi obsequium. Smolenscum quoque incredibilis fames subegit: cùm non modò à canibus, humanisque cadaueribus promiscua plebs, sed ne matres quidem à filiis temperarent; mutuisque inter ipsos fratres cædibus impiæ fami hostia quæreretur. Boleslaus extorris propè iam totâ Russiâ, post auxilia vbique desperatis rebus mendicata, nullibi reperta, tandem Cracouiam venit, Regis Polonique Senatûs clementiam imploraturus. Apud memores præteritarum noxarum, vix quidquam habitu supplici, profecisset: vt ergo preces pondus haberent, beneficium adiecit. Luceoriam ac magnam Volyniæ partem, de quibus tantâ hæcenus Polonos inter ac Lituanos contentione actum fuerat, suâ sponte Polonis restituit. Luceoriâ per Vincentium de Samotulij receptâ non segniter Senatus Polonus pro Boleslao apud Regem instabat. Rex ex Senatusconsulto amplissimam legationem ad Sigismundum decreuit. Principes legationis fuerunt Gnesnensis, & Cracouiensis Antistites, Calissiensis, & Sendomiriensis Palatini.

*Suidrigelo
ad Regem
confugit.*

*Rex cum
Sigismundo
comatur
reconcilia-
re.*

Egerunt

Egerunt illi prolixè Ladislai nomine. Eam, dicebant, decrepiti exulis fortunam iam esse, quæ hostes, nedum fratrem, ad commiserationem moueret. Non decere verò maiora odia fratris esse, quàm hostium. Non Principatum, non amplas Prouincias, sed angulum in patria, in quo Regum frater, ac patrius, ipsiusque Lituaniæ Princeps natus, reliquum vitæ priuatus exigeret, postulare Boleslaum. Infractus ad ea Sigismundus, Superos, hominesque testari, intempestiuâ Regis clementiâ Rempublicam prodi: notum sibi esse Boleslai ingenium; cui nihil omnino de ferocia anni detraxissent: rebelles eius spiritus, etiamnum in misera fortuna, ac prope diem morituro corpore, viuidos manere: satis ad periculum Lituaniæ esse; quòd Boleslaus uiueret: si ingredi eam permittatur; nihil certius esse, quàm fore, ut intestinis bellis pereat. Se quidem constantem esse in obsequio ac fide erga Regem: at si rem tanti discriminis pergeret pertinaciùs urgere Rex, citiùs fœdera omnia rescissurum, quàm parricidam Patriæ, intra eius sinum, recepturum. Rogare itaque legatos, ut ea Regis nomine postularent, quæ aut saluâ Republicâ concedi possent, aut fœderibus intactis negari. Victi constantiâ Sigismundi legati, operam transtulerunt ad confirmandum Sigismundum, ne quid in veteri fœdere innouaret. Nouis itaque tabulis Sigismundus stabilivit, ut ex antiqui fœderis forma, se mortuo Principatus Lituaniæ Regi cederet: quin & Palatino Vilnensi Dougirdo permittit, ut coram legatis fidem suam iuramento obstrin-

A. 1432.

*Sigismundus contra-
dicit con-
stans.*

A. 1437. geret, neminem à Sigismundi morte alium, quàm Regem eiusque hæredes, intra arces Vilnenses admittendum. De Luceoriâ ita constitutum est, ut interea Sigismundo restitueretur, eo vitâ functo, Regijs possessionibus cum vniuersa Volyniâ adiungeretur. Ita Boleslaus Suidrigelo, totâ patriâ, quam tot malis affixerat, eiectus, in Daciam exulatum abiit. Redditâ verò pace per Lituaniam publicâ, religio quoque reffloruit. Isidorus Kijouiensium Antistes hoc anno renunciatus, per vniuersam Russiam, obsequium erga D. Petri sedem, concordiamque cum Romanis Religionibus mirâ eruditione, ac virtutis opinione, vehementer promouit. Mors deinde Sigismundi Cæsaris, quæ exeunte hoc anno contigit, nouis in sequentem annum turbis occasionem dedit.

*Suidrigelo
in exilium
abit ad
Dacos.*

*Isidorus
Metropo-
litanus
Kijoniensis
celebris.*

A. 1438. Bohemorum aliqui Albertum Austriacum, alij ac præsertim Taboritæ nuncupati, Casimirum Iagelonis iuniorem filium Regem Bohemiæ elegerunt. Casimiri partes tuendas Sigismundus Lituaniæ Princeps suscepit. Obstabant vehementer Poloni Ordines, ne Casimirus regnum admitteret: ex aduerso Sigismundus, quòd Iageloniam domum speciosis exterorum titulis à Lituaniæ successione auertere optaret, filioque suo eum Principatum firmare, persuasit Regi, ne, uti dicebat, fratri diadema Regni Bohemiæ inuideret. At cum res Casimiri tardiùs in Polonia expediuntur, Archidux Albertus Pragam ingressus, Rex Bohemiæ est inauguratus: ita vltiores pro Casimiro conatus ac spes, festina-

*A. 1439.
Casimirus
Iageloni-
des Rex
Bohemiæ
eligitur.*

festinatione æmuli sunt præcisæ. Coacta deinde sunt Petricouiam comitia, in quibus, quia Ladislao Regi quintum supra decem transgresso annum, amotis tutoribus, plena ac libera regni administratio permilla est; fœdera cum Lituaniis instaurari de nouo necesse fuit. Sigismundus pace vndique stabilitâ, æmulo ex Lituaniâ exacto, præcipuis quorum opes ac potentiam formidare posset nuperâ victoriâ sublati, securitatem dominandi, in vitiorum materiam vertit. Auaritiâ simul ac crudelitate, vtrique labe Principibus periculosissimâ, apud suos intolerandus, apud externos infamis. Post ad dicta non pridem fisco, Moniuidi ac Rombowdi ampla patrimonia, sensim ei prædæ insuescere: opulentissimi cuiusque fortunis inhiare: si cupiditati pudor aut metus aliquorum frenum inieceret, in eorum vitam occultè grassari. Atque vt avaritiam, non diu morata est sua comes crudelitas: ita crudelitatem, citò subsecuta mater suspicionum metus: quibus ministris Principatus Sigismundi in Tyrannidem prolapsus est. Nemini fidere; apud quos aliquid potentia videret, eos vt suspectos cauere: quos ipse nullâ causâ suspectos sibi fecisset, vt hostes persequi. Georgium Linguenium Miscislauiensium Ducem patrimonio ac rebus omnibus exutum, carceribus Trocensibus addidit: Alexandrum Slucensem, Kopysi cum vniuersa familia captum, Kiernouiam relegat: coniugem eius cum filiis Simone ac Michaële Voianæ priuatam vitam agere cogit. Plures falsis criminibus suo iussu accusatos, reos capitis peragit.

A. 1439.
Fœdus Lituaniæ
cū Polonia
instauratur.

Sigismundus
in pace
auaritiâ
& crudelitate
infamis.

Tyrannidem
exercet.

A. 1439. git. Ipse omnibus execrandis, omnes metuit, etiam infimos. Si quando de palatio prospectans in subiectam aream, aliquos amicè colloqui aduertit, de se agitari sermones suspicatus, nisi singuli seorsim interrogati concordis responso calumniam refutassent, ut rebellionis reos in propinquum lacum mergi iubet. Auro omni ac re familiari pretiosâ damnatorum procerum in regiam sublatâ, vacuas opibus possessiones, atque arces, inter agasones ac similis fortis homines, distribuit. Nullum tolerat, qui aliquid non eius arbitrio, sed aut Superiorum Principum beneficio, aut sanguinis iure possideret. Denique ad eam animi immanitatem deuenit, ut conuocatis in vnum Ordinibus, quos vellet, ad cædem deligere destinauerit: atque eo consilio Trocos comitia indixerit.

*Principes
exscindere
decernit.*

A. 1440. Procures, qui non procul Trocis agebant, primi sub-
olfecerunt, suâ ac Reipublicæ fortunâ, parricidalem
Principis insaniam; atque eius ipsius cæde scenam ab
eo paratam, terminare statuunt. Ante alios Ioannes
Dux Czartorijisci, Lubarti Gediminiadæ filius, vir animo fortis, manuque promptus: quid furiarum Princeps animo versaret, Dougiordum Vilnensem, Lelussam Trocensem, Palatinos edocet. Collatis deinde in commune sententijs, Suidrigelonem è Daciâ celerrimis nuncijs euocare, Sigismundum ferro tollere, Michaëlem eius filium Vilnâ Trocisque excludere, decernunt. Non admodum factu ardua reliqua erant. Sigismundum ex concepti sceleris conscientia, ad omnia trepidantem

dantem cautumque, nancisci ad eadem; hic labor futurus erat. Non adscitis è curia coniurationis socijs, vix aliquid ad votum euentus, sperari poterat: adsciscere autem, ut fluxa est curialium fides, indicij intempestiui metus prohibebat. At quid vnquam audere possis, nisi multa contemnas? Ioannes caterique coniurati, Skobieykonem Kiuia oriundum Stabuli Magistrum, promissis adoriuntur. Ne horreret eius facinoris societatem, cuius, si cum scelere à Sigismundo destinato conferatur, non modò nulla fœditas esset, sed etiam plurima ad posteros ex ciuibus seruatis, vindicatâque Patriâ, gloria. Suâ se sententiâ Sigismundum ad mortem damnâsse, qui viuere aliter noller, quàm Lituaniâ excisâ. Aut omnibus, aut illi moriendum esse. Ex insolentis vtrimque facinoris oblatâ specie, subito horrore velut gelidâ perfusus Skobieyko, vbi ei ex commiseratione ciuium, odium Principis pectus occupauit, secretum, operamque coniuratis addixit. Constitutus cædi dies, quem Christiani fasti *Palmarum* nuncupant. *Domini cæ Palmarum insidias struunt.* Prædie sexcenti armati trecentis curribus fœno onustis occultati, sub noctem arci inuehuntur: quos Skobieyko imminentes tenebras caufatus, eo vespere exonerari prohibet. Coniurati, ne frequentia solito maior suspitioni ansam daret, cum exiguo comitatu ciuitatem varijs vijs intrant. Sequentie die, ingens erat solitudo circa Principem: cum quisque quantum à suspitionibus abesse vellet, tantum aulam vitaret. Michaël quoque filius sacrorum causâ ad templum digressus cum aulico

4.144b. aulico comitatu, propè solum in palatio Parentem reliquerat. Ioannes, cum socijs aulicorum more manè admissus, liberè ante Principis palatium inambulans, in occasionem intendebat. Neque ea tam facilis, uti sperabat, fuit. Nam quòd suspecta omnia haberet tyrannus, oclusis ianuis, in interiore cubiculo, sacris operanti Sacerdoti aderat: verebantur autem coniurati, ne si vim ianuis inferre cœpissent, tumultu excitus Sigismundus in tutum se reciperet: nec leuior metus erat, ne mora spem perficiendæ rei eluderet. Cùm inter ancipites dubiasque curas nihil audent, casus fatum Tyranni maturauit. Cicurem ille vrsū, canis vice, ad custodiam sui alebat: qui è cubiculo Principis emissus, cùm rediret, portam vnguibus infestando, cubiculo præfectos commonebat, ut intromitteretur. Eum fortè conspicatus in area Ioannes, ad bestię morem, vnguibus palatij ianuam radere cœpit. Custos ianuæ, vrsū raptus ad Principem, ut solebat, reuerti, portam aperit: coniurati eo comprehenso palatium claudunt, armati è sceno coorti omnes arcis aditus occupant, Ioannes cum paucis in cubiculum Principis irrumpit, exprobratili- que Procerum cædibus, atque eâ, quam comitiorum prætextu instructurus erat tragœdiam, aliquid loqui conatum Sigismundum collo atrepto in terram proster- nit, inermis enim venerat, ut suspicionem vitaret. Tum Skobieyko ferreum è propinquo foco tridentem, magno impetu capiti prostrati illidit, ceterique varijs vulneribus conficiunt. Solus è cubicularijs Slauco, in senia-

*In Pala-
tium irrum-
puit, ac
Principem
trucidant.*

semianimem Principem prostratus, suo corpore vulnera auertere conabatur: at is à Ioanne abstractus, atque de fenestrâ præcipitatus est: dignus nobiliore facto, ob relictum posteris fidei in herum, exemplum. Ad primum tumultus rumorem, oppidani ad arcem confluere coeperant: sed ab armatis exclusi sunt. Michaël trepido nuncio præmonitus, properè in minus castellum, aquis vndique circumfusum, se recepit. Cæso Principe vexillum de turri prolatum est, in libertatis ac securitatis signum, ne quisquam sibi metueret à coniurationis. Inde consilijs ad excludendum Michaëlem collatis, Lelussa valido præsidio, Trocos occupat; Dougirdus Vilnam festinat. Conveniebant interea euocati ad comitia Proceres, quæ Princeps destinasset, quæue in eum acta essent, prorsus ignari. In viâ acceptus de patratâ cæde nuncius, dubium est, lætiorne an tristior fuerit? Nam vt sublato Sigismundo quisque securior, metus continui materiam subtractam lætabatur: ita omnes Boleslai Suidrigelonis fortunam, in nouas spes assurgentem oderant, ac execrabantur. Boleslaus verò, iam ante, coniuratorum nuncijs præmonitus, magno silentio ex Daciâ digressus, in Lituaniam properabat. Nunciabatur eum inopinatò Luceoriam odortum cepisse, donatisque libertate nobilibus, quos in vincula Sigismundus compegerat, non mediocriter vires auxisse, atque propediem affuturum. Vbi Trocos conuenerunt ordines, auctoribus Gastoldo, & Kiey zgailone, decreuerunt, vt apparatu, quo posset maximè splendido parentaretur

A. 1446.

Ordines
ad comitia
euocati.

Occiso parentant
sumptuose

Z

4.1440. rentaretur Sigismundo. Indignum enim erat, aut coniuratorum odia morte non finiri, aut expertes coniurationis, criminis eiusdem societate pollui, si in exanimem iras exercerent. Vilnam itaque deductum corpus, ac magnificè ad funus elatum, frequens populus Senatusque, eodem cum Vitoldo fratre, tumulo, condidit. Non Principis modò cæde, sed priuatorum etiam clade funestus hic annus fuit. Post proximæ hyemis ingentia ac solitò diuturniora frigora, lues primùm inter pecora vulgata, mox incredibilis inter mortales fames, extremè miseram plebem afflixit. Qui siccatis arborum folijs, ac contulis, panem sibi conficiebant, lautius vesci videbantur: cùm alij ne ab humanis cadaueribus sibi temperarent. Multi in profundis syluis ad ferarum latebras penetrabant, vt se suosque, à quibus præ fame vix ipsi abstinebant, bestiis lacerandos obijcerent. Subsecuta est deinde tanta in canibus feritas, per Albam Russiam, vt obuios quosque inuaderent, dilaniarentque.

*Fames
gravis per
Lituaniam.*

LIBER

LIBER V.

DE REBUS LITVANORVM

Sub Principe Casimiro II. Iagelonide.

Æso Sigismundo, multa barbarum materies,
 domi forisque concreuit. Boleslaus Mazo-
 uiæ Dux Podlachiam aggressus, Mielnicum,
 Bielscum, Drogicinum, occupauit. Proceri-
 bus verò Lituanæ, nulla interim tuendorum finium
 cura: quos, pro nouo Principe studia, in diuersas con-
 tentiones distraxerant. Clientes Sigismundi, quorum
 princeps Narbultus, cum Samogitis, Kieystutianæ do-
 muī semper addictis, pro Michaële agebant. Conscij
 coniurationis, tum spe præmiorum apud Sigismundi
 æmulum, tum vt quæstionum metu se absoluerent, pro
 Boleslao exule, connitebantur. Vtrique publicæ rei o-
 bliti, præsentibus, priuatisque solùm agebantur com-
 modis. Qui extra vtramque factionem erant, cogitatio-
 nes in futurum extendere, atque ex præsentē rerum
 statu vltiores vicissitudines animo præcipere: pensa-
 re, quantum ab ipso Iagelonis in Poloniam abitu, Res-
 publica detrimenti accepisset? Interiores Prouincias
 imperium ambientium potentiâ in dies fœdius affligi;
 finitimas fœderum prætextu magnâ contentione repe-
 ti: ab Rege verò quod & absens esset, & Polonis ex be-
 neficio

Dux Ma-
 zonia
 Podlachia
 occupat.

Primorū
 Lituanie
 circa nouū
 Principem
 studia.

4.1440. neſſicio accepto obnoxius, nihil poſſe provideri, quod ad remedium tot malorum, ſatis eſſet. Iam non alium retinendæ Reipublicæ modum ſuperſeſſe, quàm qui eius augendæ fuiſſet: electo nimirum eiſmodi Principe, qui liber alijs curis, ſolutuſque alieno imperio, ſolius Magni Ducatûs integritati præſens proſpiceret. Hæc ſermonibus, atque literis inter Magnates & nobilitatem vulgata, non paucos aut in Alexandrum Slucenſem Ducem, aut in alterutrum eius filium inclinaverant. Prævaluerunt tamen eorum conſilia, quibus Iagelonij ſanguinis, Polonorumque fœderum, maior æſtimatio erat. Ac Moniuidus quidem, cum Gaſtoldo, & Oſtico impenſe agebant, vt ex ſacrâ fœderis Polonici formâ, Rex ipſe Ladislaus, Princeps renunciaretur. At, qui metuebant, ne Regis imperium plus obeſſet, quòd Hungariæ Regno nuper ſuſcepto, à Lituaniâ tanto intervallo auulſus, neque de periculis in tempore doceri, neque conſilia expedire poſſet, vehementer obſtiterunt, ne Regis ratio haberetur. Poſt multam concertationem, tandem auctore Hoſſano Duce, Georgio Algimundo in Caſimirum Ladislai Regis fratrem plerique conſenſere. Reliquos in eorum ſententiam facile permouit metus, ne procrastinando, Rempublicam Michaëli proderent. Indiſta igitur quàm primùm Breſtiam comitia: quòd is locus, & Caſimiro propior eſſet, & à reliquarum factionum capitibus remotior. Miſſi quoque primariæ nobilitatis ac dignitatis fratres, Michaël & Ioannes Kiey zgailo, qui Caſimirum ad occupandum

*Casimirus
Iageloni-
des Mag-
nus Dux
Lituanie
eligitur.*

dum maturè Principatum Brestiam inuitarent: urge-
 rentque præsentes, ne quid iuuenis, è Polonorum con-
 silio, morarum necceret. Ea enim quæ inter festinan-
 dum præteriri viderentur, posse deinceps apud fratrem
 excusatione reparari: at momenta, quæ inter procrastin-
 andum elaberentur, nequaquam reuocari posse. Abe-
 rat enim tunc Rex Ladislaus Hungarico contra Turcas
 bello intentus. Casimirus verò cum designatis Polono-
 rum primoribus Sendomiriæ agebat. Auidâ satis aure,
 appetens eius fastigij iuuenis, legationem accepit: ne
 tamen pro iuuenili ardore præcipitaret responsum, præ-
 sentium moderatorum auctoritas obstitit. Recens enim
 nimis erat memoria, foederum nuper cum Ladislao in-
 stauratorum: quibus decedenti Sigismundo, Rex La-
 dislaus successor designabatur. Quare inuitis Polonis,
 Casimirum Sendomiriâ Brestiam clâm abiuisse apud
 Lituanarum rerum scriptores reperio. In Polonâ verò
 Historiâ proditur, ita Polonos cum legatis transegisse,
 ut Casimirus in Lituaniam iret, eamque Fratris nomi-
 ne administraret, non usurpatis Magni Ducis titulis.
 Vtrouis modo res euenerit, id omni dubio procul est:
 nisi Casimirus properasset, plus damni, & Regem, &
 foedera fuisse passura; si alterius factionis Princeps, im-
 perium armis inualisset. Expectabant Brestia Casimi-
 rum frequentissimi primores, ac præsertim qui à Mag-
 nis Lituanie Ducibus genus suum ducebant, Algimun-
 di, Dowmandi, Moniuidi, Sanguszkonos, Corybuti,
 Coryati, cæteri que viri Principes. Ab ijs, insolitis læ-

A. 1440.

Brestiam
per legatos
inuitatur.Iur et
Brestiam
per legatos
inuitatur.Brestia
recepto or-
dinem in-
ramento
Vilnâ de-
ducitur.

4.1440. titiæ, honoris, concordiaque argumentis acceptus Casimirus : recepto ab Ordinibus constantis erga se fidei ac obsequij, iuramento, ipsâ rei tam propere ac feliciter confectæ famâ, æmulos à susceptis conatibus deiecit. Boleslaus enim, veritus ne aliquid gravius in caput suum decerneretur, rursus Luceoriâ in Daciam abiit. Michaël autem accepto nuncio, Casimirum cum flore Senatûs ac Equestris Ordinis, Vilnam Brestîâ tendere, desertâ Trocensi arce, Mazouiam versûs cum quingentis equitibus se contulit. Verum fortuitò planè accidit, ut in viâ haud procul oppido Rudniki, inter sylvas, in Casimirum euntem incideret. Ancipiti percussus euentu, ne tentatâ fugâ deteriore suam causam redderet, equo desiluit, atque Casimiri pedibus aduolutus, eum Lituanix Magnum Ducem salutat, neue aut parentis casimanes inultos sineret; aut se qui totus in eius potestate esset, parricidis proderet, supplex postulat. Acceptum auditumque eum perquam benignè Casimirus, optimâ spe plenum, liberum abire permisit: ipse Vilnam contendit; urbemque, ex surgente publicæ salutis spe, & eius conspectum auidius concurrente, magnâ frequentîâ est inuectus.

Poloni inuitis Magnus Dux Lituanix Vilne inaugurant.

Hic rursus Polonis Lituanisque concertandum fuit: negantibus constanter illis, posse Casimirum Magnum Lituanix Ducem, salvis foederum religionibus, inaugurari, quem Ladislaus Rex, solo Gubernatoris titulo, sui loco, Lituanix præfici permisisset. Desperato Polonorum consensu, dissimulant negotium Litvani, atque consilîo

consultò remissâ omni contentione speciem mutatâ 4.1449.
sententiâ faciunt. Cessantibus æmulis, suâ sponte ardor
Polonorum deferbuit, ut inde negligentius longè, in Se-
natûs Lituani, ac Principis actiones, intendere cœpe-
runt. Nolebant Lituani contradicentibus publicè Po-
lonis sua agere, veriti ne quid contra Principis ac Rei-
publicæ dignitatem contingeret: quare negligentia
potius eorum in rem suam vtuntur, atque Polonis om-
nia alia sperantibus Casimirum ab Ordinibus ad tem-
plum D. Stanislai deductum, à Mareschalco Magnum
Lituanix Ducem renunciari, ab Antistite Vilnensi, so-
litis ritibus inaugurari curauerunt. Tum primùm nego-
tium iam peractum esse, Poloni rescuerunt, cum in pu-
bicum festiuitatis argumenta dari, audiuerunt. Cir-
cumuentos se itaque queri: fœdera, iurisiurandi religio-
nes, Regis Ladislai Maiestatem, omniaque sacra, viola-
ta esse, protestari. Lituani ab aduerso, omnia fida, secu-
ra, salua, integra promittunt. Intelligerent porrò Polo-
ni quid virium necessitati in leges ac fœdera humana
esset. Samogitiâ, pro Michaële armatam, guber-
natori Lituanix obsequentem futuram fuisse crederent,
quæ etiam inaugurato Principi, obsequium denegaret?
An ab Albâ Russia fidem expectarent, quæ hætenus
viribus suis, semper rebellium machinationes, contra
legitimos Principes fouisset? Nassutâ, Georgium,
qui occupatâ Podlachiâ, pertractis in Michaelis no-
men equitum procerumque plurimis, propediem vi-
etricia arma Lituanix illaturus esset, contemnerent?
Quid

Polonis
querenti-
bus satis-
fit.

tus Ca-
se fidei
feliciter
deiecit.
at suum
Michael
Senatus
desertâ
entis e-
idit, ut
in Ca-
euentu,
ret, e-
um Li-
ntis cæ-
otesta-
Acce-
imirus,
ose Vil-
e salutis
magnâ
m fuit:
agnum
inau-
titulo,
o Polo-
atque
onsultò

An. 1440. Quid, si ipse Michaël circumspēctis, quæ superessent,
 qualisue speraret, viribus, animos ac arma rursus sumat?
 putarentne, eos ipsos qui nunc latus Casimiri inaugu-
 rati Ducis frequentes stiparent, vitæ ac fortunarum di-
 spendia, pro Gubernatore subituros? Ho. omnino statu
 Lituaniam deprehensam fuisse, in quo non Gubernato-
 re, Vicariâque Regi potestate, sed proprij Principis præ-
 sentiâ indigebat. Non mirarentur, Lituanis, quos è pro-
 pinquo periculâ vtebant, diuersam fuisse, sententiam,
 ab eâ, quæ Polonis ex securo, consilia promentibus,
 probabatur. Sed neque sagelonis memoriam, tam citò
 obliterari debere, vt filio eius, precarium ac non nisi vi-
 cario iure imperium, in Lituaniam demandaretur. Si
 fortè aliquantùm necessitate ipsâ extra orbitam deui-
 tum sit, faciliè Casimirum Ladillao fratri satisfactorum,
 neque permissurum, vt moderna acta, antiquis foede-
 ribus fraudi sint. Poloni tamen constanter in sententiâ
 perstabant, omniqûe studio prohibebant, quidquid à
 Casimiro fieri posset, ad firmandum eius Principatum:
 ne id quidem passi, vt Lituano idiomati, ad popularium
 animos deuinciendos, perneccessario, insuēsceret. Ve-
 rendum proinde erat, ne cum tempore crescens con-
 tentio detrimenti aliquid adferret. Quare, communi-
 tatis cum Senatu Lituanie consilijs, Casimirus Polo-
 nos proceres amplissimis donis ac promissis honoratos,
 in Poloniam relegauit.

Ad componendum deinde Reipublicæ statum con-
 uerso studio, comitia Vilnam maiore frequentia pera-
 genda

Polonos
 proceres à
 se relegat.

Comitia
 indicit.

genda indixit. Interea aulae suae Magistro, Ioanni Gastoldo negotium commisit, ut Podlachiam ab hoste purget. Gastoldus Rempublicam egregie gessit: non solum Nassutam, nullibi opponere armatos audentem, eiusque praesidia, sed etiam Duces Mazouiae exegit. Pacata ea ora, plus quietis fuit ad comitia peragenda: multos tamen sollicitos habebat, ne quaestione in Sigismundi occisores instituta, turbis daretur occasio. Praesentes Senatus, Dougerdum & Lelussam, odium facti maxime premebat. Dougerdus quidem opibus atque clientelis praepotens, postquam sola negatione innocentiam Ordinibus probasset, nemine amplius, crimen obiectum probare audente, ut ab eo alieniorem se ostenderet Lelussam acriter insectatus est, quod in arce sui Magistratus, Principem trucidari permisisset. Nihil tamen grauius in Lelussam decretum, praeterquam quod Senatu sit motus, Trocensi Palatinatu in Gastoldum translato. Ioannes Dux Cartoriysci absens damnatus, possessionibus exuitur: verum in eum non tam vindicandi Sigismundi studium Senatum ac Principem accenderat; quam ira, quod gazam eius direptam, fisco inferre contumacius recusaret. Tanta moderatio sententiae, multum nouo Principi fauoris apud vniuersos collegit: cum summi aequè ac infimi, timere tantum Principem hactenus assueti, Casimirum mirari, amareque virtutis eius aestimatione cogerentur. Absolutis comitijs pacandae Russiae Gastoldum praefecit. Abiturus nuper Gastoldus in Lithaniam, Andream Sakowicz

A. 1440.
Podlachia
recuperat.

Quaestione
in patri-
cia in-
stituit.

Gastoldum
ad domum
Smolensiam
misit.

A a

cum

4.1440. cum potestate Smolensci reliquerat. Populus interea ad nuncium cæsi Sigismundi grauioris gubernationis impatiens, tumultu magis quàm consilio; nullo ferè duce arma arripuerat, arcemque validâ oppugnatione urgebat. Primum impetum faciliè Sakowicz reiecit, cum equites hastatos, apertis repentè portis, in obuios cursu eduxisset. Vltiorem tamen fortunam expectare non ausus, maturè, se ac suos, in tutum recepit. Res enim cum multitudine erat, quæ quòd damnum non faciliè sentiret, fore, vt pertinaciùs obsidioni instaret, putabatur. Post abitum Andreæ, plebs arce potita, Petriconem Mareschalcum, in Borysthenem præcipitat, Andream Dimitrowicz Dohorobuzij Ducem, Smolensciæ gubernandæ præficit: mox eius viribus diffusa, rebellionis poenas metuere; &, quem Principi vindictam sumpturo opponeret, circumspectare cœpit. Audierant enim, nobilitatem Andreæ imperio detrectato, celerrius nuncijs à Casimiro exercitum postulasse. Plerisque placuit Georgius Linguenius nuper à Sigismundo patrimonio exutus: qui ex concepto in Sigismundum odio, in quemuis Lituaniæ Principem iratior, vindicandi eam sortem libens acceptauit. Assumit Ducis Smolensciæ titulos; obsequium erga Casimirum, cuius beneficio libertati restitutus fuerat, excutit; in nobiles rebus suis non fauentes grassatur ferro, cæsorum possessiones inter suos distribuit. Ad eum subigendum Gastoldus missus, cum viginti dierum oppugnatione nihil profecisset, exusta ciuitate, lateque regionem populatus,

tus, toto bello priusquam hyems ingrueret, decessit. *A. 1440. Ipse contra Smolensenses movet, & arcem recuperat.*
 Molestè habebat irrita expeditio Calimirum. Non as-
 suetus ad aduersos casus iuueni animus, immotâ fronte
 velut æquatâ lance fortunæ vices ferre, necdum didice-
 rat. Impatiens moræ, nequicquam armorum ducibus,
 iniquam gerendo bello anni tempestatem causantibus,
 ipse Smolenscum movit. Atque, ut sæpè fortunatius
 bella geruntur ductu, quàm auspicijs, Principum, quod
 præsentium Maiestas pondus rebus addat: non diutur-
 no neque arduo labore arcem in potestatem suam re-
 degit. Punitis moderatè rebellibus, Prouinciam An-
 dreæ Sakowicz administrandam reliquit. Dux rebel-
 lium Linguienius fugâ elapsus, amicorum suasu cle-
 mentia victoris spontè se sinit: nec veniam modò re-
 bellionis accepit, sed etiam præmium poenitentia; re-
 scissis Sigismundi actis, ad Miscislauensem Ducatum re-
 stitutus. Eodem tempore inter medias bellorum tem-
 pestates, pax religionis, diuturno Florentinorum Pa-
 trum labore, postliminio redacta, per Lituaniâ quo-
 que Isidoro Kiiouienfi Antistite S. R. E. Cardinali, alla-
 borante, magna incrementa sumpsit.

*Florantina
Synodus.*

Extremo anno per hyemem, aliquid pacis fuit: sed,
 ut erat Princeps rerum agendarum non negligens, so-
 licita; circa apparatus belli, sequente anno Samogitis
 inferendi. Eiectis, aut exauctoratis Magistratibus,
 quos Kieyzgaylo ad comitia abiturus reliquerat, lecto-
 que sibi Duce Doumando, pertinaciter Michaëlis par-
 tes, è publico gentis decreto Samogita; tuebantur. Pri-

*Samogitia
ad obse-
quium re-
uocat.*

4.1441. mo ergo vere ad Niewiazæ ripas exercitum conuenire iubet Casimirus: neque ipse multum moratus, cum prætorijs legionibus subsequitur, armis contumaces spiritus ad obsequium compulsurus. Iam in procinctu erant copiae, ut Niewiazam transirent, nisi Gastoldus prouido consilio intercessisset, seu suâ sponte, seu à primoribus Samogitarum præmonitus. E Republica hæcenus, aiebat, Casimirum egisse, quod magno motu bellum in Samogitiam paratum, non minore celeritate finibus admouisset. Nullo enim ferè commodo, verborum contentiones cum armatis rebellibus institui, quamdiu ab aduerso arma, viresque, contumacibus cogendis pares, non videntur. At verò ut ostentati hæcenus belli consilium, sibi impensè probari; ita eiusdem statim inferendi, auctorem esse non posse. Quid enim ex eo bello, aut emolumentum ad publicum, aut accessionis ad famam, speraret Princeps? in quo proprijs ditionibus euastatis, vincere nullius esset gloriæ, vinci extremæ ignominiae. Desperatis omnibus alijs remedijs, non voluntate sed necessitate, ferrum in subditos stringi debere. Dissimularet itaque tantisper illatam Kiey-zgayloni iniuriam, neque obtruderet inuitis eum Prouinciæ Præsidentem, quem Samogitæ, licet omnino immerentem, odissent. Offerret potius clementiam, priusquam ex eius desperatione, omnia contemnere incipiant. Si præficeretur Prouinciæ homo, quem illi non illibenter admittere possent, cuique Daumondus non inuitus cederet, posse beneficio debellari. Mutatis itaque

que consilijs, tentare prius placuit, an Samogitæ Kontoutum vice Daumondi suscepturi essent Præfectum: virum & inter ipsos magni nominis, & Daumondi cognatum. Successit res ex voto: Kontoutum enim facile admisere, uti suum popularem: cuius deinde dexteritate Casimiro conciliati, non multo labore Michaëlem deseruerunt: cum nemo suo periculo, collabentes exulis vires, stabilire vellet.

Posteaquam de integro turbæ per Lituaniam resederunt, amplissimâ ad Ladislaum fratrem legatione missâ, suum, ac Procerum Lituaniæ factum excusare conatus est Casimirus. Extrema quippe Lituaniæ pericula, Ladislao Hungaricis negotijs implicato, nullum aliud remedium admittebant, quàm festinatam Ducis electionem. Equum proinde postulabat, ut quæ periculi metus extorsisset, Rex rata suo consensu haberet. Ingratis nimium auribus accepta est à Ladislao Rege hæc legatio. Nec tam suâ, quàm aliorum, iniuriâ offensum se ferebat. Nam ut dissimularet, ex auerso Lituaniæ Principatu dolorem: officij sui rationes non permittere dicebat, ut Michaëlis vniuerso patrimonio exuti, ac Mazouia Ducum Podlachiâ expulso, causam negligeret. Nullo itaque legatis responso dato, integrum negotium ad proxima comitia reiectum est. Quamquam verò utrique genti is conuentus fuerit indictus, Lituano- rum tamen legati, ne se longâ concertatione implicarent, non nisi paulò ante finem, ac planè desperato iam inter Polonos suo aduentu, comparuerunt. Con-

*Ladislaum
fratrem
reconciliare
conatur.*

A. 1441. stitutum nimirum erat, controuersiam tam diu varijs artibus trahere, donec Regis aliorumque aduersi impetus, tempore ipso consenescerent. Infectis itaque rebus ex hoc conuentu discessum est: negantibus diserte legatis, aut se quidquam mandatorum in Michaelis negotio à Principe accepisse; aut Principem posse aliquid Ducibus Mazouiae concedere ex Podlachia, quod ea Prouincia planè iuris Lituani esset. Ex hisce dissidijs inter germanos Principes, fœderatasque nationes coortis, faciles sibi veteres hostes de Lituaniâ, Polonicis auxilijs destitutâ, triumphos ominabantur, neque bello materiam aut occasionem quæsiuere, satis ad vtrumque rati sufficere, spem vincendi.

A. 1442.

A Moschorum Duce bello lace situs.

Primus Dux Moschouiae, adscito belli socio Casanensium Regulo infectis signis inuadit, initio belli ab effusa Viazmensium agrorum vastatione sumpto. Casimirus non ignarus, ad suæ fortunæ apud reliquos hostes venerationem non parùm interesse, quo successu ea expeditio Moscho cederet: properè Smolenscum profectus est. Dum reliquæ cohortes tardiùs subsequuntur, Stanislauum Kiszka exercitûs Ducem præmittit, ut copijs quæ ad manum erant, hostiles excursions sistat. Kiszka citato agmine progressus, cum nullibi hostem intra Lituaniæ fines nactus esset, quod is cum ingenti pecorum hominumque prædâ iam abiuiisset, per Moschouiae ditiones populationem effudit. Latissimè quaquaversum per nouem dies cædibus, ac incendijs, grassatus, nihil circa Mozaïscum, Kalugam, Kozielscum, Verchos,

Per Ducem suum Kiszka Moschouiam vastat.

Vereios, bello intactum reliquit. Moschus maiore, *A. 1442.*
 quam intulerat, acceptâ clade, quindecim millia ar-
 matorum rapit, paucos vastatores, velut feras cassibus,
 multitudine ipsâ cincturus. Sensit periculum maturè
 Kiszka, quod & exiguum militem haberet, & prædâ
 grauem: celerrimo itaque nuncio Casimirum, quo statu
 res esset, docet, & suppetias maturari petit: intereâ in
 occasionem rei gerendæ intentus Smolenscum versûs
 copias sensim remouet. Assequitur hostis extremum
 agmen, prælio tamen abstinet, vt circumductis tacito
 agmine ab vtroque latere, suis, vndique simul impetum
 faciat. Kiszka pugnandi necessitate deprehensus præci-
 puos tribunorum, Nicolaum & Ioannem Radiuiles,
 Zenouiciumque Despotam, cum promptissimis equi-
 tum, præire iubet; ac insidijs apta loca à partibus occu-
 pare: ipse robustissimis à tergo locatis, impedimentis
 præmissis, sensim instructâ confertim acie progredi-
 tur. Vbi hostis à tergo in conspectum venit, citatius si-
 gna promoueri Kiszka mandat, speciemque tumultûs
 edere. Fugere eum credidère Moschi: media itaque eo-
 rum acies auidius instare, & loca ab armatis infestâ in-
 curiosè transire. Pertracto hostem insidias, datoque re-
 pentè prælij signo, versis in hostem armis magno im-
 petu è medio, ac lateribus procurrunt. Moschi rati Ca-
 simirum cum vniuersis copijs in auxilium aduolâsse,
 vix inchoato prælio in fugam effunduntur: parua cæ-
 de pugnatum est; at fuga plurimo sanguine stetit. Dua-
 bus enim leucis fugientes victor miles insecutus, ma-
 gnam

*exercitum
 Moschorum
 profugar.*

A. 1442. gnam stragem edidit. Sub idem tempus cum Scythis infeliciter Moschi pugnauere. Duplici itaque simul clade fractus Dux Moscuæ, Casimiri se fortunæ submisit, honoris plenâ legatione institutâ, quâ pacem fœderumque instaurationem postulabat.

*Michaël
ab exilio
reuocatū,
possessionibus
cumulat.* Domi forisque firmatâ pace, cum nihil superesse existimaretur, quod meritò Michaëlis factionem metuentem facere posset, Michaëlem in Mazouia reuocatum, amplissimis possessionibus Casimirus cumulauit. Ne tamen congestâ in vnum potentiâ robustiorem nouandis rebus redderet: destinatò eam in partes, longioribus spatijs distantes, distraxit. In Seueria enim Branscum, & Starodubum, in Podlachia Bielscum & Surazium. In Samogitia Kieydanos, in Nouogrodensi prouincia Kleckum attribuit. Posteaquàm verò non contemnendæ fortunæ opes Michaël degustare cœpit, iterum ad ingenium redijt. Nihil satis est, omnia appetenti. Dolere Michaël, quòd quæ auitæ suæ hæreditatis essent, ea alij possiderent: quæ à Casimiro acceperat, vt aliena æstimare, atque adeò vt exigua contemnere: ad Lituanie totius dominium aspirare: in Principem ipsum, quo viuo priuatus cogeretur viuere, cædis consilia tacitis cogitationibus voluere. Conceptum animo virus, sumptis cum tempore incrementis, non diu intra septa pectoris, potuit contineri: per speciem amicitie coram Wolozyini Ducibus secreto colloquio effusum, sceleris non arbitrum modò fidum, sed & Ministrum promptum reperit. Conspiratur in vitam Casimiri:

*Michaël
in vitam
Casimiri
conspirat.*

miri: Volozyrij obsequium addicunt, Michael, mili-
tem ac præmia pollicetur. Patrando parricidio sylva,
Merecium inter ac Trocos interiecta, deliguntur, in
quibus securè Casimirus, corpus, animumque, exerce-
re venationibus solitus fuerat. Adseiscuntur designati
sceleris socij, tum cæteri nobiles, ad quidvis audendum,
patrandumque prompti, tum præcipuè Suchta. Con-
fectum procul dubio, magno silentio negotium fuisset,
nisi agrestes ad vestigandas per nemora feras, præire
soliti, primùm vestigia equorum deprehendissent, dein-
de armatos milites. Delato indicio ad Marefchalcum
curiæ Andream Gastoldum, ac deinde ad Parentem e-
ius Trocensem Palatinum, nemo erat qui non suspica-
retur, insidiarum aliquid subesse. Expeditissimi quique
equites deliguntur, qui ab agrestibus per notos calles
deducti, insidiatorum quempiam intercipient. Cogni-
tâ ex captis prodicione, cum vniuersâ propè aulâ præ-
torius equitatus insequitur perduelles. Capti sunt inter
Kreuum & Osmianam plerique, ac perduellionis dam-
nati, poenas capitis Trocis luerunt. Volozyrij Duces
proscripti, fortunis eorum fisco addictis. Michael ipse
Klecko elapsus in Moschouiam euasit, atque infelicem
prodicionem in apertum bellum, pari fortunâ, commu-
tauit. Lecto per Seueriam milite tumultuario, cum
Moschouiticis auxilijs, Kiiouiam urbem ac Prouin-
ciam, Russorum factione, sibi subiecit. At non diutur-
na ei horum successuum voluptas fuit. Ioannes enim
Gastoldus aduersus eum cum exercitu missus, & Kiiou-
iam

A. 1442.

Proditis
insidiis in
Moschouiam
fugit.

Kiiouiam
occupat
atque inde
expulsum.

Bb

uiâ

A. 1442. uia & Seueriâ totâ, Branſco etiam ac Staroduborecep-
tis, eiecit. Cùm ditionibus ſpe omni melioris fortunæ
In Moſ- amiſſâ Michaël, in Moſchouiam reſſus, priuatam
chouia deinceps per quinque annos vitam in aſceterio egit.
privatus Tanta porrò erat Caſimiri in perduelles moderatio, vt
viuis. plerique animum eius ab omni cupiditate alienum de-

Suidrige-
loni Lu-
ceoria, O-
ſelkoni
Kſionia
reſtituitur

A. 1443.
Caſimirus
Ladiſlai
Regis
mortem
diſſimulat

mirati, vix ſperanda auſi fuerint poſtulare, ac obtinuerint. Nam & Suidrigeloni patruo Luceoriam, & Alexandro conſobrino Kiiouiam, publico edicto reſtituit. Pax deinde alta per Lituaniam ſubſecuta eſt. Poloni enim à nupera concertatione abſtinebant, animis intentis in euentum belli Turcici: quòd, cùm inconſultiùs contra fœdera eo anno in Hungaria Rex Ladislaus mouiſſet, prælio ad Varnam, victus eſt, famaſque percrebuerat, etiam ipſum cum alijs occubiſſe in pugna. Diu de eius morte dubitatum eſt publicè, priuatimque, quòd nihil omnino de eâ certis nuncijs haberetur. Caſimirus domeſtico luctu ex fratris morte contentus, ne priorem occupatæ Lituaniæ cauſam oneraret, nihil pro regno Poloniæ ambiendo tentauit: gaudebat non credi mortuum, quem ipſe fraternis votis incolumem optabat. Itaque velut viuo Rege, res Polonas neglexit; in Lituana Republica conſeruanda augendaſque occupatus. Quos ſuperioribus bellis (quæ præcipua Principum, pacis tempore cura debet eſſe) fidus, forteſque expertus fuerat, vt eis ſimiles in futuros caſus excitaret, varijs magiſtratibus ornauit. Daugirdo mortuo Ioannem Gaſtoldum, Vilnenſem Palatinum ſuffecit. Maior-
iorne

iorne hostibus feliciter domitis, an subditis moderatè
 sapienterque regendis fuerit, non facile discernas. Cer-
 tè Lituaniam ex Superiorum Principum ambitione, tot
 civilibus moribus, velut decumanis fluctibus agitata,
 nonnisi sub hoc Principe conquieuit. Neque tantum
 subiectos populos virtutis æstimatione in quiete conti-
 nuit: sed etiam finitimos ad sui venerationem perpulit.
 Scythæ Tauricani, mortuo absque hærede Principi, ne-
 minem infcio Casimiro surrogare ausi, honorificâ le-
 gatione postulârunt, vt Atzgereium illis præficeret.
 Exulabatis in Lituaniam à Casimiro amplâ Præfecturâ
 Lideni ornatus: eum itaque Casimirus præsentibus
 legatis solemnî pompâ Scythiæ Imperatorem Vilnæ
 renunciauit. Deductus à Georgio Radiulo Marschal-
 co, in Tauricam Cherloneffum Atzgereius, magnâ
 concordie atque obsequij significatione, ab illis popu-
 lis susceptus est: cuius posterî in hunc diem in Giercio-
 rum familia imperium Scythicum conseruant. Samo-
 gitia quoque hætenus Kieystutianæ domui nimium
 addicta, ita in obsequium Casimiri transuerat, vt quæ-
 nis imperata, pacatissimè acceptaret. Itaque cum Kon-
 toutum, post triennalem Samogitiæ præfecturam Ma-
 gistratu mouisset, atque ei Michaëlem Kieyzgailo suffi-
 ceret, præter omnium expectationem, nihil à quoquam
 turbatum est.

A. 1443.
 Républi-
 cæ sapien-
 ter admi-
 nistrat.

Scythiæ
 Crimæis
 Imperato-
 rem Atz-
 gereium
 creat.

Samogitiâ
 sibi concu-
 list.

A. 1444.

A. 1445.
 Ad Regnū
 Poloniæ
 vocatur.

Poloni interea orbæ Reipublicæ pertæsi, seu quòd
 certos nuncios de morte Ladislai accepissent, seu po-
 tius quòd ipso longioris temporis argumento, (iam e-

Bb 2

nim

.1445. nim alter à Varnensi clade annus decurrebat) vixisse
 cum sibi persuaderent: Siradium Ordines Regis crean-
 di causâ, conuocârunt. Sbigneo Cracouiensi Antistite
 auctore, singulari concordia omnium, Casimiro reg-
 num delatum est: missi legati, qui & Principem ad ca-
 pessendum fraternum locum, & Lituaniæ Ordines, ad
 consulendum communi Reipublicæ Petricouiam inui-
 tarent. Casimirus neque apertè legationem repulit, ne-
 viam sibi ad id fastigij præcluderet; neque cupide ad-
 misit, vt præferebat fratris, si fortè viueret, reuerentiâ:
 reuerà quod necdum Lituorum consilia perspexis-
 set, an scilicet se absente, de alio Principe non essent
 cogitaturi. Itaque ambiguo sermone gratijs actis, nihil
 certi respondit legatis, nisi quod in Petricouiensibus co-
 mitijs, planius se animi sui sensum, vniuersæ Reipubli-
 cæ explicaturum pollicitus fuerit. Verùm neque ibi,
 per Radiuilum & Kieyzgailonem, legatos quidquam
 certi deprompsit. Plena tergiuersationis oratio eorum
 fuit. Principem suum Casimirum, ex fraterno casu, in
 eo, qui tanto Regi esset debitus, luctu, cum vniuersâ au-
 lâ constitutum, non posse absque nota in publicum pro-
 dire, nedum ambiendi fraterni regni causâ ad comitia
 venire. Tam festinatas de nouo Rege consultationes,
 quasi poeniteret, Ladislaū Regem aliquando habuisse;
 non posse ei omnino probari. Consultius videri, si Res-
 publica tâdiu sub Interrege relinqueretur, quoad mors
 Ladislai certioribus argumentis comprobaretur. Inopi-
 nata accidit Polonis Casimiri tergiuersatio, neque po-
 terat

Tergiuersatur in
 eo admittendo.

terat absque publicæ rei discrimine tolerari. Iteratò ergo grauiorem legationem, instituunt; quâ tres Antistites, quatuor Palatini, cum Supremo Regni Cancellario, fungebantur: studia ordinum repetunt: postulant ne vota libi addictorum, dubijs responsis refrigerescere permittat: pericula quibus Respublica perurgeretur exaggerant: superos denique testantur, ne diuturniores moras necendo, se eò adigat, vt necessitate ipsâ pressi, extra domum Iageloniam, Regem liberis suffragijs quarant. Aderat quoque propè continua lateri Calimiri Regina mater, quæ filium ad acceptandum regnum sollicitè vrgebat. Ab aduerso Procere Litواني, qui hactenus & imperandi rationem in Casimiro perquam gratam omnibus, & præsentiam Lituaniæ commodis pernecessariam experti essent, omni studio dehortabantur. Maximè verò deterrebat vetus, Polonos inter ac Lituanos de Podoliæ possessione controuersia: quam cum à Rege decerni necessum esset, alterutrius partis odia incurrere Casimirus meruebat. Nihil itaque de sententia priore coram legatis immutauit: nisi quod spem è voto conficiendæ rei ostendisset, vbi prius Ordinum Lituaniæ sententiam in publicis comitijs audiuiſſet.

Celebratis in Ianuario Vilnæ comitijs, sex legatos, viros principes, Petricouiam misit. Legationis summa erat. Casimirum Lituaniæ Principatui contentum, Regnum Poloniæ non ambire: negligere tamen illud non posse, ad quod post parentem ac fratrem, ipso sanguinis iure vocaretur. Viderent igitur Poloni, ne temeraria

A. 1445.
Poloni iteratâ legatione vrgerent.

Litواني dissuaderent.

Casimirus, perinde tergiversatur.

A. 1446.

A. 1446. riâ Regis electione pacatam Rempubicam notis tur-
 bis inuoluerent. In eorum quidem potestate esse, Casi-
 miri ac Ladislai de cuius morte nondum constaret, iu-
 ra per nouam electionem infringere: at ne iniuria inul-
 ta abiret, Casimiro cordi fore. Audax legatio, atque li-
 bera Reipublicæ dignitati aduersa, ita Polonos offen-
 dit, ut mox plerique decreuerint præterito Casimiro
 alium Regem renunciare. Nulla siquidem damna te-
 neriùs à libero sentiuntur, quàm libertatis. Nihilomi-
 nùs, qui diuturnioribus præteritorum bellorum malis
 exerciti, pacatiora optabant, sentiebantque, ferociam
 cæterorum temperârunt metu, ne turbatis Lituaniis
 fœderibus, Crucigeri ad arma excirentur. Nouâ itaque
 legatione Casimiri animum explorant: à quo cùm ni-
 hil præter verum responsum attulissent, magno omnium
 consensu comitia Petricouiam, creando Regi, interrex
 indixit. In ius, Sbigneus cum cæteris, pro Friderico
 Brandenburgico Marchione, Iagelonie domûs affine,
 plurimùm annitebatur: at præualuerunt suffragijs, qui
 auctore Plocensi Antistite pro Boleslao Duce Mazoniæ
 agebant. Tum primùm damnare priora consilia Casi-
 mirus: dolere periculo amittendi Regni, quod sperne-
 re se posse, aut ipse credebat, aut videri alijs volebat;
 tamdiu utique, quamdiu spernendi momentum non
 vrgebat: vereri ne Boleslaus rerum in Polonia positus
 Michaëli suo affini vires ministraret, quibus ille iterum
 in spem vindicandæ sibi Lituaniæ assurgat: præsertim
 quòd aliquorum Russorum Procerum fauor, dubius
 in

*Poloni of-
 fensi de a-
 lio Rege a-
 gunt.*

*Casimirus
 damnat
 suam ter-
 giversa-
 tionem.*

in Casimirum esset. Celerrimo ergo nuncio matrem secretò monet: iam aliam animo suo sententiam subivisse: regnum quidem toties repulsum non posse se appetere ambire; admissurum tamen procul dubio, si Poloni suâ sponte legatos ad se mitterent. Regina hoc nuncio accepto, non magno labore eorum, quos prius beneficijs obnoxios suis rebus reddiderat, per Minorem Poloniam, nondum planè restinctum Iageloniae domûs desiderium renouat. Minorem sequitur Maior Polonia. Conuentibus nobilitatis, Belziciæ, Corcyni, atque alibi celebratis, Parcouiam comitia ad finem Septembris indicuntur. Casimirus ad ea inuitatus, negavit sibi integrum esse Parezouiam proficisci: promissit nihilominus se legatos Polonorum Brestia præstolaturum. Venere Brestiam sex procures Poloni, qui cum mandata Reipublicæ exposuissent, Senatu Lituanico acerrimè Podoliam ac Luceoriam repetente, Princeps ipse disertè professus est, nisi Poloni Podoliam, atque Volyniæ arces, Luceoriam, Olecum, Lopatinum, Horodum, Ratnum, Lituaniæ se sponderent restitutos, regnum à se acceptari non posse. Iam procures desperato legationis successu reditum parabant, cum quisquam illorum Casimirum absque arbitris nactus, tacitè moneret. Negotium sub morâ propè perire: obstaculum verò, in quo hæsisset, à nemine facilius remoueri posse, quam ab ipso Casimiro, si regnum nullâ adiectâ conditione acceptaret. Quid enim deinceps inaugurato Regi arduum futurum metueret? Priuatorum sententias

At 446.
Regina
rursus Po-
lonos Ca-
simiro cū-
ciliat.

Silvius
-militari
-militari

A. 1446. *Regnum
Poloniæ
acceptat.* tias in Principis plerumque manu esse, si tractare humanas voluntates nōrit: in eiusdem arbitrio fore; Lituanosne, an Polonos Podoliæ, ac reliquis locis præfectos imponderet. Eâ oratione, de pertinacia dimotus Casimirus, Regnum acceptavit, Cracoviâque decurrente sequentis anni Iunio venturum se pollicitus est.

A. 1447. *Cracoviæ
coronatur.* VII. Kal. Iul. splendido comitatu, cum Suidrigelone Luceoriensi, & Olelkone Kiiouiensi Ducibus, ceterisque Litvaniæ proceribus Cracoviam ingressus, solitis cæremonijs Rex Poloniæ inauguratus est. Cracoviâ Litvaniam repetere destinaverat: at urgente Senatu ad componendas Maioris Poloniæ res, Calissium prius perrexit. Accurrit eò ex Mazovia supplex Michaël, genibusque regijs aduolutus obsecrabat, ut proscriptionis sententiâ antiquatâ, patriæ, paternisque fortunis restitueretur. Duriorem se Rex supplici præbuit. Ingenium enim ad ignoscendum naturâ ac exercitatione perfacile, vicerat ex superioris periculi memoriâ, metus futuri. Nihil siquidem Michaëli ad Casimirum Principatû ac vitâ exuendum defuerat, præter successum sceleris: quare nolebat suo periculo iterum probare, an vel Michaël suum animum correxisset, vel fortuna constantiam non mutasset. Regi quidem intra beneficij negotiationem, vniuersa vindicta constiterat: at ut plena timoris, sceleratis sunt consilia, Michaël graviolem in Regem iram suspicatus, maturè in Valachiam ex regijs ditionibus profugit. Fuga, magis suspectum reddidit. Itaque dedi eum sibi Rex postulavit. Valachus neque è dignitate

*Michaël
supplican-
tē repellit.*

dignitate Regis, neque ex fide suâ se facturum respon-
dit, si eum, quem hospitio acceperat, proderet. Man-
datum nihilominus, vt quàm primùm Valachiâ ex-
cederet. Michaël à Valacho desertus, ad Tauricanos
Scythas profugit, permouitque eos, vt Podoliam infe-
sti inuaderent. Per idem tempus Podoliæ Palatinus Bu-
czacki, aliquot arces in Volyniâ Lituani detraxerat.
Legatus verò Scythicus, ad Regem admissus, negoria
sui Principis, exclusis Polonis, tractauerat. Hinc Rex in
Polonorum æquē, ac Lituorum suspiciones, incurrit:
cū & Poloni Scytharum incursiones in Podoliam,
clandestinis cum Rege consilijs, & Buczacij factum a-
perta Regis conniuentiæ Lituani, attribuerent. Primi
eum sunt adorti Poloni molestâ sollicitatione, vt Ordi-
nes comitorum causâ Petricouiam conuocet. In ijs co-
mitijs, id maximè actum, ne apud Regem Buczacio ef-
set periculo, quod Chmielnicum, & Miedziboziam
Lituani ademisset: tum ne Rex, aut præfecturas Po-
doliæ Lituani attribueret, aut è Polonia in Lituaniam
iturus, sine Polonis Senatoribus in viam se daret. Ad
hec Rex respondit. Se neminem Polonorum à comi-
tatu suo excludere: in negotio verò quod Lituaniam
concerneret, nihil statuere posse, inscio, inconsultoque
Lituanio Senatu: vbi eius sententiam, in publicis gen-
tis comitijs, audisset, curaturum, vt Poloni simul & Li-
tuani Lublinum euocati, mutuis consilijs aliquid certi
de totâ controuersiâ decernant.

In Lituaniam itaque comitorum causâ properauit, A. 1448.
quibus

*Suspicio-
nes Polo-
norum &
Lituorum
incurrit.*

At 448. quibus Vilnæ habitis, negotium omne Lublinum re-
Michaël iectum est. Cùm is conuentus ad finem Maij futurus,
in Seueria expectatur, Michaël cum Scythis Seueriam inuadit,
profligat. profligatisque, quæ tumultuariè lectæ occurrerant co-
 pijs, Branscum, Nowogrodecum, Putiuolum, Sierpiei-
 scum, Starodubum, in potestatem suam redigit. Qua-
 re Casimirus priusquam in Poloniam comitiorum cau-
 sâ abiret, properè in Seueriam mouit: exorians bellum
 in ipsis initijs, oppressit: arces ereptas recuperauit: Pro-
 uinciâ vniuersâ Michaëlem eiecit. Vbiq̃ue rebus despe-
 ratis, in Moschouiam Michaël euasit: vbi, ad quodpiam
Michaëlis asceterium admissus, cùm priuatam aliquandiu vitam
mors egisset, ab ipso Collegij eius præside, in pane, quo sa-
 crificium à Christianis peragitur, veneno porrecto, ex-
 tinctus est. Casimiro interea à campestri expeditione,
 ad domesticas concertationes, quamquam vehemen-
 ter inuito, redeundum fuit. Urgebat dies comitijs Lu-
 blinensibus destinatus. Frequentes, vt nunquam aliàs,
 conuenerunt è Poloniâ, Lituaniâque equites, ac pro-
 ceres. Summa obstinata contentionis, duobus præci-
 puè capitibus nitebatur. Postulabant Lituani impri-
 mis tabulas fœderum (vulgò *Vnionis*) à lagelone inito-
Lituanorum rum de integro conscribi: quòd in eas paucorum aut
ac Polono- negligentia, aut facilitate, irrepsissent, dignitati, com-
ria de Po- modisq̃ue Magni Ducatus Lituaniæ noxia, penitus ex-
dolia con- pungi, atque adeò disertè caueri, ne ea populi vtriusque
certatio- sub vno Principe coniunctio, diuturnior esset, quàm la-
mes. geloniæ domus in Polonia regnum. Deinde Podoliam,
 quam

quam Lituaniæ Duces è Scythica seruitute armis vindicassent, restitui. Respondebant Poloni. Quæ sub Iagelone ac Vitoldo constituta, ac deinde sub Sigismundo acta essent, ea uti optimè ordinata, intacta omnino relinqui debere. Non enim iam esse integrum, quomodouis ea immutare; quæ toties, & vtriusque gentis capitum, & ipsorum Principum iureiurando, ceris, ac scripturis sacrosanctè essent roborata. Podoliam, non à Latuania, cui nullum in eam ius competere, auulsam Poloniae regno accessisse: sed à Casimiro Magno Rege, tum armorum iure, tum hereditatis nomine, occupatam, in Poloniae Prouinciā redactam, in Regum Poloniae possessione mansisse. Iagelonem verò, Regem renunciatum, uti alias Præfecturas viris de Republica meritis attribuire solitum fuisse, ita Podoliam quoque Vitoldo, Suidrigeloni, ac Sigismundo concessisse, beneficio cum vita eorum dumtaxat duraturo. Ab aduerso urgebant Lituani, longè ante Casimiri Magni imperium Podoliam Scythis seruiuisse, ac magnā partem Scythas incolas habuisse, cuius gentis præfecti, ius promiscuè, Podolijs Scythisque, dicebant. Olgerdum primò M. Litu. Ducem transgressum Kiiouiæ, ac Volyniæ fines, barbaros profligasse, atque eā regione eiecisse: tum inter Coryati fratris filios Prouinciā partitum esse; qui Smotryciam, Becotam, ac Camenecum arces, cæteraque oppida excitauerunt, magnisque sumptibus permunierunt. Constantino Coriatouicio Duce Podoliae, vit à functo, Theodorum fratrem eius ab Olgerdo substi-

4.1448. substitutum esse : qui cū obsequium erga Lituaniam Ducem excutere conaretur, ab eodem profligatum, Podoliam verò in Prouinciæ formam redactam, imposito ei Gubernatore, Gastoldo. Vellent igitur Poloni exactius superioris sæculi historiam rimari, procul dubio non leuibus argumentis deprehensuri, eā ipsā tempestate, quā Casimirus Magnus à morte Boleslai Mazouiae Ducis, eam duntaxat Russiæ portionem, quæ Leopolim inter, atque Haliciam interiaceret, propinquitatis iure repetebat; reliquam Podoliam Lituanis paruisse; nempe Lubarto Leopolim, Gastoldo Camenecum, Narymundo Cremeneciam, alias arces ac latifundia Kieystuto : quare Casimirum contentum ijs, quæ Boleslaus possederat, Lituanæ ditionis agros bello intactos reliquisse. Ortâ verò deinceps cū Polonis de Russiæ Dominio contentione, semper eam Lituanos armis retinuisse. Iagelonis regnum ambientis facilitate delictum esse, vt Podolia, à Lituania auulsa, Poloniæ adiungeretur. At vt priuatus illi error fuerat, nihil pensi habere, quid regni causâ polliceretur : ita suâ interesse, non permittere, vt Respublica ex illius fœderibus aliquid detrimenti capiat. Quamuis verò hæc ipsa, monumentis maximè Russorum, quorum fidem aliena utilitas suspectam non faciebat, comprobarentur : vana tamen videbantur ijs, qui nihil concedere destinauerant. Cū itaque, hi vt iniqua se negare, illi vt aquâ postulare, existimant : à sententiarum studiorumque diuersitate, ad apertas inimicitias res inclinari cœpit.

cœpit. Rex etsi neutri parti auctoritate suâ pondus ad-
 iicere vellet, affectu tamen in Lituanos pronior, illud
 in Senatu tantum dixit: non sibi probari tantam sen-
 tentiarum pertinaciam, de qua quamdiu neutra pars
 remitteret, coalescere pax nequaquam possêt: necesse
 itaque videri ut Poloni, nisi eos foederum pœniteret,
 aliquam rationem inirent, quâ Lituanos in amicitia re-
 tinerent. Poloni collatis priuatim sententijs responde-
 runt: non aliud præcidendæ liti præsentius remedium
 occurrere, quàm si deinceps Podolia, Polonis æquè ac
 Lituanis, communis fieret. Id verò aliter fieri optatiùs
 non posse, quàm, si utrique populi sub vno Rege, eo-
 demque Regni Poloniae nomine, æquali iure viuerent:
 extinctis Magni Ducatus, cæterorumque Lituaniæ Ma-
 gistratum titulis, qui ut speciem diuisæ Reipublicæ
 præferrent, ita discordiæ materiam semper essent præ-
 bituri. Oleum igni affusum istiusmodi responso. Queri,
 Superosque vindices inuocare Lituaui: specioso *Unio-*
nis nomine hætenus illusam esse, iam tandem Prouin-
 ciarum detractioe, id vnicum agi, ut extincto Litua-
 no Russoque nomine, omnia Lituaniæ decora in Polo-
 niam transferantur. Cum ergo pertinaciùs Podoliæ re-
 stitutio vigeretur, Polonis non minùs obstinatè resi-
 stentibus, non infectis tantum rebus, sed exacerbatis
 etiam in mutua odia animis, è comitiorum loco disce-
 ditur. Non multum res aberat ab apertâ foederum vio-
 latione: verebaturque Rex non ex vano; ne inconsulti
 aliquorum impetus in Lituania, temerè per eius absen-
 tiam

A. 1448. tiam correptis armis, viam pacatè terminandæ contentionis præcluderent. Vt itaque spe pacis arma contineret, indictis Nouogrodecum comitijs, ipse quoque in Lituaniam venit.

A. 1449.
*Scythæ
Podoliam
vastant.*

Dum Rex comitijs Lituanorum intendit, Scythæ eam Podoliæ partem, quam Poloni obtinebant, infestis signis inuadunt: flammis ac cædibus vniuersam implent: intactis vicinis Braslauensium agris, quamquam prædæ ac vastitati apertis; quod iurga eius oræ Præfectus, missis maturè per legatos amplis muneribus, cladem omnem à Lituanis iuris ditione redemisset. Hinc Polonis noua suspitionum seges: Lituanos, Regemque criminari, vt vastata Podoliæ auctores: atque vt fortè Rex non probârit consilium, haud dubiè tamen non inscio illo, à Lituanis Scythas contra Podoliam concitatos esse. Hæc promiscuis sermonibus per Poloniam vulgata, magnam animorum mutationem erga Regem fecerant. Itaque cùm comitijs Petricouensibus exeunte hoc anno interesset, vnâ omnes voce, ne dicam tumultu, apud eum Ordines institerunt, vt iuraret Reipublicæ, nihil se à regno auulsurum, nihil de Podolia ac Volynia Lituanis concessurum: iura ac libertatem Ordinis equestris, acta Prædecessorum, prærogatiuas priuatis quibuscumque aut ciuitatibus concessas nouis tabulis confirmaret. Ingens aderat certamen. Regis ingenium feruentius, populari illa actione accenditur magis, quàm terretur: obfirmat constanter animum in proposito: negat quidquam se horum, quæ

*Poloni in
Regem cõ-
surgunt.*

roga-

rogarentur, facturum, prius, quàm Poloni cum Lituanis, de Podolia componerent. Quamquam verò non paucos regia constantia perculisset: non deerant tamen viri Principes, in Republica, qui detrectarent Casimiri legitimum Regem agnoscere, quamdiu ille maiorem more, vetera iura, suo iuramento non confirmasset. Sumebat indies de Regia auctoritate disceptatio maiores vires. Silere inde iudicia ac magistratus: impunitatis verò spe succrescere publica scelera, quæ priuatos toto eo anno miserè exercuerunt. Nihil in vijs, aut domi securum. Prædis ac cædibus omnia infamia. Euocauerat Rex nobilitatem Minoris Poloniae Cracouiam, ut publicæ tranquillitati, de communi consilio, prospiceret. At cum plerique auctore Ioanne Teczynski Palatino Cracouiensi, negarent quidquam iuris Casimiro esse ad ferendas leges, conuentus nullo operæ pretio præstito, solutus est. Rex, qui hactenus à tempore remedium malo sperauerat, vbi rem in deterius prolapsam aduertit, in Lituaniam festinauit, acturus cum proceribus, ne intempestiuâ de Podolia concertatione, perturbandæ Reipublicæ materiam ministrarent.

Paulò post Kalendas Ianuarij, magnâ frequentia Vilnam Ordines confluxêre. Plerique nihil omnino de veteri contentione in repetendâ à Polonis Podoliâ remittebant. Plurium tamen sententia pacis publicæ causâ stetit, tantisper ab ea actione abstinendum; ne verò id silentium eorum iuribus fraudi esset, Polonos ad commune consilium Brestiam ad VIII. Idus Maij invitandos.

A. 1449.

A. 1450.

A. 1451.

*A. 1451.
Rex Li-
tuanie
arces reui-
det.*

uitandos. Soluta conuentu Rex vniuersam Lituaniam, atque Albam Russiam peragrauit, sollicitè dispiciens, ne quid ad debitam arcium munitionem deesset. Poloni auditâ legatione, grauem permolestamque itineris longitudinem causati, Breitensem congressum declinârunt: at fortè magis, ne extra Poloniam minùs liberè eos dicere, necessum foret. Quamquam & domesticus terror, non permittebat eos longiùs domo abire. Scythis enim Rubram Russiam ingente exercitu, aggressis, ac in obuia quæque ferro ac igni grassantibus, cum nemo sciret quantum hostis progredi destinâset, omnia metu per Poloniam plena erant. Rex ergo Cracouiam primum, deinde Corcinum maturauit. In eo conuentu

*A Sbigneo
Episcopo
monetur.*

Cardinalis Sbigneus grauissimâ plenâque libertatis oratione Regem commonuit, quanto Reipublicæ damno fieret, quòd ferarum venationi per Lituaniam indulgendo, regni curam negligeret. Peractis itaque comitijs Rex in Russiam abiuit. Samborix agebat, cum Regina mater monet Suidrigelonem morti, quàm vitæ propiorem esse: prouideret itaque ne si eâ occasione Luceoria à Lituanis occuparetur, tota inuidia in Regem recideret, & Polonorum animi grauiùs ab eo auerterentur. Ancipiti Rex deprehensus causâ, quò consilia flecteret non reperiēbat. Inde enim regni retinendi cura, inde metus amittendi Principatûs, incertum sententiæ animum suspenderant, Lituanisne potiùs, an Polonis, Luceoriam suâ auctoritate addiceret? Iteratò ergo

*Partzouia
comitia
indicit.*

Partzouiam vtrisque comitia indixit, vt ipsi de Podolia ac

ac Volynia controuersiam concluderent. *4. 1451*

Lituani priusquam Parczouiam venirent, Brestia substitere. Multum siquidem ijs contentionebus, de praterita animorum coniunctione decesserat: atque adeo tantum, ut cum credere se Lituani Polonis non auderent, aperte eis se diffidere, sint professi: negando Parczouiam Brestia se progressuros, priusquam publicam fide interpolata, securitas ituris, rediturisque, promitteretur. Mirari Poloni, ea ab amicis requiri, quae nonnisi inter hostes usus essent. Hortari igitur Lituanos, ut aut curas superuacaneas, aut metus vanos omitterent. Sacrosancta foedera, atque communia secum, quibus sub eodem Rege gauderent iura, sat cuique securitatis praebere. At labefactata iam suspicionibus amicitia, non multum fidei habebat, externa benevolentiae species. Nisi Rex ipse extra Poloniae limites Lomazos progressus, secura omnia spondisset, nemo Lituanorum ad comitia accessisset. Regem redeuntem Parczouiam comitati sunt Lituani proceres, Gastoldo solo dempto, qui non passus sibi persuaderi, fida omnia Parczouiae futura, Brestiam redijt. Initio statim congressus, veterem statim Lituani resumpserunt actionem. Podoliam iisdem, quibus ante argumentis repetebant, at studio remissione. Vehementius longè urgebant tabularum, quibus *Vnio* continebatur, instaurationem. Reperiri in eis quaedam asserbant, quae à Magnis Lituaniae Ducibus, de consilio Russorum, incuriosè examinata, ac temeraria facilitate admissa, nomen Lituanum haud le-

*Lituani
Polonis non
fidant.*

*Vnio
instaurationem
urgens.*

D d

uiter

1451. uiter læderent; ut taceantur alia publica detrimenta.
 Aut amicitiam itaque omnem semel abruptendam ef-
 se, aut infame hoc monumentum, abolendum: quo in-
 tegro, cum honesta fœdera Litvani non essent habitu-
 ri, neque fida sperarent. Quid enim sibi promitterent
 ab illis fidi, à quibus exiguam lituram non impetrant,
 ne probum suum perennet. Diuturnum ac tenerum
 esse eius vulneris sensum, quo honestum, fama que la-
 borarent magnam vim ciendorum nouorum motuum
 habere desiderium reparandi nominis. Non ignorare
 quidem aliquas Litvani iuris prouincias, haud multum
 eâ curâ tangi, utpote armis quæsitæ, ac seruituti assue-
 tas. At Lituaniam non leuiter sentire, quod suâ volun-
 tate Polonia accessisset, non ut eius Regibus seruiret,
 sed ut æternis fœderibus Litvani Polonis coniuncti, æ-
 quo cum illis iure uiuerent. Ad hæc pro Senatu Polono
 Sbigneus respondit. Nihil hætenus Magnos Lituaniam
 Duces, cum Republica Polona egisse, aut constituisse,
 quod præcipui quique Lituanorum procures aut igno-
 rauerint, aut consensu suo non approbârint. Testari id
 luculenter signa eorum, nominaque, publicis monu-
 mentis adiecta. Atque ut hæc deessent, viuere etiam
 num Principem Senatûs Litvani Matthiam Vilnensem
 Antistitem, cum cæteris collegis, qui scribendis tabulis
 præsentibus adfuerunt, ac in ijs Podoliam ab antiquo Po-
 loni iuris fuisse, professi, iureiurando tabularum fidem
 stabiliuerunt. Sbignei orationem Collegæ exceperunt:
 certatim quisque per amicitiam, quam sacrosanctè ab
 ipso

*Poloni eo-
 rum dictu
 refutant.*

ipso Iagelonis regno coluissent, obtestari, ne obstinatis A. 1451.
 concertationibus Rempubicam proderent: rogare,
 vt negotij vniuersi arbitrium Regi ipsi deferrent, qui
 excussis iurium rationumque momentis, vti vtriusque
 gentis communis Princeps, pro alterutra, secundum
 ius ac æquum pronunciaret. Verum Lituanis vehemen-
 tiâ affectûs eò abreptis, vt nihil æqui admitterent: æ-
 grè tandem ab ijs obtentum est, vt soluto conuentu, res
 ad sequentis anni comitia reijceretur integra: vti Polo-
 næ historiæ scriptores prodiderunt. Russorum annales
 non paulò aliter narrationem exequuntur Lituanos, seu
 meritò, seu vanis suspicionibus diffisos Polonorum ami-
 citiæ, extra Parczouiam aperto campo consedis-
 se, statim in castrorum speciem aggere ac fossâ communis.
 Comitiorum horâ, in Senatum venisse, non exiguâ ma-
 nu clientum ad arcendam vim comparatorum stipatos:
 Veritos nimirum, ne inermes ab armatis circumuenti,
 vel inuiti cogerentur ad admittendam legem, quæ ijs co-
 mitijs perferri debuerat, de Lituania ad normam cæte-
 rarum Prouinciarum, regno Polono adscribenda. Non Lituanis
sacerdotibus
renūciant.
 ego vnquam crediderim Polonis id in mentem venisse:
 nominari tamen destinati facinoris indicem, Andream
 Rohatynski equitem Polonum, reperio. Moniti ab eo
 procures Lituanis, vt tertium diem conuentûs cauerent;
 non modò libentes rem ad futura comitia reijci permi-
 serunt: sed etiam ipsi properè Brestiam abiuerunt, reli-
 ctis qui speciem castrorum retinerent; vel celandi abi-
 tûs causâ; vel magis experimenti sumendi; quàm cer-
 tum

A. 1451. tum indicium fuisset. Pauca à discessu abiuerant horæ, cum magno numero ac impetu armati stationem propè vacuam petunt. Infrequens circa portam, atque è gregaria turba, præsidium, argumento fuit, abesse eos, quibus vis parabatur. Mutatâ itaque repentè personâ, ut propositum dissimularent, nihil violenti tentant. Nunciata ea Brestiam, magnos motus concitârunt, Præcipui procerum stemmatum Polonorum vsum abdicârunt; ut eo signo conuulsa esset fœdera antiqua Polonis indicarent. Vniuersi animo hostilia agitare: quisque pro viribus bellum in Polonos apparare. Ingens profectò flamma erupisset, nisi Rex de periculo monitus, venationum prætextu in Lituaniam excurrisset: ubi prensando potentiores, audacioribus pacata ac secunda spondendo, vniuersos auctoritate sua in officio continendo, rem plane in præceps ruentem stitisset.

A. 1452.
Suidrigelone mortuo
Lituaniam Volyniam occupant.

Ea quoque quies non diuturna fuit. Ex morte Suidrigelonis noua dissidiorum materies repullulascens, publicæ pacis statum propè extremè concussit. Eger ille, atque iam extra spem vitæ, fidissimis mandauerat, ne aliud præsidium, se vitâ functo, Luceoriam admitterent, quàm Lituanum. Miles quoque in eam occasione paratus, manipulatim per vicinos pagos, sparsus, signum occupandæ arcis expectabat. Is, mortuo Suidrigelone, Luceoriam admissus, facilè reliquâ Proinciâ potitus est. Volodimiriam verò, quod ei defendendæ nō sufficerent copiæ, exussit. Mortui Suidrigelonis, & occupatæ à Lituanis Volyniæ, fama propè simul in

in Minorem Poloniam peruenit. Ioannes Czȳzewski *A. 1452. Minor Polonia contra Regem insurgit.*
 Castellanus Cracouiensis primus ad eum nuncium, no-
 uis se rebus Ducem facit: nobilitatem ad comitia suo
 nomine euocat, bellum in Volyniam decernit, ærarij ac
 fodinarum publicarum Ministris imperat, ne suo iniuf-
 fu Regi quidquam suppeditent. Tota ferè minor Polo-
 nia, in hisce motibus erat: mandatis tamen Castella-
 ni non adeò obtemperabatur, non satis audentibus
 singulis, offensi apertè Regis inuidiam, intra domum
 suam inferre. Collabentem erga se regni fidem, agrè
 Rex Maioris Poloniæ ope, in vestigio retinuit. Remo-
 tior illa, vt loco, ita & cupiditate ab agris Volyniæ, mi-
 tius ferebat dolorem, præcepta à Lituaniis, tam opu-
 lentæ prouinciæ. Audita itaque legatione, quâ Rex a-
 criter de rebellionē, læsæque Maiestatis audaciâ, contra *Maior Polonia quiescit.*
 minorem Poloniam questus, ad comitia euacabat, in
 quibus satisfacturum se Reipublicæ pollicebatur: non
 modò nihil ipsi turbauere, sed etiam reliquos, comitio-
 rum expectatione, continuerunt in quiete. Conuene-
 runt frequentes ad comitia, magis spectandi curiosi-
 tate, quem euentum ea dimicatio habitura esset; quàm
 studio consulendi Reipublicæ. Fuerunt tamen, qui satis
 ferociter sententias dixere. Ante alios, Sbignei Cardi-
 nalis oratio celebris libertate dicendi fuit. Regem pro-
 pè oblitum sui muneris, Lituanicis venationibus, atque *In comitiis Rex reprehenditur.*
 conuiuijs intentum Regni curam, aut inter vltimas se-
 posuisse, aut planè deseruisse. Luceoriam, atque Rat-
 num, si non consensu illius, certè dissimulatione inter-
 ceptas.

A. 1452. ceptas. Lustrum integro, negotium varijs artibus exten-
 xisse; neque Regno priorum more, iura ac prærogati-
 uas Poloniæ, iuramento regio firmatas esse. Non mul-
 tum interesse, haberetne Polonia Regem, an eo care-
 ret! quandoquidem Casimirus totus pro Lituania,
 contra Poloniam staret. Hæc dicente Sbigneo concitior Rex, cum neque vliscendi, neque placidè respon-
 dendi, modum reperiret, ad Senatum conuersus qua-
 sit, suanè dumtaxat priuatâ, an ex communi om-
 nium sententia, à Sbigneo talia detonarentur? Tacen-
 tibus alijs, neque audentibus, se primos iræ regiæ offer-
 re; Cracouiensis ac Sendomiriensis Palatinus, idem se,
 ac reliquos omnes sentire disertè professi, loco se pro-
 puerunt: abeuntes illos reliquus Senatus eò promptius
 est secutus; quòd nemo vnus præcipuum quid inuidiæ,
 è curiâ efferret. Perculit res tam inopinata vehementer
 Regem, cum videret ab inuito ius Reipublicæ repeti,
 quod tamdiu pertinaciter rogâset. Conuerso deinde
 studio ad placandos procures, ægrè peruenit, vt ad ob-
 sequium redirent. Quòd enim publicæ incolumitatis
 seruandæ causâ dimicatio fuisset suscepta; non Regis
 exauctorandi: Senatûs Principes, reliquos ad officium
 reuocârunt; posteaquam Rex curaturum se promisit,
 vt proximis comitijs finis optatus vniuersis controuer-
 sijs imponeretur. IX. Kal. Sept. comitijs initium da-
 tum. Adfuere in tempore Lituanorum legati, Andreas
 Douoina & Michaël Mintoutus. Legatio præter an-
 tiqua postulata, minas soluendorum foederum conti-
 nebat.

*Deseritur
 à Senatu*

tinebat. Poloni legatis modestè responderunt. Nihil si- *A. 1452.*
 bi optatius esse fœderibus, cum Lituaniis, quos uti ha- *Poloni Li-*
 tœnus non tantum sociorum aut amicorum loco; sed *tuani sa-*
 fratrum, etiam atque eiusdem Reipublicæ civium ha- *tis faciunt.*
 buissent; ita deinceps habituri essent. Podoliâ nihilomi-
 nus cedi non posse, ne in eam ius regni infringere-
 tur: fœdera enim iusta, requirere ius cuique suum inuiola-
 tum servari. Tabulas fœderum, vel eâ solâ causâ, inta-
 ctas relinqui oportere: ne si fortè semel in eis aliquid in-
 novaretur, præiudicio eius exempli, nihil deinde San-
 ctum ac stabile (ut primum est mortalibus ad novan-
 das res ingenium) servaretur. Legatis dimissis Regem
 adorantur: ut anteaquam comitia soluerentur, ex ve-
 tere Reipublicæ instituto, acta maiorum, iuraque ac
 prærogativas ab ijs collatas, suo iuramento firmet. Diu *Regem co-*
 in omnes partes versavit Rex ingenium, rogando, sua- *gunt ad*
 dendoque, differri ad annum, negotium. Nihil tamen *iuramentum*
 amplius impetrauit, quam ne cogeretur ad aperiendas *præstan-*
 in pleno Senatu propositi sui rationes, quæ profundo si- *dum.*
 lentio egerent. Sex igitur præcipui, quibus Respublica
 maxime fideret, ex Senatu sunt delecti, qui præmissis
 non reuelandi secreti iuramento, cum Rege agerent,
 arbitrioque suo definirent, an prorogatio regij iura-
 menti, non esset fraudi Reipublicæ futura? In eo consi-
 lio Rex præfatus breviter, non dissidijs fouendis, neque
 quod Lituanos causâ cadere nollet, iuramenti tempus
 tamdiu extraxisse: meminisse filium se, fratremque Re-
 gum Poloniæ, quorum acta beneficiaque inuiolata
 conservare,

A. 1452. conseruare, absque iuramenti religione, ipsis sanguinis pietatisque vinculis satis obligaretur: neque nescire, suo se periculo rem differre, cum regnum in eorum manibus agnosceret, quorum liberis suffragiis accepisset. Obtestari deinde coepit, ne affectu agerentur, sed sobria mente dispicerent, quanto Reipublicæ damno id fecisset, ad quod tantâ contentione vrgeretur. De Podolia eos dimicare; Lituaniam verò vniuersæ amissionem non cogitare; ex cuius secessione, concertatio de Podoliâ ac Volynia perpetua esset futura, eaque iam non sententiarum, sed armorum: quorum fortunam, etiam in iustâ causâ, dubiam esse, nemo nesciret. Quid enim pronius, quàm vulgato Regio de Podolia retinenda iuramento, Lituanos ad comitia nouo Duci Lituaniam creando conuolare, Regem cum prole, patrimonio excludere, Poloniam vires tam validis populis à societate eius abstraheretis, æternum succidere? Darent igitur adhuc annum, ut celato apud Lituanos consilio, Luceoriam, cæterasque arces fidorum præsidio occupet, gazam publicam, priuatamque euehi curet: his peractis se in potestate Senatûs futurum, suaque sponte facturum; ad quem modò, tam intempestiuè vrgeretur. Aegrè id à Polonis obtinuit, obnitente constanter Palatino Sendomiriæ Oleſnicki, neque prius, quàm, quæ verbo promississet; ea literis suâ manu subscriptis confirmasset, literasque ipsas Archiepiscopo Gnesnensi consignasset. Regijs rebus compositis, vetera subditorum dissidia, nouis incrementis sunt aucta. Nihil est vnde offensus semel animi, suspicio.

Reconci-
liantur
Regi.

suspicionis materiam nequeant legere; more iratorum ea captando, ex quibus, sua ira, iusta videatur. Trans-Volgenses Scythæ ter eo anno instauratis excursionibus, ingenti clade Podoliam ac vicinam Russiam afflixerunt, prædamque omnem impunè eduxerunt, cum Duces regij exercitus tardius arma expediunt. Huius cladis auctores Litvani à Polonis designabantur. Neque deerant calumniæ occasiones. Mareschalcus Lituaniæ Radnihilus, cum amplis muneribus, in Scythiam publico nomine iuerat. Sachmates quoque paulò post reditum è Podoliâ, à Tauricanis victus, ac profligatus, cum cognatis ac clientibus, in Lituaniam, ex fugâ se contulerat. At Mareschalcus neque ad Sachmatem peruenierat, in viâ à Tauricanis interceptus, omni que suppellectili exutus; neque ea mandata habebat, vt Scythas contra Podoliam concitaret: sed more antiquo stipendium ac munera ferebat, quibus in bellicos usus iuventutem eorum, ac Duces, paratos redderet. Sachmates verò exemplo suorum maiorum profligatæ fortunæ asylum in Lituaniâ quæsiuerat.

Sequens annus abstulit è viuis Matthiam Vilnensem Antistitem, Vilnâ oriundum, at externâ peregrinatione, omnigenâque eruditione, incomparabilem. Successit, ex Pontificatu Samogitiæ, Nicolaus Dzierzgowicz, gente Lituanus; vir egregiè doctus. Rex vt fidem superiore anno obligatam exolveret, comitia Parconiæ Polonis & Lituaniis indixit. Ex Lituaniâ soli legati venêre, cæteris metum prætendentibus periculi, quod

Ee ante

A. 1452.
Contra Li-
tuanos de
nouo offe-
duntur.

A. 1453.
Comitia
Parconiæ
celebrantur.
irrito eni-
tu.

ante annum subiissent. Legationis Principes fuerunt
 Ioannes Chodkiewicz, Nicolaus Radiuilus, Nicolaus
 Pac: materia verò, tot iam ante comitijs, labore irritò
 agitata, Fœderum instauratio, ac Podoliæ restitutio.
 Ad refutanda Lituanorum postulata comportarant
 Poloni, ex tabulario publico, non pauca monumenta.
 Post longam concertationem, conueniêre tandem par-
 tes, ut arbitris, quos ipsi nominarent, iudicium permit-
 teretur. Assurgere iam visa spes concordia, cum repen-
 tē euauit. Polonis enim arbitrij ius, aut ad summum
 Pontificem, aut ad Regem ipsum, deferentibus: Litua-
 ni aut Cæsarem Romanum, aut Scytharum Impera-
 rem malunt; eaque res Polonis indigna videbatur: v-
 trisque in proposito persistentibus, rebus infectis con-
 uentus solutus est. Alijs comitijs Petricouiam indictis,
 Poloni Regem vrserunt, ut fidem ante annum Reipu-
 blicæ obligatam exolueret. Rex impetrato ad delibe-
 randum die respondit. Si per religionem ac æquitatem,
 easpondere liceret, quibus contraria, Deo teste inuoca-
 to, Lituaniz prius promiserat, absque vlla cunctatione,
 se votis Polonorum pridem satisfacturum fuisse: ac con-
 sciū priorum religionum, quibus se ante obstrinxis-
 set, meritò cunctari, precarique, ne id à se postularetur,
 quod absque violati numinis iniuria, fieri non posset.
 Quod si Polonis ea sententia animo iterisset, non exce-
 dendū ab ea dimicatione, absque victoriâ: facturum se,
 quæ vellent ita; Ine violati prioris iuramenti crimen
 conscisceret; iuraturum nempe, veluti Regem Polo-
 niæ,

*Petricouia
 Rex Polo-
 nis iura-
 mentum
 præstat.*

*1741
 1742
 1743
 1744
 1745
 1746
 1747
 1748
 1749
 1750
 1751
 1752
 1753
 1754
 1755
 1756
 1757
 1758
 1759
 1760
 1761
 1762
 1763
 1764
 1765
 1766
 1767
 1768
 1769
 1770
 1771
 1772
 1773
 1774
 1775
 1776
 1777
 1778
 1779
 1780
 1781
 1782
 1783
 1784
 1785
 1786
 1787
 1788
 1789
 1790
 1791
 1792
 1793
 1794
 1795
 1796
 1797
 1798
 1799
 1800
 1801
 1802
 1803
 1804
 1805
 1806
 1807
 1808
 1809
 1810
 1811
 1812
 1813
 1814
 1815
 1816
 1817
 1818
 1819
 1820
 1821
 1822
 1823
 1824
 1825
 1826
 1827
 1828
 1829
 1830
 1831
 1832
 1833
 1834
 1835
 1836
 1837
 1838
 1839
 1840
 1841
 1842
 1843
 1844
 1845
 1846
 1847
 1848
 1849
 1850
 1851
 1852
 1853
 1854
 1855
 1856
 1857
 1858
 1859
 1860
 1861
 1862
 1863
 1864
 1865
 1866
 1867
 1868
 1869
 1870
 1871
 1872
 1873
 1874
 1875
 1876
 1877
 1878
 1879
 1880
 1881
 1882
 1883
 1884
 1885
 1886
 1887
 1888
 1889
 1890
 1891
 1892
 1893
 1894
 1895
 1896
 1897
 1898
 1899
 1900
 1901
 1902
 1903
 1904
 1905
 1906
 1907
 1908
 1909
 1910
 1911
 1912
 1913
 1914
 1915
 1916
 1917
 1918
 1919
 1920
 1921
 1922
 1923
 1924
 1925
 1926
 1927
 1928
 1929
 1930
 1931
 1932
 1933
 1934
 1935
 1936
 1937
 1938
 1939
 1940
 1941
 1942
 1943
 1944
 1945
 1946
 1947
 1948
 1949
 1950
 1951
 1952
 1953
 1954
 1955
 1956
 1957
 1958
 1959
 1960
 1961
 1962
 1963
 1964
 1965
 1966
 1967
 1968
 1969
 1970
 1971
 1972
 1973
 1974
 1975
 1976
 1977
 1978
 1979
 1980
 1981
 1982
 1983
 1984
 1985
 1986
 1987
 1988
 1989
 1990
 1991
 1992
 1993
 1994
 1995
 1996
 1997
 1998
 1999
 2000
 2001
 2002
 2003
 2004
 2005
 2006
 2007
 2008
 2009
 2010
 2011
 2012
 2013
 2014
 2015
 2016
 2017
 2018
 2019
 2020
 2021
 2022
 2023
 2024
 2025
 2026
 2027
 2028
 2029
 2030
 2031
 2032
 2033
 2034
 2035
 2036
 2037
 2038
 2039
 2040
 2041
 2042
 2043
 2044
 2045
 2046
 2047
 2048
 2049
 2050
 2051
 2052
 2053
 2054
 2055
 2056
 2057
 2058
 2059
 2060
 2061
 2062
 2063
 2064
 2065
 2066
 2067
 2068
 2069
 2070
 2071
 2072
 2073
 2074
 2075
 2076
 2077
 2078
 2079
 2080
 2081
 2082
 2083
 2084
 2085
 2086
 2087
 2088
 2089
 2090
 2091
 2092
 2093
 2094
 2095
 2096
 2097
 2098
 2099
 2100
 2101
 2102
 2103
 2104
 2105
 2106
 2107
 2108
 2109
 2110
 2111
 2112
 2113
 2114
 2115
 2116
 2117
 2118
 2119
 2120
 2121
 2122
 2123
 2124
 2125
 2126
 2127
 2128
 2129
 2130
 2131
 2132
 2133
 2134
 2135
 2136
 2137
 2138
 2139
 2140
 2141
 2142
 2143
 2144
 2145
 2146
 2147
 2148
 2149
 2150
 2151
 2152
 2153
 2154
 2155
 2156
 2157
 2158
 2159
 2160
 2161
 2162
 2163
 2164
 2165
 2166
 2167
 2168
 2169
 2170
 2171
 2172
 2173
 2174
 2175
 2176
 2177
 2178
 2179
 2180
 2181
 2182
 2183
 2184
 2185
 2186
 2187
 2188
 2189
 2190
 2191
 2192
 2193
 2194
 2195
 2196
 2197
 2198
 2199
 2200
 2201
 2202
 2203
 2204
 2205
 2206
 2207
 2208
 2209
 2210
 2211
 2212
 2213
 2214
 2215
 2216
 2217
 2218
 2219
 2220
 2221
 2222
 2223
 2224
 2225
 2226
 2227
 2228
 2229
 2230
 2231
 2232
 2233
 2234
 2235
 2236
 2237
 2238
 2239
 2240
 2241
 2242
 2243
 2244
 2245
 2246
 2247
 2248
 2249
 2250
 2251
 2252
 2253
 2254
 2255
 2256
 2257
 2258
 2259
 2260
 2261
 2262
 2263
 2264
 2265
 2266
 2267
 2268
 2269
 2270
 2271
 2272
 2273
 2274
 2275
 2276
 2277
 2278
 2279
 2280
 2281
 2282
 2283
 2284
 2285
 2286
 2287
 2288
 2289
 2290
 2291
 2292
 2293
 2294
 2295
 2296
 2297
 2298
 2299
 2300
 2301
 2302
 2303
 2304
 2305
 2306
 2307
 2308
 2309
 2310
 2311
 2312
 2313
 2314
 2315
 2316
 2317
 2318
 2319
 2320
 2321
 2322
 2323
 2324
 2325
 2326
 2327
 2328
 2329
 2330
 2331
 2332
 2333
 2334
 2335
 2336
 2337
 2338
 2339
 2340
 2341
 2342
 2343
 2344
 2345
 2346
 2347
 2348
 2349
 2350
 2351
 2352
 2353
 2354
 2355
 2356
 2357
 2358
 2359
 2360
 2361
 2362
 2363
 2364
 2365
 2366
 2367
 2368
 2369
 2370
 2371
 2372
 2373
 2374
 2375
 2376
 2377
 2378
 2379
 2380
 2381
 2382
 2383
 2384
 2385
 2386
 2387
 2388
 2389
 2390
 2391
 2392
 2393
 2394
 2395
 2396
 2397
 2398
 2399
 2400
 2401
 2402
 2403
 2404
 2405
 2406
 2407
 2408
 2409
 2410
 2411
 2412
 2413
 2414
 2415
 2416
 2417
 2418
 2419
 2420
 2421
 2422
 2423
 2424
 2425
 2426
 2427
 2428
 2429
 2430
 2431
 2432
 2433
 2434
 2435
 2436
 2437
 2438
 2439
 2440
 2441
 2442
 2443
 2444
 2445
 2446
 2447
 2448
 2449
 2450
 2451
 2452
 2453
 2454
 2455
 2456
 2457
 2458
 2459
 2460
 2461
 2462
 2463
 2464
 2465
 2466
 2467
 2468
 2469
 2470
 2471
 2472
 2473
 2474
 2475
 2476
 2477
 2478
 2479
 2480
 2481
 2482
 2483
 2484
 2485
 2486
 2487
 2488
 2489
 2490
 2491
 2492
 2493
 2494
 2495
 2496
 2497
 2498
 2499
 2500
 2501
 2502
 2503
 2504
 2505
 2506
 2507
 2508
 2509
 2510
 2511
 2512
 2513
 2514
 2515
 2516
 2517
 2518
 2519
 2520
 2521
 2522
 2523
 2524
 2525
 2526
 2527
 2528
 2529
 2530
 2531
 2532
 2533
 2534
 2535
 2536
 2537
 2538
 2539
 2540
 2541
 2542
 2543
 2544
 2545
 2546
 2547
 2548
 2549
 2550
 2551
 2552
 2553
 2554
 2555
 2556
 2557
 2558
 2559
 2560
 2561
 2562
 2563
 2564
 2565
 2566
 2567
 2568
 2569
 2570
 2571
 2572
 2573
 2574
 2575
 2576
 2577
 2578
 2579
 2580
 2581
 2582
 2583
 2584
 2585
 2586
 2587
 2588
 2589
 2590
 2591
 2592
 2593
 2594
 2595
 2596
 2597
 2598
 2599
 2600
 2601
 2602
 2603
 2604
 2605
 2606
 2607
 2608
 2609
 2610
 2611
 2612
 2613
 2614
 2615
 2616
 2617
 2618
 2619
 2620
 2621
 2622
 2623
 2624
 2625
 2626
 2627
 2628
 2629
 2630
 2631
 2632
 2633
 2634
 2635
 2636
 2637
 2638
 2639
 2640
 2641
 2642
 2643
 2644
 2645
 2646
 2647
 2648
 2649
 2650
 2651
 2652
 2653
 2654
 2655
 2656
 2657
 2658
 2659
 2660
 2661
 2662
 2663
 2664
 2665
 2666
 2667
 2668
 2669
 2670
 2671
 2672
 2673
 2674
 2675
 2676
 2677
 2678
 2679
 2680
 2681
 2682
 2683
 2684
 2685
 2686
 2687
 2688
 2689
 2690
 2691
 2692
 2693
 2694
 2695
 2696
 2697
 2698
 2699
 2700
 2701
 2702
 2703
 2704
 2705
 2706
 2707
 2708
 2709
 2710
 2711
 2712
 2713
 2714
 2715
 2716
 2717
 2718
 2719
 2720
 2721
 2722
 2723
 2724
 2725
 2726
 2727
 2728
 2729
 2730
 2731
 2732
 2733
 2734
 2735
 2736
 2737
 2738
 2739
 2740
 2741
 2742
 2743
 2744
 2745
 2746
 2747
 2748
 2749
 2750
 2751
 2752
 2753
 2754
 2755
 2756
 2757
 2758
 2759
 2760
 2761
 2762
 2763
 2764
 2765
 2766
 2767
 2768
 2769
 2770
 2771
 2772
 2773
 2774
 2775
 2776
 2777
 2778
 2779
 2780
 2781
 2782
 2783
 2784
 2785
 2786
 2787
 2788
 2789
 2790
 2791
 2792
 2793
 2794
 2795
 2796
 2797
 2798
 2799
 2800
 2801
 2802
 2803
 2804
 2805
 2806
 2807
 2808
 2809
 2810
 2811
 2812
 2813
 2814
 2815
 2816
 2817
 2818
 2819
 2820
 2821
 2822
 2823
 2824
 2825
 2826
 2827
 2828
 2829
 2830
 2831
 2832
 2833
 2834
 2835
 2836
 2837
 2838
 2839
 2840
 2841
 2842
 2843
 2844
 2845
 2846
 2847
 2848
 2849
 2850
 2851
 2852
 2853
 2854
 2855
 2856
 2857
 2858
 2859
 2860
 2861
 2862
 2863
 2864
 2865
 2866
 2867
 2868
 2869
 2870
 2871
 2872
 2873
 2874
 2875
 2876
 2877
 2878
 2879
 2880
 2881
 2882
 2883
 2884
 2885
 2886
 2887
 2888
 2889
 2890
 2891
 2892
 2893
 2894
 2895
 2896
 2897
 2898
 2899
 2900
 2901
 2902
 2903
 2904
 2905
 2906
 2907
 2908
 2909
 2910
 2911
 2912
 2913
 2914
 2915
 2916
 2917
 2918
 2919
 2920
 2921
 2922
 2923
 2924
 2925
 2926
 2927
 2928
 2929
 2930
 2931
 2932
 2933
 2934
 2935
 2936
 2937
 2938
 2939
 2940
 2941
 2942
 2943
 2944
 2945
 2946
 2947
 2948
 2949
 2950
 2951
 2952
 2953
 2954
 2955
 2956
 2957
 2958
 2959
 2960
 2961
 2962
 2963
 2964
 2965
 2966
 2967
 2968
 2969
 2970
 2971
 2972
 2973
 2974
 2975
 2976
 2977
 2978
 2979
 2980
 2981
 2982
 2983
 2984
 2985
 2986
 2987
 2988
 2989
 2990
 2991
 2992
 2993
 2994
 2995
 2996
 2997
 2998
 2999
 3000
 3001
 3002
 3003
 3004
 3005
 3006
 3007
 3008
 3009
 3010
 3011
 3012
 3013
 3014
 3015
 3016
 3017
 3018
 3019
 3020
 3021
 3022
 3023
 3024
 3025
 3026*

nia, non verò tamquam Magnum Ducem, Lituaniam. *A. 1453.*
 At, ut ferè in rebus controuersis, circumspectio aduer-
 sarij, alterius diligentiam acuit, quò cautiùs hæc à Re-
 ge tractabantur, magis suspecta Polonis fiebant. Ur-
 gere itaque obstinatiùs, ut ambagibus reiectis, eà for-
 mâ iuret, quâ iuraturum se, superioris anni literis spo-
 ponderat: ni id præstaret, omnia sacra testari, se ratio-
 nem inuituros aliam, quâ prouideretur, ne quid Respu-
 blica detrimenti caperet. Rex haud dubius eò rem in-
 clinari, ut se deserto, ad alium, Regnum deferatur,
 tandem se potestati Senatûs permisit, iurauitque ver-
 bis, ex Senatûs sententiâ, conceptis.

Ex Regis Polonorumque consensione, grauior im-
 minebat cum Lituanis dimicatio: sed eam intra sola
 studia animosque continuit, exortum foris bellum.
 Crucigerorum in Prussia dominatio impotentior, sub-
 iectis populis diu inuisa, tandem toleratu planè ardua,
 præcipuarum ciuitatum incolas, ad excutiendum, sub
 quo corruere necesse esset, iugum concitauit. Secretis
 consilijs defectionem decernunt: vno die, præsidia vn-
 dique eijciunt: Casimiro Regi per legatos supplicant,
 ne sui causâ bellum contra Crucigeros suscipere graue-
 tur. Diuturna inter proceres sententiarum contentio,
 incertum consilij Regem tenuit: alijs abhòrentibus à
 violando fœdere, per quod nuper à permolesto ac diu-
 turno cum Crucigeris bello, agrè se extricauerant; alijs
 patrocinium, arma, exercitum, maturandum supplici
 Prussiae urgentibus. Egrè quidem, recepti tamen in fi-

*A. 1454.
 Belli Prus-
 sici occasio.*

*Prussiae
 defensionē
 Poloni sus-
 cipiunt.*

4.1454. dem Prussi; atque auxilia promissa. Verum decreto in Prussiam bello, non levis à Lituania metus, curas augebat. Merito quisque verebatur, ne Lituani exacerbatis, Podoliæ causâ, animis, aut Crucigeris accederent, aut illato Podoliæ bello, vires distraherent; Crucigeris præcipuè, haud dubiè eo dissidio, in rem suam vsuris. Priusquam igitur in Prussiam moueretur bellum, Rex comitiorum causâ Brestiam excurrit. In eo conuentu, pro auctoritatè, quam plurimâ humanitate, apud Proceres Lituaniæ collegerat, non multo labore obtinuit, ne quid se absente, motuum ab ea parte erumperet. Quinimò publico Senatusconsulto quinque millia delecti equitis ductore Alexio Sudimonto, in bellum Prussicum destinata: commendatumque finium præfectis, vt provide-rèt, ne quâ per Lituaniæ ditiones, Liuonicis in Prussiam auxilijs, transitus relinqueretur. Solutus eo metu Rex, in Prussiam curas intendit. Nondum copiar vniuersæ conuenerant, neque procul abesse Czarnkowium, cum quinque millibus nunciabatur. Rex tamen, ex Posnaniensis atque Calissiensis Palatini sententiâ, (vt, iuuenibus faciliùs audaciora probari solent) moræ impatiens, pugnandi copiam habiturus facturisque, castra hosti ad Choyniciam admouit. XIV. Kal. Oct. acie dimicatum est: atque, vt ad initium prælij, pugnantium virtus superiorem Regis fortunam fecerat; ita prætoriar legionis, extra pugnam consistentis, ignauia penitus perdidit. Dubium, quo casu, extra periculum perculsa, nutare ac pedem referre cœpit: qui verò in pugna erant

Rex ad
Choyniciam
profligatus

ac

ac prope vincebant, ubi terga nudari senserunt, suis se
 coniungere, conando speciem fugæ auxerunt. Hinc to-
 tâ acie trepidari, ac signa à pugna in fugam verti. Rex
 nequidquam reuocandis suis, restaurandæque rei per-
 ditæ intentior, ac sui oblitus, haud dubiè in prædam
 cessisset, nisi Dominicus Kazanowski vi prope adhibi-
 tâ, ad fugiendum coegisset. Omnibus in fugam, quò
 quemque, fortuna aut impetus, abstulerat, effusis; pau-
 ci admodum è proceribus, Regio se lateri adiunxerunt.
 Instabat victoriæ securus; prædæ auidus, hostis. Cùm
 verò neque versis in instantem vestigio hostem armis,
 spes vlla vincendi paucis esset, neque in fugâ, secuta Re-
 gi salus; singuli se per vices in pugnam magno animo
 obijciunt: dum illi pugnant, moranturque, Rex à pe-
 riculo longiùs se dimouebat. Ita insignes manu, atque
 audaciâ proceres Litvani, Alexius Sudimundus, Kuc-
 zuk, Ioannes Illinicz, Stanislaus Kosciwicz, Theoda-
 tus Andruszkowicz, in potestatem hostium viui vene-
 runt, sui que capitis periculo discrimen Regium rede-
 merunt. Rex à cæteris cursu abstractus, neque pugnan-
 do par (tres enim tantum comites manserant) neque
 fugiendo, quòdequus diutiùs cursum perlaturus non
 videretur; in Georgium Wol primariæ nobilitatis vi-
 rum, Stanislai Visigini filium, præualidis viribus cele-
 brem incidit. Is Regi suum equum offert, suadetque,
 ut per proximas paludes securitati viam quærat; ipse
 paludoso loco semitam, quâ insequenti hosti transeun-
 dum erat, pedes insidet, ac effusâ in terram pharetrâ,
 ac

At 454.

Rex peri-
 culu aegrè
 euadit.

E e 3

spicula

*Mors in
Lituaniam
sedat.* A. 1454. spicula in aduersos torquet. Amisissis aliquot equis, equi-
tibusque hostis, cum inter paucos, neque Regem, ne-
que Procerum quempiam speraret, & periculum maius
ipse esset, insequi desijt. Ita Rex incolumis Bidgostiam
euasit. Cum hæc in Prussia geruntur Ioannes Gastoldus
iniquior, ut nemo alius, Polonis, proceres ac nobilita-
tem in Lituania sollicitabat, ad Podoliam armis vindi-
candam. Neque, aut paucorum, aut leuiter, concita-
uerat studia: prope nihil iam deerat ad bellum, præter
commodam anni tempestatem. Cum ea expectatur,
Rex Prussico periculo defunctus, in Lituaniam festi-
nauit.

*Atzgeri
Scythæ
erga Cas-
miri ob-
seruantia.* A. 1455. Exeunte hyeme Vilnam venit, vbi vere integro mo-
ratus erupturum in horas incendium, ægrè suppressit.
Neque defuerunt alia negotia, quæ diutius Regem in
Lituania detinuerunt: Atzgercius Tauricanorum Re-
gulus per legatos proximè suam erga Regem, fidem re-
stituit, auxilia in bellum Prussicum spondebat: simul-
que commonebat, ut Podoliam ac Volyniam firmiori-
bus præsidijs muniret, quod assuetum præda viuere Scy-
thicum populum in officio ampliùs continere non pos-
set. Nam & ipsius Atzgeri annis grauior, & filiorum
impuerum impar imperio ætas, ab audacioribus con-
temnebatur. Domi quoque, ne quid ex priuatis cupidi-
tatibus, aut motuum, aut præiudicij in publica com-
moda, ex morte Olelkonis Kiiouensium Ducis enas-
ceretur, plurimùm præsentis Regis auctoritas contulit.
Simon enim & Michaël Olelkonis filij, constituerant
priuari

privati patrimonij legibus, Kiiouiam inter se partiri: *A. 1455.*
 atque, ut erant & parentis memoriâ, & suis gestis, po- *Kiiouia*
 pulo ac Senatui perquam accepti; nemo erat qui obla- *Ducibus*
 ret. Rex tamen Prouinciam illam uti Magnorum Li- *Sluceſibus*
 tuaniæ Ducum ditionem, publico iuri vindicauit. Di- *adimitur.*
 gresso Rege ex Lituaniâ in Poloniam, contentio de Po-
 doliâ, dissimulata ad tempus ex reuerentiâ Principis,
 non verò extincta, maiore vi resumpta est.

Celebrabantur Polona comitia Petricouiæ: ad ea le- *A. 1456.*
 gatos mitti placuit, quia Rege & Polonis Podoliam *Legati Li-*
 repeterent, priusquam de eius possessione, rescisis fœ- *tuaniæ re-*
 deribus, armis cerrari necesse foret. Breuis fuit legato- *petunt à*
 rum oratio, sed longè vehementior præteritis. Commo- *Polonis*
 nebat Regem iurandi, quo abiturus in Poloniam, *Podoliam.*
 Lituani se obstrinxerat, de restituenda Podolia: quod,
 nisi Casimirus ijs præstitisset, aut ad capeſſendum reg-
 num abire non permisissent, aut si inuitis Ordinibus a-
 binisset, alium Magnum Ducem Lituaniæ substituiſ-
 sent. Postulabat, ne aut Poloni ampliùs patientiam Li-
 tuanorum fatigarent, aut Rex in Polonorum gratiam
 iuramentum suum, ac optimè de se merita gentis po-
 ſtulata, contemneret: dolorem enim eius ex accepta
 iniuriâ, tantum esse, qui aut restitutione Podoliæ, aut
 rescissione fœderum necessariò curandus sit. Vniuer-
 sam Lituaniam ita animo comparatam esse, ut nisi
 spontè Podolia restituatur, alio Magno Lituaniæ Du-
 ce renunciato, iniuriam simul & Podoliam armis vindi-
 cet. Poloni ex ea legatione nihilo æquiores, legatos in- *Polonis*
 fecit *negatiuis*

*A. 1456.
Litvani
defectione
moliuntur.*

fectis rebus dimittunt, Podoliam verò maiore curâ communiunt, atque ab arcium præfectis iuramentum exigunt fidei, erga Regem ac Rempublicam constanter retinendæ. Nunciata hæc per Lituaniam defectionem apertam, magni nominis auctoribus, maturârunt. Ioannes enim Gastoldus, Georgius Dux Ostrogus, Alexius Sudimondus, in eam sententiam pertraxerunt reliquos, ut eiurato Casimiro, Simonem Olelkouicium Magnum Lituanix Ducem quamprimum sufficerent, cuius deinde auspicijs ac ductu bellum Podolicum gereretur. Qui regiarum partium erant, atque inprimis Ioannes Moniuidus Palatinus Trocensis, apertè contradicere multitudini non ausi, in speciem consilij eorum accedebant, interea tempus rei gerendæ sedulò extrahebant, dum præriperent iter eorum, qui citatis equis abiuerunt Regi periculum nunciaturi. Detinebat Regem Prussix negotium, neque permittebant Poloni regno excedere, eo non confecto: at metus amittendæ Lituanix, consilij precibusque eorum maior fuit. Maximis itineribus in Lituaniam contendit: Ordines Lituanix Vilnam euocat: de consilij defectionis apertè expostulat; nihil tamen ultra solitam morum verborumque humanitatem progressus; ne intempestiuâ austeritate irritaret magis, quàm sedaret defectionem. Eiusmodi enim consilia, quando paucorum indicio in lucem protrahuntur, ut spe latendi faciliùs euanescere poterant, ita iam publicata, metu poenarum extrema tentant. Plerique de Senatu fatebantur, se inscijs, factione paucorum

*A Rege
compeſcitur.*

paucorum hos motus concitatos fuisse: neque obscure
designabant capita factionis. Tota facti invidia Ga-
stoldum maximè premebat: sed neque ipse illam decli-
nabat. Attamen ob metum maiorum motuum, vir Ma-
gistratibus gestis, clientelis, ac opibus potentissimus,
plecti non potuit. Dissimulando itaque magis, quam
inquirendo, turbarum fontes, Casimirus eam tempe-
statem sedauit. Cæterùm viuo auctore, vivebant ea-
dem per Lituaniam studia, ac velut ignis superiniecto
cinere, latebant, fouebanturque. Ea cura in sequentem
vsque annum tenuit Regem Vilnæ. Neque prius inde
abijt, quàm ad initium veris, Maioris Poloniæ negotijs
euocatus. Noui isthinc motus auctore Martino Kogâ ex
orti, præsentia Regis indigebant: quibus componendis,
alijsque negotijs, reliquum anni Petricouia & Gedani
impendit. Serpebant interea per Lituaniam, consilia
inuadendæ Podoliæ; atque indies apertum bellum ex-
pectabatur. Quare edicta per Poloniam Prussicâ expe-
ditione, Rex ipse prius in Lituaniam diuertit.

A. 1456.

A. 1457.

Iterū bel-
lum in Po-
doliā a-
druant.

A. 1458.

Contine-
tur a Re-
ge.

Incredibilis erat huius Principis, in deliniendis Li-
tuanorum animis, siue dexteritas ac industria, siue po-
tius felicitas. Non tantum initia gliscentis Podolici bel-
li restinxit, sed etiam obtinuit, ut in comitijs Ordines
magno consensu auxilia Poloniis in Prussiam decerne-
rent. Octoginta aureorum nummum millia, ex publi-
co arario, mutui nomine Poloniis sunt data: atque exer-
citus octo millium ductore Ioanne Chodkiewicz Pala-
tino Vitepsciæ, est submissus. Nihil tamen tantis im-
pensis

A. 1458. penſis momenti, in Pruſſiâ actum eſt. Cùm enim Hun-
garicus legatus Iſkra, ſpecie pacis conciliandæ, tempus
*Expedi-
tio in Pruſſiâ
irrita.* rei gerendæ extraxiſſet, atque eâ de cauſâ multi Polo-
norum, caſtra ac militiam, invito Rege deſeruiffent:

imminutis copijs, atque elapsâ commodâ, ducendo
bello, tempeſtate; Rex quoque nullo tantæ expedi-
tionis pretio, Pruſſiâ cum reliquo exercitu excedere co-
actus eſt. Ex caſtris Cracouiam petijt, lætus nuncio, qui
attulerat regiam domum, altero ex Eliſabethâ coniun-

*S. Caſimi-
rus Prin-
ceps naſci-
tur.* ge, filio auctam. Caſimiri nomen, Chriſtianis carimo-
nijiſ infanti inditum: qui deinde pueritiâ, atque iuuen-
tute, per omnia Chriſtianæ pietatis officia, inter mor-
tales integrè peracta, à morte admirandis beneficijs læ-
tè inclaruit, atque longè poſt Diuorum faſtis, ritè à
Summo Pontifice adſcriptuſ eſt. Sequens annuſ propè

A. 1459. integer inquiete decurrit. Circa finem, legati Minoris
Poloniæ veteri concertationi fomitem ſubiecerunt. In
comitijs Petricouienſibus contumaciùs in Regem ege-
rant, repetendo mordicùs Luceoriam, Tikocinum,

*Nota de
Podoliâ
turba.* Wægrouiam à Lituanis. Ea res longè grauiùs commo-
uit ſtudia, nondum à præteritis agitationibus compo-
ſita. Podolici enim belli apparatus, totam planè Litua-
niam impleuit. Non tamen ultra minas, atque militis

A. 1460 conſcriptionem proceſſum eſt: præcipuo eiſ factionis
capite Ioanne Gaſtoldo in tempore extincto. Rex quo-
que magis quàm antè pro retinendâ ſibi Lituaniam ſoli-
cituſ, quòd proleſ maſcula acceſſiſſet amplior (nam &
ſuperiore anno tertium filium Ioannem Albertum, &
hoc

hoc anno, quartum Alexandrum suscepit) impigre ^{A. 1460.}
 in Brestianensibus comitijs laborauit, vt Procerum ani- ^{Regi in-}
 mos ab imperendâ Podoliâ abstraheret. Verum quia ^{dustriâ se-}
 mitigabatur tantum, non auferebatur accepta per ere- ^{dantur.}
 ptam Prouinciam iniuriæ dolor: quemadmodum præ-
 sente Rege remittebatur aliquid de contentione; ita per
 eius absentiam, armorum ac belli consilia resumeban-
 tur vehementius. Vt itaque tories recrudescenti malo
 non breue tantum in tempus lenimentum, adhibere-
 tur, sed remedio aliquo vulnus omnino persanaretur,
 priusquam in Prusiam Rex moueret, prius Vilnam Li-
 tuanis comitia edixit.

Celebrata sunt magnâ frequentia circa Paschales fe- ^{A. 1461.}
 rias. Vnicum omnium votum erat, quod ordines con-
 cordibus suffragijs sollicitè apud Regem vrgebant. In-
 columitatis publicæ summam eo cardine verti, vt Rex
 ipse Lituaniam præsens gubernet: absentis enim impe-
 ria & tarda esse, & plerumque infructuosa. Cæterum vt
 optari ab omnibus eius præsentiam, ita à nemine spera-
 ri: quod minimè dubitaretur, Polonos nequaquam per-
 missuros, Regem à Regno diu abesse. Itaque per com-
 munis patriæ salutem obtestari, vt sibi in Principatu
 Lituanie, nepotem suum, non minùs gestis, quàm Ol-
 gerdianâ progenie inclytum, Simeonem Olelkouicium
 Slucie Ducem, sufficeret. Rex haud immemor, qui-
 bus motibus parentem suum similes Lituanie Præfe-
 cturæ exercuissent, certus etiam negare, quod aliter non
 posset concedere, quàm præcisâ spe suis filiis: nihil ex
 aduerso

A. 1461. aduerso locutus, internum animi sensum, quo alienissimo erat ab hiscè postulatis, ne intempestiuâ repulsâ irritaret, dissimulat. Illud solum præfatus, negotium grande & ad consilium & ad executionem, tempore egere, cuius nunc copiam Prussicum bellum negaret: petijt, vt tantisper rem differrent. Elusis ita quorundam factionum hiscè consilijs in Prussiam mouit: sed nunciata matris morte, reuocatus ab eâ expeditione, Caunæ autumnum exegit, partim mærorem venationibus relaxando, partim contra Prussos Scythica per Lituaniam in bellum auxilia recensendo. Reliquum anni Polonicis negotijs dedit, indictis Corczynum pro Decembre comitijs Polonorum.

A. 1462.
*Scytharū
Lituanicorū bello
Prussico
gesta.*

Æstate bellum Prussicum resumpsit, castris ad Torunium locatis. Eo bello non leuem operam ductore Alberto Gorski Scythæ Lituanici Polonis nauauerunt. Culmenses agros latè iussu Regio euastarunt. Schumbergum, qui cum promptissimis Reginae intercipientæ consilio Nieschouiam excurrerat, ceciderunt: atque adeo XV. Kal. Oct. celebri ad Puckum Petri Dunini victoriæ, quâ Frytcz Crucigerorum exercitûs ductor profligatus est, plurimum contulerunt.

A. 1463.
*Lituanorum
cum Polonis de Podolia
concertatio.*

Subsecuta Polonorum comitia Petricouia, rursus Lituanorum pro Podolia dimicationem concitauerunt. Legati eorum Totiuilus, & Cuczukus acriter, non modò Podoliam, sed etiam Belzensem terram, opulentasque Præfecturas Ratnensem, & Olesznensem repetebant. Nihil tamen plus responsi acceperunt, quam non

non neglecturos Polonos, satisfacere Ordinibus Lituanis. Quare cum Vilnæ Lituanorum comitia peragerentur Stanislaus Ostrorogius Palatinus Califfienfis, & Ioannes Rytuienski Regni Mareschalcus, ex Polonia legati venerunt. Præcesserat eos Rex ipse, vt præsentia sua aduersarum partium impetus temperaret: nihilo tamen minùs concertationis in concilio fuit. Historiæ prope solius fide decertabatur: verùm cum Scriptores Poloni haud dubiè pro suorum partibus starent, annales autem Russi Lituanorum ius assererent; neque finem controuersia, pertinacia patronorum admitteret; res integra ad comitia Partzouiensia reiecta est. Interea ex fortuito casu, non leue incrementum, partium suspiciones ac odia, sumpsit. Theodosia vrbis (vulgò Capha) ad Euxinum Pontum incolæ, crescentem in propinquo Turcarum potentiam non immeritò suspectam habentes, maturè per Christiana regna, vires ac præsidia conquirebant. Casimirus Rex non grauatè illis indulserat, vt per dominij eius ditiones militem suis stipendijs conscriberent. Collegerant quingentos equites, quos per Lituaniæ fines deduci oportebat. Cum Braslauiam transirent ortà fortuitò lite inter milites ac ciues, atque per tumultum re à verbis ad manum deductâ, vnum è ciuibz occidi contigerat. Ad eam eadem coorto clamore plebs omnis, telo quod casus obtulisset armata, inermisque, in forum promiscuè concurret. Miles pugnando haud dubiè non suffecturus multitudini, illud maximè verebatur; ne si plebs vim admoueret, ex

*Caphenses
subsidia in
Polonia
colligunt.*

- A. 1463. paucorum insolentium noxâ, periculo eodem innoxia capita inuoluerentur. Neque pluserat in fugâ spei, per plateas confertissimâ turbâ inessas. Ex desperatione capitur consilium: clam ignis ædibus varijs subijcitur; plebs consternata ad sistendum incendium vertitur; milles permissis equis freno celerrimè in apertum campum effunditur. Accepto facti nuncio loci præfectus Michaël Dux Czartoryjski, doloris ac iræ plenus, tumultuarium equitum manipulum rapit, affecutus abeuntes irritò in primis ausu aggreditur, verùm concurrente viciniâ auctis viribus, tandem ad Bohum amnem cinctos ferro excidit: quinque tantùm elapsis, quos fortuna aut virtus seruauit. Vulgata hæc per Poloniam, ac Lituaniam sunt longè aliter (vt primis rumoribus euenit) quàm gesta essent; cùm quilibet pro suâ opinione rei ferriem aut fingit aut auget: hinc vniuersos fallâ belli in
- A. 1464. Podoliâ iam inchoati fama vehementer perculit. Neque scio, an non ex eâ causâ, maturata Parczouiensia comitia, ad finem ferè anni sunt protracta. Quid enim concordia, consilijs in commune sperari potuisset, ex recentis iniuriæ sensu, neque iram neque dolorem dissimulare valentibus animis? In Nouembre primùm, Poloni quidem Parczouiam, Litvani Brestiam frequentes conuenerunt: sed neutris ad aduersam partem accedere volentibus, ægrè ab vtrisque obtentum est, vt Lomazos, qui loc usinter Partzouiam & Brestiam medius est, amice congredierentur secum. At cùm per angustias oppidi, neque priuatis diuersorij, neque publicis congressibus,

bus, opportunitas vlla, anni tempestate permolestâ, haberi posset, negotio in alterum annum reiecto, rebus infectis discessum est. Rex in Lituaniâ inde profectus, Caunæ reliquam exegit hyemem, quod Vilnæ ac Grodnæ lues grassaretur.

Sub finem hyemis Ludouicus Patriarcha Antiochenus, summi Pontificis legatus ad Regem in Lituaniâ agentem venit. Orientis incolæ Turcarum viribus oppressi, per Occidentem, ac præsertim apud Papam & Cæsarem, collabenti apud se rei Christianæ, auxilia mendicabant. Maturari ea omnino necessum erat, priusquam debellata viciniâ, Machmetes Turcarum Tyrannus transferret in profundiorē Europam bellum, quod extremâ vi in Christianos apparari, nuntiabat Ludouicus. Vera fuisse, quæ ab eo dicebantur, serum quidem at certum veritatis argumentum, euentus, comprobauit. Nemo tamen prior suo damno commune periculum amoliri volebat. Formidabile iam inde à Baiazetis clade ac prope fatale, Turcis erat Scytharum nomen. Amplissimis ergo stipendiorum promissis, Scythas contra Turcam concitare, Cæsar & Papa per Ludouicum nitebantur. Scytharum regulus Ecigereius legato respondit: se belli eius cogitationem, inscio aut inuito Calimiro Rege suscipere non posse: ad eam itaque prius iret, à cuius nutu sua consilia & arma penderent. Ea fuit occasio Ludouico, adeundi Regis: apud quem cum Papæ atque Cæsaris consilia exposuisset, negotium ad comitia Rex distulit: quod in ea Republica imperium

A. 1464.

A. 1463.

Scythæ
contra Tur-
câ à Papa
& Cæsare
solicitantur.

A. 1465. imperium obtineret, in qua in se ipsi Ordinibus nihil momenti statuere posset. Quamquam verò, satis animi Casimiro ad bellum Turcicum fuerit: nihilominus ante finem belli, quod cum Crucigeris præ manibus erat, non è Republica fore videbatur, si nouo ac periculoso bello vires distraheret. In re, cuius momenta celeritate constarent, iniectâ moræ mentione, non secus atque a pertâ repulsâ perculsus Ludouicus, desperatis Scythi-
Bellu contra Crucigeros ap- paratur. cis auxilijs ad Cæsarem redijt. Rex autem eâ curâ solatus, ad apparandam contra Crucigeros expeditionem, studium vertit: à Lituanis obtinuit auxilia; quorum pars iussa confines Liuonibus agros obseruare, ne quis inde miles in Prussiam transfret; pars potior ad castra Polonorum missa. Vtrique egregiè operam suam pro-
A. 1466. Liouones in Samogitia caduntur. barunt.

Septingenti fortè equites Liuonici, ad Prussicum bellum destinati, vt commodiùs excubias Lituaui militis euitarent, extremam hyemem itineri delegerunt. Februarius planè decurrebat, atque vias omnes, per paludes, ac lacus, glacie, ad sustinenda quæuis onera, firmâ instrauerat. At inter nemora succis latè arboribus, atque in aggeris formam promiscui coniectis; ita omnes transitus obstructi erant, vt ne pedes quidem impedimentis vacuus, nedum eques ferro grauis, eluctari posset. Quare versùs mare Balticum signa vertère Liuones, quâ per arenosas ripas rariores arbores planiorem viam præbituræ, circa Polongam oppidum sperabantur. Hoc ipsum ferè suspicatus miles, in publica
viâ,

viâ, fossis non adeo magnis, sed frequentibus egestis, A. 1466.
 atque ita coniectis, ut oculum fallerent, vestigium non
 sustinerent, proximas sylvas insedit. Hostes frigore, fa-
 me, ac itineris ambagibus confecti, ignari fraudis at-
 que insidiarum, eo negligentius progrediebantur, quod
 plus spei, falsa securitas fecerat. Necdum ad locum fos-
 sis impeditum peruenerant, cum edito à tergo ingenti
 clamore ex insidijs Lituanus miles cooritur. Insperata
 pugnandi necessitate perculsi Liuanes, cum siue lo-
 cum pugnae commodiorem capturi, siue in fugam a-
 beunt, laxant equis frena, in fossas delati, omnes pe-
 rière. In Prussia verò bellum solius Choynicia expug-
 natione constitit. Totis viribus oppugnabatur: agge-
 ribus vineisque cingebatur, machinae quatiendis muris
 admovebantur: vniuersa, quae aut vi capiendi loco,
 aut deditioi extorquendae necessaria essent, impigre
 maturabantur. Oblessi quoque non dubij in eo sum-
 mam verti, ne perfici opera permetterent, mirâ auda-
 cia excursiones per intervalla instaurabant, magno suc-
 cessu & opera disturbabant, & operariorum numerum
 animumque cadibus minuebant. Quare Litvani equi-
 tatus Tribuno, negotium à Rege commendatur, ut
 cum promptissimis suorum, ita excubaret, ne qua eru-
 ptio hosti impunè abiret. Caesis aliquoties excursori-
 bus, postquam audacissimus quisque praesidiariorum
 cecidit, diminuto eorum non leuiter numero, deinceps
 intra muros se continebant. Ita, propè per otium dedu-
 ctis ad finem operibus, vis è propinquo muris adhiberi
 coepit.

G g

*Choynicia
in Prussia
capitur.*

A. 1466. cœpit. Coronâ oppugnati oppidani, tentauerunt fortunam eruptione, sed cum clade repulsi, posteaquam coniectâ sagittis aptâ incendio materiâ, pluribus simul locis tecta flammâs conceperunt, desperatis rebus auctore Vlrico præsidij præfecto, Regi sese dederunt. Deditiōnem Choyniciæ, pax subsequuta est, allaborante legato Summi Pontificis Rodulpho.

A. 1467.

Sigismundus Princeps nascitur.

Primus sequentis anni dies, & sobolem regiam nato Sigismundo, & solitudinem pro retinendâ Lituania auxit. Verebatur enim Rex, ne ex vetere de Podolia concertatione secessio orta, se possessione Lituaniæ, prolem spe successiōis deijceret. Quamquâ verò mortuo nuper factiōis principe Gastoldo, tota actiō langueret: nihilominus metuenti, nihil satis securum videbatur. Quare duos integros menses, captando procerum animos in Lituania exegit. Per idem tempus extincto Tauricano Imperatore Ecigereio, Mendligerius eius filius, Imperij successor renunciatus, amplâ legatione professus est, se & ditionum paternarum, & obsequij erga Casimirum, ac Magnum Lituaniæ Ducatum, hæredem. Legatis, constantem Principis amicitiam, ac in quæuis bella militem pollicentibus, gratiæ in Senatu actæ, militaturis liberalia stipendia promissa. Addita munifica dona, tum legatis, tum Principi. In Poloniam reuerso Casimiro, ad nouas opes viam pandi visum. Defuncto enim absque liberis Ladislao Bohemiæ Rege, cuius germanam in matrimonio habebat, propinquitatis iure, sibi aut alicui filiorum, regnum illud vindicaturus

Seythe Casimir veneratur.

turus credebatur. Verum omnia per Bohemiam secta-
riorum factionibus turbata, aliquantò minùs spei osten-
debant: & cura Lituaniæ longè propior, non permit-
tebat animum in plura distrahere. Neglecto itaque
Bohemiae negotio Rex Lituaniam repetijt.

A. 1467.

Grodnam comitiorum causâ Ordines conuocati,
multiplici Reipublicæ curâ sunt exerciti, aucto ex cæle-
stibus visis metu. Quindecim inregros dies, inter Se-
prentionem ac Orientem ingens Cometes arserat, quo
haud dubiè publicam cladem portendi, plerique con-
firmabant. At longè certius ex Mendligerei legatione
futurorum præfagium sumi poterat: nunciabatur enim
à Trans-Volgensium Scytharum Regulo Maniaco bel-
lum in Russiam apparari. Rex itaque nihil cunctatus,
celerrimis nuncijs ad Kiiouientes, Volynios, ac Podo-
lios missis, arma omnes sumere iubet, imbellem verò
turbam è pagis in tutiora submoueri. Priùs tamen quàm
pares periculo vires colligerentur, barbari imparatos
occuparunt: siue quòd tardiùs nunciatum esset discri-
men, siue quòd segniter edictum regium, prouinciales
exequerentur. Quæ ditionis Lituaniæ per Volyniam e-
rant fœdè sunt vastata: quæ Polonorum præsidij obti-
nebantur in Podolia, non tantùm damni acceperunt.
Obiecto enim tempestiuè exercitu, repressus est hostis
à populatione. In Valachia filius Maniaci ter prælio vi-
ctus, atque captus, pœnas suscepti belli luit, apud Ste-
phanum Valachiae Principem, coram parentis sui lega-
tis minutatim dissectus.

A. 1468.

Russiam
populatur.

A. 1469. Ladislaus Casimiri filius ad regnū Bohemæ vocatus. Sequens annus, non omnino omīssam regni Bohemici curam, Casimiro reuocauit. Regnabat in Bohemia, sanguine nobilis, peruersis Hussi superstitionibus infamis, Georgius de Podiebrad, à sui similibus Regi Ladislao successus. Proceres Catholici indignè ferebant sectarij imperium; sed nihil opis aduersus eius potentiam domi reperiēbant. Implorato Supremæ inter Christianos potestatis auxilio, Pius II. summus Pontifex, Georgium sectæ pertinaciter adhærentem, vti religionis veræ hostem proseripsit: insuper omni eius iure in regnum antiquato, Matthiam Hunniadem Hungarum, bellis contra hostes religionis causâ gestis celebrem, Regem Bohemiæ iussit. Georgius tanto æmulo ipse impar, communicare cum collega aliquo imperium destinavit; eâ ratione gerendi quoque belli necessitatem communem sibi cum alio, facturum. Indictis itaque genti comitijs omnem lapidem mouit, vt Ladislao Casimiri filio, ex matre Regum Bohemiæ hærede, orto, cuius matrimonio ipse quoque vnicam filiam destinaret, successore sibi designato, spes Matthiæ in herba præcideret. Accepti legati tum Ioannis, tum Ordinum, auditique auidâ aure, à Casimiro: & vicissim missi, qui Ladislai nomine, de summa rei paciscerentur. A discessu legatorum, Rex Grodnam comitiorum causâ, se contulit: ac reliquo anni tempore, in Lituania commoratus, venationibus sese exercuit. Maturâ iam hyeme, Albam Russiam inuisit. Per Polociam, Vitepsciam, Smolensciam, rebus paci ac bello ordinatis, primo vere

A. 1470. Papa & Cesare obstantibus.

re in Poloniam redijt, Bohemiciq; negotij curas re-
sumpsit, haud leuiter Papæ ac Cæsaris interuentu im-
peditas. Papa enim prætendebat, nulla adhuc Ladislai
pro religione merita extare, quæ Matthiæ essent am-
plissima; atque eâ specie Matthiæ causam, vti suum be-
neficium, constanter tuebatur. At verò, vt Religionis
momenta expendenti minimè dubium erat, eiusmodi
pro Bohemia Regem esse necessarium, qui rebus bello
gestis probatus, neque sectariorum beneficijs obno-
xius, constantius pro Ecclesia acturus sperabatur: ita
Casimirus, ægrè ferebat meritorum præiudicio, certa-
ri; tanquam in dubia re: in qua sanguinis ac hæredita-
tis indubitata iura, pro eius filijs starent. Fridericus au-
tem Cæsar, Kunegundem filiam Ladislao offerebat
coniugem, & Maximiliano suo filio Heduigim Casimi-
ri petebat; vt gemino matrimonio firmatis fœderibus,
regnum Bohemiæ contra Matthiam ac Georgium
communi ope, iunctisque armis, Ladislao assereretur.
Rex nihilominus in priore sententia persistit, ac Geor-
gium per legatos monuit, ne de sua amicitia addubi-
taret.

In Lituaniam è Polonia profectus, plenam noua-
rum curarum Prouinciam deprehendit, domi forisque,
turbatâ pace. Liouonici equites fines tumultuario agmi-
ne transgressi, prædas per obuia egerunt, sedecim pa-
gis exultis. Missis à Rege legatis, qui de fœdere violato
quererentur, atque ablata postularent restitui. Magi-
ster equitum, causatus id facinus priuatorum esse, in

Gg 3 quo

A. 1471.
Liouones
in Litua-
niam ir-
rumpunt.

A. 1471. quo nihil publici aut consilij aut culpæ reperiretur, promisit satisfacturum se de iniuria, postulauitque, ne paucorum audacia, paci communi, foret fraudi. Quiete foris redditâ, domi cœpit timeri, ne quid in Russia moueretur. Simeon Olelkouicius Dux Slucensium, victorij de hoste celeberrimus, (vt qui octodecim annorum adhuc adolescens, suo milite, ac ductu, duodecim milia Scytharum deleuerit) Kiiouia Principatum Casimiri beneficio obtinebat. Is eo anno, cùm haud multùm distare se à viuendi termino agnouisset, missô Regi, albo equo, atque arcu, quibus felicissimè in Regis obsequio, contra Turcas, Moscos, ac Scythas vsus fuerat, admodum iuuenem filium Basilium, vt Parentis loco ei esset, commendauit. Nihil tam eximium in Republica erat, quod recens parentis memoria, permitteret aut à priuatis inuideri filio, aut à Principe negari. Plus tamen bono publico, quàm gratiæ defuncti, Princeps Senatûs quæ dederunt. Cùm enim Rex Primorum voluntates periclitando, mentionem iniecisset edicti, quo Basilius Dux Kiiouia renuncicaretur: frequentes obstiterunt, ne fortè continuato in eâdem familia hoc titulo, amplissima Reipublicæ Prouincia, in priuatum patrimonium, successorum ambitione transiret. Itaque Senatûs iudicium secutus, attributis Basilio, quæ eius fortunâ non inferiores essent, possessionibus, Kiiouiam in formam aliarum Prouinciæ redegit, primumque Kiiouia Palatinum Martinum Gastoldum, expuncto Ducis titulo renunciauit, Nobilitas Kiiouienfis indignata, quòd

*Kiiouia in
formâ Pa-
latinatûs
reducitur.*

eam præfecturam, quamquam clari sanguinis mag-
 næque potentia viro, at neque Principum genere orto,
 neque religionibus Græcis addicto, Rex demandasset,
 Galtoldum conatum occupare Magistratum, bis vrbis
 ingressu exclusit. Adiecit communi consilio, per lega-
 tos supplicem ad Casimirum orationem, ne quod be-
 neficium patriæ illorum præstitisset, Ducis Kiouiensis
 titulos in ipsius Regis personam transferendo, corrup-
 peret ingrato Prouinciæ Præfecto. Esse defuncti Simeo-
 nis fratrem, Michaëlem Ducem Kopylensem, Mag-
 næ Nouogardiæ Gubernatorem: esse tot alios religio-
 nis Russiæ procures: sub eorum præfecturâ neminem
 Kiouiensium viuere detrectaturum. Pertinaciùs hæc
 vrgebantur, vt nonneminem rem ad defectionem incli-
 nari, videretur: ac plerique, quod neque iniqua, neque
 difficilia postularentur, existimabant publicæ quietis
 causâ, remittendum esse de Principis imperio. At Prin-
 ceptum illud cauebat, ne aut exemplum labefactati obsti-
 natione subditorum imperij, ad posteritatem relinque-
 ret; aut materiam dissidiorum, in eâ Republica, in qua
 sine discrimine, Lituanusne genere, an Russus sit, par-
 vus nobilitatis prærogatiua, ad omnium Prouincia-
 rum magistratûs, vniuersos exæquasset. Victi tandem
 constantiâ Regis Kiouiensis Galtoldum admiserunt:
 atque ab eo tempore Palatini deinceps Kiouiam ad-
 ministrare cœperunt.

Compositis Lituaniæ rebus in Poloniam Rex redijt:
 vbi amplæ Hungarorum legationi Senatus est datus.
 Prolixè

A. 1472.
 Casimirus
 Princeps

*A. 1472.
ad Regnū
Hungariæ
vocatur.*

Prolixè sunt illi quæsti, contra Matthiæ regnum: per omnia sacra, obtestabantur, ne confinem fœderatam-que gentem defererent; neque calamitatem eius audire contenti, releuare negligenter Poloni. In eorum adhuc manibus esse imminentis Hungariæ interitus remedium; modò quem ordines Hungarici magno consensu sibi Regem delegerunt, eum Poloni non negarent, Casimirum scilicet Principem, Regis filium. Desperato illius regno nihil amplius spei restare Hungaris, quàm ut sponte suscepto Turcico iugo (leuius enim illud, quàm quo Matthias premeret, sperare vniuersos) ipsi quidem semel perirent, Polonis verò perpetuum pereundi metum relinquerent, admotâ eorum lateri Turcicâ potentiâ. Timor vicinitatis cum Turca, Senatū Regem-que perpulit, ut legatorum postulata admitterentur. Conuentum ergo, ut Casimirus valido exercitu succinctus, Nitram quamprimū peteret, quò Hungariæ proceres cum suis copijs affuturos, legati sponderunt. Lectus non segniter miles, qui Casimirum deduceret: neque Casimirus Princeps, iter detrectabat, parentis reueritus auctoritatem. At posteaquam Nitram peruentum est, procerum Hungariæ nemine comparente, Casimirus rebus infectis, copias omnes dimittit, ac simul spem cogitationemque regni deponit, curis ad pietatem ac Diuinā integrè conuersis. Rex sumptibus pro Ladislao in Bohemiâ, & Casimiro in Hungariâ, exhaustus, Lituaniam petijt. In Vilnensibus comitijs Ordines consenserunt, ut ad iuuandum ærarium Regis,

*Ab Hun-
garis deci-
pitur.*

gis, colonis certa nummorum pensio imponeretur. *A. 1473.*
 Exigua pecunia, ac satis tardè confecta est, ob grauē *Ex insoli-*
 pecoribus mortalibusque annum. Insolita per æstatem *to calore*
 vis caloris, non herbam modò ac frumentum omne, sed *lues, &*
 frutices etiam radicitus exussit. Annib; penitus arefa- *fames, per*
 ctis, minores fluuij ita aquis inimbuti, vt Chronus ad *Lituania.*
 Ragnetam vado transiretur. Hinc fames primùm in-
 credibilis, mox pecorum ac hominum lues vulgata,
 non agrestes tantum casae, sed nobilium etiam domos,
 ac oppida, funeribus impleuit. Illud dumtaxat reli-
 quum solatijs miseris fuit, quòd superis iratis, ab hostili-
 bus armis quietem habuerint. Verùm neque eam diu-
 turnam fecit, regia pro filijs ambitio. Omni siquidem
 ope Matthiam Hunniadem bello persequi, Hunga-
 riamque Casimiro, Bohemiam Ladislao, vindicare de-
 stinauerat. Valida Lituanorum auxilia ductore Ioanne
 Chodkieuicio missa VI. Kal. Octob. Mistouiam atti- *A. 1474.*
 gerunt: inde Rex ipse, iunctas Polonis Lituanas co- *Matthias*
 pias in Silesiam, mouit. Matthias in Morauiam cum *Hunni-*
 suo exercitu progressus, non procul à Regijs castris ab- *des profi-*
 erat. Priusquam conferrentur castra, qui commeatus *gatur à*
 causâ excurrerant Poloni, insidijs Matthiae excepti, pu- *Casimiro.*
 gnandi initium fecerunt. Iam deserebat paucorum vir-
 tutem fortuna, cum equestres Lituanorum copiae in-
 sperato in hostem impetu inuectae, restituerunt præ-
 lium: submissis deinde à Rege maioribus auxilijs, prope
 instâ acie pugnari ceptum est. Non diu tulit vim Mat-
 thias, neque ausus cum summa rei, operiri Regem ac
 robur

Hh

robur

A. 1474. robur exercitûs, maturâ fugâ, in tutiora suos recepit.

*Turca Ca-
pham ur-
bem cepit.
A. 1475.*

Christianis Principibus inter se dimicantibus, Turca nobilem Urbem Theodosiam, vulgò *Capham*, à Genuensibus Italis habitatam, obsidione cinxit. Ante eius aduentum, Antistes loci abierat, ab incolis missus, ut ex vicina Ruffiâ auxilia maturaret: at nihil obtinere poterat, Casimiro bellis Bohemico ac Hungarico, implicato. Capitur interea Theodosia, cuius rei nuncio Kiouiam allato, Antistes ad mensam Gastoldi, velut fulmine ictus repentè exanimis inter epulas corrui. Turca successu tumidus, neque immemor acceptæ superiore anno in Dacia cladis, victorem exercitum, contra Stephanum duxit, Valachia Principem Monitus de periculo Stephanus, festinata legatione à Casimiro Rege paria discrimini auxilia petijt. Expositis in publico Polonorum Lituanorumque conuentu Lublini postulatis, non æqua modò Dacorum oratio, ut quæ foederatis auxilia iure foederis rogaret, sed & pernecessaria Reipublicæ visa. Quemadmodum enim orto incendio, volenti seruare propriam domum, à vicinis ædibus ignis omni conatu arcendus est, neque expectandura donec sui parietes incallescant. Ita Valachia seruata interiectu, tam validum hostem à vicinia arceri, tantique populi accessione Polonas potiùs, quam Turcicas vires augeri, Reipublicæ intererat. At plures longè erant, qui ne Turcarum arma in Poloniam irritarentur, Valachis neganda auxilia suadebant: vacui itaque auxiliorum spe, legati dimissi. Solutis comitijs Isaacus Trapezuntinus

*Valachia
inuadit.*

*Polonis
negantibus
auxilia
Valachia.*

tinus Persarum legatus venit. Conabatur persuadere Regi, vt in sequentem annum vniuersis regni viribus Turcicum bellum aggrederetur: in quod Regem Persæ trecenta bellatorum millia educturum spondebat. Imparem tyrannum duplici bello fore; atque viribus, quæ in immensum auctæ, formidini singulis essent, à fronte & tergo accisis; de cupiditate atque arrogantia remissurum. Simul omnes vndique finitimos, velut coronâ conniti oportere: si formidabilem iam potentiam, impellere in ruinam; seque metu qui singulorum teruicibus è vicino impenderet, semel liberare vellent. Rex memor, quàm alienis animis Polonos à Turcico bello, in comitijs Lublinensibus, expertus esset, ita respondit, vt nihil certi aut promitteret, aut negaret. Ostendit tamen paratum se ad capiendâ arma, si Cæsar Romanus, cæteri que Reges ac Principes, in societatem belli ac periculi, non verbis, sed re ipsâ descenderent. Isaacus ad sententias aliorum Principum pertentandas profectus, domum nullum omnino operæ ac viæ, pretium retulit. Quilibet priuatæ rei, ex iniurijs vicinorum, ampliandæ intentus, nihil opis in communem Christianorum causam conferebat, quam peiorem faciebat domesticis discordijs. Casimirus Rex, ne aut pro Valachiæ, aut in gratiam Persæ, nihil egisse videretur, legationem ad Machmetem Turcam, Martino Wrocimowske demandat, quâ Turcicum bellum à Valachia auerteret. Martinus, ad Varnam deprehendit tyrannum, cum inter genibus se copijs protectioni accingentem: vbi inter-

A. 1475.

Persarum
legatio ad
Casimirum
Regem.

Casimirus
Valachiæ
causam
per legatos
agit.

H h 2

circum-

A. 1476. circumstantes Tribunos, iussus mandata sui Regis promere, constante intrepidâque fronte, ac oratione, usus est. Casimirum Regem fœdera sui parentis, cum Imperatoribus Turcarum inita, hætenus ex fide coluisse inuiolata: cur ea prior Machmetes protereret, hostemque potiùs, quàm amicum Polonum malit, nescire. Si contra Valachiam, Polonæ ditionis Prouinciam, hæc signa duceret; si in Stephanum, Casimiri Regis clientem, has legiones destinarret: cogitaret Machmetes ante iactam aleam; Casimirum Regem, in dimicationem, etsi inuitum, trahi: cui plus animi ac virium sit futurum intuendis suis, ac violati fœderis iure vindicando, quàm hætenus fuisset constantiæ in conseruandâ pace. Machmetes dato signo subsistendi, pacata omnia in gratiam Regis pollicitus, ita cum legato regio transegit: ne Stephanus nouis irruptionibus bellum irritaret, ac pro nupera clade certis conditionibus satisfaceret. Post abitum legati, Stephano nihil pacis causâ concedente, Turca Valachiam infestis signis inuasit. Nihil ferè momenti eo bello Machmeti quæsitum est, quòd ad vastanda patentia vniuersam molem vertisset: fœdè tamen omnis Prouincia, ferro ac flammis euastata est: neque Podolia, omnino immunis à clade mansit, barbaris sine discrimine in obuia vicina sæuientibus. Ad subitum periculum, concurrerat non contemnendus ex Russia exercitus, qui Stephani copijs iunctus, potuisset aperto campo hostem reprimere: verùm absente Rege, nemo audebat fines regni transgredi.

Stephanus

nus autem, licet nullibi iusti prælij copiam fecisset, A. 1476.
 continuis tamen infestationibus non leuiter barbaros
 attriuit: quæ res Machmetem permouit, vt per legatos
 foederum instaurationem prior, à Casimiro peteret.

Circa idem tempus Russæ religionis per Lituaniam *Russi Pa-*
 ac Russiam Antistes Misael, Kiuuientium Pontifex, *pam vs*
 cra comitia peregit: in ijs communi consensu destina- *caput Ec-*
 tus est Romam legatus, Alexander Soltan supremus æ- *clesiæ ag-*
 rarij M. D. Lituaniæ Præfectus, vir in sacris literis ap- *nossum.*
 primè versatus. Legationis capita fuerunt. Sixtum IV.
 Papam, vti D. Petri successorem, Supremum Christia-
 norum Pontificem, Christi ipsius in terris Vicarium, v-
 niuersorum Græco-Russo ritu, Christo litantium nomi-
 ne veneretur. Religionis suæ selecta dogmata, planè
 eidem proponeret, ac ad iudicandum subijceret. Sup-
 plicaret, vt quam gratiam, Romani ritûs hominibus,
 per Regni Poloniæ Prouincias, *Iubiles* titulo indulgisset;
 eandem Græci etiam ritûs populo, tanquam Sacræ Se-
 di sincerè subiecto, impartiretur. Curaret denique, vt
 Pontifex viros Ecclesiasticæ disciplinæ gnaros, destina-
 ret in Russiam; qui ad normam doctrinæ, à Florentinis
 Patribus traditæ, componant lites omnes, quæ per Li-
 tuanas diriones, inter Russi ac Romani ritûs homines
 intercederent. Tantùm erat tunc pacis, domi, forisq[ue],
 Lituaniæ: vt non modò Sacerdotibus, sed etiam armo-
 rum Ducibus, ad promouendas religionis res etiam a-
 bundè suppeteret. Nam inter diuersos, qui eius Conci-
 lij actis nomina subsubscripserant, supremus militiæ
 Lituanæ

Lituaniz Imperator Ioannes Chodkiewicz, cum germano suo Paulo, legitur.

*A. 1477.
Respublica
negligenti-
us ad-
ministra-
tur.*

At, cum in alta quiete ex securitatis confidentia, circa publicam rem curas remissiùs haberi cœptum est, prudentioribus non diuturna ea voluptas visa. Rege Hungaricis, Bohemicisq̃ue negotijs, in Polonia occupato, omnia (ac præsertim res militaris) negligentius administrabantur. Extremarum Prouinciarum arces, aut nullis, aut leuioribus præsijs obtinebantur: ætatio præteriti bellis exhausto, nihil in futuros casus prouisum: nihil ad repentina bella comparatum: si quando Rex in Lituaniam veniret, venationibus intentus, alia negligebat. Non ex vano verendum erat, ne is rerum status, ab aliqua parte hostem, spe rei benè gerendæ, repenti ad arma eliceret. Quare cum fortè Rex currente Martio Vilnam comitia indixisset, ijsq̃ue præsens adesset: magnâ contentione omnes insticere, vt quandoquidem duo filij natu maiores Ladislaus, & Casimirus sua regna haberent, curas quibus corpus annis graue iam non sufficeret, cum Ioanne Alberto iuniore filio diuideret, & Lituaniam ei, sub suis auspicijs gubernandam demandaret. Nihil ea mouere Regem, seu solitæ morum pertinaciâ duriorem, seu fatorum quæ Lituaniz ingruiebant, vi. Rebus Lituaniz rectè constitutis, non animus, sed opportunitas eius inuadendæ, Mosconiæ Ducibus decrat. Iam verò cum frigere Publicæ rei studia, atque adeò, Prouinciæ finitimæ ad subita imparatæ, patere iniuriæ cœperunt: Ioannes Basilides Princeps

*Rex de pe-
riculo mo-
nis dis-
simulas.*

Princeps Moscoviæ, bello fortunatus, excusso nuper feliciter Scythico iugo, animis viribusque auctus, quæ pridem agitauerat, exequi cœpit. Conscripto per otium ingente exercitu, primâ æstate, Novogardiam Magnam, totâ vi inopinatò aggreditur. Opportunior ea Provincia ad inuadendum Visa est; quòd longiore intervallo à Litvania disincta, maturari auxilia nequirent. Occurrerunt incolæ armati, sed maiore animo quàm viribus, aut successu: pauci à multitudine facilè campo, pulsi, vniuersum bellum, cum reliquijs fortunarum, quæ ex agris in subito periculo rapi potuerunt, intra urbem receperunt. Vrbs neque ad longam obsidionem, neque ad ferocem oppugnationem, sustinendam, erat instructa: imbelli plebe, vt innumerâ, ita ad militaria officia, inhabili, sibi ipsi grauis: non diu itaque hostem sub portis tulit. Potitus vrbe Basilides, trecentos ciues, quòd arma contra se ausi essent sumere, securi in foro percuti iussit: vniuersos fortunis omnibus, tertiadumtaxat earum parte singulis relictâ, exiit: sacras templorum opes, ac munera Deo Diuisque dicata, ab aris abstulit, omneque ararium expilauit: trecenta plaustra, pretiosiore metallo, facta, & signata, gemmis, ac suppellectili sacrâ profanâque, onusta eduxit in Moscouiam. Atque hic primus gradus fuit defluentis Litvaniæ ab alto, quò eam Vitoldus euexerat, amissâ tam opulentâ Prouinciâ. Deinceps enim propè singulorum bellorum pax, aut Prouinciæ integræ, aut agrorum amissione, constitit: rarò aliquid ab hoste receptum: tandem

A. 1478.
Moscu
Novogardiam capis.

Litvania
decreuit
inissa.

A. 1478. dem per donationem Sigismundi Augusti succis ner-
 uis; nostrâ ætate, terno simul hoste Mosco, Sueco, Za-
 poroio, totâ vi in eam connixo, vniuersa Respublica
 collapsa est. Basilides cupiditate, non exsatiata sed irri-
 tata, per occupationem Novogardiæ, ab successu ani-
 mos erectiores sumere: non vicina modò, sed & pro-
 fundiora, spe complecti: bello continuando opportu-
 na instruere. Nihil pacati expectari posse ab eo, qui
 gerendi belli & necessitatem, & spem bonam, sibi prior
 fecisset, armis sacrilegè quidem, sed fortunatò illatis, ne-
 mō dubitabat. Regem itaque sollicitè Proceres Litvani
 monent, vt periclitanti Reipublicæ præsens prospicere
 curaret. Aegrè se ex Polonia extrahi passus est Rex: siue,
 quòd natu iam grandis, atque bellorum pertæsus, eas
 curas declinaret, siue magis, quòd metueret, ne virge-
 retur ad Principatum Lituaniam, alicui filiorum, resi-
 gnandum. Venit cum coniuge, ac filijs, Vilnam. Insti-
 tuto Senatûs consilio, nemo erat, qui non suaderet, a-
 missa repetenda esse armis: maturè domandum ho-
 stem, antequam immodicus euadat: curandum, ne si
 primi successus inulti abeant, ex alienâ ignauia, auda-
 ciam hostis sumat: esse abundè virium, ad reponen-
 dam hosti iniuriam: modò Rex iubeat, inferatque bel-
 lum; adfore suâ sponte Scythas Trans-Volgenses, li-
 benter, & ex vetere fœdere, & ex recentis cladis memo-
 riâ iuuentutem suam contra Moscum missuros. Rex e-
 git quidem per legatos, cum Scytharum Regulo, vt
 Moscouiam inuaderet; sed ipse planè ab eo bello ab-
 horrebat.

Rex Cas-
 mirus de-
 clinat bel-
 lum Mo-
 scouicum.

horrebat. Usque adeò ingenium feruens, morarumque A. 1478.
 impatiens, cum annis refrixerat. Prætendebat ærarij
 inopiam, militum inter tantas temporis angustias au-
 ctorandorum difficultatem, nobilitatis ex diuturna à
 bello vacatione, ad castra, ineptitudinem: ab aduerso,
 apud hostem, ærarium nuperâ prædâ locuples, mili-
 tem bello Scythico exercitatum, vires multitudine va-
 lidas, animum successibus erectum. Concludebat in-
 de, plenam rem temeritate esse, fortunam publicam in
 eo rerum statu, imparibus armis committere. Præua-
 luit Regis sententiâ: quo inuito nihil utique geri pote-
 rat. Mittuntur itaque legati: qui deinde inducias ali-
 quot annorum pepigerunt. Interea Nouogardia cum Pacem pa-
ciscitur.
 aliquot Prouincijs in Moscorum potestate relicta, nun-
 quam amplius armis repetita est. Desiderium, vindican-
 di amissa; cum tempore consenuit. Sachmates Scythia,
 ingentem exercitum finibus Moscouiæ admouerat: sed
 Rege, qui eum literis suis ad inferendum bellum con-
 citauerat, quiescente, nihil momenti tentauit. Basilides
 eâ cunctatione in suam rem utitur: magnâ pecunia Ti-
 mire Scythicæ militiæ Magistrum aggreditur: Timi-
 res Sachmati persuadet, ut intactâ Moscouiâ in Scy-
 thiam redeat; reducem captatâ occasione occidit. Rex
 solis inducijs bellum stitisse contentus, in Poloniam re-
 diit, filio Casimiro extra curas publicas relicto. Ali-
 quot deinde alij, liberi bellicis tumultibus subsecuti
 sunt. Neque domi quidquam gestum, ad memoriam.
 Vniuersam eius temporis famam occupauit, vita Casi-
 miri

A. 1478. rairi Principis, virtute admirabili, inter priuatam Regij palatij vmbra, acta. A teneris ille perquam addi-
ctus pietati, ostenderat animum non omnino à pulbi-
co abhorrentem, non tam suâ propensione, quam pa-
rentis reuerentiâ. At vbi, ad regnum Hungariæ voca-
*S. Casimi-
rus mori-
tur.* tus, ex fluxa suorum fide didicit, quantum in rebus hu-
manis inane esset: ita animum ad rerum diuinarum dis-
ciplinam conuerterat, vt nihil mortale deinceps sciret.

A. 1484. Vilnæ mortuus, maiore populi veneratione, quàm quæ
profanis Principum cineribus exhibetur, elatus est ad
*S. B. Mi-
chaël Gis-
droyc.* funus, tumulatusque in principe vrbs templo, D. Sta-
nislai dicto. Secutus eum est proximo anno antiquorum
Lituanie Ducum sanguis Michaël, Dux Giedroicius,
non minùs morum sanctimoniâ quàm genere illustis.

A. 1485. Pacem publicam, noui Turcarum tyranni Baiazetis
*Turcicum
in Vala-
chia bellu.* arma, interpellârunt. Suffectus ille mortuo parenti, e-
iusdem fortunam correcturus, Stephano Valachia
Principi, intulit bellum; atque aliquot per Daciam lo-
ca, quâ vi, quâ deditione cepit. Nuncius eius rei, Re-
gem Leopolum euocauit: vbi Stephano cum Valachia
in Clientum Regni numerum adscripto, subsidiorum
nomine delectæ iuuentutis, tria millia attributa sunt.
Satis validum fuisse subsidium euentus docuit, Turcis
feliciter totâ Valachiâ eiectis: Post constitutas res Va-
lachicas, Lituaniâ Rex petijt. deficiente enim, cum
annis vigore animi, quò magis publicas curas declina-
bat, plus delectabatur ferarum venatione; ac præfer-
tim Vrorum, quod genus feræ, in Polonia reperiri non
solet.

solet. Cùm Vilnæ ageret, Magnum Tueriæ Ducem, è
 profundiore Russia, hospitem habuit. Seditione inter
 Tuerenses siue Basilidæ Mosci artibus, siue ex alijs
 causis coorta, Princeps auito dominio à subditis exa-
 ctus, ad Regem confugerat. Conabatur perpetui tœ-
 deris, atque iustorum in quæuis bella auxiliorum pro-
 missione, pellicere Regem, vt vindicandæ eius iniuriæ,
 curam susciperet: præsertim quòd Tueria vniuersa ab
 excusso legitimi Principis imperio, Moscis accefferat,
 quâ coniunctione haud modicè Basilides vires suas fir-
 maturus esset, nisi maturè obuiam iretur. Armis enim,
 virisque præpotens Prouincia erat, vt quæ quinquagin-
 ta millium equestres copias in aciem educere soletet.
 Periculosa certè Litvano erat, fortuna Mosci, tam im-
 modicè ex vicinorum dânnis excrefcens: sed grata seni-
 bus quies, Casimiro Regi propè perpetuum consilium
 reddiderat, constanter bellum vitare. Causatus itaque
 inducias sibi cum Basilide esse, exulem, vt nullo huma-
 nitatis genere non cultum, ita spe omni vacuum, abs
 se dimisit. Basilides etsi induciarum respectu, ab aperto
 bello abstineret, non tamen ab iniurijs. Nam & ipse
 Kroszyni Ducibus, Vigundi Kieysturiadæ posteris, non
 modicum agrorum detraxerunt: & fratris sui Andreæ
 Mozaiscensium Ducis, in Viazmenfes fines irruptio-
 nem dissimulabat: vt minutiora taceam. Casimirus bel-
 licam & iustam & necessariam, ferè neglexit: præ-
 terquam, quòd Volodimiro Duci Masalscio mandârît,
 vt de iniurijs apud Moscum Regio nomine ageret.

A. 1485.

Moscu
 Tueriam
 occupat.

A. 1486.

A. 1487.

Lituanie
 ditiones
 infestat.

A. 1487. Moscus negabat quidquam à se, vel à fratre per iniuriam contra fœdera tentatum: quòd agrorum quidpiam intra Moscouiæ fines, ab iniquis possessoribus, esset vindicatum. Vt tamen alienum se à nouandis rebus probaret: vniuersum negotium, legatorum ab vtraque parte cognitioni atque arbitrio permisit: intereà Rex vrgere vltius, destitit. Inde ocium ab armis, magis regiæ ignauix commodum, quam Reipublicæ vtile. Neque prius velut è veterno consurrectum est, quàm Scythicum bellum instar repentis flammæ in oculos incurrens, torporem animo excussisset.

A. 1488. Rex crescentibus in dies deficientis naturæ argumentis, haud dubius, non multum abesse extremum vitæ, totum se ad captandam studiosè filiorum ornandorum materiam conuertera. Vnde, & Fridericum, Antistitem Cracouiæ renunciari, sacroque *Cardinalium* Senatui, adscribi, apud Innocentium Papam, procurauerat: & Ioanni Alberto, quem successorem sibi optabat, animos Polonorum omni arte conciliare conabatur. Quare cum nunciatum esset Scythas gemino exercitu Poloniam aggressos, latè vastitatem igni ferroque circumferre; excitatiore animo, quàm hæcenus res Lituanix curasset, in Podolicum bellum incubuit, filioque Ioanni enixè commendauit, vt regias vices, quâ posset maximè dexteritate in castris obiret. Ioannes Princeps mandata Parentis impigrè executus magnâ celeritate delectibus per Russiam ac Lituaniam habitis, cum promptissimo quoque ad Szauranam amnem aperto

A. 1489.
Ioannes
Albertus
Princeps
Scythas
profligat.

aperto campo hosti occurrit. Impedimenta, cum modico præsidio, lentiùs sequebantur. Prima pugna admodum grauis erat, cum ante conferta signa, Scythæ sagittis è longinquo rem gererent. Hortatur itaque suos Princeps, vt permissis equis freno sub ipsa hostium signa concitato cursu contendant, & adempto arcuum vsu, ad gladios prælium deducant. Hortanti, miles mirâ alacritate obsecutus, simul & formam pugnae, & fortunam variauit. Hostis fugax non diu densati agminis impetum sustinuit: campo pulsus, inter proximæ paludes se recepit, maiores spe, quàm commodo. Incessis enim vijs, quâ fugæ locus patebat, neque secure in fugam effundi, neque ad pugnam ordines, explicari poterant. Cæsi captique, quindecim millium numerum explerunt: prædæ omnis, atque imprimis captiuorum, vis ingens recepta. Cum illic pugnatur ac vincitur, pars exercitus Scythici, prædam ex vltiore Podolia reducens, ad Copestrinum, in impedimenta Victorum incidit. Præsidium, propè sub conspectu hostium, fugâ elapsum, speciem desertorum metu castrorum, fidemque, barbaris fecit. Alij itaque ad diripienda obuia nullo ordine discurrere: alij inuentis corpora liberaliùs curare, velut defuncti periculo: alij fessi itinere, solutiùs somno indulgere: pauci cum Duce excubare in casum; quamquam neque hi, quidquam hostile expectare. Victor interea exercitus insperatò in securos irruit: Ducem, cum paucis resistere ausum opprimat: reliquos, sine pugna, potu somnoque sopitos, caedit.

A. 1489. dit. Decem millia barbarorum occubuisse reperiō. Ab ea victoria, Ioannis Principis, mirā cœpit, domi, foris-
que æstimatio, atque amor.

A. 1490. Hungari imprimis, defuncto Matthia Coruino,
Vocatus ad regnū Hungariæ deluditur. Regem eum sibi expetiuerunt. Ac Ioannes quidem non omnino eorum votis annuebat: neque ignarus in comitijs discordibus suffragijs certatum fuisse, multis in

Ladislauum eius fratrem inclinatis; neque immemor, quid nuper alteri fratri Casimiro accidisset, simili Hungarorum leuitate deluso. Quia tamen acriter vrgebat Parens, ne fortunæ deesset: acceptis ab eo copijs in Hungariam penetravit, non meliore euentu, quàm spe. Desertus enim ab Hungaris, coactus est in Poloniam, infectis rebus, reuerti. Moderatius longè, iuuenis ferebat, eam siue fortunæ vicissitudinem, siue hominum inconstantiam; quàm decrepitus parens. Ille enim, simul ac Hungariā excessit, omnem Regni cogitationem

Mosci potentia crescit, Rege Casimiro dissimulante. deposuit: hic indignari, vindictam in Ladislauum filium Bohemiæ Regem agitare; Ioannem stimulare; bellum instaurare. Adeò hæc cura eius animo infederat: vt intentus augendo filij imperio, ad alia propè stuperet, neque detrimenta sua sentiret. Alebat interea Moscus damnis Lituaniæ, suas opes. Ante paucos enim menses, fortunis ac genere clarissimi Duces Bielscij, Boratynscij, ac Worotynscij, cum amplissimis possessionibus ad Moscum defecerant: atque ditiones regias armis infestabant. Non magis tamen eius rei nuncius Regem permouit, quàm vt per legatum suum, Stanislauum Strumili-
lium

lium Pietrafzkowicz, de violatis inducijs apud Basili-
dem expostularet. Armorum vis omnis in Hungariam
versa est. Inuitus eam expeditionem suscepit Ioannes,
quod in fata fratris pugnare, à parente cogeretur: mul-
toque deteriorem, quam superiore anno, euentum ha-
buit. Cùm enim Hungari, siue consilio, siue necessitate
aliquâ, nullibi aperto campo militem obijciendo, bel-
lum traherent, Ioannes verò cunctantiùs omnia, ex bel-
li fraterni odio, administraret: regiæ copiae, propè uni-
uersæ domum sunt dilapsæ. Vix quatuor millia militis
supererant Ioanni: quando validus Hungarorum exer-
citus sese obiecit. Viribus non animis minor Ioannes,
cum tantillâ suorum manu, ausus summam rei prælio
committere, profligatus, ac admodum ægrè è mani-
bus victoris æmuli elabatur. Ladislaus tamen, mox à
victoria, fratrem per legatos de ineunda concordia
compellat; neque hic abnuat: conuentum ergo, his
conditionibus. Ladislaus in Hungaria, uti cœpisset, re-
gnaret: eo absque prole vitâ functo, Ioannes succede-
ret: interea, Ladislai beneficio, Silesiam possideret.

Inscio hæc Rege acta, qui comitiorum causâ in Li-
tuaniâ secesserat. Frequentes Proceres conuenerant
præsertim è Seueria, quibus vicina Mosci potentia, ex
propinquitate periculi, maiores faciebat curas rei publi-
cæ, per eorum damna collabentis. Omnibus idem ani-
mus steterat, concordibus sententijs, in Senatu, Regem
quantumuis tergiversantem, perurgere; ut eius oræ
tuendæ, seriam assumat cogitationem. At, priusquàm
Senatûs,

A. 1490.

A. 1491.

Ioannes
in Hūga-
ria profligatur.Seueria
Duces à
Lituania
deficiunt.

A. 1491. Senatûs, consultandique copia tribueretur, res fortuita, eaque per exigua, vniuersum negotium in præceptis impulit. Versabantur in palatio regio Principes, Regem de more salutationis causâ adituri: cum ad interius conclaue penetrare volunt, ianitor, vti sibi ignotos, progredi vetat. Ignominia species haud leuiter vniuersos offendit, præsertim quod aliqui, ab eodem fonte, genus suum, cum Rege ducerent. Præcipuus contempta hominis leuissimi voce, fores aperire nititur: ianitor incautiùs obluendo, foribus interceptum Ducis digitum, comprimit. Tanta mox indignatio subsecuta, vt pleni furore, tumultu ex palatio, Vilnâque abiuerint. Re ad Regem delatâ, properè sunt missi, qui abeuntibus, hominis inurbani temeritatem, capitis poenâ vindictam esse nunciarent: grauis ea procul dubio erat vindicta, sed reuocandis ad Regem proceribus non suffecit. Læsus animus omnia in materiam offensæ trahebat, totumque se aperta defectionis consilij permiserat. Quidquid inter illos, cæterosque Lituania primores (vti inter homines diuersarum religionum, ac institutionis euenire necesse erat) Vilnâ accidisset, id sui contemptum interpretati, tantum odisse iam Lituaniam cœperant; quantum dolebant, non pro sua se dignitate habitos. Accedebat, quod Rex grauibz edictis Florentinam Latinorum cum Græcis in religione concordiam, per suas ditiones promoueret, aduersus Orientalis secessionis sectatores, quibus Seueriæ Proceres morticidius adhærebant. Parum proderat obstinatis mentibus,

*Russi ad
concordiâ
cum Ro-
mani in-
ducuntur.*

bus, tum Iosephi Kiiouiensium Antistitis exemplum ^{A. 1491.}
& cura, tum Niphonis Patriarchæ Constantinopolitani
epistola, quâ eo anno datâ, grauissimè monebat, vni-
uersos Russos, vti inuiolatam colerent, sentiendi de re-
ligione amicitiam, quam Ioannes Palæologus Orientis
Imperator, & Iosephus Patriarcha Constantinopolita-
nus, ceterique tum Pontifices, tum Principes Græciæ;
præsentes Florentiæ iniuissent. His causis auersi à Rege,
ac Lituania, Seueriæ Principes, prodiderunt Rempu-
blicam, ditionibus suis vniuersis, Mosco subiectis.
Nuncius defectionis non leuiter Regem perculit: nihil
tamen amplius est actum, præterquam quòd per Al-
bertum Kloczko, de iniurijs sit expostulatum. Desti-
nauerat quidem Rex, totis viribus de Mosco vltionem
sumere: at acceptis intereâ literis, quibus filium Ioan-
nem Albertum, à Ladislao fratre, in Hungaria profligatum,
cum victore fœdus pepigisse, nunciabatur: magno Lituaniæ
damno, iram omnem in Ladislaum vertit; cladem Alberti,
velut sibi illatum probrum, armis vindicaturus.

Quemadmodum verò Hungarici belli cura, iniuriæ ^{A. 1492.}
Moscouitiæ sensum obtudit: ita deinde subsecutus ^{Rex Cast-}
morbus, omnem belli cogitationem præcidit. Trôcis ^{mirus mo-}
agritudine deprehensus, cum initia morbi contemnit, ^{rius.}
ipsis viæ, quâ Poloniam repetebat, incommodis, ma-
lum auxit: agrè Grodnâ deportatus, tum primum
sensit de morte agi, quando remedia in venenum verti
cœperunt. Quæ enim ad temperandos febris ardores

A. 1492. ministrabantur, exulceratis visceribus in dysenteriam impulerunt: cuius deinde curatione intercus aqua, immodicè aucta, artem omnem superabat. Cùm itaque medicus Iacobus Zaleski, iussus disertè de vita Regis respondere, spem nullam fecisset, Rex illud vnicum effatus, [*Moriendum ergo*] animum omnem ad supremas mortalium curas intendit. Condito testamento inter præsentes filios, pecuniam omnem, quam ad manum habebat, partitus, ad Polonos Proceres orationem vertit, ut vellent Ioannem, sibi mortuo surrogare: tum propè cum lacrymis, Lituanos breuibus allocutus, postulauit, ut Alexandrum Lituanix præficerent. Ioannem deinde & Alexandrum monuit, ut Sigismundo fratri prouiderent. Denique Christiano ritu sacris omnibus permunitus, VII. Id. Iun. decessit, vixit annos quatuor de sexaginta; Lituaniam administrauit quinquaginta duobus annis. Princeps famâ nominis, rebusque gestis inclytus. Staturâ fuit iustâ, fronte recalua, vultu oblongo ac permacro; linguâ leniter balbâ: animo ac corpore laborum & incommodatum tolerantissimo. Solam frigidam potitare solitus; in moribus ac ornatu, nihil aut molle aut superbum, admittebat; simillimus Iagelonis. Vagæ libidinis hostis acerrimus, legitimæ coniugi addictus: venandi immodicè studiosus: in amicis profusior. Paucis mensibus Regem præcessit, Andreas II. Episcopus Vilnensis, Vilnâ oriundus, iacra eruditione, & ingenij acumine celeberrimus: successorem habuit virum illi stri genere Albertum Tabor.

Andreas
II. Vilnensis
Episcopi
Mors.

LIBER

LIBER VI.

DE REBUS LITVANORVM

Sub Alexandro II. Principe.



Vigatâ per Lituaniâ Casimiri Regis morte, frequentes ad comitia Vilnam concurrunt Proceres. Præcipui fuerunt, Simon Olelko Dux Slucensium, Principes Holfzanenses, Mscislauienteses, ac Giedroycij, Gubernator Samogitiæ Kieyzgailo, Basilus & Michaël, Duces Glinski. Nemo fuit, qui suaderet differendum ad communia cum Polonis comitia negotium. Ne in vnum facti inuidia incumberet; omnes nemine auctore, magno consensu, oblatam legendi sibi Principis arripuerunt occasionem. Certatum est aliquantum sententijs, inter eos, qui tacitis officijs, in se, aliorum suffragia venabantur; atque eos, qui apertâ oratione, in Simonem Olelkonom inflectere nitebantur. At vniuersorum ambitionem superauit Casimiri, in animis eorum prope spirantis adhuc imago, ac reuerentiâ; ne filios eius præterirent, præsertim Alexandrum, quem moriturus Casimirus, vltimis vocibus eorum fidei commendârat. Ipse etiam Alexander, dignis eo loco virtutibus iuuenis, magnam spem de se excitauerat, fore ut primam parentis fortunam, suâ indole æmularetur. Coniunctis itaque

*Alexâd ev
eligitur
Magnus
Lituanie
dux.*

Kk 2

senten-

A. 1492^o
Inauguratur.

sententijs, vno omnium ore Dux Lituaniæ renunciatus est. Mirâ inde in populo animorum alacritas, non permisit proferri capiendæ dignitatis diem: ex loco comitiorum ad D. Stanislai templum, principali paratu deductus, in paterno solio collocatur. Albertus Tabor benè à Superis Reipublicæ precatus, breuiter monito Principi, ne à maiorum vestigijs desciscat, insigne Honoris, Mitram imposuit. Supremum Lituaniæ Marefchalcum, cùm pro more gentis strictum enssem, virgamque porrigeret, sic præfatum, in vetustis monumentis reperi. Superi ipsi, Nomen Isagelonium, Patris Casimiri imago, atque ab antiquo, in domo vestra, Magni Lituaniæ Ducatûs solium, Te hodie Principem nostrum creârunt, renunciârunt. Accipe igitur nudum expeditumque ferrum, vt Te ipsum in hostes fortem, erga nos integrum iustumque exhibeas in hoc imperio; quod à nobis eiusmodi accipis, vt si prouidè ac vigilanter agere volueris, opibus ac viribus, facillè quosuis alios Principes sis æquaturus. Virgam ensi, maiorum more, adiungo; vt intelligas clementiâ ac seueritate temperandum tibi esse imperium. Non ad exterorum instituta, ac leges, ratio gerendi instruenda erit, sed ad Lituanorum morem, Vitoldique exemplum; à quo si in latus alterutrum deflexeris, Nos, Te ipsum, Rempublicam præcipitabis. Negotijs periculosis ac nimijs, ne tuâ te sponte inuoluas: nulla verò solus tracta; sed laborem, ne vnum obruat, in alios diuide. Facilis mihi fides est, neque plura cum, neque maiore cultu, locutum fuisse.

fuisse. Aperta enim eius ætatis pectora, non norant; aut in sermone, dicendi lenocinia; aut in officio, assentandi artes. Nondum Respublica, à manu rebusque gerendis, ad linguam & umbratiles, ac propè de ludo, facundorum concertationes, translata fuerat.

A. 1492.

Inaugurati Alexandri fama Petricouiam perlata, non leuibus diffidijs Polonorum comitia exercuit. Placebat plerisque Alexander, & suæ virtutis indole, & metu, ne regno ad alium delato, societas populorum, necdum satis firmata, sub duobus principibus fatiscat. At plures erant, in quorum offensionem incurrerat, quod Principatum Lituaniæ inscijs Polonis occupasset. Quebantur violata ab eo fœdera: metuere se præferebant, ne adiuncto ei diademate Polono, aut Lituatorum factum comprobarent, aut saltem mali exempli præiudicium ad posteros relinquerent. Ioanni quoque partim spiritus imperiosi, partim res in Hungaria non prosperè gestæ, plurimum de populari fauore detraxerant. Hinc vires sumebat factio, Regni à Iagelonia domo, ad Piasti posteros, iteratò transferendi. Tam turbidus consiliorum status Ianussum Ducem Mazouiæ ambiendi studio Petricouiam exciuit. Venit mille equitum manu stipatus, tantumque momenti, præsentia simul ac potentia, rebus suis attulit; ut Ioannes propè sperneretur: His cognitis Regina mater, pecuniam promittit, atque liberalibus stipendijs, militem properè collectum Ioanni filio mittit. Ita viribus æmulo superato Ioannes, in se Polonorum studia conuertit. Metus armatorum,

Ioannes
Albertus
Rex Poloniae creatur.

A. 1492. reuerentiam erga defunctum Regem Casimirum reduxit: vt quem ille moriturus commendarat Polonis, cum omnes vnâ voce Regem liberè dicerent.

*Legatio
Alexandri
in Mosco-
uiam.* Alexander in Lituania primas curas ad Moscouiticum bellum componendum conuertit: non armis sed legationibus. Iuerunt ad tyrannum, Ioannes Zabrzezinski, Stanislaus Hlebowicz, & Ioannes Wladyczka, Legati: qui publicè quidem, noui sui Principis nomine de iniurijs ita agerent, vt res ad pacem potius flecteretur; privatim verò pertentarent, quo animo futurus esset Basilides, si filia eius Helena, Alexandro ad matrimonium postularetur. Pleriq; nimirum censebant iniectâ affinitatis mentione Basilidem intereâ temperatum armis, repressurumque finitimorum vexationes. Responsum est à Moscis: quæ de Viazma, Clepenio, Lubociesco, Mescensco, quæ exustis, quæ occupatis legati essent questi, pleraque à Magno Duce ignorari: aliqua, quæ ex eius imperio contigissent immeritò nuncupari iniuriam: nam post damna per Mescenses, Moscouiæ finibus illata, cum Casimirus Rex pro eis satisfacere non curâset, fontium tantum crimen, gentium iure, vindicatum esse. In priuato, Molczanus Radionouius, ex procerum sententia, Zabrzezinium monuit, pergratè Iwanum Ducem accepturum, si ab Alexandro de nuptijs cum Helena celebrandis interpellaretur. Nihilò tamen pacatiorem se Lituaniæ præbuit Iwanus. Impositâ Liuoniæ finibus ad Naruiam celebriarce, de eius nomine Iwanopoli, dictâ, quò eius oræ claustra contra

*Iwanus
Basilides
usurpas
titulū Do-
mini uni-
uerse Rus-
siæ.*

contra Liouones ac Finones obtineret, Russiæ vniuersæ A. 1492.
dominationem animo complecti cœpit. Serpentina in
occulto consilia, insolens titulus literis ad Alexandrum
præfixus, inapertum protraxit. Hunc enim primum
totius Russiæ Dominum se ferre cœpit. Atque hæc est
secutorum deinceps malorum inexhausta, ac perpetua
materia: cum Mosci neque volunt ambitiosè sumptum
nomen deponere; neque possunt illud rebus exæquare:
quam diu florentissimas Russiæ Prouincias, sub imperio
partim Polono, partim Lituano, remanere vident. Tan-
tò posteris constitit, per socordiam Casimiri Regis, pri-
ma Surgentis Basilidæ initia, non fuisse armis oppressa:
auctis liquidem viribus, creuit non impar potentiæ am-
bitio, cui ferendæ tandem nostra ætas non suffecit. Cre-
scebant interim iniuriæ: nam & flammis in agros Sier-
pieisij, oppidaque grassatus est Basilides; & Russos Du-
ces, varijs artibus, sub suum imperium pertrahere, non
desistebat. Repetijt itaque Alexander legationem per
Andream Moniuidum Olechnowicz, & Albertum
Kloczko. At nihil æqui retulerunt domum legati: to-
tum quippe ius, in cupiditate & armis, Basilidæ erat:
incurtionum causam à se in Georgium Hlebowicz re-
mouit, obtendens, infestationes eius, coactum se fuisse
coercere. Scripserant quoque Principes Litvani Senatûs,
ad Proceres Moscouie; ne permitterent, contra fœdera,
Ducis titulos innouari: verum nihil responsi acceperunt.
Nemo erat, qui non perspiceret legationes vtrò mis-
sas, aliquam timoris confessionem præferre, atque in-
de

A. 1492. de spiritus iam satis tumido hosti, in immensum augeri: quare armis rem aggredi oportere, ne omnis opera irritato euentu luderetur, & tandem in dānnum Lituaniz recideret. Verūm vt necessarium erat bellum, ita perdifficile; cum hoste opibus valido, & successibus elato: quo, nolebat Alexander, Principatūs sui auspicia, implicari. Rursus ergo Albertus Kloczko Moscuam mittitur, cum ijs ab Alexandro mandatis. Secruenta Christianorum populorum certamina, per quæ paucorum cupiditas, infinitorum exitio saginaretur, extremē periculum; Pacem cum Iwano, Connubium cum filia eius, optare: in eam verō rem, multo labore opus non esse; cū possit Maiorum Legatorum industriā perfici, qui iam iter ingressi, in finibus præstolarentur, securi com meatūs fidem, literis Iuani consignatam. Alexandrum Reipublicæ potiūs causa (cui optime volebat sperabatque) quā priuatæ rationes ad eam affinitatem quærendam impulit. Iwanus certē, vt pronum se ad eam ostendit, ita minimē dubitabat, se Alexandri amicitiam, suis compendijs æstimaturum. Populus Lituanus ab ipsa anni huius temperie, triste animis præsagium persentiebat. Hyems adulta, tantā cæli clementiā ad miraculū calebat, vt arbores passim pubescerent; herbescerent prata, vernarent flores, aues congererent nidos, genusque propagarent. Rigidior deinde Martius intenso quindecim dierum gelu, ac pruinā, exussit vniuersa. Hinc plerisque ominandi materia. Nuptias Alexandri in spe, velut in flore, peramānas; innumero-
rum

*Alexander
Helenam
Iuani
Mosci-
liam con-
iugem sibi
poscit.*

rum bellorum segere, tandem fatales futuras neque
 hanc Russam Helenam fortunatiorem olim Lituaniis
 fore, quam fuerit Græca, Troianis. Connubij paciscen-
 di, condendæque pacis negotium Principibus viris
 commissum est, Petro Bialy Palatino Trocensi, Stani-
 slao Gastoldo Samogitiæ Gubernatori, Theodoro
 Hrehorowicz Notario Magni Ducatus Lituaniæ, eâ
 vnicâ legē, ut quæ antiquitus Moscoviticæ ditionis fuis-
 se comperissent, ea Iwano permitterent. Lituaniæ verò
 vindicarent, quæ iam inde ab Olgerdi temporibus ad
 eum pertinuisent. Auditis legatis Iwanus, breuiter præ-
 fatus, se optare vehementer affinitatem & amicitiam A-
 lexandri, illudque solùm vovēre, ut fortunatiore euentu
 concluderetur, quàm quæ inter parentes Casimirum
 Regem, & Basilium Ducem intercessisset: permisit ut
 legati cum Senatoribus Moscis, prius de pacis, tum de
 connubij conditionibus, transigerent. De pace ita con-
 uenēre: Alexanderius omne in Nouogardiam, Tue-
 riam, & Viaznam abdicaret; Iwanus quidquid Du-
 cum Worotyński possessione antea comprehendeba-
 tur, Lituaniæ restitueret. Quantum ad connubium
 pertinet, illud maximè ipse Iwanus vrsit, ut scripto A-
 lexander sponderat, permissurum se, ut Sponsa, Russam
 religionem retineat, neque institutum vnquam apud
 eam, ut ad Romana sacra transeat. Cum acceptarent
 conditionem legati, sponsalia sunt celebrata magno ap-
 paratu: in ijs, permissum non est Palatino Trocensi, ut
 vices Alexandri absentis sustineret; quod alteram iam

ACCA
 Connubij
 & pacis
 conditiones.

A. 1493. coniugem in matrimonio haberet: itaque Gastoldus, his partibus functus est. Legatos Alexandri redeuntes, secuti sunt in Lituaniam, quatuor viri Principes, cum lecta nobiliorum iuuenum manu, ut priusquam Helena ex Moscouia dimitteretur, ex mente Iwani, matrimonij pactiorem cum Alexandro conficerent. Certatum est diu, quod Mosci ab Alexandro sponsionem verbis, Iwani iussu præscriptis, exigent; Alexander verò pollicitus omnia verbo, literas more Polono conscribi curasset. Negantibus legatis se eiusmodi literas accepturos, Marci chalcus Lituaniæ Litauor Moscuam usque missus est, ut literarum sententiam, atque Alexandri studium præfens explicaret. Sed Iwano obstinate propositum retinente, nihil eâ legatione profectum est.

A. 1494.

*Helena
Mosco in
Lituaniam
deducitur.*

His ac similibus disceptationibus solennia matrimonij in sequentem annum prorogauit Iwanus. Compositis tandem controuersijs, Alexander splendidissimam instituit legationem pro deducenda ex Moscouiâ, sponsâ: non minore magnificentia Mosci pompam fecere. Iwanus parens, ad Deiparæ fanum; frater verò Basilius, Dorohomilouiam usque comitatus est. Adiuncti non pauci, qui Vilnam honoris causâ prosequerentur, seu ad aulicæ familiæ comitatum, seu quod aliquorum operam, ad obeundas in Valachiam, & Scythiam legationes, Princeps destinasset. In digressu mandatum vniuersis, ne prius reuerterentur in Moscouiam, quàm Helena procerum Lituaniæ conuictu, desiderium

rium suorum, moderari assueuisset. Eorum præterea industria commissus labor, ne alius, quàm Russæ religionis Antistes solemnî ritu sponso iungeret; ut Alexander intra arcem Vilnensem sacellum ædificari iuberet, in quo Helena Russo ritu rebus diuinis commodius operam dare posset; denique ut Iwan legatis in Scythiam vel Valachiam ituris, liber securusque per Lituanas ditiones transitus permitteretur. Cùm hæc in Moscouiâ peraguntur, Alexander Princeps, ad Ioannem Poloniæ Regem excurrit: adfuerunt, ei conuentui, Ladislaus Hungariæ Rex, & Sigismundus ac Fridericus Principes Poloniæ. Quid arcane consultationis inter fratres fuerit, scriptores alto silentio premunt. Multorum nihilominus sermonibus iactata suspicio fuit, bellum in Valachiam ab illis decretum: ut depulso inde Stephano, quod ad Turcam inclinaret, Sigismundus substituere-
tur. Intererat siquidem plurimum Reipublicæ, quis Princeps, & quàm integræ fidei, eam Prouinciâ obtineret: ne fortè admissio Turcico imperio, ipsi lateri Poloniæ, hostis, & periculum, admoueretur. Nondum peractum fuerat consilium; cùm allatus de aduentu Helenæ nuncius, Alexandrum Vilnam reuocauit. Venienti occurrit extra urbem Alexander, atque magnificæ pompæ apparatu in arcem deduxit. Celebrata sunt, connubialia fœdera, in templo D. Stanislai; coniuniorum solemnîa in palatio regio: Lituanorum ingenti, nullo extraneorum concursu. Mosci omnes per aliquot septimanas liberalissimè sunt habiti, Principes

4.1494. legationis amplissimis muneribus onerati.

*Moscus
fraudulē-
tē agit.*

Ætas adolescens, Alexandrum à festis connubiali-
bus, ad bellicas curas vocabat. Sed bellum in Valachiam
adornanti, haud leue impedimentum, ex nouis nuptijs,
subortum erat. Nam Iwanus Valacho, uti foederato, fa-
uebat; Mosci verò, gens suspiciosissima, in curia Helenæ
agentes, facile vniuersa coniectare, ac Moscuam renun-
ciare poterant. Ut eam difficultatem submoueret Ale-
xander, per Stanislaum Strumil Pietrafzkowicz, Iwano
scripsit. Helenam, iam eam ægritudinem, quæ in aliena
domo timebatur, ipso temporis progressu mitigasse.
Contentam, eâ maiestate, quam flos Lituanæ nobili-
tatis, parem eius dignitati, præstaret: neque officijs,
neque ministerijs, popularium suorum ampliùs egere.
Sumptus eos, qui in Moscorum alimenta profunderen-
tur, superuacuos sibi & Helenæ, videri: atque maturum
esse, ut in Moscouiam reuocentur. Se Pacis, atque affi-
nitatis initæ memorem, Lituanum Moscumque eo-
dem loco habere; rogare itaque ut eadem Iuano mens
esset. Affinibus amicisq; communes deinceps hostes
atque amicos debere esse: atque ideo æquum omnino,
videri, ut quoniam Stephanus Valachiæ Princeps Li-
tuanas ditiones armis infestare non desisteret; Iuanus
quoque foedera cum illo pacta rescinderet. Quid eâ le-
gatione profectum sit, non reperio. Caterùm nouus ru-
mor de Mielhigiereij Tauricani consilijs, quibus Vkraï-
na irruptioni destinabatur, compulit Alexandrum, ut
repetitis simul cum coniuge literis, per Ioannem Drow,
auxilia

auxilia contra Scytham ab Iuano postulare. Promisit ^{A. 1494.}
 ea in speciem Iuanus, at exitu non præstitit, obtentu
 ignorantia, quod Alexander neque tempus, neque ra-
 tionem mittendorum auxiliorum, indicasset. Quin
 imò nouarum discordiarum materiam captare eodem
 anno cœpit. Missis enim legatis, prolixè velut de ingen-
 ti iniuria questus est: quod Alexander Romanæ religio-
 nis Antistitem, ad sacra connubialia adhibuisset; tem-
 plum intra arcem pro Russis non excitasset; dimissis
 Moscis, non aulam tantum Helenæ, Lituaniis implēs-
 set, sed ipsum mundum muliebrem, ad morem suæ ^{A. 1495.}
 gentis, formari curasset. Sequentē etiam anno, recen-
 tes scintillas veteribus odijs subijcere conatus est. Po-
 stulauit enim vt Turcicis legatis liber in Moscouiam,
 per Alexandri ditiones, aditus pateret; & Scythæ ac Va-
 lachi amici sui, in quiete relinquerentur. Respondit A-
 lexander. Permitti non posse saluâ Republicâ, vt Tur-
 cæ liberos, quâ vellent, transitus habeant: quod ea res
 apertum discrimen contineret. Vsitatum illis morem à
 nemine ignorari, Legationum specie, Christianas Pro-
 uincias explorare, astu in occasiones inuadendi profu-
 turo. Valacho ac Scythæ omnia pacata fore, modò apud
 eos Iuanus efficeret, ne suis iniurijs, ad bellum cogant.
 Ita vltro citroque missis epistolis, sensim animi irritaban-
 tur, gliscebantque semina belli, in diuturnam flammam
 erupturi.

Quies tamen à bello integrum eum annum tenuit, ^{Alexander lustrat Russiam.}
 percommoda Regina Elizabethæ, quæ interea cum
 Frid-

A. 1495. Friderico filio, ac Barbara, & Elizabetha filiabus Alexander filium & Nukum Helenam Vilnæ inuifit. Post abitum matris, Alexander cum coniuge ac primoribus Ruffiam luftrauit, & in futuros cafus propugnacula permuniri iuffit. In itinere accepit à Rege literas, quibus ad Partzouiensia comitia inuitabatur: at paulò tardius eæ sunt redditæ, quàm vt ad conftitutum diem eò

*Bellū Va-
lachicum
orditur.*

Bellū Valachicum orditur.

A. 1496.

perueniret. Nihilominus in reditu, flexit iter Brestiam, conueniendi Regis desiderio. Partzouiæ absque arbitris consilio habito, Valachum persequi bello decernunt: Lituaniis haud dubiè acriter reclamaturis, si maturè in vulgus res emanasset. Spargitur ergo nullo auctore rumor, Turcas magnis viribus in Poloniam bellum adornare. Per causam reprimendorum barbarorum, magno studio, in omnibus Prouincijs, miles tam ordinarius ex nobilitate, quàm stipendiarius domifrisque, conscribitur. Crucigeri quoque ac Mosci contra communem Christiani nominis hostem, in societatem euocabantur. Moscus per Ioannem Sapieha Alexandri legatum auxilia pollicitus, postquam Valachici belli suspicio euolui cœpit, amplâ legatione postulauit inhiberi arma, quòd constaret ex Stephani literis, constitutum illi esse, pacem cum Alexandro constanter tueri. Atiam Alexandrum impetus vlteriùs extulerat, quàm vt tam faciliè pedem ab incæpto reuocaret. Vti clam cum fratribus conuenerat, cum ingentibus subiectorum sibi populorum copijs, per Brassauieses agros progressus, ad Bohum fluuium castris locatis, Regis aduentum

tum præstolabatur. Quiero in castris militi, (quemad-
 modum vulgò valde promptum est, per ocium in con-
 filia Principum curioso sermone inquirere) cum nihil
 ab ulla parte de Turcis hostile nunciatur, haud levis
 suspicio occurrit, exercitum contra Stephanum duci.
 Vulgata deinde res ad Proceres, maiorem motum fe-
 cit. Collatis sententijs, frequentes Alexandram Princi-
 pem adeunt: queruntur nobilitatem tantis impendijs
 trahi in bellum, de quo nihil in Senatu relatum esset: in-
 stant impavidè, (necdum enim veneratio Principum,
 Senatoriam constantiam, ad assentandi artes emollie-
 rat) ut apertè Senatui indicet, quò ducere legiones de-
 creuisset. Alexander causatus, non rectè à se id postu-
 lari, quod ipse sine culpa præstare non posset; monuit,
 ut permitterent ea sili, quorum notitia plus nocu-
 menti afferret; neq; obnunciarent expeditioni pro Re-
 publica susceptæ. Proceres eo responso magis irritati,
 neque dubij ita se rem habere, uti vulgò spargeretur, pa-
 lam obtestantur. Quandoquidem secreti retinendi cau-
 sâ, consilium suum neque hæcenus Senatui, Ordini-
 busque Lituaniæ aperuisset, neque aperire vellet: se quo-
 que tanquam custodes *publicæ libertatis, legum, ac Reipub-*
licæ, ulterius cum nobilitate nequaquam progressuros:
 quos tamen stipendijs suis auctoratos haberet, eos du-
 ci iuberet, quò placeret, se minimè remoratos. Ale-
 xander tanto numero imminutis viribus, ipse progredi
 ausus non est: sed Stanislao Stanislai Kizka demanda-
 vit curam, ut cum aliquot millium mercenarijs ad Re-
 gia

A. 1496.

Senatus
Lituanie
cessit.Nobilitas
ab Alexan-
dro secedis.

A. 1496.
Braslauiam
& Viniciam
invenitur.

Miles Sti-
pendarius
feliciter
bellum in
Valachia
gerit.

Constan-
tinus Opro-
gins Dux
militiæ
Lituanæ.

gia castra properaret. Ne interea reliquus miles ocio torperet, Braslauiam & Viniciam arces magnis impensis exquisitè permuniti curavit. Inopinatâ hac nobilitatis secessione Alexandro Principe retardato, Rex Ioannes cum quadraginta millibus Valachiam intrauit. Quàm aduerso euentu ea festinatio Regi cesserit, memorant Polonarum rerum Scriptores: deductâ nimirum fermè eò re, ut tantùm non sit desertus Rex, in hostico, ab exercitu Lituanorum auxilia ductore Kiszka, non potuerunt in tempore adesse. Superato enim Tyrâ semel, iterumque, cum Valachis pugnandum fuit: neque prius ad castra iter patuit, quàm hoste, qui aliquot locis occurrerat, internecione deleto. Animosiores ab hoc successu Lituani, ubi primùm salutârunt Regem, postulârunt, ut ad vastandam Valachiam ire permitterentur. Sed Rex maiore propè leuitate prosequendi belli pertæsus, quàm temeritate, illud mouisset, iam apud se missionem exercitui destinauerat. Siue ita animo succubuerat, siue verè corpore æger: ut iustâ relinquendæ Valachiæ causâ, fugæ nomen aboleret, morbum suum obtendit. Dimisso Polono exercitu, Lituani quoque versùs Braslauiam signa mouerunt: in quo itinere Scytharum aliquot manipulos, prædando occupatos, varijs locis, delêrunt. Alexander Braslauiam in Lituaniam reuersus Petrum Bialy supremum militiæ in Lituania Magistrum, virum bellis non fortunatum minùs, quàm fortem, animam agentem reperit. Successit in eam præfecturam, ex ipsius defuncti consilio, Constantinus

stantinus Dux Ostrogicus, rebus contra Scythas gestis
celebris Imperator.

Sequens annus res pacatas domi forisque habuit: fu-
turis tamen inter Alexandrum & Iuanum Moscum, ini-
micitijs, seges maturius, quàm aliàs, succrescebat. Vr-
gebat enim Iuanus pertinacissimè; tum templum Russi-
cùs in Regià, pro Helenæ vñibus, tum vt amotis ab
eius latere Romanæ religionis hominibus, ij soli ad ob-
sequia & comitatum substituerentur, quibus commu-
nis esset cum Helena religio. Præterea legatus à Turca-
rum tyranno rediens Michaël Pleščzeiciuius, Putioli à
Præfecto loci, cum Scythis comitibus, aliquantùm fue-
rat detentus. Detinendi quidem causam Præfectus æ-
quissimam habuit, quòd & insolito itinere per Lituaniæ
fines penetrare attentasset legatus, & Scythas secum
duxisset, qui agrestes grauibz iniurijs diuexabant. A-
lexander quoque vt primùm rei gestæ nuncium acce-
pit, Michaëlem cum socijs liberum dimitti mandauit.
Nihil tamen horum Iuano persuasit, ne inde occasio-
nem querelis sumeret. Accessit, quòd minùs attentâ in-
spectione eorum, qui Principis epistolis præerant, ali-
quid erroris sit admissum, in titulis Iuano præfixis.
Mox deinde iniuriæ aliquæ priuatorum vtrinque sunt
subsecutæ. Cùm enim Smolensci negotiatoribus Viaz-
mensibus aliquid contigisset, Iuanus causatus Palati-
num Smolenscensem Georgium Hlebouicium, iniu-
riam pãsis non satisfecisse: Smolenscensibus, qui in
Moscouiâ versabantur, res omnes auferre mandauit.

M m

Inter

A. 1497.
Inimici-
tariū in-
ter Litua-
nos &
Moscos
noua ex-
ordia.

A. 1497. Inter Putuolenses quoque ac Rezanenses damnorum aliquid circa confinia illatum, redditumque vicissim fuit. Furere inde Iuanus, ac per Basilium Romodanowski grauissimè de omnibus expostulare: ante omnia verò vrgerè, ne Regi Poloniæ bellum contra Valachos gerenti, auxilia ex Lituania subministrarentur. Alexander Princeps non ignarus, quantà ferociâ esset homo, veritusque subitum bellum, maturè per legatos Iuanum delinire constituit. Stanislao Kiszka, Mareschalco, & Ioanni Sapieha Notario Lituanix ea Legatio obtigit. Functi illi mandatis eximie, rem vt erat proposuerunt Iuano. Alexandrum Principem iniurias, quæ illo inuito in confinijs contigissent, ægerrimè ferre, paratumque iudices extra ordinem designare, qui ad limites profecti, in rem gestam inquirant, atque in reos animaduertant. In gratiam Iuani, foedus cum Valachis, & Scythis, per Gasparem Hermanowicz nuper pepigisse, paratumque esse nihil contra eos mouere, modò illi sincerius pacem colere vellent. Scythas enim perinde vt ante initum foedus, Lituanix fines irruptionibus infestare: Valachos verò, Turcis bellum in Poloniam adornantibus, liberos transitus contra datam fidem permittere: quæ cum Alexander cogatur armis coercere, non posse id fraudi esse, eius cum Iuano amicitia.

A. 1498.

*Fames &
lues in Li-
tuania.*

Modicam ab armis quietem geminata calamitas excepit: nam & incredibili fame plebs vehementer attrita est, & inuecto nunc primùm ex venerea lue morbo, fædius ea contagio vulgata est quòd insolentis mali remedia

remedia ignota essent. Verum hæc tenuiorum ferè clades fuit: primores ac nobilitatem appropinquantis Turcicae potentiae metus grauius exercuit. Nunciabatur enim Turcam, propediem vniuersas vires in Valachiam effusurum. Contra tam validum hostem, concordiam inprimis opus erat, quæ ex antiquis inter Polonos ac Lituanos dissidijs, admodum nutabat. Plurimum itaque Alexandro Principi ac Ioanni Regi, in Petricouien-
 sibus comitijs sudandum fuit, ante quam Lituanorum Ordinum legati in sequentes leges consentirent. Poloni, Lituanique, pro vno deinceps populo, vnoque corpore se gererent: vtrisque eadem Respublica, idem Princeps, esset; qui communibus suffragijs in Polonia lectus, & Rex & Magnus Dux vocaretur. Quicumque per Lituaniam Magistratu, aut honoribus fungerentur, fidem suam Regi iureiurando obligarent. Comititia, consilia, foedera, bella, res nummaria, vtrique genti, communia essent. His legibus firmata domi concordia, Alexander ne simul duplex certamen susciperet, Moscum non tantum in amicitia retinere; sed etiam ad iungenda contra Turcas arma, pertrahere, conatus est. Necdum Moscus Lituaniae bellum aperte indixerat: at si rem, non vocabula, penset; parum ab eo aberat. Iam enim vario prætectu per quinquaginta leucas in portectum excurrentes, latitudinis ultra duas leucas Lituaniae finibus detraxerat. Dissimulandum tamen fuit Alexandro, in Turcici periculi curas intento: quin & præoccupandus furibundi hominis animus, quem Theodorus Szostak

*Petriconiae
renouatur
fœdus Po-
lonorum &
Lituanorum.*

*Moscu ad
bellu Tur-
cicum in-
uitatur.*

*instituit
vnt aut
ignotus
non*

A. 1498. falsis nuncijs concitauerat: scripserat quippe clàm Iua-
no, Helenam ad Romanam religionem capeffendam
vrgeri. Atque fortè legatis Alexandri Stanislao Hlebo-
wicz & Ioanni Sapieha, non tantùm negotij fuit, aut in
refellendo Theodori mendacio, aut in persuadendo, vt
ab vtraque parte designatis recuperatoribus, eorum ar-
bitrio, finium controuersia permitterentur. Certè pro
suscipienda Valachia propugnatione, nequicquam la-
boratum est. Orabant legati, vt quo animo nuper Ale-
xandrum à bello contra Stephanum dehortatus fue-
rat, eodem nunc Ioanni Regi, & Magno Duci Alexan-
dro, pro Stephano contra Turcas pugnaturis, adesset:
præsertim cùm id non solùm priuati fœderis rationes
exposcerent; sed etiam communis Christiâni nominis
causa. At Iuanus confirmauit quidem se laboranti Ste-
phano nequaquam defuturum: adiecit nihilominus,
sibi nihil de periculo Stephani innotuisse, ac propterea
destinatum, non prius subsidia mittere, quàm ipsemet
ea postulâisset. In speciem verba dedit, animo bellum
in Lituaniam coquebat: certus, alieno periculo, sua au-
gere commoda. Vt facilius verò imponeret Alexandro,
Ioannem Poloniae Regem ad noua fœdera inuitauit.
A. 1499. Nulla quidem tunc Mosco, cum Poloniae regno confi-
nia erant: noui tamen fœderis religione implicare Ioan-
nem volebat; vt eum à ferendis fratri suppetijs abstra-
heret; quemadmodum ipse deinde euentus, arcana per-
fidi pectoris euoluit. Alexander nihil repentini à Mos-
co metuebat integrè intentus Christianorum contra
Turcam

*Christiani
cōtra Tur-
cas conspi-
rant.*

2111

s-m M

Turcam

Turcam foederibus. Auctor in primis Lituanis Ordinibus, ut quæ nuper Petriconiæ per legatos suos sciuerant, ea Vilnensibus comitijs firma, ac rata iuberent, decernerentque. Perfecta est res, ex voto Principis: decreto relato in publicas tabulas, quibus sua nomina Proceres subscripserunt, atque ad ærarium Reipublicæ sanctius, remisso, vetus cum Polonis confociatio stabilita est. Pax deinde cum Stephano Principe Valachiæ, ac filio eius Theodato, Magni Ducatus Lituaniæ nomine inita est. Denique Ladislao, maximè, Hungariæ Rege, annitente, ita inter Polonos, Hungaros, Bohemos, Lituanos, ac Valachos foedera conclusa, ut non modò Principes ipsi, sed etiam Prouinciæ omnes illorum, ac regna, mutuum sibi contra Turcas defensionem sponderint.

Sacras hæc curas Alexandri, repente alio auerterunt perfidæ Iuani artes. Occultè sollicitabat Simeonem Bialæ, Andream Mozaysci, & Basilium Osiemiatczyc, Duces, opibus ac possessionum amplitudine potentes, ritibus Græcis extremè addictos, ut in ius ac ditionem Moscouiæ concederent, Seueriam proderent, Lituaniam armis inuaderent. Præmiû proditoris, interposito iureiurando, spondebatur, ciuitatum agrorumque de Lituania detractorum hæreditas. Homines ob ipsam religionis diuersitatem non leuiter Alexandro & Lituaniæ finitros, citò defecit constantia & fides. Iunctis simul viribus, Branscum aggrediuntur, atque incolarum Russorum dolo, nullo labore, potiuntur ciuitate: mox in societatem defectionis Czernikouiam, Staro-

*Moscus
foedus vio-
lat.*

A. 1499. dubum, Nouogrodecum, Rilsicum in Seueria pertrahunt. Legati Alexandri, Stanislaus Strumilo Pietrasz-kowicz Smolenscensis Gubernator, & Theodor. Hrehorowicz Notarius Lituaniæ, egerunt studiosè cum Iuano ut de iniurijs satisfaceret. Sed ille dilatandi imperij audior, quàm in fidei datæ affinitatisque iura obseruantior, quod hætenus virus arcanis consilijs coxerat, tandem in publicum apud legatos effudit. Nequicquam ad fœdera, inquiebat, prouocari, quæ toties ab Alexandro violata, nulla pridem essent. Eius iussu Antistites Albertum Tabor Vilnensem, & Iosephum Soltan Smolenscensem, sæpiùs cum Helena egisse, ut ad Romana sacra transiret: nullum hætenus in palatio sacellum in Helenæ usus ædificatum esse: Russos procures ad eiurandam autam religionem cogi, atque ideo aliquos ut tantum nefas declinarent, perfugium in Moscouia quæsiuisse. Non posse itaque se facere, ut aut proprias iniurias inultas mitteret, aut supplices Russos repelleret: quin imò curaturum se deinceps, ut quorum capita, ac patrimonia semel in patrocinium recepisset, ab ijs vim omnem armis propulsaret. Mox feciali misso bellum haud dubium indixit Alexandro, si aut profugorum bona reperere pergeret, aut reliquis Russis molestiæ aliquid, religionis causâ inferret. Ita sacrilegæ fœderum violationi, religionis species prætendebatur, vetere Moscorum institutò ad bella iniusta, apud vulgus excusanda. Cæterum reuerà dominandi libido, erat; quâ arrogant limites Berezynam usque proferre, & imperium

*Bellum
Alexandro
indixit.*

rium vniuersæ Russiæ inuadere moliebatur. Manebat
adhuc Alexander in ea opinione, posse tyranni furo-
rem per legatos mitigari: quare feciali per Zabrzezi-
nium Palatinum Trocensem, responderi mandauit.
Post initam Florentiæ inter Orientales Occidentales-
que Ecclesias, concordiam, in qua omnes Orientis Pa-
triarchæ, cum Imperatore Bizantino, Romanum Pon-
tificem caput supremum, Romanæ religionis, agno-
uerunt: Alexandrum quoque curasse, vt secundum ve-
teres Lituaniæ leges, Russi per eius ditiones, concordie
illi accederent. Iuanum itaque immeritò offendi eâ re,
quam vniuersæ Christianitatis consensus, & Niphonis
Constantinopolitani Pontificis (cui se subesse Russia
profigeretur) literæ ad Kitouiesem Antistitem datæ, com-
probarent. præsertim quòd Alexander, cum nulla sub-
ditorum (nedum cum coniuge Helena) vi, aut minis,
eâ de causâ egerit. Præstiturum nihilominus Alexan-
dram vt querelas partim falsas, partim iniustas, primo
tempore per legatos dilueret, modò Iuanus, tam vanis
occasionibus, ad soluenda fœdera, atque amicitie iura
proculcanda, non vellet vti. At Iuanus quando hæc
cum legatis tractabat, iam infesta signa Lituaniæ im-
miserat. Alexander spe omni pacis deturbatus arma in-
uitus sumpsit. Cum expeditionibus copijs Constanti-
num Ducem Ostrogium, Smolenscum præmisit: ipse
cum robore exercitus lentiùs subsequutus, primum Min-
sci, deinde Borysouiæ, aliquantùm substitit. Præcipui
ordinum ductores, magistratibus, ac primâ nobilitatis
præro-

A. 1499.

Constanti-
nus Ostro-
gus contra
Mossum
ducit.

A. 1499. prærogatiuâ insignes, properè ad Ostrogium concurrerunt: cum degerendi belli rationibus in commune consulitur, certis nuncijs ad Palatinum Smolensensem, Stanislaum Kiszka allatum est, circa amnem Viedrusam exercitum hostilem visum fuisse. Ad eum rumorem, Constantinus copias, quas ad manum habebat, neque maiores, quàm quæ ter mille & quingentos milites non superabant, contra hostem mouit. Hostium aliqui intercepti, non negabant ante paucos dies modicas suorum vires fuisse, sed accursu vicinorum immodicè auctas confirmabant. Augere eos sua, more Moscis consueto, creditum est: itaque contra hostem signa moueri Constantinus iubet. Progressis aliquantùm, ab exploratoribus haud dubio indicio constitit, hostem magno exercitu, Viedrusæ vtramque ripam insedissee: equitatûs partem, à reliquis copijs abstractam in campo duabus leucis distito, instructâ acie venientes Lituanos operiri: robur ipsum hostium castraque trans fluvium hædere: euntibus in hostem viam inter arbuta paludosis locis impeditam fore. Re ac indicio ad tribunorum consilium reiectis, certatum est sententijs, quid in tam ancipiti causa agendum esset? Plerique censent, audaciâ potius, quàm timoris confessione, peccandum; si necesse sit, alterutrum eligi. Mox vno ore, ut in hostem ducantur, conclamant. Emenso magno labore duas leucas, nullâ quiete sumptâ, ut primùm in conspectum hostium venerunt, magno ardore in eos impetum faciunt. Non tulerunt vim, equites Moscorum: vix inchoato

choato prælio, ex aperto campo, versùs castra se rece-
perunt. Abeuntibus instat Constantinus: at dum ar-
dentiùs sequitur victoriam, perdidit: postquam illaris
in apertos campos signis omnibus, paucitatem suorum
detexit. Hostis quadraginta millibus equitum, præter
pedestres copias, validus, primùm mirari tantillæ ma-
nûs audaciam, mox contemnere: tandem motis simul
omnibus suis, instantes & stitit, & in fugam vertit. Qui
primi in confertos ordines se intulerant, in hostium po-
testatem venerunt viui. Senatûs, ac militiæ capita, Con-
stantinus Dux Ostrogus, Stanislaus Kiszka Palatinus
Smolenscensis, Gregorius Osticus Mareschalcus Litua-
niæ, Litauor Chrebtowicz Palatinus Nouogrodenis,
Nicolaus Hlebowicz, Nicolaus Zenowicz. Pauci aut
vincula, aut ferrum euaserunt. Ioannes Iacynicz, Geor-
gius Wolowicz, Theodorus Niemira, Theodatus Ma-
skievicz celebres cohortium ductores, propè confecti
vulneribus, manu ac ense, viam inter armatos ad tu-
tiora aperuerunt. Constantinus ad Iuanum deductus,
incredibilia tormenta tyranni iussu subiit: non pedicis
modò seruii more iniectis, sed etiam manibus ad ter-
gum recortis, atque loco manicarum plumbo liquato
circumfusus. Nuncius tantæ cladis Alexandrum, Bobrij
deprehendit: ad sistendos itaque victoris progressus,
castra sunt Obolcios mora. Cur verò deinde Alexander
versùs Polociam signa verterit, causam neque reperiri,
neque conicere possum. Constat enim totas hostium
vires Ductoribus Iacobo Zacharinicz, Andrea Mo-
zayski,

N n

A. 1499. *Seueriam totā Mosci occupat.* zayski, & Ofiemiatycijs, in Seueriam conuersas fuisse. Quidquid per eam Prouinciam, quā armis, quā perduellum prodicione, occupatum non fuerat, totum hac expeditione hosti cessit, Putiuolum, Toropcium, Zolidouia, cum reliquis arcibus, earumque agris. Circa idem tempus Scythæ donis promissisque luani concitati, Volyniam sunt aggressi, ductore Acharatgercio, Tauricani Imperatoris filio. Agrorum, igni ac ferro vastatio, Volodimiriam usque ac Brestiam peruenit: prædæ omnis, incredibilis copiaeducta. His malis longè grauius erat, quod à Turca impendebat: cui auertendo, sperari potuisset Polonas Lituanasque vires suffecturas, si integræ fuissent: at ærarij publici, bellis superioribus exhausti inopia, cura Principis Scythico Mosconiticoque bello distracta, nihil ferè spei faciebant.

A. 1500. *Alexander bellum parat.* Concesserat quidem Alexander IV. Summus Pontifex Ioanni Poloniæ Regi, ut in belli Turcici usus, decimam Ecclesiasticorum prouentuum portionem, scerneret: sed quod eadem pecunia Ladislao Hungariæ Regi destinaretur, nihil ex illa in subsidium Lituanæ conuertri potuit. Sub eâ curarum mole Alexander animo nequaquam cadere, sed omni industriâ pecuniam militemque, comparare. Per Lituaniam delectus instituntur. Ioanni Czarny, Bohemo negotium datur, ut per Bohemiam ac Germaniam stipendijs validas copias colligat. Et quidem stipendia satis maturè Posnaniæ, externo militi numerata sunt: neque tamen tempori ad castra peruenit, rapinis per viam immoratus.

Reges

Reges fratres Ladislaus per Mathiam Ciezielicki, & A. 1500.
 Ioannes per Alexandrum Skorutam impensè pro Ale-
 xandro egerunt, vt Iuanum ad æquas conditiones pacis
 inclinarent. Alexander quoque ne se omnino alienum
 à pace, ferret, Stanislaum Narbut Moscuam misit. Le-
 gati oratio exaggeratè proposuit Iuano, iniurias ab eo il-
 las. Duces nempe Lituanæ ditionis, ad prodicionem
 sollicitatos, possessiones eorum vi occupatas, vicinos a-
 gros ante bellum indictum, hostilem in modum, eua-
 statos, Constantinum Ostrogium cum aliquibus pro-
 ceribus, non ad inferenda arma, sed ad recognoscenda
 præterita damna, arcendaque futura, progressum; in-
 terceptum atque in barbaros carceres coniectum, Se-
 ueriam auersam à Lituania. Hæc omnia quamquam &
 multa essent, & grauius, nihilominus Alexandrum à
 Christiani sanguinis siti abhorrentem, paratum esse &
 de iniurijs satisfacere, si quas eum intulisse compertum
 fuerit; & amicitiam pacemque innouare: modò Iuanus
 ereptas Prouincias, captiuosque restitueret. Nihil ta-
 men æqui apud hominem naturâ arrogantem, & ius
 atque iniuriam tantum ex iniuriæ successu æstimantem,
 obtineri potuit. Eadem, quæ toties prope ad nauscam
 de prætensis Russæ religionis iniurijs memorata sunt,
 inculcabat. Pacis perturbatæ culpam omnem in Ale-
 xandrum deuoluebat, eâ maximè causâ, quod epistolæ
 aliquæ Moscouiæ Ducis titulos, non ad mentem ip-
 sius habuissent, præfixos. Denique querebatur Deme-
 trium Carcuum, suum ad Romanum Pontificem lega-
 tum,

*Prius ta-
men per
legatos
pacem se-
tat.*

*legatos
de pace
1500.*

41590. tum, in Polonia violatum, comitibus eius haud leuiter vexatis. Purgantibus omnia, ipsâ veritate Regum legatis, spondentibusque Alexandrum per maiores legatos plenius satisfacturum, atque pacis instaurandæ rationes quæsiturum, modò intereâ cessaretur ab infestatione finium: ostendit Iuanus non alienum se ab eo consilio esse. Ioannes quoque Zabrzezinski Trocensis Palatinus, Lituani Senatûs nomine, literas ad proceres Moscorum dederat, vt pacis constanter colendæ auctores suo Principi essent; curarentque ne captiui aut adeò barbarè haberentur, aut à rerum diuinarum vsu, accessuque templorum, arcerentur. Respondit itaque Iacobus Zacharinicz præcipuus procerum, id studium Lituani Senatus pergratum omnibus accidisse, collatâque operâ perfecturos, vt desiderio isti satisfiat, modò Rex Poloniæ legatos in Valachiam, à suo Magno Duce pergentes, atque in finibus Poloniæ interceptos, cum mercatoribus Plescouiensibus ac Nouogardiensibus liberos dimitteret. Verba hæc Moscorum, destinatis consilijs omnino aduersa. Nam sub finem æstatis, Demetrius Zylka Iuani filius cum validissimo exercitu fines transgressus Smolenscum obsidione cinxit. Alexander tot argumentis edoctus, quàm exigua Moscorum promissis fides esset, Minsci agebat, bellum si ingrueret è propinquo administraturus. Czarny quoque tribunus cum Bohemis ac Germanis Stipendiarijs, iam ad initium autumnus castra attigerat. Datur itaque negotium Ioanni Bialy Samogitiæ supremo præfecto, vt exercitum

*Smolenscum
Mosci ob-
sident.*

tum contra hostem ducat. Oppugnabatur Smolens-
cum à Moscis impigrè, ac deiectis mænibus, propè iam
parentes habebant aditus. Nihilominus Georgij Pac-
Gubernatoris, ac Nicolai Solohub præsidio præfe-
cti, virtute singulari, omnis hostium vis, non tantum
in irritum, sed etiam in ipsorummet damnum redijt.
Quoties assultu per ruinas in arcem euadere tentarunt,
toties insigni clade acceptâ repulsi sunt. Iam Bialy Or-
szam cum Lituanis castris peruenerat: is nuncius De-
metrium coegit, vt propè tumultuaria fugâ obsidionem
desereret, atque in ipsam se vsque Moscouiam recipe-
ret. Miscissauia quoque eodem tempore à Ducibus
Mozaisci, ac reliquis perduellibus, pertinaciter oppu-
gnata est: sed à Michæle Duce Linguenio fortius de-
fensa, spem Moscorum fefellit. Desertâ oppugnatione
arcium, nullibi hostes pugnae copiam ostendebant. Ita-
que miles omnis stipendijs auctoratus, in castris ad op-
pidum Hory reliquum autumnum inerte ocio perdidit.
Tandem colonis miserè exhaustis, Seueriâ sub hostium
potestate neglectâ, nullo pecuniæ publicæ in stipendia
profusæ emolumento, ad hyberna dilapsus est.

Sequente anno Alexander, siue quod motis contra
datam fidem à Mosco nuper armis, desperaret posse
cum eo agi de pace, siue quod non multò post mortuo
Ioanne Rege, ad ambiendum regnum versis omnibus
curis, negotia Lituaniæ in aliud tempus postponisset: nul-
los legatos ad Iuanum misit. Offensi sunt ea re haud
leuiter Mosci, questusque est eo nomine Iacobus Za-
chari-

A. 1500.

Ad samâ
exercitus
obsidionem
relinquit.

A. 1501.

A. 1501. charinicz : cui Lituanus Senatus respondit. Nullà aut Alexandri Magni Ducis, aut suâ culpâ accidisse, quòd legati Moscuam non venissent. Mortuo inopinatè Poloniæ Rege Alexandrum in varias curas distrahi oportuisse, atque ideo nequaquam potuisse destinata suo ordine fieri. Vbi primùm in fraternum regnum successerit, missurum procul dubio legatos, qui de pace certi aliquid constituent, modò intereà Iuanus bello abstineret, & nouis iniurijs nolleret difficultiorem pacem reddere. Assentiri videbatur Iuanus. Quia tamen ante hæc Senatus literas, Demetrium filium cum validis copijs miserat, ad tentandam iteratò Smolensci expugnationem: seuerè eum commonuit, ne ex promissarum induciarum religione, aut obsidionem solueret, aut de pugnandi contentione remitteret. Paruit Parenti Demetrius, neque quidquam aut de aperta vi, aut de occultis artibus neglexit. Nicolaus Hlebowicz acerrimus bellator, (quem integro septennio fortiter contra Moscos, pro mænibus Smolensci decertasse memoratur) nuper è captiuitate Moscouitica, in quam ad Viedrusam inciderrat, regressus, pro parente suo Georgio Hlebowicz arce præerat. Duo iuvenes parentum suorum fortunam, ad Smolenscensia mænia, magno studio promouebant: maiore tamen Nicolaus, quàm Demetrius successu. Hic enim pluribus suorum amissis, rem infectam inglorius reliquit, oppugnationem verò vltiorem Ossemiatijs Ducibus commendauit. Atque (vt haud leuiter dolet perfidum, non omnes eius similes esse) Ossemiaticorum

Mosci iteratò Smolensci expugnati.

Nicolaus Hlebowicz fortiter defendit.

ciorum perduellium longè maior fuit furor; existiman-
tium, suam sibi perfidiam exprobrari ab ijs in vicina
arcibus, quæ in Alexandri obsequio, constanter mane-
bant. In extrema hostium rabie, non vulgari præsidia-
rijs opus erat, tum fortitudine contra eos, tum fide er-
ga Ducem: quare Nicolaus, omni studio eos sibi de-
vincire contendit. Quidquid auri argentiue facti, quid-
quid aut pecuniæ aut pretiosioris supellectilis in pater-
na gaza reperit, vniuersa inter militem partitus, insu-
per decem millia argenteorum, Imperialium vt vocant,
nummum, in militaria munera, alieni æris contraxit.
Miles liberalitate Ducis, ad labores ac pericula insigni-
ter auctoratus, promptissimè omnia munia exqueba-
tur, siue mænia essent reficienda, siue hostis repellen-
dus. Magnam munitionis partem hostis bellicis machi-
nis deiecerat: neque multum obfessi ab ultimo disci-
mine aberant; si Mosci per æquatam ruinis viam, totâ
simul vi in arcem conuiterentur. Nicolaus itaque, spe
deditionis iniectâ, vnius noctis inducias postulat: ne-
que abnuît hostis, suarum cladum pertæsus, hæc solâ
lege, ne per eam noctem, securium, vllus in arce usus
esset. Spondit Nicolaus: at in locum securium, fer-
rarum adminiculo, ad secandas pro usu arbores, sub-
stituto, mirâ militum alacritate ac industriâ, ita hiantia
mænia ligneis obstruxit operibus, vt nihil ad retinen-
dam arcem desideraretur Osiemiatycij desperatâ Sino-
lensci expugnatione, Miscislauiam vires conuerterunt,
nihilò fortunatiore euentu. Nam ab Iuano Duce Solo-
merecki,

A. 1501. merecki, urbis ac viciniae Praefecto, viro militiâ probato, feliciter sunt reiecti. Interea Sachmates Scythia, Tannai ac Volgâ superatis cum Nicolao Chalecki, Alexandri legato militari, Seueriam inuasit. Superiore enim adhuc anno inter Sachmatis Oratores, Polonosque ac Lituanos Proceres Cracouiae solemni foedere conspiratum fuerat, ut bellum communibus viribus contra Moscum gereretur. Foederis ineundi rationem barbaro ritu eiusmodi Scythiis fuisse memoratur, infusam strigatis frameis frigidam, atque ex acie ferri destillantem singuli sorbebant, addita execratione, ut qui prior ab eo foedere recederet, instar leuius aquae interiret. Ex eius foederis pacto Sachmates centum millibus equitum Seueriam aggressus, procerum qui à Lituania ad Moscos defecerant ditiones, latè vastauit: Nouogrodecum vi, reliqua loca per deditiōem recuperata Chaleccio, Alexandri nomine obtinenda, restituit: peragratâ Seueriâ, Machmetgierium Tauricanum Principem armatos apponere ausum, cruento praelio, fudit: fixis deinde ad Borysthenem haud procul Czernihouiâ castris, Chaleccium adiunctis suorum primis, ad Alexandrum misit, ut narratâ rerum gestarum serie, permoueret Alexandrum ad occupandam exercitu Seueriam, coniungendas vires, instandum victoriâ: cum propè debellatus Moscûs, opprimi prorsus paruo negotio posset.

Alexander Dux neglecto bello circa ambiendâ At Alexander, ne absens emulatione fratrum à regni spe excluderetur, maluit neglecto bello, domi inuigilare in occupandam successionem fraternam. Petricouiae Poloni

Poloni comitia nouo Regi renunciando frequentes agebant, Friderico Archiepiscopo Gnesnensi interrege Rempublicam administrante. Ipse quidem Fridericus anceps incertusque suffragij inter tres suos germanos, Ladislaum Alexandrum ac Sigismundum hærebat: quare expectabat in quem studia votaque nobilitatis magis inclinarent. Non pauci erant, pro Sigismundo Oppauia ac Glogouia Principe: plures longè pro Ladislao Hungariae Rege, quem etiam per Marechalcum regni Kmitam vrgenter Budzyno euocabant ad capeßendum diadema. Verùm Ludouici Regnum, Reipublicæ cladibus exhaustoque ærario publico, infame, tum Ladislai Varnensis recordatio, ominosum, multi que execrabilem reddebant in Ladislao, titulum Regis Hungariae. Neque minùs anxios tenebat metus, ne si Alexander præteriretur, Lituania à Polonis secederet. Tanta inter Polonos studiorum diuersitas, ita Alexandrum commouerat, ut reluctantium sententias vi ostentatâ, in se inclinare cogitârit. Verùm ferox, magisque eius rebus obfuturum consilium, Mater Elizabetha discussit, diuturno Polonorum usu probè edocta, liberæ gentis animos citius flecti posse prudentum legatorum industria, quàm metu armatorum. Missi itaque sunt Petricouiam Albertus Tabor. Vilsnensis Antistes, Ioannes Zabrzezinski Marechalcus, & Nicolaus Radiuillus Prægustator Lituaniæ: qui ex antiqui fœderis legibus, ita pro Ordinibus Lituaniæ, cum iure ferendi suffragij comitijs adessent, ut quâ priuatim, quâ publicè, ea Po-

Oo

lonorum

A. 1501.
Polonia
regnum
occupatur.

A. 1501. honorum auribus inculcarent, quibus animi, Alexandro conciliarentur. Plurimum momenti eorum industria contulit, quod quam ante triennium Litvani Polonis Petricouix fœderum instaurationem promiserant, eam auctore Alexandro Vilnæ perfectam, Magni Lituanix Ducatus sigillo, ac viginti quinque præcipuorum procerum signis manuque communitam, in publicum Polonorum confessum attulerint, eisdem publice tradituri, si Alexander Rex renunciaretur: sin præteriretur, rescissuri. Eâ re maximè permoti, summâ concordia Poloni Alexandrum Regem dixerunt. Neque Ladislao potuit non probari eorum consilium: quo, validas gentes, societate nomini Christiano perutili, in vnam Rempublicam coalescere videbat. Hæc fuerunt, quæ Alexandrum morata sunt, ne uti condixerat, vires sui exercitus cum Sachmate contra Moscos, ac Tauricanos, in tempore coniungeret. Quare cum iteratâ legatione apud Alexandrum Sachmates exposculetaret, quod tanto tempore Polonorum Lituanorumque copias expectando, suos tum alimentorum inopia, tum aëris inclementia, planè confecisset: responsum est. Regem mox ab inauguratione suâ, cum milite affuturum, curaturumque, ut quidquid interea incommodorum Sachmates perpeffus fuisset, abundè compensaretur. Legati amplis muneribus ditati, neque minoribus promissis onerati, spem affuturi propediem cum exercitu Regis ad suos retulerunt. Verum crescente in dies difficultate annonæ, grauius eâ premebantur, quàm ut diutius

Sachmates, à Tauricanis profligantur.

missionol

tiās ferendam moram, spes sola persuaderet. Pars po-
 tior exercitūs, vna cum coniuge Sachmatis, in Tauri-
 cam Cherfoneſſum transfugit: reliquum eius exerci-
 tum, Mendligereius nuper parenti mortuo ſucceſſor
 Principatūs ſuſſectus, inuaſit, atque penitūs proſtigauit.
 Sachmates cum Haſako Soltano fratre, ac primoribus
 aliquibus, Kiiouiam ægrè ex clade euāſit. Quamquam
 verò Kiiouiz ab eius Prouinciæ Palatino, Demetrio
 Duce Puciatcicio humaniſſimè acceptus, perquam mu-
 nificè cum ſuis haberetur: ex dolore tamen amiſſi ex-
 ercitūs, irāque in Polonos ac Lituanos, vix ſui potens,
 vindictam non in Tauricanos, ſed in Alexandrū, cuius
 promiſſis tanto interuallo è patriā euocatus, ac demū
 proditus propè eſſet, animo agitabat. Captato tempo-
 re, cum trecentis equitibus, clandeſtino itinere, aut po-
 tiūs fugā, Bialogrodum petiit: eā mente vt conquiſitis
 à Turcarum tyranno auxilijs, Alexandri ditiones inua-
 deret. Verū ab amicis è Regiā Conſtantinopolitanā
 monitus, in gratiam Mendligereij, Bialogrodensibus
 negotium ſecreto à Turca eſſe commiſſum; vt eum in
 vincula coniectum Conſtantinopolim deueherent: re-
 texuit telam, atque Kiiouiam rediit. Exiſtimabat ſi-
 quidem, quæ aduerſus Alexandrum machinari cœpe-
 rat, necdum in publicum erupiſſe. At vt fortè occulta
 ea manſerint, Palatinus nihilominus non temerè priore
 fugā in ſuſpicionis occaſionem acceptā, Sachmatem
 Vilnam relegauit, vbi opulenti quidem, ſed additis vi-
 gilibus, ad Breſtenſia vſque comitia habitus eſt.

A. 1501.

In Ruſſia
exul pro-
ditionis
cauſa ca-
pitur.

*Alexander
Rex Polo-
niae coro-
natur.
A. 1502.*

Exeunte hoc anno pridie Id. Dec. Alexander à Friderico fratre solemnè diadematis impositione, Rex Poloniæ inauguratus est Cracouiæ. Februario proximo Helena coniunx à Lituania venit, sed quòd Græco Schismati pertinaciter, addicta alienam se plurimum à Romana religione gereret, non permiserunt Poloni ut Reginarum more coronaretur. Post solemnè inaugurationis procurata, atque res Polonas compositas, Alexander Rex, ad Moscouiticum bellum, fœdere sistendum, consilia vertit. Operis toties infelicissimè tentati, ex voto conficiendi occasionem ac spem, non incommodum præbere videbatur, Turcici belli prætextus. Pontifex summus Alexander, per Cardinalem Ragnum, grauissimè Christianos Principes vrgebat, ut inito communi fœdere, vires suas omnes, ad Turcam damnis Christianorum crescentem, opprimendum conferrent. Huic consilio inprimis, neque leuiter, apud Alexandrum obstabat, cura belli Moscouitici. Itaque Cardinali auctore, à Ladislao Hungariæ Rege Sigismundus Santai, cum Regiâ ac Pontificiâ epistolâ, ad Iuanum mittitur. Nunciatur ei exaggeratè, quantum periculi Christiano nomini impenderet à Turca, qui Græciâ ac Thraciâ potitus, Italiâ, atque ad eò vniuersæ Europæ inhiaret. Inuitatur ad communem Christianorum causam armis ac milite iuuandam, seruandum Occidentem, vindicandum Orientem. Quod si fortè, id detrectaret aliquâ ex causâ: per Christianum nomen rogatur, ne aut proderet aut peiorem redderet rem Christianam,

*Pacem cū
Mosco rē-
sat firma-
re.*

Exeunte

1502

stianam, infestando Lituaniā: quod ea, domestico bello implicata; nihil posset conferre ad commune fœdus. Respondit Iuanus: se quoque optare vehementer, ut Christiani omnes collatis in vnum viribus, tyrannidi Mahometanorum obuiam irent: sed coactum bello instare contra Alexandrum, non posse interea suum nomen fœderi aliorum dare. Sentire se, quantum Alexander, ultra veteres iniurias Russæ religioni illatas, nouis lacefferet; cum & Bohemicis Germanicisque stipendiarijs confinia Moscouiæ nuper euastauerit, & proximo anno Trans-Volgentes Scythas in Seueriam immiserit. Nihilominus à pace suum animum non abhorre omnino: modò Alexander æquas fœderis leges non aspernaretur, & legatos maiores ad instaurandam pacem in Moscouiam mittere non procrastinaret. Hæc legato Hungariæ Regis verba data. Cæterum vix eo Moscuâ digresso, Demetrium filium, Iuanus ad resumendam Smolensci expugnationem, cum validis copijs militum iam Nicolaus Hlebowicz celebris eius loci propugnator obierat: parens quoque eius Georgius bello per ætatem impar, post amissum filium, tam laboriosam provinciam deposuerat: atque ea fortè Magistratûs mutatio spem melioris successûs, quàm hactenus habuisset, spem Iuano fecerat. Verùm Stanislaus Kiszka, vir bello exercitatus, Georgio in Palatini munere suffectus, collatâ cum Nicolao Solohubo præsidij præfecto, ope, omnem Moscorum vim, fortunatissimè ab arce reiecit. Demetrius iam tertio attentatæ infeliciter oppugnationis

A. 1502.
Moscouiæ-
sa spe pa-
cis, Smo-
lensci ter-
tio oppu-
gnant.

misit
legatos
maiores

A. 1502. nis pudore furens, in agros iram effudit, latè viciniam omnem populatus. Nuncius eius cladis Alexandrum Cracouiā euocauit: relicto in Polonia Pro Rege Fridrico fratre, Vilnam venit, atque sine morâ legationem ad Iuanum maturauit. Principes legationis fuerunt, Petrus Minkowski Palatinus Lanciciæ, Stanislaus Hlebowicz Marechalculus Lituaniæ, Albertus Klodzko Magister aulae Reginalis, Ioannes Sapiëha Notarius Lituaniæ. Abeuntibus legatis id sum mopere commendatum est, vt si Moscus consentiret, restitutum se arces, captiuos omnes, ac transfugas, pax perpetua concluderetur, incluso in ea fœderis formula, Liouen-
Inducias sexennales admittit. sium equitum Magistro. Ægrè in sex annorum inducias conuentum est, lat fœdis conditionibus. Ignobilioribus enim dumtaxat arcibus, Ieunâ, Rudâ, Wietlicâ, Szeluëcio, Ozieryscio, receptis, non Prouinciæ modò integræ cum transfugis, sed etiam procures ad Wiedrusam capti, in Moscorum potestate sunt relicti. Pro Liouonia ægrè obtentum, vt Palatinis Nouogardiæ ac Pleseouiz negotium omne conmitteretur, tractandæ cum Liouonibus pacis. Denique constitutum, vt induciarum tempore de rationibus firmandæ in perpetuum pacis ageretur. Venerunt vicissim Vilnam Moscorum legati, tum firmandarum induciarum causâ, tum maximè vt Episcopi, Cracouiensis ac Vilnensis, sponderent non facturum Regem, vt Regina ad Romanam religionem vrgeretur. Legatis Vilnæ agentibus nouarum turbarum materia in confinijs recrudit, illatis relatisque mutuò,

mutuò, inter Smolenscenses, ac Starodubenses iniurijs. Itaque properare Moscuam Matthias Kuncewicz coactus est, ut Regis nomine apud Iuanum procuraret, ne priuatorum audacia, paci publicæ fraudi esset. Matthiâ reuerso, legati Moscouitici liberè abiuerunt.

Lituaniâ quiescente, vicina Liuania grauíssimo bello ardebat. Gualtero Platembergio Liuniæ Magistro cedebant res ex voto: nam semel iterumque aperto prælio validissimis Moscorum copijs profligatis, ditiones Iuanilatè populabatur. Non procul Plescouiâ, cum non integra quatuor, ad pugnam, haberet millia, ab hoste, nonaginta millium copijs, cinctus est: neque multum ab extremo aberat discrimine. Desperatis humanis auxilijs, vota ad superos erexit. Prouoluto in genua, atque Deiparæ Virgini exercitûs fortunam commendanti, eiusdem Virginis, manu filium gestantis, species, spectandam se in aëre obtulit. Plenus ab eo viso spei ac animi, tormenta catenatis globis onerata, in hostem dirigi iubet, ac explodi: mox turbatum eum, nutantemque totis simul copijs adoritur: non diu Mosci impetum Liunorum, cælesti quodam ardore pugnantium, sustinuerunt; fugati, cælique, ingenti planè strage. Attrito hæc Liunicâ clade Mosco, in Lituania sperabatur facilior perpetuæ pacis stabiliendæ ratio: atque ideò missi sunt Moscuam Stanislaus Hlebowicz A. 1503. Pax cum Mosco perpetua tentatur, nullo enim fuerat legatis, ut ea restitui vrgerent, quæ Iuanus Lituanix

Liunici bellum.

A. 1503. Pax cum Mosco perpetua tentatur, nullo enim

4.1503. niæ detruxerat. At ille ab aduerso expostulare, quòd
 nouâ iniuriâ ab Alexandro lacefferetur, titulis quæ ei
 deberentur, in literarum fronte imminutis; negare quid-
 quam contra ius ac æquum factum, eas prouincias oc-
 cupando, quæ ab Auorum memoria, imperio Russiæ
 continebantur: pertinacissimè tueri, vniuersæ Russiæ
 dominium, soli sibi, vt verò veterum Ducum heredi,
 deberi; atque ideo nullo iure ab Alexandro, Smolen-
 sciam, Kuouiamque possideri: necesse omnino esse ad
 perpetuam pacem stabiliendam, vt ijs quoque Prouin-
 cijs Alexander cederet. Infectis rebus legati Moscuâ
 discesserunt. Per idem tempus Eustachius Daskowicz,
 celebris ac fortunatus contra Scythas, velitum tribu-
 nus, religione Russus, siue perduellium Seueriensium
 suasu, siue suâ sponte, in Moscouiam ex Vkrainâ trans-
 fugit, prædijs nobilium obuijs spoliatis, multisque libe-
 rorum capitibus, vi secum abductis. Missus est Mat-
 thias Kancewicz, qui ex induciarum sexennialium le-
 ge, transfugam repeteret: simulque dilueret vanam
 Iuani querimoniam, de titulorum erroribus, qui scri-
 ptoris, Sclauonicæ linguæ prorsus imperiti, ignorantia,
 in regias literas, irreplerant. Excusationem erroris ac-
 ceptari; videbatur: at restitutio Daskouicij apertè est
 negata. Induciarum enim legem, ita interpretabatur
 Iuanus, vt solos agrestes, ac facinoris alicuius reos, eâ
 comprehendi diceret, non autem capita libera, aut vi-
 ros officijs militaribus, ciuilibusue insignes. Legationibus eiusmodi, per magnam anni partem,
 pace

pace agrè protractâ, maturo iam autumnô nunciatur *A. 1503. Scytharum in Lituaniam irruptiones, vario cœ-
tu.*
Regi, Scythas Tauricanos circa Pripetium, grassari
perditiones Lituanicæ. Datum negotium properè Si-
moni Olelko, & Georgio Dubrowicki Ducibus, ut ho-
stiles progressus sistant. Simon quidem, iunctis cum
Ioanne Buczacki, Podoliæ nobilitatis viro præcipuo,
viribus, ad Vlsam amnem, loco sex leucis Bobroysco
disso, hostem nactus, felicissimè cum profligauit, ca-
ptiuos recepit, ac maiorem duplo hostium numerum in
captiuitatem abduxit. Georgio longè aliter cessit expe-
ditio: fusus enim ab hoste, præter alios Gregorium Glin-
ski, & Hornostaium, viros primæ nobilitatis, amisit.
Instaurauit rursus irruptionem Bitigereius Tauricani
Reguli filius, atque rectâ Sluckum duxit, ut nuperam
eladem, à Simone acceptam, vindicaret. Simon in spe-
rato oppressus bello, impar aperto certamini, exiguum,
qui ad manum erat militem, intra mania continuit. Bi-
tigereius veritus, ne à tergo circumueniretur, parte co-
piarum Sluckum cinxit, reliquis vastitatem, latè vul-
gavit. Arx, ciuitasque Kleckum exultæ. Nesuisienses
agri, in cineres redacti. Deinde vniuersus exercitus,
haud procul Nouogrodeco, signa in Poloniam flexit:
atque in Sendomiriense territorium, facto impetu, su-
perato Vistulâ, Pascranouiam vsque, vastando obuia,
progressus est. Tam felici successu accensæ eorum po-
pulares, terriò repetierunt irruptionem, per Slucenses
agros Nouogrodecum ducturi. In prima trepidatione,
Albertus Gastoldus, Georgius Niemirowicz, & Stani-
slaus

A. 1503. Ilaus Kiszka, raptō secum domestico milite, ad Simonem Olelko concurrerunt. Inde hostem eius vestigijs, secundum ripas Pripetij, secuti, haud procul Grodsko adoriuntur: commisso praelio cadunt. Præda ingens, ac præsertim hominum recepta est. Ex victoribus desiderati, pauci: in his, præcipui, Raczko Maszkiewicz, & Zyniewicz eques Wolkowiscensis territorij. Ad publicum, ex hostili vastatione, mærorem; accessit Regi domesticus, amisso fratre Friderico Cardinali. Fuit Princeps corpore procero, vultu dignitatis pleno; moribus autem longè infra Principem. In otio enim ferè, ac computationibus vitam exegit: atque, ut erat animo deiecto, plerumque cubiculis humilibus, fumoque squalentibus, delectabatur.

A. 1504. Quies deinceps subsecuta, nihil Scythijs, nihilque Moscis mouentibus. Scythiæ enim superioris anni irruptionibus ad repentina exercitatos, laceßere amplius non audebant. Mosci verò, operâ legati regij, Theodati Dolgirdowicz in quiete sunt retenti: quamquam priuatæ inter Starodubenses & Smolenscenses iniuriæ, non leuē turbarum materiam ministrassent. Accessit non leue momentum paci Lituanæ, ex morbo primū, tum ex morte Iuani Basilidæ Magni Moscouiæ Ducis, quæ eo anno contigisse Russorum annales tradunt. Domesticorum motuum metus, ab externis bellis, curas Moscorum auertit. Iuanus siquidem Demetrio Zylka maiore natu filio, suâ manu nuper trucidato, ex facti eius pœnitentia, nepotem ex Demetrio susceptum, eiusdem

eiusdem nominis iuuenem, successorem sibi designa-
 uerat. Deinde suasu coniugis Græcæ, ex qua habebat
 filios Basilium, Georgium, Simonem, Andream, muta-
 tā sententiā, ac Demetrio in vincula coniecto, Basilio
 imperium destinauit. Morti verò proximus, iterum
 Demetrium ex carcere ad populum productum, Mag-
 num Ducem sibi suffici iusserat. Iuano mortuo, Basilius
 paternæ voluntatis iura minimè reueritus, imperium
 vi, uti hæres, inuasit: nepotem in ascetarum claustra
 compegit. Non deerant Demetrio, eius causæ patroni,
 neque defuturi videbantur (ut nulli factioni sua capita
 dedesse solent) si quid auderet, bello Duces. Fratres quo-
 que, non sperabatur, moderatè laturos nouum Princi-
 pem, qui parentis vltimis mandatis proculcatis, gra-
 dum sibi ad Principatum fecisset. Præterea, ut moris est
 finitimis populis, eiusmodi occasiones ad firmandas res
 suas captare, Scythæ Casanenses grauiter ab Iuano ar-
 triti, numerosissimis copijs in Moscouiam irruperunt,
 magnamque cladem intulerunt. Hæc magis, quam in-
 duciarum religio, Moscos eo anno, à solita Lituaniæ
 infestatione continebant.

Quamquam verò tam perturbato Moscouiæ statu, A. 1505.
 non leuiter vrgeretur Alexander, ad ea recuperanda, Pax cum
 quæ Basilius primùm, deinde Iuanus Moscorum Duces, Moscis ir-
 Lituaniæ ditioni detraxerant: maluit tamen prior, non uero enectu
 uum Ducem legatione experiri, quo animo esset. Iue-
 runt Moscuam legati, Georgius Hlebowicz Vitepsciæ
 Gubernator, & Ioannes Sapieha Lituaniæ Marefchal-
 cus.

1505. *cus.* Actum est de perpetua pace, his dumtaxat conditionibus: ut ablata, & captiui, ex fide restituerentur. Basilii cupidum se pacis præferebat: sed mordicus obstabat, ne de restitutione ageretur, constare sibi testatus, quod nihil alieni possideret. Quantum ad priuatorum damna circa Smolensciæ, Vitepsciæ, Polociæque confinia pertineret: tum ipsis legatis, tum nouo Regis internuncio Gregorio Horemyika respondit; institutum se quæstionem, neque permissurum, ut impune abiret, quidquid à suis contra induciarum leges, attentatum deprehenderet. Eadem repetijt per suos legatos: simulque postulauit ne soror sua Helena ad ritus Romanos suscipiendos sollicitaretur, neue iter per Lituanas ditiones Italicis Danicisque legatis in Moscouiam negaretur. In vtrumque Alexandro lubenter consentiente, pax ab hoste, non diuturna, fida tamen fuit: quam domi res turbulentæ, exceperunt.

Turba in Lituania. Michaël Dux Glinski, vir primariæ nobilitatis, originis Russæ, ingenio inquieto atque ambizioso, exterorum Principum, apud quos diu egerat, gratiâ celebris, auitis opibus, atque Regis Alexandri fauore potens, Regem aulicis artibus induxerat, ut Præfecturam Lidensem Christophoro Ilinico, nullo eius crimine, ademptam, Andræ Drozdza Michaëlis affini, attribueret. Res erat exempli insolentis, planè aduersa Lituaniæ institutis, tum longo usu, tum Magnorum Ducum ac ipsius Alexandri iureiurando, firmatis. Neque enim per leges Lituaniæ licebat Principi, Præfecturas eiusmodi

modi alicui collatas, pro libito abrogare. Quare Ilini-
cius Senatûs fidem, opemque inuocare, ne permetteret,
equeſtria iura, legesque, quibus magna ac præcipua li-
bertatis pars contineretur, ad priuatorum cupiditates
ſaginandas violari, ac conuelli. Non pauci fuerunt, qui
Regi conſtanter obſtiterunt, atque Ilinicio Præſectu-
ram armis aſſeruerunt. Offenſus eâ procerum conſtan-
tiâ Rex, auctore Glinſcio in Ilinicium vincula decernit,
Ioanni Zabrzeziński Moniuido, Lituaniæ Mareſchal-
co, Palatinatum Trocenſem, abrogat, Bartholomæo
Tabor Episcopi Vilnenſis germano Præſecturam Sur-
wilſki adimit, atque Samogitiæ Episcopo donat: alios,
quâ apertè, quâ clam variè inſectatur. Nemo dubita-
bat, Principem ad inſolitam ferociam non ſuo ingenio
ferri; ſed Glinſcij continuâ ſuaſione, impelli: eum ita-
que collatâ operâ euertere, qui magis iram Regis ſenſe-
rant, aggreſſi ſunt. Spargitur in vulgus nullo certo au-
ctore, rumor: Michaëlem Glinſcium, oppreſſis Litua-
ni ſanguinis proceribus, occupando Lituaniæ Princi-
patui inhiare: atque ab eius ambitione, Alexandrum
non ſecurum vitæ ſuæ eſſe. Siue fabula, ſiue vera narra-
tio, apud pleroſque fidem reperit; communi potentium
familiarum fato, quæ eiufmodi calumnijs, magis ſunt
obnoxia. Ipſe Glinſcius gratiâ Principis fretus, quan-
tùm contemnebat vulgi ſermoneſ, tantùm in perni-
ciem auctorum eiſ famæ, artes omneſ intendit. Con-
ceptum animo virus ſcitè tegere: æmulorum, in retinen-
da Lidenſi præſecturâ, factum, ut iniuriâ ac diſcrimine
P p 3 ipſius

A. 1505- ipsius Principis plenum, inter colloquia quavis occasione, exaggerare, oppugnare. Ignavi, aiebat, non clementis Principis esse, edictorum suorum aduersarios, nolle supremâ auctoritate, atque adeo, si opus sit, ferro compescere. Immeritò libertatis defensionem vocari, quæ mera contumacium rebellio esset; fortasse adhuc immatura, sed propediem adulta; atque nisi tempestiuè opprimatur, in publicam perniciem eruptura. Iam non posse aliter Reipublicæ consuli, quam auctoribus pessimi exempli extinctis. Atrox in speciem consilium videri; at reuerà necessarium; sine quo neque Principis dignitas integra, neque Reipublicæ incolumitas, retineri posset. Expugnatus quotidianis Glinfcij machinis Alexander, de Stanislao Zarnowietz Samogitiæ supremo Præfecto, Stanislao Kiszka Smolenscenti, Stanislao Hlebowicz Polocensi, Palatinus, Ioanne Zabrzezinski Marechalco Lituanie, cæterisque eius ordinis ac factionis, tollendis consilium init. Inducuntur comitia Brestiam, ut euocati aliquo prætextu in arcem primores, capi trucidarique possent. Ignari regij consilij, conueniant pro more, satis frequentes: sed in tempore à Regni Cancellario Ioanni Laski præmoniti, abstinent ingressu arcis. Rex ubi euulgata consilia sensit, tum eiusdem Cancellarij, tum maxime Ioannis de Osuicim, qui ei à sacris animi expiationibus erat, hortatu, mitigari se passus est: Zabrzezinium tamen Palatinatu Trocensi mouit, & alios, accessu Senatûs exclusit.

Rex primores Lituanie ad eadem destinat.

Ad

Ad eadem comitia venit exul, ac prope captivus, *A. 1505. Sachmatis Scythæ Brestia, ac Radomia cum Rege congressus.*
 Sachmates, Scytharum Trans-Volgentium, Imperator, Vilnâ. Occurrit obviam Alexander ad quinque leucas: in aperto campo fixo opulentissimo tentorio, in stratoque latè panno viâ, quâ Sachmati, relicto equo, pedibus ad Regem eundum erat, expectabat. Acceptus à Rege magnâ honoris significatione, atque ad dexteram locatus. Post mutua officia, atque hospitalia colloquia, ut ad plures eius Principum congressus voluptas vulgaretur, ab utroque Principe viri apud suos, militiâ clari, Poloni Lituani ac Scythæ, leui gladiatorum attractu, ad equestres prærogativas sunt inaugurati. Quæ Sachmatis ipsius causam concernebant, Radomiam Rex distulit: quia enim in ijs Polonorum æquæ ac Lituanorum res agebatur, communia utriusque gentis comitia postulabat. Deducitur est Sachmates Regis iussu Radomiam. splendido comitatu: introductus comitiorum tempore in Senatum: incredibili dicendi libertate est questus, se pro Republica Polona ac Litvana stipendia facientem, in hostico, prope proditum: ubi verò exercitum fortunasque omnes prodegisset, contra fidem datam, vim pati: neque libertatem, neque auxilia contra Tauricanos, impetrare posse. Responsum est, Regis ac Ordinum nomine. Quidquid hætenus aduersi expertus esset, nemini alteri, præterquam ipsi Sachmati imputari debere. Euocatum illum quidem esse à Rege, ex auitis sedibus: sed oblatis amplissimis ultra Kiouiam campis. Monitum esse mature, ut in Moscouiæ

A. 1505. Moscoviæ infestationes, cum iuberetur, intentus; à Turcicâ peninsulâ prorsus abstineret, solumque solitas Tauricanorum excussiones reprimeret: atque eâ de causâ mandatum fuisse à Rege, ut sedes suas Moscorum finibus admoueret, ne ipsâ vicinitate Tauricanos in se concitaret. At Sachmatem nō solum mandati regij immemorem, arma Tauricanis spontē intulisse, sed etiam beneficij ingratum, regias in Russiâ ditiones, infestas habuisse, tentataque ad Turcam fugâ, contra Regem ac Rempubicam consilia agitasse. Quamquam verò ipse Sachmates, primū temeritate suâ, deinde perfidiâ, in hascē angustias, de quibus quereretur, se coniecisset: nihilominus Regem, ac Rempubicam, erigendæ eius fortunæ non defore; quamprimū exercitus à belli Dacibus conscriberetur, qui nullus modò ad manum esset. Subridens ad hæc Sachmates, sermone ad Regem, digito ad circumstantes aularum asseclas, verso: Numquid hos bello inhabiles censetis? quâ causâ igitur tantus numerus à proceribus alitur, si arma, si castra, si campum ac pugnam metuunt? Respondit Cancellarius. Ut omnibus populis suas; ita Scythiis alias, Polonis alias leges esse, ac instituta. Scytharum gentem prædis finitimorum vivere assuetam; ad Principis nutum, domesticæ egestatis leuandæ necessitate, vniuersam militare. In Polonia maiorem rei familiaris curam esse singulis: neminem inuitum extra patriam stipendia facere: domi alios esse ab agris, opificijs, ac mercimonijs; alios à Diuino cultu, à iure dicendo, ab arcium præsidijs,

præfidijs, ab obsequijs magnatum: verbo, quemque si-
bi vitæ genus suo arbitrio legere.

Sachmate promissis onerato, priusquam de alijs ne-
gotijs ageretur, proceres Litvani, quos Brestia Rex Se-
natu prohibuerat, in ijsdem comitijs, Polonorum ope-
râ efficere contenderunt, vt superiores animorum inter
Regem & Senatum offensæ, abolerentur. Rex publicè
coram Polonis professus, facturum se eorum gratiâ,
quæ postulabant; nihil in Poloniâ præstare voluit, ne-
gotio ad Lituanorum comitia remisso. Princeps igitur
Litvani Senatûs, Albertus Tabor Vilnensis Pontifex è
loco consurgens, simplici sed plenâ diuiniore cuiusdam
auctoritatis oratione Regem affatur. Nullâ nostrâ cul-
pâ, sed aliquorum ambiciosorum calliditate, exacerba-
to tuo in nos animo, tulimus hactenus iram tuam, vt
officium subditorum in obsequio constantium exige-
bat. Aduersati sumus, non tuis Regijs edictis; sed cupi-
ditatibus priuatorum: qui instituta ac iura Lituanix,
Diuorum Maiorum tuorum, tuoque iureiurando sa-
cro sanctè firmata, tuæ auctoritatis abusu, conuellere
contendunt. Principem te meum, collegarum meorum,
ac vniuersæ Lituanix, agnosco & veneror: at simul
tuum atque Lituanix Pontificem me esse sentio. Pro
eo itaque, quod diuinitûs mihi impositum onus incum-
bit: non ignoro, meo me officio stringi, ad reuocan-
dum Te ab eiusmodi consilijs, quæ iuribus nostris, tuo-
que iuramento sunt aduersa. Quisquis nostrum ea vio-
lare attentat, Deum ipsum cordium testem, scelerum

Qq

quæ

A. 1505.

Proceres
Lituanie
reconcilia-
re sibi Re-
gem com-
tur.

*A. 1505.
Rex para-
lysi in Se-
natu cor-
ripitur.*

*1505
1506
1507*

*Tauricani
Scythæ
Lituaniam
vastant.*

que vindicem obtestor, ne inultum sacrilegum caput relinquat. Vix ea prolocuto Antistite, Rex subito paralyti tactus, omnes trepidatione, ac stupore, complet. Fortassis ex compressa bili, ea membrorum resolutio nimium excandescenti, contigit: vulgò tamen prodigij, ac Diuinæ vindictæ loco, habita est. Ob eam Regis ægritudinem cum nihil deinceps agi potuisset, comitia soluta sunt. Rex æger Cracouiam deportatur Sachmates eius iussu, Trocis liberaliter habendus, honesto cum comitatu in Lituaniam redijt. Inde quoque, Nagaiensium Scytharum obsequio, tentauerat fugam, sed interceptus à Lituanis, atque retractus Trocos, arctiore custodiâ seruari debuit: præsertim quòd Mendligereius Tauricanus, non modò pacem, verum etiam auxilia, per legatos suos, Regi spopondisset, si Sachmatem elabi non permetteret. Cestitutus omni ope humanâ Sachmates, ad superos vota vertit, vt per eos ipsos vindicarent iniuriam, in quorum gratiam inferretur. Non irritæ miseri preces fuerunt. Mendligereij miles, ductoribus eiusdem filijs, incredibili clade Lituaniam afflixit. Bitigiereius, ac Burnasgiereius minores natu, mortuo Slucensium Duce Simone Olelkonide, medio Augusto, Sluckum sunt adorti. Anastasia vidua maturè de periculo præmonita, Herois par animo quibusuis viris, properè ex vniuersa ditione suos euocauerat: euocatos sacramento addicit, quòd pro impubere Principe constanter sint decertaturi. Tantâ ergo contentione ab oppidanis, agrestibus, ac nobilitate, res acta est: vt Scythæ

thæ ingenti acceptâ clade obsidionem deferere fuerint compulsi. Relicto Slucko Nouogrodecum barbari duxerunt. Conuenerant fortè Proceres, consilium de rationibus placandi Regis, eluendarum calumniarum, euertendi que turbarum fabri, inituri. Nunciato Scytharum aduentu, pauci cum Palatino eius prouinciæ, Alberto Gastoldo, defensionem arcis susceperunt: reliqui trans Nemenum se receperunt. Hostis vacuam ciuitatem ingressus, dato expeditioribus negotio insequendi fugientes, cum reliquis copijs oppugnationi se accingit. Per viciniam, quâ Nemenus excursionem non arcebat, magna strages ferro ac igne edita est: arx nullo euentu oppugnata. Gastoldus Palatinus, Maszkieuicius arcis præfectus, Ioannes Tryzna, Niemira, cæteri que propugnatores, ita missilibus machinis que tormentarijs, atque adeo excursionibus hostem fatigârunt, vt desperatâ arcis expugnatione, solâ agrorum prædâ contentus, in Scythiam redierit. Maiorem longè, latius que vastitatem intulit Mechemetgiereius senior Mendligereij filius. Nam Minscum vsque progressus, dimissis in omnem partem vastatoribus, ciuitatem exussit: neglectâ arcis, quam diuturniorem fore videbat, oppugnatione, Viliâ ac Berezynâ fluuijs superatis, per Polocenses, Vitepscenses que agros impunè grassatus, militem incredibili prædæ vi onustum, reduxit. Memoratur, præter eos, quos ferrum varia que clades, ac præsertim senes pueros que absumpsit, centum millia mortalium, ætate ac viribus validorum, ex Lituania & Alba Russia in captiuitatem

A. 1505. ptiuitatem fuisse abducta. Vastitatem ab hoste illatam pestifera contagio Minisci, & per alias vrbes excepit. Tam frequentes in profunda Lituaniæ Scytharum excursions Ordinibus ansam præbuerunt, vt Vilnæ melius muniendæ curam fusciperent.

A. 1506. Primo itaque vere proximi anni, nobilium ac populi Vilnensis conspiratione, Regisq̃ iussu, publicis impensis, & antiqui, Inferioris arcis muri, vetustate collabentes, reparati sunt; & Vrbs tota nouis cincta. Rex confirmatis paulisper Cracouiæ viribus, persolutisq̃ Elizabethæ Matri iustis, primùm comitiorum causâ Lublinum deinde in Lituaniam diffidijs procerum laborantem cum initio ferè Veris venit. Vilnæ Tauricanorum legati postulabant Sachmatem tamquam hostem Lituaniæ damnari, si Tauricanos populos in amicitia conseruari Lituani optarent. Glinscius deinde in Senatu, maximè, tum auctor, tum minister fuit sententiæ, quâ Sachmates perduellionis reus peractus, Cautnam ad perpetuos carceres relegatus est. Nihilo tamen inde pacatiora Lituani à Tauricanis experti: ingenti exercitu, hoc quoque anno, instaurata est ab eis agrorum vastatio. Cùm collabente Republica, Rex quoque morbo recrudescente, sensim consumebatur: atque Regem quidem solùm morbus, Rempublicam non vnum conficiebat malum: Nam præter continuas à Scythis clades, iustumq̃ à Moscis metum, internæ ex Glinscij factione discordiæ Procerum, incredibiles vires sumebant. Adhibebatur curando Regi opera impostoris cuius-

A. 1506.
Vilna
muro cin-
gitur.

Sachma-
tes dam-
natur.

Rex peri-
culum vi-
tæ operâ
medici,
auctore
Glinscio
subit.

manuscript

4 p 9

cuiuspiam Babinski, qui artis medicæ prorsus impritus, Veneficiorum usu, clari medici nomen apud vulgus inuaserat, atque cum Polonus natione esset, Græcum se ferebat. Hic balneis ac sudoribus assiduis propè enecabat infirmum. Monebant Regem familiares Medici, ne fideret homini, qui insigni simul imperitiâ atque audaciâ, rebus ægro periculosis, medicamenta adhibendo, apertè maturaret vltimum discrimen: verum vrgentibus Regem fatis, sana suadentes, tamquam inuidiæ odioque obnoxij æmuli repulsi sunt. Cancellariotamen Regni non vana medicorum monita videbantur: captum itaque Babinscium in vincula iubet conijci, è quibus Glinscij operâ elapsus, quæstionibus se fugâ subtraxit. Hinc suspicio & fama inter plebsque vulgata est, à Glinscio eum subornatum fuisse, vt medicamentorû specie, Alexandrum è viuis auferret. Nemo tamen erat, qui Glinscio attentatum in vitam Regis scelus, obijcere palàm auderet. Proceres plerique Regi offensi, ad vitandam cum Glinscio concertationem, desertâ curiâ atque publico, domi rem priuatam curabant. Glinscius autem, solus ferè, in absentia aliorum, consilia Regia administrabat. Nunciatur intereâ Vilnam, Tauricanos in Lituaniam mouisse. Rex incommodis belli ferendis iam debilis, nobilitati, quam suis edictis in eam occasionem ad arma euocauerat, committit, vt hostibus occurrat. Nobilitas Glinscij artibus concitata, negat se signa moturam, nisi præsentem Principe. Glinscius, tametli constitutum haberet, Regem

*Cogitur ire
ager ad
castra.*

A. 1506. gem Vilnâ extractum, incommodis viâ, atque adeo vitæ periculo, obijcere; consilium dissimulabat: tum, veluti aliud ipse in gratiam Regis sentiret; necessitati in subitis seruiendum esse, præfatur. Mox subiicit, Regem quantumuis ægrum, deportandum esse Lidam, ne nobilitas prætensâ Regis absentiam, ex castris dilabatur. Possè inde commodius Sigismundo Principi scribi, ut ad suscipienda Lituaniæ gubernacula properet, Regemque fratrem exoneret publicis curis, quibus liber, & morbum medicinas vincentem leuaret quiete; & animus, si spes omnis viuendi præcideretur, ad extremum diem comparare. Vix attigerat Rex Lidam, cum nobilis vir, ægrè ex vastatorum manibus elapsus, nunciat, hostem igne ac ferro barbarè in omnia læuire; neque integræ diei itinere Lidâ distare. Faciebat nuncio fidem, vulnus sagittâ in genâ acceptum: mox alij super alios fugâ in castra delati, confirmabant viginti millibus Sluckum destinatis, reliquas copias incredibili celeritate Nouogrodecum tendere. In vanis tamen metuculosorum hominum terculamentis, hæc sunt habitacula plerisque, deceptis; quòd hostium festinatio opinionem omnem superaret. Mittitur centuria Glinsciani equitatus, ad afferendum aliquid exploratum. Paucis leucis progressi speculatores, in manipulum Scytharum inciderunt: commisso prælio cædunt aliquos, reliquos in fugam vertunt: ad austruendam fidem capita cæso- rum in hastis referunt. Tum primùm in castris cessatum dubitari de hoste: omnes expedire arma, ad prælium

lium se comparare: solus Rex propè furere, quòd eò *A. 1506.*
 discriminis deductus, ne equum quidem præ ægritudine
 posset conscendere. Augebat tumultum, incerto au-
 ctore sparsus per castra rumor, delectorum viginti mil-
 lia, magnis itineribus rectà Lidam properare. Com-
 missa itaque belli totius summâ exercitus Duci Stani-
 slao Kiszka, expeditoque ad Sigismundum fratrem ta-
 bellario, ipse Rex, cum Alberto Tabor, Episcopo Vil-
 nensi, Ioanne Laski regni Cancellario, & Ioanne Za-
 brzezinski Marechalco Lituaniæ, Vilnam se recepit.
 Iam pagis, nobilium curijs, templisque circumquaque
 ardentibus, ignis fumusque non dubium indicium fa-
 ciebant, hostem vix ad leucam à castris regijs abesse.
 Magnâ itaque celeritate Stanislaus Kiszka expeditiori-
 bus turmis negotium dat, ut dum exercitus robur, non
 integra decem millia, expeditur, hostem arceant ab ef-
 fusa agrorum vastatione. Neque infelicitè ab eis res
 gesta est, aliquot manipulis vastatorum interceptis, de-
 lectisque. Vbi senserunt Scythæ Lituana signa contra se
 moveri, suos ad castra reuocare cœperunt. Id fore præ-
 senserat Kiszka, atque ideo paucis ad vestigandos pa-
 lantes per vicina missis, vniuersas copias Nouogrode-
 cum, tum Kleckum, ducit, totâ vi castra, in quibus Sol-
 tani, cum liberis ac coniugibus, more gentis confede-
 rant, insperatò aggressurus, priusquam vniuersi à va-
 standis agris confluerent. Verum ex quingentis circa
 Poloncam, ab ea legione, quæ reliquos præcurrebat,
 profligatis, pauci fugâ ex cæde elati, maturè satis, belli
 Duces

*Stanislaus
Kiszka
contra
Scythas
expeditio.*

2.1506. Duces monuerunt, Lituanum exercitum instare. Cum igitur iam non posset Kiszka, uti voluerat, inopinatò hostem adoriri, instructa ad apertum prælium acie, signa ducebat. Nonis Augusti ad Lipie constiterat, postero die cum hoste congressurus: verùm eadem nocte, repentino graviq̃ morbo correptus, suas vices Michaëli Glinscio committere coactus est. Glinscius vir, & militaribus artibus probatus, & gloriæ audis, libenter tam speciosam Prouinciã suscipit: millia septem delecti militis, tria non admodum armati, intrepidè contra hostem ducit. Bitigereius cum fratre, instructis ad pugnam copijs, venientem Lituanum expectabat: Amnis castra Scythica lato atque limoso alueo alluens superandus erat priùs Michaëli: cuius vada, quã transituris commodior videbatur via, validâ suorum manu oppositâ, præmunierat Bitigereius. Vbi in conspectum mutuũ aduersæ acies venerunt, Michaël neque loci iniquitate, neque barbarorum multitudine turbatus, dat prælîo auspiciũ. Ad castrorum latus, quod stagni paludosi aquis munitum, negligentibus custodijs tenebatur, cohortes aliquot equestres immittit, submissis deinde in subsidium quingentis, excubias hostiles cædit, pecora atque equos, per campos, intercipit. Facto deinde in eam stationem impetu, quæ viam regiam infederat post dubiam aliquantũ pugnam, loco hostem mouet, atque ad suorum ordines reijcit. Purgato isthîc campo, solus amnis interiectus obfistebat, ne vtrinq̃ totis viribus concurreretur. Promotâ ad

*Michaël
Gliniski
profligat
Scythas.*

ad ripam amnis Lituanorum acie, nimbi instar immen-
sam sagittarum vim ab aduerso margine effuderunt
Scythæ: at ferè irritò euentu. Quia enim Michaël de-
stinato in eum finem consilio, aciem in latera diducen-
do, frontem ac corpus exercitûs, extenuauerat; sagittæ
vltra aciem impetu delatæ; ferè absque damno militum,
equorumque, ab alto in terram redierunt. Admotis
mox ripæ sclopetarijs, hostes ab aduersâ ripâ depellun-
tur: succedit Lituanus miles, atque prout tempus fere-
bat, coniectis in amnem virgultis, viam sibi aperit, at-
que impigrè in alteram partem enititur. Michaël ipse
cum fronte exercitûs, confertissimos hostium inuadit,
amisso vno ex vulnere equo, in altero prælium vrget.
Novogrodenſis nobilitas in latus, in quo Duces ho-
stium constitierant, magno impetu inuecta, primùm a-
ciem hostilem ingenti strage perturbauit. Scytharum
Duces suo more signis à prælio cursu reuocatis, laxatâ-
que acie ordines in gyros flectere, ac vno impetu in me-
diam Lituanorum aciem parabant redire. Sed interea
ab altero latere Grodenſis Minscensisque nobilitas in-
currens, gyrum confudit, ordinesque perrupit. In ipso
ardore pugnæ, trecenti Polonorum equitum hastati,
ductore Czarnkowski, quod graues armis, properan-
tem Glińscium æquare passu non potuissent, superue-
nere. Hinc noui exercitûs species obiecta Scythijs, qui
ex hastarum lacinijs, militarium signorum per errorem
numerum supputantes, metu aduentantium tantorum
subsidiorum, prælium campumque deserunt. Multi in
fugâ,

A. 1506. fugâ, plures Cephæ amnis limo implicati, pecudum instar sunt cæsi. Stagnum propinquum, quia ex influente cruore totum planè rubuerat, nunc etiam rosei stagni nomen retinet. Duces ipsi per paludosa in sylvas pedibus eluctati, ægrè ferrum victorum euaserunt. Vingtinti millia cephæ in campo numerata: equorum vintiginti tria millia capta: quadraginta mortalium millia ab hoste recuperata, ac omnis præda. Glinscius amissis in prælio tribus equis, in quarto incolumis ac Victor, pugna & itinere fessum militem, in hostilibus castris quiescere iubet: promptioribus insidijs obtinenda varia itinera commendat. Hæc Ducis industriâ quicumque à prælio absuerant, internecione sunt deleti. Qui enim prælij fortunam ignorantes, castra securè repetebant, in ipsum Glinscium inciderunt: qui de occupatis castris præmoniti, effugia per diuersas semitas quaesierunt, insidijs excepti sunt. Neque fortunatior fuit fuga eorum; qui maturè se è campo proripuerant. Nam Anastasia Slucensium Princeps, per omnes vias nobilitatem atque agrestes oportunis locis disponi curauerat: quorum ferro, magna Scytharum vis circa Kopylum & Piotrowicz interijt.

Rex accepto victoria nuncio moritur.

Tantæ victoriæ nuncius Vilnam delatus, Regem Alexandrum amisso penitus linguæ usu, animam ferè agentem deprehendit. Obortis proinde lacrymis, oculis manibusque in cælum erectis, gratam prius erga Superos mentem, tum conceptam ex Reipublicæ fortunâ voluptatem, professus est: mox hilari, exporrectaque fronte

fronte ad circumstantes conuersus, manum singulis, quia alloqui non poterat, velut è viuis abiturus, porrexit; atque ita simul beneuolentiæ erga suos officio, simul vitæ est defunctus. Obijt XIV. Kal. Sept. ætatis anno quadragelimo sexto, longè ante Christiano ritu ad extremam luctam legitimè comparatus. Princeps ingenio tardior, sermonis parcus, statarà mediâ, virium robore eximio, musicæ ac præsertim militari additus, Doctorum, fortiumque amans, ædificandi negligens, splendidi numerosique comitatus appetens, cæteris fratribus liberalitate profusior, maturè, vt vulgo dicebatur, mortuus, priusquàm vniuersa prodegisset. Infelicius eum imperasse; visum est plerisque, quod aliquot Lituaniæ Prouincias amisisset: at non eius infelicitate, sed vitio nobilitatis damnum id Reipublicæ contigit. Nobilitatem enim vt militare ipsam, ita conferre in tempore pecunias ad conscribendum stipendio militem planè pigebat. Quamquam Alexander numquam solitus fuerit id oneris imponere, nisi cum ineuitabilis necessitas inuitum cogeret. A morte eius, diu in consilio procerum est sententijs certatum, de funeris locò. Cracouiam volebant deportari cadauer Poloni, quod & defunctus id optasset, & maiorum exempla suaderent, qui sepeliendis Regibus Cracouiam destinârunt. Lituitani verò haud vâno metu urgebantur, ne Proceribus ad deducendum Regium finis in Poloniam profectis, Glinscius ex nupero successu audacior, auxilio Russorum, Principatum inuaderet. Consensere itaque Russi, cumque tandem

A. 1506. tandem Poloni, vt Vilnæ ad latus fratris sui, S. Casimiri, in templo D. Stanislai tumularetur.

Sigismundus Vilnâ properat. Duodecim dumtaxat leucis Vilnâ distabat Sigismundus Princeps, Alexandri germanus, Marchio Lusatiæ, Dux Glogouiæ, & Opauæ, Gubernator Silesiæ, cum nuncium de Regis morte accepit. Primus Principum occurrit venienti Glinfcus, vt promptitudine obsequij, tentati dominij suspicionem dilueret: verum ipse comitatus, priuati hominis fortunâ maior, septingentorum scilicet equitum, arguebat criminis, apud Sigismundum vix trecentis stipatum. Dissimulauit nihilominus rem prudens Princeps: atque concurrentium procerum affluxu auctus, Vilnam singulari pompâ est inuectus. Basilius Mosconiæ Dux Magnus, post acceptam notitiam de morte Alexandri properè legatos in Lituaniam misit, specie sororis suæ Helenæ visendæ, mœrorisq; ex mariti morte leniendi, reuerà vt viam occupandi imperij in Lituania perteteret. Dederat enim Principi legationis in mandatis secretioribus, vt publicè solandi officio functus, priuatim tû Helenam ipsam, tum Principes Senatûs, Alberrum Tabor, & Nicolaum Radiuilum, ceterosq; primores pollicitationibus, atque publicorum emolumentorum exaggeratâ ostentatione præsaret, ad Basilium Magnum Lituanæ Ducem renunciandum. Intempestiuæ huius ambitionis consilia celeritate Sigismundi, præcisa sunt. Vbi enim Legatus ab Helena intellexit, Sigismundum præsentem omnium suffragijs Alexandro fratri successorem destinari, nihil ampliùs mouit. LI.

LIBER VII.

DE REBUS LITVANORVM

Sub Sigismundo II. Principe.



Per solutis Vilnæ regiâ magnificentiâ Alexandro iustis, comitia indieta sunt ad sufficiens Magni Ducem. Non semel Litvani sponponderant, atque eam sponsionem, etiam Alexandro auctore, nouo fœdere instaurauerant, non facturos se deinceps, vt absentibus Polonis, legendo Magno Duci Ordinum comitia celebrent: sed præsens periculis extorqueri visum; ne protractâ Reipublicæ orbitate; ambitionum ciuium machinationes, vires sumerent. Incredibili itaque concordia omnium, Sigismundus Magnus Lituaniae Dux est renunciatus atque XIII. Kal. Nou. solemnibus caerimonijs, ab Alberto Tabor, Vilnensi Antistite, inauguratus. Publicas curas à sistendo bello Moscouitico orditur. Scribit Basilio Mosco, se fratri suo successorem datum, optare plurimum, & inducias ab eo nuper pactas in integro conseruare; & inchoatum pacis perpetuæ negotium fortunato exitu concludere, modo legatis suis de libero Moscouiæ aditu per literas caueret. Respondit Basilius se quoque pacis percupidum esse, atque literas, quas Sigismundus petierat, misit: eadem occasione Helenam

*Sigismundus M. L.
Dux pacē
cū Mosco
inire co-
nauit.*

Angos. sororem studiosè est hortatus, ne pateretur sibi persuaderi, ut eiuratis Russis ritibus, ad Romana sacra transeat. Interea Sigismundus Miednikos conuocauit Ordines, de Republica, ac pacis cum Mosco rationibus, acturos. Venerunt ad eum conuentum Polonorum legati ex Petricouiensibus comitijs missi, qui Sigismundum VI. Id. Decemb. omnium consensu Regem Polonia dictum nunciabant, inuitabantque Craconiam, sumendi publicè diadematis causâ. Priusquam ex Lituania abiret, veritus ne per suam absentiam aliquid damni Respublica à Mosco acciperet, Ioannem Nicolai Radiuilm, Petrum Alexandri Moniuidum, & Theodatum Sapieha Moscuam expediuit, ut pacem stabili-
Rex Polonia renūciatur.
 rent his dumtaxat legibus: si Basilius captiuos omnes, atque arces Lituaniæ detractas restitueret & de iniurijs, quas Dorohobertzense præsidium Smolenscensibus agris intulerat, satisfaceret. Arrogans nimium Basilij responsum fuit; nihil à se possideri, quod non legitimi patrimonij iure, superiorumque voluntate, à Parente Maioribusque suis sibi relictum haberet; imò non earum tantum Prouinciarum, quas imperio obtineret; sed vniuersæ omnino Russiæ, vnicum se Dominum ac hæredem esse. Contigerintne aliqua iniuriæ inducijs cum Alexandro pactis aduersæ, sibi omnino incognitum esse: cæterum cum Sigismundo, nulla intercessisse fœdera, de quorum violatione expostularent legati. Pacem nihilominus colere, omnino se velle; si Sigismundus, pro iniurijs quas Smolensciâ & Miscislaujiâ, Mosconiæ fines

finis accepissent, satis fieri iuberet; neque permetteret, Reginam Helenam ad mutandam religionem sollicitari.

Cum hæc per legatos, Moscuæ disceptantur; Sigismundus splendido procerum Lituaniæ comitatu cinctus, Cracouiam est ingressus, atque IX. Kal. Feb. ab Archiepiscopo Gnesnensi Roza, Rex Poloniæ inauguratus. Ne quid ad publicæ lætitiæ complementum deesset, Ladislaus Rex Hungariæ, Sigismundi senior frater, misso legato Osualdo Karlitz acta Polonorum comprobavit: & prætensionibus, quarum materiam partim ætatis præiudicium, partim aliquorum suffragia, copiosam suppeditabant, Sigismundo cessit.

A. 1507.
Sigismundus
Cracouia
consecro-
natur.

In Lituania tandem dissidia Procerum adoleuerunt, atque ingenti publicæ rei damno, in apertum erumpere coeperunt. Mortuo Alberto Tabor Antistite viro forti, ac imperterrito, patriæque studiosissimo, tamquam præcipuo obstaculo remoto, Michaël Glinfcus accinxit se, ad destinata pridem consilia, vrgentiùs promouenda. Erat homo à natura ad agendas res formatus, sagacitate simul & audaciâ incredibili. Magnum militiâ nomen apud exteros collegerat, duodecim annorum stipendijs in Frisia sub Alberro Saxone, & in Italia sub Maximiliano Cæsare: Domi quoque summis Alexandri Regis fauoribus, ac inprimis prodiga patrimonij ampli profusione, plurimas clientelas comparauerat. Denique nuperâ victoriâ immodicè elatus, quam spem occupandi Principatûs longè ante conceperat foueratque,

Glinfcus
prodigio-
nis argui-
tur.

A. 1567. ueratque, procul dubio à morte Alexandri inuolâset, nisi spe maturior Sigismundi Vilnam aduentus, interuenisset. Proditionis tentatæ arguebatur, non obscuris sermonibus, Ioannis Zabrzezinski: quem priuatæ iniuriæ sub Alexandro acceptæ memoria, ad publicam rem excitatiùs pertractandam, exacuebat. Neque eares aut latebat, aut extra suspicionem erat, apud Sigismundum: dissimulabatur tamen; ne præcipiti consilio malum irritaretur, quod persanari vix poterat. Tandem à Ioanne Sapieha deprehensis proditionis indicijs, haud vulgaribus, atque Regi manifestatis, offensa Sigismundi in Glinscium, quantumuis tegetur, erumpere in publicum coepit. Hinc tanta circa Glinscium subsecuta est clientum ac familiarium solitudo, vt nullis eos largitionibus ad se pellicere potuerit. Metuebat quisque in gratiam Glinscij, Regis odium incurrere. Glinscius minime dubius, æmulorum delatione se apud Regem laborare coepisse; ignarus autem, an ab ijs aliquid certi haberetur, vnde criminis obiecti reus teneri posset; Zabrzezinio diem de illata calumnia, ad regium tribunal dicit. Rex in causâ, in qua vt facillè erat veritatem deprehendere, ita plenum ingenti periculo sententiam exequi: iudicium, quod deuitabat, de die in diem, vario prætextu procrastinabat. Sperabat enim fore, tum, vt confidentibus primis perturbationibus, ipsum tempus faciliores redderet ad concordiam æmulos: tum, vt Glinscij machinatio interea aut euanesceret, aut in publicum protraheretur. Glinscius hætenus vniuersæ au-

*Æmulis
diē dicit.*

læ plausui innutritus, ubi se plerisque inuisum esse sensit, non suffecit animo, ad ferendum tam insolens tormentum. Periclitanti fortunæ primam opem apud Ladislaum Regem, in Hungariâ quæsiuit: at neque ibi omnia ad votum expertus est. Impetrauit tamen, ut Ladislaus apud Sigismundum per literas ageret, ne diuturna sententiæ dilatio, aut nomini, aut fortunis Glinscij, nocumento esset. Internuncium Ladislai secutus ipse Glinscius, Regi supplicat, ut causam publicè cognoscat, regiæque sententia pro alterutro quamprimum decernat. Rex longè quàm ante, aduersæ parti fauentior, obfirmato animo in procrastinatione perstabat. Eâ re accensus Glinscius, irâque in Regem simul, ac æmulos, vix sui compos, plenam desperationis vocem effudit: tentandum itaque sibi esse aliquid, quod & sibi, & Regi, diu dolori esset futurum. Rex animo præcipientis, quò res inclinarent; cauere in primis studuit, ne fortè suis turbis Glinscius Moscum immisceret. instauratâ igitur, per eos qui nuper eâ prouinciâ functi erant, legatione, Basilium ad pacem inuitat. Eandem suadet, tum fratri ipsi Helena Regina, per Andream Dzersko; tum proceribus Moscis, Senatus Lituaniæ, per Ioannem Skindet. At Basilio, certo nihil de occupatis cedere, nulla pax probabatur cum ijs, qui ablata restitui poscebant: neque permisit, ut de Gregorio Ostikone, ceterisque captiuis liberandis, prius ageretur, quàm pace constituta. Legatis re infecta digressis, Glinscius tyrannum pridem reliquæ Russiæ, atque aded toti Lituaniæ inhiantem,

*Proditio-
nem ma-
turat.*

Si

inhiantem,

41507. inhiantem, nullo negotio in suas partes pertraxit. Significauerat per hominem fidum, se non solum cum auitis possessionibus, sed etiam cum arcibus regijs, sibi commissis, Moscouiæ accessurum, modò Basiliius iure iurando ac literis sponderet, eius se causam non deserturum. Promisit omnia prolixè Basiliius; versatili hominis ingenio, miraquæ dexteritate, per otium vsurus, ad Russiam prodicionibus occupandam. Ne res, verbis atque oblatae occasionis initijs deesset, properè cogit exercitum, transgressusque fines, per triginta leucas in penitiora Lituaniæ grassatur. Sigismundus, quem militem in futuros euentus parauerat, contra Basilium duxit: at is Parentis Ioannis, ac fratris Demetrii, exemplis insistens, eam belli gerendi sibi rationem delegerat, vt aperto prælio numquàm aleam crederet; sed per absentiam Lituani exercitus, quàm Russorum prodicione, quàm inopinatâ vi, dominium proferret. Itaque ad famam aduentantis Sigismundi, maturè se in tutum recepit. Miles Sigismundi festinatione nimia, atque insolito per eos dies æstu, in via confectus, cum neque hostis, rei in campo gerendæ occasionem; neque summa annonæ in euastatis agris difficultas, subsistendi rationem, permitteret: in Lituaniam deductus est. Hoc unico eius expeditionis fructu, quòd hostis famâ perculsus excesserit, & Gizikouia arx sit recepta. Dimissis deinde ad hyberna copijs, Rex Vilnam prius, postea Cracouiam abiit. Per idem tempus Constantinus Dux Ostrogus, ante octennium in prælio ad Wiedrusam captus, clàm

*Mosci Lituaniam
inuadunt
& fugiunt.*

clām ex Moscouia elapsus in patriam redijt, magno bonorum omnium gaudio. Incredibilibus tormentis adactus, obsequium suum Mosco addixerat: bello contra Scythas Præfectus, multis prælijs feliciter eos profli-
 gauerat. Quamquam verò ex eâ causâ, amplissimas in Moscouia possessiones accepisset, patriæ desiderium numquam exuit: postquam satis fidei apud hostem collegit, vt velut oblito patriæ, omnes fiderent, specie militis legendi, ad confinia profectus, in Lituaniā enasit. A superis ipsis planè redditus bono publico vir, qui Glinscio apertum in patriam bellum molienti obuiam iret Glinscius enim, Rege in Poloniam digresso, magno silentio Lyskouia septingentis equitibus collectis, Nemenum traiecit, ad Ioannem Zabrzezinski Marechalcum Lituaniæ opprimendum. Tacito agmine Grodnensi viâ profectus, haud procul Grodnâ in familiarem Ioannis fœminam incidit; ex qua, quo loco & quàm securè ille ageret, tormentis elicit. Eadem nocte suburbanam villam, armatis cingit, effractis foribus satellites in cubiculum immittit, detractum è lecto, per Turcam percussorem, obtruncat. Amputatum caput, hastiliq̃ue infixum, ad quatuor leucas præferri sibi iubet: ac demùm in obuio stagno mergi. Furore sensim residente, cùm facinus mente recognoscit, aduertit facile, eousq̃ue se progressum, vbi nulla spes reconciliandi Regis, ob aduersæ partis potentiam, affulgeret. Turbas igitur turbis augere, Regemq̃ue ipsum, ac patriam vniuersam, inapijs armis persequi decernit. Atque

*Dux O-
strogius ex
Moscoui-
sica capti-
uitate
profugit.*

*Glinscius
Zabrze-
zinski
trucidat.*

*Si enim
per Turcam
percussorem
obtruncat
caput
hastiliq̃ue
infixum
ad quatuor
leucas
præferri
sibi iubet
ac demùm
in obuio
stagno
mergi.*

A. 1507. velut immanis bestia à fuso cruore efferascit: ita ille à perpetrata cæde, omnis humani diuinique iuris oblitus, aucto Satellitum numero, cum duobus millibus prædatorum, per vniuersum Nouogrodensem Palatinatum, in fortunas ac vitam eorum nobilium, quos suis rebus contrarios existimabat, incredibili sæuitiâ debachatur.

A. 1508. Cracouiæ tum Rex agebat partim instaurandæ arcis intentus, partim redimendis redditibus regijs, quos superiorum Regum profusio immodica, cum alieno æro superuacanea impendia curarentur, priuatis personis addixerat. Multa aureorum nummum millia ex Lituaniz ærario in eam rem numerata, esse memoratur: quâ pecuniâ Scepusium à Iordano de Zakliczyn, Salisfodiinæ à Paulo Nigro, Proszeuicæ à Georgio Lang, Nissa à Stanislao Koscielecki, Siradia, Gostininum, Radomia ab alijs, sunt vindicatæ. Glinfcianam perduellionem non adeo curabat ab initio, spe pacis cum Mosco stabilindæ, quæ pro vnico propè remedio, rebus Lituaniz deploratis, habebatur. Regij apud Basilium Legati, Stanislaus Hlebowicz & Ioannes Sapielha, gnauiter laborabant, etsi grauioribus conditionibus, maturare fœdera. Quidquid, ante illatum Alexandro bellum, Lituaniz decesserat, Moscis relinquebatur: sola Lubecia, Czernihouia, Dorohobusium, Toropecia, reperebatur. At ne id quidem concedente Basilio, ægrè in has leges conuenerunt partes. Captiui, vtrimque, ex fide restituerentur: quidquid vetustis Smolensciæ finibus continebatur

*Pacem in
mosco sta-
bilisam,
Glinfcia-
na prodi-
tior turbat.*

batur, Moscus Lituanio redderet : pax deinceps inter
Lituaniam & Moscouiam perpetua esset. Constitutis, A. 1503.
quæ pacis causam concernebant, legati redibant do-
mum, cum Smolensci à Rege literas accipiunt. Mi-
chaëlem Glinscium inchoatâ apertâ perduellione, ita
omnino apud se statuiffe: vt si fortè pax inter Sigismun-
dum & Basilium coalesceret, ipse cum suis Mosco non
accederet, sed inter confinia, ex vtriusque pòpuli dam-
nis, latrocinio vires & fortunam promoueret. Consta-
re ista indicio non dubio aliquorum captiuorum, qui
non perduellionis modò socij, sed & consiliorum con-
sij, fuissent. Allaborandum itaque esse legatis apud
Basilium, ne contrainita fœdera moueri aliquid suspi-
cetur, si militem Regium, in propinquo hærere nun-
ciaretur: opus illo esse, ad arcendas Glinscij incursio-
nes, qui si in Moscouiam pacatè transire voluerit, Re-
gias copias nihil omnino negotij facturæ. Cùm hæc
Basilius à legatis accepisset, Regi Sigismundo scripsit:
non fore isthic opus vllò exercitu; scire se Glinscium
cum fratribus suis transitum in Moscouiam adornare;
sed nihil ab eo hostile timeri debere. Addidit, & ad
Glinscium epistolam, quem Mozyri agere audierat,
quâ monuit vt in Moscouiam festinaret.

At Glinscius alia longè consilia animo versare: ami-
citâ Mosci in suam rem vti. Russorum Procerum plu-
rimos in suas partes pertrahit, spe Russi imperij instau-
randi, atque Principatûs ex Lituania, Kiuouiam trans-
ferendi. Frater imprimis Michaëlis, Basilus, germani
factionem

*Glinscius
bellum
Lituanie
inferri.*

A. 1508. factionem apertè fuit, atque castella, quorum à Rege præfecturas obtinebat, Michaëli dedit. Mox iunctis viribus, vterque Minscum obsidione cingit: verùm præsidij ac nobilitatis virtus, vim atque artes omnes, facile reiecit. Veriti itaque Glinfcij, ne infelici successu oppugnationis, mora que ipsâ, suorum animi, uti in mala causa euenire solet, deferuescentes, proditoris inchoatæ sensu ac horrore percelli inciperent, Minsco copias Kleckum mouerunt: partiti isthinc militem, Michaël Sluckum, Basilius Kiiouiam petijt. Et quidem Basilius, quamquam Zytomiro & Ourucio arcibus frustra tentatis, nullo momenti alicuius loco potitus esset; non leuiter Michaëlis partes firmavit, nobilitatis accessione. Plurimi Russorum ad spem Kiiouienfis Monarchiæ per totam Russiam instaurandæ erecti, suâ sponte nomina Glinfcianæ factioni adscripserunt; castraque, viris ac armis, non modicè auxerunt. Michaël verò nullo omnino successu egit ad Sluckum, contra Anastasiam viduam, filiumque eius Georgium impuberem. Sperabat ille rem haud difficilem fore, ut fœmina armorum terrore perculsa, pertraheretur, non solùm ad arcem dedendam, sed etiam ad coniugium acceptandum: hinc deinde, militem, pecuniam, atque ante omnia prætextum, quo Kiiouia dominium inuaderet, sibi pollicebatur. Quod enim Georgius puer, à Volodimiro Kiiouia Duce Iagelonis fratre, genus duceret, optimo se iure Michaël vindicaturum Kiiouiam videre volebat, si acceptâ coniuge Anastasia, tutorio iure, pupilli

pilli causam, in speciem tueretur. At firmior Anastasia A. 1508.
 constantia fuit: quàm vt promissis aut minis de propo-
 sito dimoueretur: quin imò conatum Michaëlem, arcu
 ignem subijcere, magnà eius strage repulit. Irà atque
 ignominia plenus Michaël, barbarà crudelitate in Slu-
 censem, ac Kopylensem oram, latissimè debachatus
 est. Vastatis ijs agris, castra Turouiam mouit: expu-
 gnatà arce, vicinam nobilitatem, & resistendo inuali-
 dam, & Russorum partibus obnoxiam, facilè ad iuran-
 dum in sua verba perpulit. Mox Mozyro admotis fig-
 nis, partim vi, partim prodicione captam ciuitatem,
 suo praesidio firmavit. Accessere interea Moscorum au-
 xilia ductore Eustachio Daskowicz, cum quibus, Du-
 ces Druccios, & Miscislauensem Michaëlem Linguie-
 nium, sibi subiecit: Homelum, Kryczouiam, Or-
 sam, ac propinqua loca cepit, Moscouiticoque milite
 muniuit. Magnà Albæ Russiæ, Seueriæ, ac Polesiæ par-
 te occupatà, Sluckum rursus duxit; ratus Anastasiam,
 terroris diuturnitate, famâque successuum Glinsciano-
 rum, expugnatam, animo concidisse. At è propinquo
 contraria spei expertus, Vastatoribus Vilnam vsque
 missis, ipse Nouogrodecum castra mouit. Vltiores
 progressus stitit, nuncius aduentantis cum Rege exer-
 citus. Premisso an Moscouiam Basilio fratre, cum clien-
 tibus, eorumque coniugibus ac liberis, omniq; pre-
 tiosa suppellectili, ipse quoque in arcium muniendarum
 curâ aliquantùm moratus, citò suos subsecutus est. At-
 que hæc ferè, decurrente hyeme magnâ celeritate con-
 fecit.

*In Mosco-
 niâ tran-
 sit.*

A. 1508. fecit. In Moscouia incredibili lætitiæ significatione, ab infimis æquè, ac summis, ipsoque Moscorum Magno Duce acceptus, in publico gentis consilio persuasit, ut maturo Vere, omnes vires ad Smolensci expugnationem conuerterentur: quòd eo loco capto, reliqua per Lituaniam aut nullo, aut perexiguo negotio, subigi possent. Neque vana erat, aut Glinscij promissio, aut spes Moscorum: plurima siquidem eius oræ nobilitas; non dissimulanter præseferbat, in Glinscianas partes se inclinari. Verùm hæc consilia, maturatis à Rege in Lituaniam auxilijs, auersa sunt. Primo vere Nicolaus Firley cum Polono exercitu Lituaniam attigit: secutus eum Rex Brestiam, ad initium Maij peruenit: isthinc contrahendo militi Lituano, nobilitatiq; sub signa cogendæ, aliquid moræ datum. Magno interea conatu Glinscius, suis ac Moscorum copijs Minscum oppugnabat: irritus tamen erat omnis impetus, nobilitate pro liberis ac coniugibus, cum quibus se intra moenia receperat, rem strenuè gerente. Eo nuncio accepto Rex millia quinque stipendiariorum, cum procerum manipulis, ac prætorijs cohortibus, Minscum præmisit: mox ipse ordinarijs è nobilitate copijs, Scytharumque domesticorum signis contractis, præmissum exercitum impigrè magnis itineribus sequitur. Glinscius relictâ Minsci oppugnatione, siue ex conscientia stimulis, Regiæque reuerentiâ fortunæ, timidior; siue impari numero successum tentare non ausus, primum Borylouiam, mox Orszam versùs suos se recepit. Neque seg-

*Rex Sigismundus
contra
Glinscium
& Moscos
mouet.*

nius Rex instabat abeunti. Non procul à Borysthene
 cedendi Glinscio, sexaginta Moscorum millia occurre-
 runt: tantis viribus animosior Glinscius, aperto cam-
 po de summa rei decernere volebat: at Mosci, quòd
 fugientem eum obuium habuissent, mala omnia sibi
 ominantes, pertinaciter pugnam detrectabant. Vicit
 tandem in militari consilio Moscorum sententia: vitan-
 dam esse omnino praelij aleam, cedendum seruatis or-
 dinibus, maturè transportandas per Borysthenem co-
 pias, fluij ripas validis præsidijs obtinendas, ne quà
 regijs transitus pateret. Superato itaque Borysthene, vix
 ad vnam leucam progressi, castris locum sub sylua com-
 muniunt; parte copiarum non contemnendâ relictâ,
 ad arcendos transitu fluij regios. Secutus hostem
 Rex, castra aperto campo ad fluuium metatur: vadum
 diuersis locis tentari silentio iubet, atque equestrium
 copiarum partem traduci. Ignaro quid ageretur hoste,
 aliquot millium eques, feliciter fluuium transgres-
 sus, sub meridiem, cum more gentis Mosci liberius cu-
 randis corporibus indulgent, inopinato impetu ipsa ca-
 stra inuadit: atque editâ aliquâ cæde, priusquàm subitâ
 percussu re hostes, animos colligerent; cursu ad flu-
 uium fertur, præsidium ripæ impositum à tergo adori-
 tur, profligat, viamque suis aperit. Expectabat Rex e-
 uentum in armis: conspectisque suorum in aduerso lit-
 tore signis, incredibili audaciâ fluuium eques ingres-
 sus, quâ vado, quâ nando prior ipse per aquas elucta-
 tus, vniuersas equestres copias, nullo damno traduxit.

*Sigismun-
 dus Rex
 Moscos
 profligat.*

Tt

Peditatui,

4.1508. Peditatui ratibus transportando vix dies suffecit, sole in occasum valdè inclinato. Ne eodem impetu in castra hostium miles duceretur, nox imminens obstitit. Nam præterquam, quòd castra aggere fossisque cincta, ac tanto bellatorum numero valida, oppugnantibus etiam clarâ die non parùm negotij factura videbantur; insuper timebantur nocturnæ tenebræ, quarum beneficio, hostis fraudibus assuetus, ad insidias potuisset uti. Glinscius iam semel desperata consilia amplexus, quia optabat vehementer, vno iactu de summa rei, quocumque successu cum fortuna transigere, noctem insomnem egit: Moscorum tribunos ac Duces prensando, animando, victoriam veluti gnarus virium militis regij, & certam & facilem, pollicendo. Negabant Mosci permissam sibi à Magno Duce decernendi aperto prælio potestatem: sub mediam noctem sine Duce atque imperio, mero tumultu desertis castris atque impedimentis in fugam per silvas & paludes effunduntur. Glinscius ab eo euentu, non apud suos tantùm, sed etiam apud se minor, quibus fidebat copias, seruatis ordinibus Starodubum recepit. Postquam dies hostilem fugam aperuit, castra quidem à milite sunt direpta; procerum autem suasu, ab insequendo hoste Rex abstinuit. Quamquam enim tumultuaria eius fuga, non difficilem victoriam sponderet, æstimantibus tamen itinera prorsus ignota ac impedita, insidijs inter sylvas ac paludes apta, plus periculi, quàm spei, visum: si fessus tantis viarum interuallis miles, hostem sequeretur. Orszam itaque signa
mora

mota sunt: recuperatâ haud multo labore arce, Smo-
 lenscum vniuersæ copiarum progressæ sunt. Destinatum à
 militari consilio fuerat, ut Rege cum grauioribus copijs
 circa Smolenscum subsistente, Firleius cum Polonis,
 Ostrogus cum Lituanijs, in Moscouiam penetrarent,
 obuia vastarent, palantes ex nupera fuga interciperent.
 Verum Magnatum dissidijs, ac præsertim quod aliqui
 eam prouinciam Ostrogio inuiderent, id consilium pri-
 mum prorogari coëptum, tandem euentu caruit. Hostis
 interea per otium, non modò incolumis ex fuga eua-
 sit, sed etiam exulto Dorohobusio, succisilque per siluas
 arboribus viam regijs planè præclusit. Nihilominus O-
 strogus cum paucis è leuiore equitatu per inuia pene-
 trauit, atque latissimè prædas egit. Stanislaus quoque
 Kiszka, agrè perpurgatâ viâ, magnâ celeritate Viaz-
 mensem Prouinciam, vicinosque ei agros, peruagatus,
 omnia cædibus ac flammis inuoluit. Elicuit tanta stra-
 ges hostilem è latebris exercitum. Kiszka de eo certior
 factus, à Rege auxilia postulat. Datum fuerat negotium
 Firleio, ut cum stipendiarijs Polonis, magnis itineribus
 laborati Kiszka se iungat: nihil omnino fuit ab eo ne-
 glectum, sed viarum difficultas inuitum est morata, ne
 tempori adesset. Kiszka quamquam non ignoraret pro-
 perare Polonos; verebatur tamen, ne antequam illi
 peruenirent ad castra, hostis totis viribus in se vnum in-
 cumberet: quare constituit prius legiones aggredi, quæ
 corpori exercitus præmissæ non procul constiterant.
 Fauerunt Superi consilio: semel iterumque funduntur
 Mosci;

Moscouia
 vastata
 ducloribus
 Ostrogio,
 & Kiszka.

A. 1508. Mosci; delati fuga ad suos, siue ut eius fœditatem excusarent, siue quòd metu perculsis ita visum esset; castra vniuersa rumore implent: Regem, cum omni Lituania robore, in proximo esse. Vulgato inter plebem terrore, gregarij primùm, mox ductores ordinum, plebis impetù in fugam pertrahuntur; castra, impedimenta que deferunt; Moscuam vsque fugiunt. Kiszka plenus rei gestæ gloriâ, ac diuite prædâ, hoste partim cæso, partim fugato; ne quod ad Wiedrusam Ostrogio acciderat; paucitatem suorum, in aperta progressus, hosti fugienti detegeret; incolumes ad Regem reduxit. *Basilii Moscorum Dux pacē petiit.* Basilii Moscorum Dux, adeo infortunato successu, atque imprimis Viazmensium, Mozaysensium, Bielen-sium, Rezanensium, Rezouiensium agrorum latissimâ populatione perculsus, tandem veteres spiritus remisit. Celeri internuncio Regi proponit, quantum optaret, cum eo pacem, atque eius causâ destinasse iam Legatos maiores, modò Rex intereâ sanguinis Christiani effusionem inhiberet. Relatis in Senatu Mosci postulat, facile procures non abhorrentem à pace Regis animum, suis sententijs inflexerunt, ut assentiretur. Neque deerant momenta, quæ ad id consilium non modicè inclinabant. Vrgentia Poloniae negotia, quæ Regem ex Lituania euocabant: propinqua hyems bello gerendo, (in eâ præsertim regione, perquam rigidâ) inepta, militem ad hyberna cogebat: hostis deserto prorsus campo intra mœnia delitescens, nihil spei ad rem gerendam ostendebat: plerique existimabant; si in castris

stris hyemandum esset non bellum fore sed venationis A. 1508.
cuiusdam speciem, quâ magnis impensis, maioribus
periculis, nullo aut exiguo commodo, conficiendus es-
set exercitus, vestigando per inuia hostem. Itaque Ioan- *Pax cum*
ni Sapieha, Vitepsciæ pro Rege gubernatori commisi- *Moscis.*
sum est, vt cum legatis Basilij Ducis, de pacis legibus
statueret. Conuenerunt in eiusmodi conditiones. Ca-
ptiui vtrunque, nullo dempto, ac præsertim ad Wie-
drusam accepti, liberi dimitterentur: arcium restituen-
darum ratio ea seruaretur, quæ proximo fœdere scripta
fuerat: quidquid Michaël Glinski, siue patrimonij iure,
siue Magnorum Lituaniz Ducum beneficio, siue vi oc-
cupatum, per ditiones regias suis præsidij obtineret,
absque mora Regi redderetur: ipse Glinski in Mosco-
uia, spe omni reditûs præcisâ, exularet: cognati eius at-
que clientes, perduellionis rei, qui in Moscouiam tran-
sierant, ibidem manerent; qui in Lituania superessent,
si vellent, excederent. Promulgatâ pace eiusque legi-
bus, multi magno cum dolore extremam earum ac-
ceperunt. Speraauerant enim ex noui fœderis formula,
reditum à Moscouitica seruitute, ad patriam liberta-
tem. Sed Sapieha, collato cum Rege consilio, lubens
in eam consensit legem, non tam vt Moscorum postu-
latis satisfaceret, quàm vt Lituaniam exoneraret per-
duellibus: qui, eo malo semel vitati, non difficulter
Glinsci artibus, ad resumendam prodicionem conci-
tari poterant, si intra viscera mansissent, Cuius enim a-
nimus virus id peruâsit, nunquam ferè ita persanatur,

A. 1508. vt occasione occurrente morbus non recrudescat. Ita apud eiusmodi homines obsequij constantia; sicut in cicure fera, mansuetudo: neque diuturna, neque certa. Aliqui tamen, clàm ad castra Lituanorum transfugerunt: atque in ijs veteranus Koza-korum ductor, Scythicis victorijs percelebris Eustachius Daskowicz. Rex confecto bello Moscouitico, parte Stipendiariorum exauctoratâ, cum reliquis copijs, Constantinum Ostrogium in Volyniam expedit. Scythæ enim Tauricani, milite ac militiæ Magistris, Moscouitico bello distractis, exercitu suo trifariam diuiso, miserè vltiorem Volyniam populabantur. Fusi sunt ab Ostrogio felicissimè vastatores, atque Vniuersâ prorsus Volynia, exacti, pars eorum in Polesiam penetrauerat, magno Slucensium agrorum & terrore, & vastitate: obuius fortuito casu his vastatoribus Lucas Morawiec, cum ducentis peditibus ad Sluczam am-nem factus, cum fugam desperat, à necessitate animum sumit, atque firmatis ad ripam castris hostem inuadit, profligatque: auxit victoriam ac stragem, submissus ab Anastasia Principe eques, qui in fugientibus continuauit cædem. Regem vix ex Moscouia regressum, Valachici belli cura excepit. Absente eo Bogdanus Russiam non leuiter vexauerat; Leopoli atque Haliciâ irritò conatu oppugnatis, ignobilioribus aliquot oppidis ac pluribus templis, exultis, prædam omnem impunè eduxerat. Rex bello iniuriam persequi constituerat: sed Ladislai Hungariæ Regis auctoritate, cum Bogdanus ablata

*Scythæ in
Volynia
profligan-
tur.*

*Valachici
belli sup-
primitur.*

ablata restitutum se ex fide sponderet, belli eius tempestas discussa est.

Vilnam deinde Ordinibus Lituaniæ comitia indicta sunt. Adfuerunt à Moscis legati circa medium Ianuarii, pacis firmandæ causa: conclusis fœderibus captiui omnes liberi dimissi. A Moscorum abitu, in Glinscianam factionem iudicium institui cœpit: plerique illius rei, ex publico Ordinum consilio, equitum fidei sunt commissi; præcipui cum supræmis ærarij ac Stabuli præfectis, in carceres Trocenses coniecti. Michaël Gastoldus Stabuli M. D. L. Magister, magnarum per Lituaniam & Russiam opum, habebat in coniugio Glinscij filiam: tam arctæ affinitatis præiudicio creditum est, haud immunem eum, cum germano suo Quæstore Supremo, ab ea lue mansisse, quæ etiam extraneos inuoluisset. Nihilominus non multò post probatâ innocentia, vterque frater, Regiâ sententiâ absolutus est. Bona Glinscij, Regio fisco addicta: quæ deinde Rex, eorumdem comitiorum auctoritate, varijs attribuit, atque imprimis Raigrodum, & Goniudziū Nicolao Radiuilo Lituaniæ Mareschalco. Pax Moscouitica, quam infida futura esset, argumento fuerunt legationes mutua, quibus nihil sincerè à Moscis agebatur. Commisum fuerat à Rege legatis, Nicolao Radiuilo, Alberto Kloczko, Mareschalcis, & Bohusio Bohouitino Notario Lituaniæ, vt repeterent, apud Basilium captiuos Lituanos, quorum nomina Stanislaus Dowgird, d'ligentia incredibili per vniuersam Moscouiam conquiescerat;

A. 1509.
Iudicium
Glinscianæ factionis.

Moscouitica legationes pacem dubiam reddunt.

A. 1509. fierat; tum postularent, ne qua nouis turbis occasio da-
 retur, si agrestium iniuriæ (sine quibus confinia incole-
 re, vix humanæ conditionis esset) negligerentur, impu-
 nitæ. Vrgentibus ista legatis, regis ipsius exemplo, qui
 & neminem captiuorum detinuerat & vitaret studiosè
 cuncta, quæ constitutis fœderibus fraudi esse possent:
 Basilius longè alia respondit. Nimirum Michaëlem
 Glinſcium, fratremque illius atque affines, proderè se non
 posse: quòd ante fœdera, spontè in Moscouiam, transi-
 uissent. Affirmantibus disertè legatis, neque se, neque
 Regem suum, id vllò modo vrgere; subiicit. A se quo-
 que mandatum esse, vt omnes Lituani captiui abire
 permittantur: solum Nicolaum Hlebowicz retine-
 ri, quòd constaret aliquos Moscorum ex Lituania
 non dimitti. Diu per varios nuncios ea de re certa-
 tum est: cùm Rex Nicolaum Hlebowicz, Theoda-
 tum Glinſki, Andream Kromski repetit, Basilius ve-
 rò fœminas transfugarum, nempe Druciorum matrem,
 & Oziereccij Ducis, ac Iacobi Iuaszcencowicz, coniu-
 ges. Rex de Nicolai, sociorumque eius fortunæ, liber-
 tate sollicitus, verebatur; ne impetuosiùs pro illis agen-
 do, publicam rem pace ruptâ pessundaret. Quare mis-
 sis Moscuam Alberto Narbut Preualſcensi Præfecto, &
 Gregorio Hromyk limitum per Vilnensem Palatina-
 tum, Supremo Cognitore, prolixè Basilio suum expli-
 cuit studium, in ijs, quæ initi fœderis integritas exige-
 bat. Matronas, quarum Basilius mentionem fecerat, ne-
 que prohiberi à se ne tranſeant, si transire ipsæ velint, in
 Mosco-

Moscouiam; neque inuitas posse cogi, vt transeant: 4.1509.
 quod, vt primum, foederibus non pridem ictis debe-
 ret; ita alterum, gentis, in quâ imperaret, libertati. Per-
 fecturum nihilominus vt Polociam deportata, liberè
 agant, cum internuncijs Moscorum; & si eos sequi in a-
 nimum induxerint, pacatè in Moscouiam relegentur.
 Quare, cum ab sua parte nihil aut morarum, aut impe-
 dimentum hactenus iniectum sit, quin foederis legibus ex
 fide satisfieret; necessarium omnino esse, vt Basilii quo-
 que captiuorum reliquos, liberè in patriam redire per-
 mitteret. Nihil tamen ea legatione obtineri potuit: quin
 immò in annalibus Lituanarum rerum reperio, eo anno
 Pleseouiam Lituanæ ditioni detractam, atque Mosco-
 uia, à Basilio adiectam eiusmodi fraude: in Liuaniam
 cum exercitu tendens, non procul ciuitate, Principis
 foederati specie, castra metatus est. Gubernatorem
 Prouinciæ, cum civili magistratu, amice ad se inuita-
 tos, tam diu omnibus hospitalitatis officijs in castris
 detinuit, donec Russi sacrificuli, *Popos* vulgus vocat,
 prout cum Basilio conuenerant, negotium ex voto con-
 ficerent. Illi per absentiam magistratuum liberius cum
 plebe agere; Lituanæ Principis dominium, & religionis
 diuersitate ingratum, & ob distantiam locorum, ciui-
 tatis commodis perniciosum, criminari; Magnum Mo-
 scouia Ducem, eiusque imperium extollere: neque
 prius à seditione ciendâ abstinuerunt, quàm inconside-
 ratam plebeculam, maxime communis cum Mosco-
 religionis prætextu, ad apertam rebellionem concitâ-
 sent.

*Pleseouia
Moscouia
occupat.*

4.1509. sent. Tumultu plebis admissus intra mœnia Basilii, vniuersam Prouinciam suo milite occupauit: quam, si fraude viam non reperisset, non faciliè armis domuisset. Inde digressus quatuordecim regiones, quinque equestres pagos, à Polocensi Palatinatu auulsit: Ozieryscense latifundium vniuersum, Vielizensium, & Vsuatensium agrorum portionem mediam inuasit. Questus est de iniuria regio nomine Stanislaus Dougird: sed nihil amplius responsi tulit, nisi propediem aduenturos Magni Ducis legatos, qui Regi satisfacerent.

4.1510.
*Legationibus re-
pus teri-
tur.*

Sequente nonnisi anno Vilnam adfuerunt legati, quorum Principi, Tretiaco nomen erat: non tam stabiliendæ in publicum pacis causâ; quàm ad ferendas occultè bello occasiones. Legationis enim publica mandata nihil continebant aliud, præter querelas de non remissis, quas iam memorauimus sceminis; & aliquibus mercatoribus interceptis. Priuatim verò studiosè inquirebatur, num aliquid iniuriæ aut molestiæ Helena, à Rege aut proceribus pateretur? tum de rationibus secretis consilia inibantur, quibus mutux inter Helenam ac Basilium epistolæ, clàm Lituaniis, commeari possent. Quid cum Regina sit perfectum non constat. A Rege per Lituaniæ Cancellarium Ioannem Sapieha responsum reperio. Non Regi ipsi modò, sed vniuersis planum esse, præsentis, ac superiorum legationum argumento, friuolas tergiuersationes à Basilio quæri, ne constitutâ iam pace, populi securè frui possint: ipsum itaque illum, causam vnicam esse eorum, quæ inter populos,

pulos, necdum perfecto foedere coniunctos, etiam in-
 uitis Principibus, hostiliter attentari in confinijs con-
 tingeret. Ne quis, Regiam curam perficiendo negotio
 defuisse, crimineretur; legatos ad maturandum quam-
 primum opus, Moscuae primo tempore affuturos. Fun-
 cti sunt ea legatione Stanislaus Hlebowicz Polocensis
 Palatinus, Albertus Kloczko Mareschalcus, Gregorius
 Hromyk Notarius Lituaniae. De iniurijs conuentum
 est, ut litibus finiendis iudices utrinque designarentur,
 Hlebouicius legatis restitutus, multisque honoris ar-
 gumentis cultus. Theodatus Gliniski cum Andrea
 Kromski detenti, quod eos sua sponte Moscouiam ele-
 gisse, testibus comprobaretur. De affinibus, cognatis-
 que, transfugarum foeminis, post diuturnam ac perti-
 nacem dimicationem nihil obtinuerunt Mosci, negan-
 tibus constantissime Legatis posse in Moscouiam inui-
 tas mitti. Denique cum id ipsum negotium acriter a Ba-
 filio noua legatione vrgeretur, respondit Rex. Mitteret
 Basilii duos, quibus maxime fideret. Experirentur il-
 li voluntatem matronarum, & consentientes in abi-
 tum, secum abducerent. At ut abire nolentibus vis infe-
 ratur, id nullo modo concedi posse.

Constitutis in Lituania Moscouiticis rebus, Sigis-
 mundus in Poloniam properauit: ubi variorum Euro-
 paorum Principum Legatis Senatum dedit. Iulius im-
 primis Summius Pontifex postulabat, ut permitteret
 Rex, per suas ditiones vulgari, quosdam caelestes fauo-
 res, *Indulgentias* vocamus, eorum profuturos animis,

*Rex in Po-
lonia le-
gatis exte-
riorum Prin-
cipum re-
spondet.*

Vu 2

qui

4.1510. qui in belli Turcici usus, aliquid contulissent: hortabatur deinde ad societatem fœderis aduersus Turcam. Indulgentiarum quidem promulgatio, nihil à quoquam obstaculi habuit, melioreque successu per Poloniam peracta est, quàm per Germaniam: ubi Martinus Luterus quædam, quæ hominum aut imperitorum aut lucricupidorum vitio in eius rei usum, irreperant non laudanda, impugnando; dum ardore pertinaciâque agendi, fas excedit; semina nouis in religione sectis, ac innumeris per Romanum imperium turbis iecit. De bello Turcico responsum. Turcam Kilia, ac Bialogrodo, ereptâ Valachis grauem fore vniuerso Septentrioni, nemini dubium esse: sed quòd in re tanti momenti, nihil certi inconsultis Ordinibus statui posset, comitia necessariò expectanda esse. Vitus de Furst, ab Imperatore Romano, Equitum Crucigerorum nomine, Pomeraniam Prussiamque à Republicâ repetebat. Offendit non mediocriter intempestiuâ quæstione Senatum: grauitèr itaque Cancellarius monuit, ne Teutonici equites velut defuncti periculo Turcico, pertæsi quæ domesticæ pacis, bella tantis superiorum Principum laboribus planè extincta, intempestiuis postulationibus, reuocarent ab inferis, ea conando sibi vendicare, in quæ nihil iuris omnino aut Cæsari, aut equitum Magistro, competeret. Danorum legati sororem Regiam Elizabetham, in matrimonium suo Regi non impetrârunt, quòd Virgo ipsa nubere abnueret. Bogdano Valachiæ Principi, pro superiore irruptione in Russiam satisfaci-

imp

s. v.

cienti,

cienti, pax data; auxilia contra Scythas negata: Le-
 gatis eius, libera per ditiones Regias potestas com-
 meandi, concessa. Hungaris in societatem belli Turci-
 ci Polonos pertrahere nitentibus, nulla spes facta. Im-
 braimes Turca, Imperatoris sui Baiazetis nomine, Sig-
 gismundo paterni fraternique regni successionem gra-
 tulatus, petijt vt pacem, quæ hæcenus florisset, Rex
 sua sponfione firmaret. Præstitit postulata Sigmundus
 eò libentius, quò exactius perspiciebat Reipublicæ pe-
 ricula. Nam & Moscorum quies lubrica erat; & Cæsa-
 ris Crucigerorumque amicitia incerta videbatur, quòd
 eam repetitio Prusliæ ac Pomeraniæ suspectam faceret:
 cum Scythis verò, prope continua bella. Eo ipso anno
 Tauricani ductore Bitigereio, euastatâ Russiâ, Litua-
 niam peruagati sunt, Vilnam ferè vulgatâ populatione.
 Nemine arma opponere audente, ingentem prædæ
 omnis, ac præsertim captiuorum, impunè eduxerunt.
 In Valachia ad ripas Tyræ à Valachis sunt profligati;
 multi vorticibus præcipitis flauij haulti, reliqui partim
 in prælio, partim in fuga cæsi. Nihilo tamen ab ea cla-
 de pacatiore Tauricani, initio sequentis anni rursus
 sed longè alio successu inuasèrunt agros Kiiouienfes.
 Dux etenim slucensis Georgius, propè puer, iuncto
 suo milite cum Andrea Niemirowicz Palatini Kiiou-
 uienfis copijs, ad pagum Rutki affecutus prædatores,
 magnâ eos strage profligauit, octo millibus in campo
 cæsis.

A. 1510.

Scythæ
 uasantes
 Lituaniâ.

A. 1511.

Rex adulto vere Brestiam venit, comitijs Lituanor-
 um

Vu 3

*Ad 1511.
Regis acta
Brestia.*

rum adfuturus. Tribunal id, iudicij suppliciorumque, aduersus Glinscianæ proditoris reos, designatum fuerat. Verum procerum interuentu Rex mitigatus, vniuersos carceribus cæterisque poenis absoluit; quin & dignitati pristinæ nedum libertati, singulari Regiæ clementiæ exemplo restituit. In iisdem comitijs, agentibus Mendligerei legatis, foedus inter Scythas & Lituaniam his legibus ictum est. Tauricanus Regulus deinceps, Regi Polonorum, Magnoque Lituanorum Duci, subesset: triginta millium equitatum ad quæuis bella auxiliorum nomine mitteret; obsidem fidei filium suum daret. Rex verò quindecim nummum aureorum millia in singulos annos stipendij vice numeraret. Nemo erat qui improbaret foedus, quo tam potens multitudo, ac pugnandi peritiâ populus, Reipublicæ non tantum amicus, sed etiam obnoxius reddebatur. Verum barbaris, foederum aut armorum necessitatem sola prædæ spe solitis metiri, non tam est constans fides, quam splendida promissa. Acceptâ enim pecuniâ Mendligereius, etiamsi ab infestatione Russiæ, ne apertè recens foedus violaret, temperarit; Valachiâ tamen, Regni Poloniae Prouinciâ, semel iterumque vastatâ argumentum reliquit, qualis in sequentes annos pax sperari deberet ab ijs, qui rapto viuere assueuissent. Rege cum proceribus comitijs intento, Helena Regina, quæ consilia fugiendi in Moscouiam diu versauerat, exequi est conata, per absentiam procerum. Haud procul confinijs Moscouiæ Brassauensem præfecturam cum amplis

*Helena
conatur
in Mosco-
uiam su-
gere.*

plis latifundijs in alimentorum impensas obtinebat à Republica: eò iam præmiserat vario prætextu, familiam Moscouiticæ gentis cum pretiosiore suppellectili, ipsa propediem secutura. Agebatur quidem ea res satis secretò, uti nuper cum legatis Basilij fuerat condictum: non potuere tamen vniuersa, ita occultari, ut non aliquid suboleret Alberto Kloczko, Reginalis aulae supremo Magistro. Celerrimis itaque nuncijs Nicolaus Raduilius Vilnensis, & Gregorius Osticus Trocensis, Palatini, Vilnam euocantur: collatis sententijs, consilia Reginae euulgantur; certisq; indicijs probantur: ipsam Helenam adeunt, monent; protestantur Procères non permissuros se, ut pedem Vilnâ moueat. Helena aduerso dolorem, ex consilijs, in publicum protractis euerisq; conceptum, dissimulare: vnicum queri, Personæ suæ dignitatem, libertatemq; violari. verum, quia nihil vi tentare poterat muliebre animi impotentiam, intra verborum furorem, cohibere, coacta est. Instaurauit deinde apud Germanum suum, Moscouiæ Ducem, eiusq; legatos, de iniuria querelas. Venerant enim paulò post Vilnam, cum internuncio regio Bogdano Dowgird, aliqui Moscorum Primores, sui Principis nomine acturi, de iniurijs, quæ utrimq; in finibus committebantur, coërcendis. Verum Basilius, nihil omnino mouit, ne quâ ratione proderet, auctorem se eius consilij, sorori fuisse.

Sigismundus Rex peractis Brestensibus comitijs, ca. 1512. terisq; in Lituania negotijs compositis, in Poloniam redijt,

*A. 1512.
Rex ducit
coningem
Barbaram
Transil-
vanicæ
Principē.*

rediit, connubialia fœdera Cracouiæ cum Transilua-
niæ Principe Barbara, Ioannis (qui deinde Rex Hunga-
riæ fuit) filia, heroide magnis virtutibus, ac præsertim
pietate in miseros, laudatissimâ, celebraturus. Actum
est id festum, magnâ exterorum frequentiâ, magnifi-
centiâ verò Polonorum ac Lituanorum Procerum in-
credibili. Cum vndique ad augendam festi maiestatem
concurritur, diesque ipsi, qui apud Catholicos solemnes
quadragenta ieiunij ferias antecedeabant, populum in
luxum effusus, securiusque soluit: Mendigereius va-
cuam propè nobilitate Russiam, viginti quinque mil-
lium exercitu aggressus est. Perlatore eius irruptionis Cra-
cuiam nuncio, miles, qui Regi ac proceribus ad ma-
num erat, properè contra hostem missus: stipendiarij
quoque celerrimè ex hybernis euocati: campestri exer-
citûs Poloni Duci Lanckoronski negotium commis-
sum, ut prouideret, ne quid detrimenti Respublica pa-
teretur. Is magnis itineribus, aduentûs sui nuncium
præuenit; atque inopinatò partem hostium per agros
prædam agentium nactus, septingentos cecidit. Litua-
ni quoque Proceres, Michaël Dux Wisniewiecki, cum
filijs Ioanne & Alexandro, Andreas Dux Zbaraski,
Georgius Radiuilus, alijque, cum tribus bellatorum
millibus ductore Constantino Ostrogio, in tempore
adfuerunt. Omnes copiæ sex millium numerum non
exceedebant: nihilominus, cum ab exploratoribus in-
tellectum esset, hostem in propinquo castra metatum,
securè noctem agere, atque adedò ante pugnam corpo-
ra

*Scythæ in
Russia
prostrati
sunt.*

ra somno reficere, vacuum omni metu : in comitio mi-
 litari, omnes vnâ voce decreuerunt, eundum esse, non
 cunctanter, contra hostem. Dum signa promouentur,
 lis inter Duces, de prælij ordine exorta, moræ aliquid
 militi magnâ alacritate festinanti, iniecit. Lanckoron-
 ski contendebat, prælio auspiciu dari debere à Polo-
 no milite : quod is & validior armis esset, & maiore par-
 te per bella Hungarica, Germanica, Gallica, singulari
 suæ fortitudinis commendatione exercitatus. Ostro-
 gius verò, multis Scytharum victorijs percelebris, sibi,
 Lituaniisque, primas in congressu partes deposcebat;
 quod ex frequentibus cum ea gente bellis, vlu didicis-
 set; militares aliarum nationum artes, non multum
 contra Scythas prodesse, ob diuersissimum pugnae ge-
 nus, cui assuetæ Lituanorum copiae, facilius hostilem
 impetum elusuræ essent. Generosam litem non senten-
 tiarum consensus, sed pugnandi necessitas, præcidit:
 iam enim nunciabatur, hostem instructâ acie immine-
 re. Constantinus itaque dextrum cornu, cum suis, oc-
 cupat; sinistrum Nicolaus Kamieniecki: frons aciei sti-
 pendiariorum milite firmatur: in subsidia, variorum qui
 sponte ad arcendum periculum concurrerant, manipu-
 li, designantur: summa rei, penes Lanckoronski relin-
 quitur. Sic magis cuiusque alacritate, quam consilio, or-
 dinatis copijs, vniuersi diem præliumque expectabant,
 ignari vnde hostis impetum ordiri destinasset. Constan-
 tinus Lituanorum, Voliniorumque equitatum, aliquan-
 tum à reliqua acie auullerat, ea mente, vt Scytham in
 471129

Xx

Polonos

4.1512. Polonos pugnātem, adoriretur à latere. Sed euentus aliter tulit. IV. Kal. Maij sub ipsum solis ortum, incredibili tumultu, clamoreque, excitatis, aliquot phalanges in conspectum, repentē prorumpunt, atque velut æstro concitatae summo cursu parique impetu in Constantiniam ruunt. Equabant pugnam multitudo Scytharum, virtusque Lituanorum ac Volyniorum: at quia eiusmodi prælia, perrarò temeritate, virtutisque periculo carent; veritus Constantinus, ne fessi sub multitudine vacillare inciperent, à Lanskoronski, aliquot Polonorum cohortes poscit, easque in latus hostile ducit. Accenso ab ea parte prælio, ipse rursus ad suos reuertitur, ac propè respectantes fugam, voce exemploque animat: tantus inde ardor instaurantium prælium fuit, ut mille ferè barbari vno impetu conciderint. Hinc Scythi animus ad prælium deficere: primùm ijs, qui manus conseruerant; mox alijs, qui extra pugnam, in auxilia parati, constiterant. Vbi sensit Constantinus ab hoste iam lentius prælium cieri, totā acie cœpit obequitare; clamare, hostem iam in fugam inclinari; hortari, ne prope partam è manu dilabi permittant victoriam, ad quam nihil ampliùs desideraretur, præter modicum, omnium simul, in hostem impetum. Noua redit ab oratione Ducis militi alacritas: tantis animis tertio in hostem itur, ut magnā parte Scytharum protritā, reliqui in apertam fugam abirent. Conspicatus suorum discrimen Mendligereius, vniuersum robur, paucis ad captiuorum custodiam relictis, in prælium mouet: atque

euitatâ Polonorum acie, in dextram Constantini alam magno impetu ruit. Credebat, faciliorem inde ad victoriam passum fore; atque adeo, diuturnâ pugnâ fessos, haud dubiè recentibus cedendo, reliquos secum in fugam tracturos. Sustinuit eum impetum fortiter Lituanus, sed non diu totius belli ferendæ moli suffuturus. Itaque Lanckoronski, quatuor hastatorum equitum signa, in hostem ire iubet: directis in obuios hastis, ruptâ mediâ acie, reliquus Polonorum equitatus, sensim prius loco progressus, mox collectis ad cursum viribus, totâ vi hostem adoritur. Scythæ eo Polonorum impetu turbati, ac loco moti, prælio se cursu eripiunt, atque inter solitos gyros, instauratis ordinibus, ad pugnam maiore ardore redeunt, atrocioremque dimicationem ordiuntur. Pugnatur utrimque pertinaciter vniuersis copijs, fortunâ in neutram partem inclinante. In tam dubiâ spe prælij, cohors vna gladijs viam ad castra Scythica sibi aperuit, cæsoque præsidio, captiuos soluit: his tumultuariè, prout casus telum ministrauerat, armatis, auersam hostium aciem inuadit. Iam propè in orbem barbaris pugnandum erat: itaque desperatâ victoriâ in pugnam effunduntur. Neque fuga felicior prælio fuit: victor miles, plurimos in fugâ, ferro absumpsit: plures perierunt ab agrestibus, qui vias fluuijs aut paludibus impeditas, comparati ad pugnam, insidijs occupauerant. Ex victoribus pauci desiderati: ex victis, potior numero, atque capitum æstimatione, pars exercitûs. Captiuorum sedecim millia recepta: e-

Xx 2

quorum

4.1512. quorum decem millia, atque omnis præda, quæ, & varia fuit, & valdè opulenta. Ante alia celebrem victoriam fecerunt, tres Mendligereij filij, & gener, in campo cæsi. Qui cladis ignari diutius per Russiam prædando vagabantur, duodecim locis à milite Polono cæsi sunt. Fractus tantâ clade Mendligereius, supplici legatione pacem petijt, atque superioris anni conditionibus obtinuit. Quòd verò filios, eo prælio amisisset, nepotem natu maximum Diabaldinum, obsidem Vilnam misit.

*Moscovici
tici mo-
nus.*

Pax Scythica, bello Moscovitico, non causam, sed prætextum ad vulgus dedit. Basilus enim pridem in occasiones innouandi belli intentus, vulgari per Moscouiam curauit, à Sigismundo Rege Mendligereium concitari ad inuadendas Moscouiæ Prouincias: argumento esse, & nuperam Scytharum in Moscouiæ fines irruptionem, & recenter instauratum cum Sigismundo fœdus: vt verò hæc deessent, certis tamen indicijs constare Magno Duci, secreto consilio, inter Sigismundum & Mendligereium constitutum esse, vt proximo anno iunctis viribus Moscouiam inuadant. Hæc, atque his pares, fabulæ, primùm populi sermonibus iactatæ, deinde in Senatu ab ipso Basilio confirmatæ, facile persuaferunt, tum germanis Basilij, tum alijs Proceribus, vt magno consensu decernerent, præueniendum esse bello Sigismundum. Datur itaque Glinscio negotium, vt lecto properè exercitu, infestis signis adoriatur Lituanix fines. Vbi nunciatum est Glinscium impigrè mandata

mandata executum esse; tum primùm Basilius per literas bellum (quod iam re ipsâ intulerat) indicit Sigismundo; velut foederum primo violatori. Prætebat bello, quasdam tum iniurias sibi, tum contumelias sorori Helenæ, illatas: damna etiam finitimis facta, ac maximè Scytharum contra Moscos concitationem, inter causas rescissæ pacis numerabat. At hæc, si non omnino conficta erant; certè ad mendacium usque exaggerata. Ceterum, ut eius ætatis scriptores prodiderunt, fama publica, belli incentorem maximè ac prope unicuique Imperatorem Maximilianum designabat. Offensus ille, quod repetenti nuper Prussiam per legatos, durius responderi Sigismundus mandasset; & nepte eius, Philippi I. Hispaniæ Regis filiâ spretâ, Transilvaniam coniugem duxisset; undique inimicitias consciscibat. Nam etiam Alberto Marchioni Brandeburgico, Sigismundi ex sorore nepoti, auctor fuerat; ut Equitum Prussicorum Magister renunciatus, obsequium erga Regem, regnumque Poloniæ, excuteret: atque si fortè ad iusiurandum præstandum, de more vrgeretur, armis resisteret. Eà de causa, ad Iulium II. Pontificem Romanum, ac Lateranensem Concilium legati à Rege, atque Republica, missi sunt; qui in illo orbis Christiani tribunali supremo, de Maximiliani atque Alberti machinationibus questi, remedium rebus turbatis poscerent. Rex ipse tempestatem à Germania metuens, Cracouiensem arcem restaurari, ac operosius muniri curavit: quia verò non placatis Superis, omnis mortalium sollicitudo vana est; ad

A. 1512. eos demerendos, templum arcis, magnifico opere, ac
Morum D. Stanislai sepulchrum, argentea eius statuâ, exorna-
in Polonia uit. Præter imminentiâ à vicinis arma, terrebat mul-
mutatio. tum domestica per Poloniam morum vicissitudo, eo
 atino vulgata. Capillitium longius in breue, vestes cur-
 tæ, longis permutatæ: nemo sine armis progredi; licet
 numquam aliàs minores ad arma animi: omnes in au-
 gendam rem familiarem studia intendere; famæ curam
 penitus negligere: castris, gymnasia literaria substitue-
 re: vires ætatemque conuiuijs atque crapulâ prodige-
 re: nihil autem in moribus, aut habitu retinere. Hæc
 illâ ætate, præter morem vulgari capta, plerisque infau-
 sti portenti speciem ingerebant.

A. 1513. Interea nepote Mendligereij Diabaldino Vilnæ ex
Scythicum febris vitâ functo; aui fides, fœderumque firmitas, haud
fœdus in- modicè nutare cœpit: iam ante satis lubrica. Nam ad-
certum. huc in viuis illo manente (inuitonē an conscio Mendli-
 gereio? non constat) Polonæ Lituanæque ditiones, le-
 uioribus Scytharum infestationibus sunt diuexatæ. Dux
 quoque Moscouiæ, iam nouo bello & causam & initium
 dederat; immisso nupèr in Lituaniâ Glinfcio. Spes ta-
 men aliqua manserat pacis per legationes retinendæ:
Helena verum, ea quoque omnis, cum vitâ Helenæ, penitus in-
Regina tercidit. Mortua est Vilnæ excurrente Ianuario: tumu-
moritur. lata regio apparatu, in Russorum templo, Deiparæ sa-
 cro. Basilius mortis eius nuncio accepto, velut cum so-
 roris vita omni amicitia iure, fœderumque religione li-
 ber, bellum studiosius contra Sigismundum apparare
 cœpit.

cœpit. Maximilianum Cæsarem per legatos monet promissis: ut, cum audiuerit Moscorum, Lituonumque copias, Lituaniam inuasisset; ipse Germano ac Prusso milite Poloniam aggrediatur: ruptæ verò à se cum Sigismundo amicitia, quamprimum mittat premium, titulos ac diadema Russiæ vniuersæ, Moscouiæque Regis. Glinccio ingentem pecuniæ vim tradit, ut militem bello exercitatum ex Germania in Moscouiam liberalibus stipendijs euocet: quæ in re egregiam operam nauauit Eques Germanus Schleinick, collectamque non modicam manum in Germania, ad Basilium per Lituonum agros deduxit. Neque defuerunt in ipsa Polonia, Glinscij muneribus corrupti, qui militem per confinia Silesiæ ac Moraviæ lectum, Mosco suppeditarent: è quorum numero Lata, gente Bohemus, ciuis Cracouiensis, cum centuria pedestri in Moscouiam penetrare conatus, in ipsis finibus interceptus, pœnas proditoris luit. Addidit Basilius veteribus iniurijs, nouam: ne fortè Rex adhuc dubitaret, nihil à se pacari expectandum. Internuncium enim regium, qui vrgebat ut secundum foedera militem suum Moscus ex Lituaniæ finibus euocaret, in vincula coniecit. Rex itaque ad initium huius anni, vniuersam nobilitatem publicis edictis commouit, ut in bellum sese compararet. Mox, celebratis Hedwigis primogenitæ Baptismi solennibus, atque in conuentu Radomienfi, ordinatis Poloniæ negotijs, in Lituaniam mouit. Mielnici primùm in Podlachia, deinde Vilnæ, cum Ordinibus de Republica consultanti, principes

A. 1513.
Ducis Moscouiæ machinationes, aduersus Sigismundum.

Sigismundus ad bellum se comparat; pacem tamen vrget.

A. 1513. principes Senatûs persuaferunt : vt, velut in curândis corporibus, non priûs ad sectionem acceditur, quàm alia remedia, irritò conatu fuerint consumpta; ita in Reipublicæ integritate conseruanda, bellum ad extrema remedia seponeretur. Ex Senatûs sententia, missus est Moscuam nuncius, qui legatis de pace acturis, liberam veniendi potestatem impetraret. At Basilius Cæsaris, Crucigerorumque promissis, atque occupandæ Lituanix spe, plenus; nihil pacati in animum admittebat. Sigismundus desperatâ pace, vt hostem intra eius domum distineret, promissâ nupero fœdere Scythis stipendia maturè misit. Scythæ acceptâ pecuniâ, Moscuam ingentibus copijs aggrediuntur, & latissimè populantur. Ita Basilius sua tueri coactus, eo anno à Lituania abstinuit. Cæterùm quia, vt ferè vehemens, sed non diuturna à Scythis solet esse tempestas, Mendligereiûs raptâ contentus prædâ, citò ad suos sedes exercitum reuocauit: Moscus eâ curâ perfunctus, vires omnes, quas aduersùs Scytham comparauerat, in Sigismundum conuertit.

*Mosconia
Scythæ
inuiadunt.*

A. 1514. Primo Vere fines Lituanix ingentibus copijs ingressus, XVI. Kal. Apr. obsidione Smolenscum cinxit. Posteaquam aliquot suorum millia, tentatâ aliquoties vi, amittit: signa, in omnes partes, furix instar, raptauit; obuia ferro & igne per Lituanam ditionem vastando. Post exsaturatum barbarâ populatione furorem, rursùs ad oppugnationem Smolensci reuersus est: neque mania tantùm bellicis machinis, sed etiam animos, constan-

*A. 1514.
Dux Mo-
sconie
Smolenscū
obsidet, &
proditione
capit.*

constantiamque obsessorum, varijs artibus, deijcere conatus: Solohubi, arci præsidioque Præfecti vniuersa insigni industriâ superante, omnem operam perdebat. Iam Sigismundus Rex cum vniuersis copijs mouerat; famaque vulgabat iam eum Minscum attigisse. Basilio post consumptum irritu euentu omnem laborem, amissamque exercitus non modicam partem, nihil restabat, quàm turpis in Mosconiâ, desperatâ arcis expugnatione, receptus. Versanti in omnes partes animum, succurrit fortè, posse Glinscium suo ingenio aliquid, apud populares efficere, vbi nihil ipse profecisset. Amplissimis ergo promissis eum aggreditur: Prouinciâ omnem, cùm in arce, eius se patrimonio adiecturum sacrosanctè spondet; modò rationem reperiret, quâ arcem in Moscorum potestatem redigeret. Glinscius cupiditate tantæ Prouinciæ permotus, suscipit negotium; ingeniumque bellicis operibus substituit: per occultissimos nuncios, prædicatorum in primis, tum nobilium, fidem, largitione atque promissis sollicitat; ac demùm expugnat. Paucorum primò sermone inter stipendiarios agitari, mox ad alios vulgari, vt solet, cœpit. Arcem diu defendi non posse: auxilia, aut nulla, aut admodum tarda, sperari: ab hoste extrema omnia ferenda; si is per vim arce potiatur: deditionem, sine labe militari, posse fieri: non Mosco, sed Glinscio. His audaciores concitati, palàm apud Præfectum instare, vt arx Glinscio, æquis conditionibus, dedatur. Obnitebatur quantum poterat ratione, atque auctoritate Solohubus. Obtestabatur,

Yy

tur,

4.1514. tur, per omnia sacra, ne defensæ per annos duodecim arcis gloriam, præcoci deditione obterant: Regem enim propediem affore cum auxilijs, atque adeo iam Minscum attigisse, non famâ, sed certis nuncijs constare. Nihil profuerunt sana verba, insano tumultu abreptis; prodicionem potius quàm deditionem vrgentibus: ne, vnum aliquem, facti inuidia oneraret; omnes turmatim vociferari, vt arx Glinfcio quamprimùm dedatur, nisi malit ipse præfectus suorum ferro perire. Expugnatus eorum rebellione Solohubus XII. Kalend. Maij Glinfcio dedit Smolenscum: quæ Prouincia, debellatis à Vitoldo eius Principibus, integro sæculo, in Magni Lituanix Ducis ditione permanserat. Basilus voti compos, magnâ pompâ mænia ingressus, sacrisque Russo ritu operatus, priuata publicaque ædificia omnibus ornamentis contra datam fidem spoliavit: querulari tamen est auditus, quòd in eius expugnatione tantum perdidisset, quantum duabus nobilissimis arcibus excitandis, abundè suffecisset. Imposito præsidio, reliquum militem in Moscouiam reduxit, & quiete necessariâ recreandum, & delectibus nouis augendum, eadem æstate bellum maiore apparatu resumpturus. Quòd enim, quam arcem Pater luus Iuanus, bellator inter Moscorum Principes tantus, quantus nemo alius, multoties irritâ operâ oppugnauerat, cepisset: ab eo successu ominabatur; nihil esse, quod suis viribus non cederet. Propè vniuersis Boiaris, ad arma ferenda validis, sub signa euocatis, præsidijs per arces detractis, externo milite non

*Bellum in
Lituaniam
adornat,
& profectus
quisque
perbe.*

non paucis stipendijs auctorato, centum millium exercitum, contra Sigismundum duxit. Ipse quidem castris ad Smolenscum loco capto, cum viginti millibus substitit: octuaginta millia in Lituaniam expediuit, cum hisce mandatis, ut Orszâ, & Odrucko occupatis, Lituaniæ caput Vilnam, recto itinere petant. Progredientes copias, fama Sigismundi Regis, cum triginta delectorum millibus, circa Boryssouiam statua habentis, stitit.

Interea Glinfcio lacerabat interna consilia, Smolenscum in præmium nauatæ operæ à Basilio verbo promissum, re negatum. Ex memoriâ præteritæ fortunæ, tædium præsentis (in qua nihil fidi, omnia barbara) conditionis, mox pœnitentia facti, animum premebat: hinc desiderium patriæ in dies accendi, atque Clementiæ regiæ spes maior affulgere. Per fidissimum itaque familiarem datis ad Regem literis, implorat clementiam, pollicitus sanctè, malè actorum memoriam exaggeratis erga patriam obsequijs, se oblitteraturum. Rex, iam ante Regis Ladislai importunis precibus, æquior Glinfcio redditus, aliquibus Procerum rem secretò communicat: atque, quòd speraret, consilij Glinfcianis Mosco subtrahitis, multum ei de spiritibus decessurum; literas scribi mandat, quibus à Rege spondebatur, non præteritorum modò obliuio, sed etiam omnis in futurum tempus apud Regem fauor. Proceres veriti, ne Glinfcius redditus patriæ, atque in Regis amicitiam admissus, rursus publico malo veterem telam retexeret, occultis nuncijs Basilio Duci Moscouiæ, quidnam Glinfcius

*Michælis
Glinfcij
Tragicus
exitus.*

4.1514. scius moliretur, indicant. Basilius dissimulatâ re, accuratioribus excubijs, vias omnes obseruari iubet; & com-
 meantium vestes, ac sarcinas, diligenter excuti. For-
 tē Summi Pontificis Legatus Piso, Româ ad concilian-
 dam inter Sigismundum & Basilium pacem missus,
 Vilnæ substitit, atque in dies, in Molcouia expecta-
 batur. Eius se internuncium, nobilis Polonus Trepka,
 Italici Hungaricique idiomatis peritus, simulat: vt re-
 gia mandata, securiùs ad Glinscium deferat. Captus
 hic, atque mirum in modum barbarè excarnificatus,
 nihil omnino prolocutus est, quod, commissum sibi à
 Rege secretum, violaret. Incredibilia eius fuerunt tor-
 menta: nam veru alligatus ignem lentum; & cranium
 vnguiumque terebris perforationem, pertulit. Tam ad-
 mirando constantiæ exemplo, vicit omnem tyranni sus-
 picionem; vt tandem crederetur, eum reuerà esse, quem
 se simulabat. Diligentissimè itaque curatus, receptisque
 pristinis viribus, ad Pisonem cum amplissimis muneribus
 est remissus. Apud alterum tabellarium incautiùs
 agentem, regiæ ad Glinscium literæ interceptæ, plana
 omnia fecerunt: subitò Basilij iussu Glinscius in vincula
 coniectus, ex castris ablegatur. Viaznam deportato,
 Supremus Militiæ Magister, pro tribunali, proiectis an-
 teeius pedes ferreis compedibus manicisque: Michaël,
 inquit, tibi meliùs constat, quantum in te beneficiorum
 à Magno Duce collatum sit, quamdiu te ei fidum præ-
 buisti: nunc, quoniam perduellione fortunam tuam al-
 tiùs euchere molitus es; habes hoc par tuis meritis, ab
 eodem,

*Celebre
 constantiæ
 exemplū.*

eadem, premium. Mox Satellites collum, manus, pedesque ferro onerârunt, atque è tribunali raptum, in profundiora Moscouiæ auexerunt. Vulgato per Europam tantæ vicissitudinis nuncio, multi Principum eius causam apud Basilium agendam susceperunt, atque ante alios Maximilianus Cæsar. Intercessionibus Principum, non parùm roboris addebat, neptis Michaelis, coniunx Basilij, continuis blanditijs. Neque Basilius ipse desperabat fore, ut clementiâ eius auctoratus ad maiorem fidem Glinscius, plus deinde emolumenti adferret Moscovitico imperio, quàm nocummenti intulisset in Lituaniâ clâm euadendo. Restitutus itaque Glinscius & libertati, & dignitati pristinæ, magnis deinde floruit Principis fauoribus: ut ob miram in rebus, bello ac pace, tractandis industriam, tutor filio impuberi à Basilio designatus fuerit. In eo fortunæ gradu, cum fortè reficisset, viduam Basilij neptem suam, cum Owczynâ, collegâ sui Magistratûs, probrosè viuere; sceminam pro ea, quâ sanguinis ac tutelæ iure, auctoritate pollebat, secretò monuit: ut honesti, ac famæ maiorem curam haberet. Recta monenti indignata impudens mulier, scelus scelere auxit, parricidio adiecto: nam ipsum Owczynam ad tollendum suæ consuetudinis importunum castigatorem induxit. Insimulatur Glinscius tentatæ iteratò in Lituaniâ fugæ: capitur, atque Owczynæ (qui imperij atque Principis gubernandi collega erat) sententiâ, capitis damnatur: erutis oculis, addicitur carceribus, in quibus vitam, ac fortunæ secum ludentis vicissi-

A. 1514. vicissitudines, miserâ morte conclusit.

*Mosconi-
tici belli
eventus.*

Atque huius quidem tragœdiæ, quam totam hîc simul memorare placuit, post aliquot deinde annos, extremi euentus subsequuti sunt: bellum autem, aduersus Sigismundum à Basilio susceptum, eiusmodi exitum, hoc anno, sortitum est. Basilius remisso in Moscouiam Glinscio, celerrimis nuncijs Celadino scripsit, vt contractis à vastatione Lituaniæ copijs, rectâ Boryssouiam contra Regem ducat, atque vel inuitum ad prælium eliciat. Quod si pugnae copiam non faceret, vaiuersum exercitum coronâ cinctum, vnâ cum Rege, pecudum more in Moscouiam pelleret. Tanta erat huic homini, plusquam barbara virium suarum ac successuum æstimationis: vt ne nomen quidem, vitio proprium, reperiam. Neque puduit eum, ante tentata fortunæ bellicæ auspicia, sententiâ Maximiliani Cæsaris per literas exquirere, quid sibi esset faciendum cum capto Sigismundo Rege, quem propediem in vinculis adducendum, minime dubitaret. Rex retentis ad Boryssouiam quatuor millibus, reliquas omnes copias, sub Constantini Ostrogij imperio, obuiam Celadino misit. Priusquam conferrentur castra, inter præcursores, prout casus hostem obtulit, magno successu, leuiores pugnae Regijs cesserunt; vnde animi plurimum aucti, vt aperto prælio summa rei audaciùs committeretur. VI. Kal. Septemb. Ostrogio, bis cum hoste configendum fuit, atque vtroque conflictu Victor mansit. Ioannes Sapieha, cum vnica duntaxat cohorte, ad sistendas hostiles excursiones

nes progressus, tres Moscorum legiones circa Drouum ^{4.1514.} inuasit: atque captis aliquot illustribus viris, cæsis aliquot centurijs, reliquos in effusam fugam impulit. Eodem tempore, excubiæ vtriusque exercitus circa Bobrum, sibi insperatò occurrerunt, atque commisso prælio Mosci loco depulsi sunt, ac plerique capti. Ab his euentibus Celadinus minor animo, vereri cœpit, ne à tergo Borysthene clausus, cogeretur iniquiore loco pugnare: atque ideo vniuersis copijs trans fluuium receptis, Orszam inter ac Dubrownam, ad ripas Kropiwnæ amnis confedit. Ostrogus impigrè eum secutus, Orszam primò contendit, vt isthic Borysthenem trajiceret: cum naues, ratelque conquiruntur, ponti ad peditatum cum machinis transportandum, instruendo; equitatus Lituanorum sedecim millium, moræ impatiens, vadum tentat, eoque non reperto, latis feliciter, vno scilicet è suis desiderato, in aduersum littus nando euadit. Horum exemplum, accendit reliquos: cum nemo dubitare auderet, à se fieri posse, quod ab alijs factum videbat. Pari itaque ausu, primùm itipendiarius Polonorum eques, ductore Ioanne Swierc ewski: mox Proceres Tnczynski, Pilecki, Kmita, Szyfzkowski, alijque, cum cohortibus, superant fluuium. Celadinus, ab excubitoribus monitus, Regios instare, postque eam partem, quæ fluuiio superato ab exercitus robore auulsa, suppetias non esset habitura, facilè opprimi delerique respondit. Nequaquam sibi videri, vt miles Magni Ducis, multiplici prælio fatigaretur: expectandum potius tantisper

A. 1514. tisper quietè; donec hostes Borylthenem transeant, quo
 à tergo comprehensi, omnes simul vno conflictu inter-
 necione deleantur. Ita animum eius, spes arrogantis
 præsumptionis plena, ad saniora consilia, excæcauerat.
 VI. Id. Sept. (qui dies natæ Deiparæ Virgini sacer est)
 traductis omnibus copijs, tertiâ ab ortu solis horâ, O-
 strogius suos in aciem produxit. Celadinus quoque cum
 aduentantem, ita octuaginta millibus instructis, expe-
 ctabat; vt lateribus quàm maximè diductis, Constā-
 tinum, ab omni parte, ancipiti prælio inuolueret. Dato
 à Moscis conflictûs signo, magno impetu legiones ali-
 quot in Constantini alam irruerunt: exceperunt forti-
 ter vim primam Lituani, & connixi mouerunt aliquan-
 tùm loco hostem: pugnabant tamen adhuc Mosci,
 quamquam nullâ vincendi spe; donec à latere aliquot
 Polonorum cohortes inuectæ, in fugam eos, à pugnâ
 auerterunt. Postquam hæ legiones, quæ prælium orsæ
 fuerant, sub ipsum exercitûs robur, se receperunt: no-
 ua equestris phalanx è media acie in pugnam prorupit.
 Ad eius conspectum, equitatus Lituanus constitit;
 mox peditatu, qui instantem hosti equitem iam affecu-
 tus fuerat, intra suos ordines recepto, effusâ in venien-
 tes globorum tempestate, ardorem eorum ita restinxit,
 vt cunctanter valdè, atque languidè, inueherentur. O-
 strogius animaduersâ hostium cunctatione, priusquàm
 resumerent illi animos, suum equitatum, totis simul
 signis in hostem ire iubet, præitque exemplo. Secura
 præeuntem magno impetu vniuersa signa, ac præsertim
 Polono-

Polonorum procerum Ioannis Zborowski, & Laurentij Szyfzkowski, hastati equites, viam in media acie aperuerunt, pugnamque ad gladios & manum, collato cum Moscis pede, deduxerunt. Ostrogus interea mandat Lituonorum cohortibus, campo aliquantum cedere, ut fugæ specie, hostilem equitatum à pugnantium acie abstraheret. Successit ars ex voto. Mosci rati Lituonos deferere arenam, liberiùs in eos effunduntur. Constantinus suis ad laeuam flexis, hostilem equitatum, eorum vestigijs insistentem, tormentis bellicis, ac perditui obiecit; simulque repente equitum infesta signa, in hostem redire iussit. Mosci inopinato euentu, ac strage fuorum, consternati, magno tumultu in fugam abeunt. Fit cædes ingens in campo: neque pauciores pereunt circa Kropiunam, locis paludosis, ipsoque amne, hausti. Stabat adhuc Celadinus immotus, cum fronte, ipsoque robore, aciei: in eum itaque, Swierczeuius Dux Poloni exercitus, stipendiarias hastatorum cohortes; & Georgius Radiuilus leuiorem equitatum ducunt. Non diu hostis restitit, iam in ijs victus, quorum cladem fugamque videbat: exigua dimicatione fusus, locum latibulis, per densiores sylvas, fugam quaesivit. Toto fere die pugnatum est. Fugientibus plerique ad mediam noctem institere: aliqui vix à persequendo hoste, sequente luce sunt reuersi. Quadraginta caesorum milia, fuisse, narratur: historiarum fidem, ingentes ac frequentes, ex congestis cadaueribus tumuli, etiamnum confirmant. Ex Victoribus quadringenti, atque in ijs

Z z

quatuor

4. 1514. quatuor illustriores, desiderati. Castra opulentis spolijs plena, militi cesserunt: mediâ prædæ parte Ductorum forti addictâ. Dux belli Celadinus, cum decem præcipuis Proceribus, multis Senatoribus, bis mille nobilibus, captus. Post peractas in castris, Summo Victoriarum Arbitro, militari cæremoniâ gratias, Ostrogius recognito captiuorum numero, trecentos octuaginta ex præcipuis lectos, cum laureatarum literarum nuncio, ad Regem misit. Dux Basilius acceptâ cladis notiâ, deserto ad Smolenscum suo exercitu altero, trepidè Moscuam vsque fugit. Post tam insignem victoriam, facile recipi poterant, quæ hostis nuper proditione occupauerat. Sola victoribus celeritas defuit: vix enim intra mensem Smolenscum attigerunt, impedimentis immodicis, per difficiles vias, onusti. Interea hostis, tot dierum otio in rem suam vsus, arcem commeatu, ac cæteris, ad sustinendam obsidionem necessarijs, properè instruxit. Obsidio itaque, & tarda, & lenta fuit, absque maioribus machinis; ac ob eam causam irrita: ingruente autem grauiore, cum hyemalibus diebus, aurâ, necessario deferenda, ab exercitu ad hyberna properante. Mendligerei Scytha, solitis stipendijs ad idem bellum à Rege euocatus, quamquam non procul à regijs castris constitisset, quia à Mosco quoque non contemnendam pecuniæ vim acceperat, nihil contra Moscos mouit, Ostrogio ad inuadendos Moscouiæ fines, studiosè vrgente. Non deerat barbari hominis vaferrimo capiti ingenium ad prætexendas tergiuersandi causas; certo,

non nisi eos aggredi, qui prælio primi succumberent. A. 1514.
 Victoriâ Constantinî, in regias partes plane inclinatus,
 in Moscouiam duxit: quam latissimâ populatione per-
 uagatus, centum millia captiuorum eduxit. Ostrogius
 Vilnam reuersus, in monumentum grati erga Superos
 animi, amplum sub Trinitatis indiuiso nomine, Deo
 erexit monasterium, atque Monachis, Russis ritibus in
 Romani Pontificis obsequio viuentibus, attribuit. Rex
 cum Regina, solempni apparatu pro victoriâ gratijs Deo
 Vilnæ perfolutis, captiuorum Moscorum, è præcipuis
 lectorum, quatuordecim, dono Romano Pontifici mi-
 sit: quos Maximilianus Cæsar circa Halam à regijs Le-
 gatis per vim abstractos, in Moscouiam honorificè re-
 duci curauit. Pristinæ nimirum cum Basilio amicitie
 suæ, id officij impendit. Caterùm, cùm eodem anno in
 Hungaria ad Telezwarum Reginæ pater Ioannes, per-
 duellem Georgium Ceklam insigni clade cecidisset, ve-
 reri coepit, ne Sigismundus viribus cum socero iunctis,
 vtrumque victorem exercitum, in belli auctorem ver-
 teret: consilia, ad nouas amicitias quærendas, inflexit.
 Fratrem inprimis Sigismundi, Ladislaum Hungariæ Re-
 gem, filiumque Ladislai Ludouicum, Bohemiæ Re-
 gem captare coepit, professus illorum se arbitrio perpe-
 tua cum Sigismundo fœdera stabiliturum, modò apud
 eum efficerent, vt secum alicubi congregaretur, amicè
 de pacis rationibus acturus.

Maximi-
 lianus Cæ-
 sar à Mos-
 couico
 fœdere re-
 cedit.

Sigismundus cognatorum Regum sollicitatione per-
 motus, III. Non. Martij Cracouiâ cum splendido Pro-
 cerum

A. 1515.
 Conuictus
 Cæsaris cū
 Regibus,

A. 1519.
Pozsony,
& Viennæ.

cerum comitatu, ad Ladislaum fratrem, Possonium abiit. Multi Illustrium virorum Regem ex Lituania sunt iecuti: opulentiâ, atque apparatus splendore, ante alios, eminerunt Nicolaus Radiuilus & Stanislaus Gastoldus, qui præter cæteros aulæ suæ comites, centum varij generis Musicos, ad Moscorum Scytharumque imitationem pretiosè vestitos, secum duxit. Possonio digressi Reges ad XVI. Kal. Maij conuenerunt cum Cæsare, haud procul Viennâ. Diuersa fuere oppida, ad singulorum diuersorium designata: medio campo inter ea oppida, frondosa arbor, congressuris, stationem & umbram præbuit. Conuenerunt, Cæsar, Ladislaus Rex, & Anna eius filia curribus vecti: Sigismundus & Ludouicus equites. Priusquam hospitales iungerentur dexteræ, Ludouicus Maximilianum vti Patrem ac Dominum, quod Bohemiæ regnum pars Imperij Romani esset, salutauit. Annæ Virginis præ modestiâ, Ladislai senis præ lacrymis, sermo ab adstantibus audiri non potuit. Sigismundus graui, plenaque humanitatis oratione Cæsarem allocutus est. Cæsare, præ gaudij vehementiâ illud solum prolocuto. *Hæc dies, quam fecit Dominus:* subiecit Sigismundus. Hic ipse Deus faciat, hunc conuentum nostrum, Dominijs nostris, atque Reipublicæ Christianæ vniuersæ, faustum, fortunatumque. Iunctis mox amicè dexteris, negotia reliqua in aliud tempus reiecerunt; vt ad stationes suas digressi, Illustribus viris, salutationis causâ accessuris, dexteras, auselque commodarent. Comitatus ex varijs Europæ gentibus conflatus,

flatus, multiformi habitu, ac incredibili magnificentiâ, 4.1515.
 conspicuus; & tantorum Principum præsens Maiestas,
 par Romanis triumphis miraculum, spectatoribus ex-
 hibuerunt. Apud Cæsarem, Ladislaum, & Ludouicum,
 Germani, Bohemi que armorum ac vestium elegantia;
 Itali ac Hispani, vultus habitusque dignitate; Hungari,
 discoloribus hastarum lacinijs, equorum generositate:
 apud Sigismundum, Polonorum, Lituanorum, Rus-
 sorum, turma; Turcico, Persico, Moscovitico, Scythi-
 co habitu, phaleris equorum gemmis auroque fulgen-
 tibus; pharetrarum, vaginarum, galearum ornatu pre-
 tiosis lapillis accenso: spectantium oculos rapiebant ani-
 mosque. Maximilianus plurimum desiderabat in Vien-
 nensi regia, Reges hospitali mensâ accipere: verum
 Hungaris aliquid infidi nequidquam metuentibus, La-
 dislaus vehementer obstabat. Sismundus Cæsaris Ora-
 tori, Cardinali Strigonienâ disertè respondit. Se ex suo
 regno, eò usque progressum esse, eâ maximè causâ, ut
 Cæsaris conspectu, ac consuetudine frui posset: quâ in
 re, cum necdum sibi satisfactum existimaret, iturum
 lubenter, quò Cæsar vellet. Sperare enim se, ut non a-
 lium Cæsaris animum experiretur, quàm quo ipse er-
 ga eum esset. Quare Ladislao quoque persuasit, ut
 Viennam inuiferet. Quinque millium equestres copiae
 fuerunt, quæ ad urbem Reges deduxerunt, præter eas,
 quæ circa tentoria substiterunt, atque peditatum. Non
 libet minutatim persequi, quæ inter ipsos Principes, in
 eo conuentu constituta sunt: Foedus in rem Lituanam

A. 1515. eâ maximè lege percussum est; vt Cæsar, aut rescinderet Moscorum, Pruslorumque amicitiam; aut vtroque suâ auctoritate ad petendam ineundamque pacem induceret. Accessit fœderi noua inter Austriacam, & Iageloniam domum affinitas. Ludouico Bohemiæ Regi, promissa est Maria Caroli V. & Ferdinandi I. soror: Ferdinando verò Cæsaris nepoti, Philippi Hispaniarum Regis filio, propè puero, Anna Hungariæ Princeps, XI. Kal. Aug. post oblatum ritè sacrificium, resectosque diuino epulo Principes, confidentibus in medio Cæsare, vtrunque Regibus, per Cardinalem Strigoniensem desponsata. VIII. Id. Aug. Sigismundus Viennâ digressus, ad domesticum luctum redijt: Regina enim Barbara, secundo partu filiam enixa, ipsa obiit. Elocatâ deinde Legnicensi Principi, sorore Elizabethâ, Lituaniam in Octobri inuisit: egitque aliquantùm Brestiz, vt è propinquo Lituaniis rebus prospiceret.

*Mosci du-
Ere Sancti
Casimiri
funditur.*

Nam neque eo anno Mosci quieuerunt. Actis per Polocenses agros prædis, ciuitati castra admouerant; vnde totam viciniam infestam reddebant: eò securius quod Lituano militi, Duna fluuius præceps, atque altus, transitum negaturus crederetur. Petrus Gastoldus Polocensis Palatinus ei oræ tutandæ destinatus paucas ad manum cohortes habebat; itaque Ioannem Boratynski vitum rebus bellicis clarissimum, haud procul in statuiis hærentem, celeri nuncio, ad iungendas vires, vocat: vtriusque miles, agrè duo millia bellatorum explebat: intrepidè tamen contra hostem ductus est. Vadum

dum inquirentibus, ac prope amissâ omni spe, fluminis *A. 1515.*
tacito agmine superandi, cum nemo esset agrestium,
qui ducere vellet; repente eques iuuenis, armis fulgen-
tibus, equo atque veste candidis conspicuus, ante signa
constitit; atque breuiter milites, ut se auderent sequi,
exhortatus; incognito hactenus vado, in oppositam ri-
pam præiit. Superato flumine iuuenis quidem ille, re-
pente disparuit, ex certis indicijis D. Casimirus Poloniae
ac Lituaniae Princeps, creditus: miles verò securos in
castris hostes adortus, internecione inopinata, omnes
propè deleuit.

Venit interea Caesaris legatus Sigismundus Herbei- *A. 1516.*
steinus, ex nupero Viennensi foedere pacem inter Si- *Sigismun-*
gismundum Regem, & Basilium Ducem procuratu- *us Regno*
rus. Huic negotio de propinquo Rex intendere volens, *Drohichen-*
in Lituaniam venit, gentisque comitia Vilnae habuit: in *sem pro-*
quibus ex Ordinum consensu Drohicensem in Podla- *vinciam*
chia terram, Polonis perpetuo iure attribuit. Legatus *donat.*
autem Caesaris, Moscuam delatus, diligenter sui nomi-
ne Principis, studuit, Basilio persuadere; ut tandem
cruento inter Christianos populos bello finem, equa
pace imponeret: atque ideò, suos Proceres ad limites *De pace,*
Moscouiae mitteret, qui cum Regis de sincera constan- *in Moscis*
tiq̃ue foederum ratione agerent, itatuerentque. Basilius, *agitur, ar-*
prolixè de Caesare questus, quòd nupero bello quies- *bitro Ca-*
cendo, atque noua cum Rege Poloniae foedera pacis- *saris Le-*
cendo, non ex foederis secum initi fide fecisset; respon- *gato, irri-*
dit. Se pacis causâ nullos vnquam Oratores, ad aliquem *to conatu.*
vicinum

4. 1516. vicinum Principem, nedum ad Regem Poloniae, mis-
 surum: permitttere tamen, vt si Rex pacem cuperet, Le-
 gati eius Moscuam securè veniant. Monitus de ea re ab
 Herbeinsteinio, Rex, non leuiter arrogantia responsi
 offensus est, constitueratque neglectis legationibus, ar-
 mis tam tumidos spiritus premere. Verum, cum inde
 Cæsareis literis vrgeretur, vt barbari capitis tumorem
 contemneret; inde suorum consilij, vt Lituaniae diu-
 turnis bellis extremè exhaustæ, respirium daret: passus
 est se de sententia dimoueri. Iuere itaque Moscuam
 Legati regij, Ioannes Szczyt Mareschalcus, & Boguf-
 sus Bohouitinus, Notarius Lituaniae, Legati Cæsarei
 arbitrio, stabiliendæ pacis negotium tractaturi. Præfati
 animosè, Sigismundum Regem non necessitate aliqua
 compulsus, aut dignitatis reuerentiâ, priorem suos Le-
 gatos ad Basilium misisse; verum tum suo ingenio à
 Christiano sanguine abhorrenti, tum Cæsaris vehe-
 menter vrgentis gratiæ id dedisse: postulârunt, vt desi-
 gnarentur, qui secum absque ambagibus, præfente Cæ-
 sareo Oratore, de pace agerent. Destinato ad congres-
 sum die, diu coram Herbeinsteinio certatum est, vtrin-
 que mordicus deuitantibus, ne primi essent, qui pacis
 futuræ leges proponerent. Tandem deiecti de pertina-
 cia Mosci, has protulerunt. Helenæ Reginae iam vitâ
 functæ, satis fieret de iniurijs, pœnis pro meritò, in ca-
 pite virorum Principum, exsolutis: quidquid eidem
 connubij iure ab Alexandro Rege in Lituania possessio-
 num attributum fuerat, Basilio cederet: Kiuouia, Vo-
 lynia,

lynia, Virepscia, Polocia, & quidquid olim Russiæ imperio, Prouinciarum, Urbium, Arcium, agrorum censebatur, Magno Moscouiæ Duci, uti vniuersæ Russiæ Domino, restitueretur. Legati tam immodicā Moscorum postulata explosuri; vix minora proposuerunt: atque imprimis, ut omnibus Prouincijs, quæ olim Lituaniæ Principi vectigales fuissent, Basilus excederet; nimirum Nouogardiâ, Plescouiâ, Tueriâ, Viazmâ, Dorohobuzio, Smolensco, Putiuolo, ac vniuersâ Seueriâ. Aduertit Herbeinsteinius, ex extremis vtriusque partis postulatis, magnâ nimium contentione, nihil prorsus, agi: auctor itaque fuit, ut si de pace seriò agere proposuissent, ea postularent, quæ non omnino impossibilia factu essent. Post multam verborum dimicationem, Regij aperte sunt professi: sibi alijs conditionibus pacisci, quàm quibus inter Alexandrum & Iuanum pax steterat, integrum non esse; quòd nihil plus in mandatis à Rege ac Republica haberent. Negotio vniuerso ad ipsum Basilum deuoluto, strenuè Herbeinsteinius institit, ut saltem Smolenscum Regi restitueret; Michaëlem verò Glinscium nunquam in Lituaniā rediturum, Cæsari donaret; qui illi sedem in Germania figere pollicebatur. At, apud negantem omnia, solisque verbis, cupidum se pacis, modò Rex cum diuersis mandatis Legatos iteratò mitteret, ostentantem; nihil obtinere potuit.

Rex, Ostrogio in finibus circa Opoczcam excubanti mandauerat, ne Legatis Moscuæ agentibus de pace, quidquam hostile tentaret: at ubi nihil æqui à Moscis, quod

*Mosci à
Lituanis
repelluntur,
à Scythijs
caduntur.*

A a a

quod

A. 1516. quod spem aliquam pacatæ rei faceret, proponi intellexit; curas ad prosequendum bellum vertit. Tauricanis, qui per Podoliam prædas egerant Rege in Lituania occupato, violati fœderis sacrilegium, per internuntium exprobrat: simulque missis stipendijs, Mendligereium monet, ut suos in sequentem annum expeditos haberet. Mendligereius, ut populationem Podoliæ, se omnino inscio inuitoque, à iuventute, quam compescere non posset, factam fuisse, Regi comprobaret: non expectato altero anno, octuaginta millia in Moscouiam mouit, apertamque eam planè ac patentem populationi deprehendit. Basilius enim milite propè vniuerso, tum contra Ostrogium, tum ad vastandum Lituaniam expedito, suis se viribus nudauerat: ita, & Lituaniæ modicè nocuit; & Moscouiam propè perdidit. Prædatores Mosci, pluribus locis, ab arcium præsidijs sunt reiecti, ac cæsi: cum insuper concursu nobilitatis iustus exercitus confectus, aperto se campo illis intrepidè obiecisset, Mosci siue præteritæ cladis fortunam timentes, siue quòd iniussu Magni sui Ducis, configere non auderent, prælium detrectârunt. Intereâ vrgentibus Basilij nuncijs, reuocatur in Moscouiam, Scythicâ vastatione flagrantem. Magnis itaque itineribus redeunt. Iussi propè cursu vestigijs Scytharum prædâ variâ onustorum, insistere; agrè eos Cherfonessum repentes, consequuntur; atque auersum exercitûs agmina inuadunt. Scythæ ad primum tumultum, impedimenta omnia in frontem congerunt, signa cum bellatoribus

bus retro vertunt, atque fessos viâ Moscos aggrediuntur. Post modicam pugnam, campo pellunt: cæsis in acie ac fuga, viginti millibus, victores geminata spolia domum reportarunt.

Lituaniâ bello Moscouitico occupatâ, Albertus Brandenburgicus, Magister Prussiæ, quam rebellionem pridem animo coxerat, siue suâ sponte, siue vrgente Mosco, in apertum effudit. Dissuadebat pro virili Maxilianus Cæsar, quæ ante persuaferat: sed non erat tam facile, vulgatam flammam opprimere; quàm promptum fuerat, excitare. Collecto tacitè exercitu Albertus, destinauerat, insperatâ tempestate Samogitiam occupare: præiuerant aliquot turmæ, vt dum reliquæ copiæ succedunt, Samogitas inopinâ vastatione consternatos, prohiberent arma & consilia conferre. Verùm Ioannes Radiuilus Samogitiæ Supremus Præfectus, vt nobilitas parata esset in casum, quem præsenferat, tempestiuè suis literis præmonuerat: ipseque expeditas ad manum habebat cohortes. Vt primùm nunciatum est, comparuisse Prussorum signa circa limites Samogitiæ, iussis interea ad castra nobilibus confluere, ipse hosti cum stipendiarijs occurrit, cæsisque circa Ragnetam, ducentis, reliquos in fugam compulit. Brandenburgicus spe suâ delusus, nihil ampliùs contra comparatos ad bellum tentauit: reuocauitque suos omnes (qui iam Regiomontum attigerant) in profundiorē Prussiam. Extremi eius anni menses, Scythicis infestationibus inquieti fuere: nam Tauricani, Basilij muneribus concitati,

*Albertus
Magister
Prussiæ à
Samogitia
reijctus.*

*Scythæ &
Mosci Po-
doliā
vastant.*

A. 1516. tati, Moscisque, vti in eorum annalibus reperi, permixti, Podoliam copijs quadrifariam diuisis, miserè affligerunt. Quamquam verò deinde fusi cæsiq̃ue sint: ingenti tamen iacturâ ea victoria constitit. Romanus enim Ostrogius Constantini filius, magnæ spei iuuenis, cùm inconsultius fugientibus instat, equo in cursu colapso, ab hostibus circumuentus, occubuit. Afflictus frequentibus barbarorum infestationibus status Podoliæ, etiam Summum Pontificem Leonem ad commiserationem permouit. Quare, cùm fortè per Poloniam, in bellum Turcicum suâ sponte aliquid conferentibus, Ecclesiæ more, quasdam relaxationes pœnarum, indulgisset: quartam collectæ pecuniæ partem, Podoliæ finibus contra Scythas permuniendis, & arci Camenensis restaurandæ, destinauit. Verùm nihil ferè commodi Podolia inde percepit: iam enim ex vicinarum gentium prauis exemplis, illata in Poloniam eiusmodi rerum modica, aut nulla, æstimatio non parùm restinxerat mortalium studia, in conferendis, ad sacrum contra Mahumetanos bellum, nummis.

A. 1517. *Ostrogius Moscos à Lituania reijcit Moscouiâ vastat.* Damnum tamen Podoliæ, egregiè Moscis, in alterum annum reposuit Ostrogius, grauiore longè Moscouiæ vastatione. Occupare voluerat Lituanos Basilii, atque ideo ductore Szuiski ingentes copias in Lituaniam expediuerat. Verùm Ostrogius suos, vnâ cum Ioanne Swierczewski, qui mercenarium ex Polonia, Bohemia, ac Morauia, militem ducebat, Szuiscio aduentanti opposuit. Mosci aperto campo diffisi, verius Moscouiam

Moscouiam castra receperunt. Secutus impigrè Ostrogus, vltima agmina cædit, obuia ferro ac igne vastat: neque tamen aut Szuiscium, aut alium Ducem ad iustam pugnam elicere potuit. Itaque latissimè Meridionalem ac Orientalem Seueriam populabundo milite peruagatus, ad Septentrionem signa conuertit. Borysthene superato, ad Dünam duxit: viciniâ, in omnes partes euastatâ, eum quoque fluuium traiecit: inde ferro, ac igne Opoczka[m] vsque penetrauit. Ligna erat munitio, loco egregiè à naturâ instructo, sita. Contempsere Bohemi Morauique, insuetum suis regionibus, arcis genus, neque permisere, vt priùs bellicis machinis via oppugnaturis aperiretur, rati se paruo labore scalis in mœnia euasuros. At præfidiarij transuersis trabibus magnaue lapidum vi, à pinnis in subeuntes demissâ, & scalas, & milites, protriuerunt. Clades peditatûs, reliquos absterruit; ne insultus iteraretur. Castris itaque e loco fixis, ad vastandos in omnia latera agros, eques dimissus, ferro & igne incredibilem vastitatem Moscouiæ intulit; neque priùs ab eo populatione redijt, quàm ad ultra hyems, graues spolijs copias, ad hyberna reuocasset.

Fractus tantis cladibus Dux Moscouiæ, tandem dolere cœpit; quòd inchoatum pacis negotium, sua perti-
naciâ abruptisset. Ne quid tamen, videretur in publicum, de solita arrogantia remisisse; mærorem ex re infortunatè gesta, apud administros consiliorum dissimulare: pietatem prætere, abhorrentem à Christiano
cruore;

A. 1518.
Dux Mos-
couiæ pacē
querit.

A. 1518. cruore; quem necesse esset fundi, bello inter se, ac Sigismundum, durante: hortari suos proceres, ut Litvano Senatui scribant; ne permittat tantis cladibus Christianorum, bellum trahi, sed nauer diligentem apud Sigismundum Regem operam, conciliandæ paci. Nihil tamen eo anno inter ipsos Principes actum est, armis velut ex conducto, sponte sua silentibus: cum, & Mosci post tot strages, quiete egerent; & Litvani Moscicis quiescentibus, nihil mouerent. Rex pace publicâ ad confirmandam Regiam domum, usus est. Maximilianus Cæsaris suauis, atque cura, Bonam Sforciam Ioannis Galeatii Ducis Mediolani ac Barij filiam, Ferdinandi Neapolitani Regis neprem, coniugem duxit. Connubialia festa magno Principum confluxu, neque minore apparatu Cracouiæ sunt acta. Inde Rex comitiorum causâ in Decembri in Lituaniam venit. Celebrata sunt

Brestia: in ijs permissu Ordinum Nicolao II. Radiuilo est indultum, ut titulis à Maximiliano Cæsare domui eius collatis, liberè frueretur. Maximilianus enim, uti Russiæ ac Mazouiæ Ducum, suorum fratrum, auunculum; Sacri Romani Imperij Principem, Ducemque in Goniundz, solitis ritibus, eum dixerat: sed Nicolaus, Rege ac Republicâ inuitis, nollebatur ea peregrini honoris prærogatiuâ.

A. 1519. Sequens annus fuit, à Moscis quietus, à Prussis turbulentus, à Scythis planè funestus. Accessit mors Alberti Radiuili Antistitis Vilnensis, viri totâ Republicâ celebratissimi, tum omni alio pietatis genere, tum maxime

Rex coniugem Bonam Sforciam ducit.

Ducis titulus Radiuili conceditur.

A. 1519. Albertus Radiuilius Eleemosynarius moritur.

ximè in egenos: vnde & Eleemosynarij agnomen, populari consensu, meritus est. Scythæ Tauricani vastatis aliquot prouincijs, Sokalum vsque progressi, exusta ciuitate, cum strage formidanda, reliquis locis immincebant. Circa Socalum primò occurrerunt regiæ copiæ, ex Polonis, Lituanis, Russis, properè, vt in subito tumultu, lectæ. Aderat Constantinus Ostrogus, nitebaturque persuadere Polonis Ducibus, vt prælium in æquorem locum differrent: Nam, & Ventum eo die miles aduersum habebat, & acies, inter rudera exustæ ciuitatis, constiterat; vbi foueis, fornicibus, tumulis, murorum collapsorum congerie, equitatus impeditus, ferè nulli vsui futurus erat. Nequidquam monente Constantino, aliqui viribus exercitûs fidentes, Scythicis prælijs penitus non assueti, præcipitauerunt prælium. Victi itaque, ac profligati à Scythis, luëtum publicum auxerunt. Scythis, vix cum præda digressis, Magister Prussiæ fines Poloniae & Samogitiæ infestare cœpit: eo maximè consilio, vt Rege in Prussiam elcito, honestâ aperti belli occasione, rebellionem velaret. Rex demandatis contra Scythas ordinario è nobilitate militi excubijs, ipse cum stipendiarijs, in Prussiam mouit: secutus est, ex Lituania, cum auxiliarijs copijs Georgius Raduillus Grodnensis Præfectus. Fusi sunt eâ expeditione aliquot locis Prussi: Melzacum, Ornera, Lubauia, Hollandia, Siekierka, & alia ignobiliora castella, vniuersim decem, Magistro erepta.

*Regius
exercitus
à Scythis
profligatur.*

*Magister
Prussiæ
armis domatur.*

*Mosciam
pacem in-*

*A. 1519.
eundam
inuitant.*

Standa obtulerunt. Gregorius Theodori, Princeps Senatus per Borysum Kamienski interpellauit primus, Nicolaum Radiuilum Palatinum Viloensem; ut si forte Rex à pace alieno non esset animo, non grauaretur eius causâ, legatos suos Moscuam ad Basilium mittere: quod iam is, Procerum suorum precibus, inclinatum se ad pacata consilia, non modicè ferret. Radiuilus, ex Regis sententia, per Nicolaum Stawski respondit: iniquum quidem esse, ut priores regij legati Moscuam pergerent; nihilominus Sigismundum, uti Christianum Principem, non tanti eam honoris iacturam aestimare; ut eius vitandæ causâ, cruenti belli sistendi spem, aut negligeret, aut differret. Missurum, itaque procul dubio Legatos, modò illis Basilium viâ securitatem, per suas literas tempestiuè prouideret. Fungendi eo munere, Prouincia obuénit Ioanni Leluszewicz, Palatino Podlachia, & ærarij Lituani supremo Præfecto. Sed cum neque Rex quidquam de præteritis conditionibus immutâisset, neque Moscus aliquid concederet; desperatâ in præsens tempus pacis concludendæ ratione; agi cœptum est; ut in quadriennium fœdus sanciretur, atque interea collatis Legatorum consilijs, pacis perpetuæ modus iniretur, qui utriq; Principi non displiceret. Basilium, ne in has quidem inducias consensit: illud duntaxat probauit, ut saltem tamdiu ab armis cessaretur, quamdiu per alios Legatos de pace ageretur; aduentui verò legatorum circumscriptum est tempus ijs ferijs, quæ vernum Christianorum quadraginta dierum ieiunium, proximè præcedunt.

Tardè

Tardè nimis legatis ex Moscouia reuersis, non potuerunt alij, ad conditum adesse tempus. Quare Sigismundus per Nicolaum Szostak, aulæ suæ familiarē, monuit Basilium, vt diem legationi prorogaret. Comitatus est Nicolaum, Ioannes Hayko, à Nicolao Radiuilo cum priuatis mandatis ad Gregorium Theodori missus, qui tum cum, tum cæteros Primores hortaretur, ne conciliandorum Principum curam, remitterent. Nihil tamen certi, eo anno, constitutum est: quòd Basilius, vti deinde per Bogussium Woytyk, internum regium expostulatum est, literis insolito more expeditis, iter legatorum impediuerit. Misit enim inuolutas, ac sigillo clausas: ita, vt neque legati scire possent, quid eis contineretur, signo non rescisso; & violato sigillo, Moscos fidem literis daturos non speraretur. Cum pacis negotium in Moscouia, siue fortuito, siue quod vero propius, destinato Basilij consilio, differtur: in Prussia bellum calebat. Magister Prusiæ, collectis per Germaniam liberali stipendio decem millibus, ductore Volfango Schonemberg Campestri militiæ Magistro, regiæ ditionis Prussiam inuasit. Sed Volfangus, cum primorum successuum impetu abreptus, maiora viribus audet, exercitum perdidit. Tesczouiâ, & Ornetâ, per ditionem potitus, signa Gedanum mouit, insigni suo damno. Non machinis modò bellicis ex muro, sed etiam frequenti excursionē, ita vexatus est, vt quatuor millia suorum desideraret. Auxit cladem incredibilis fames quæ superstites reliquos ita exhaustis,

A. 1520.
Pacis cum
Mosco
negotium
differtur.

Magister
Crucigerorū
in Prus-
sia profici-
gatur.

Bbb

vt

A. 1520. vt ne armis quidem ferendis, pares essent : atque Hi ipsi, à Regijs copijs properè ex Polonia ac Lituaniâ euocatis, internecione perierunt. Telszczouâ recuperatâ, Choyniciâ, & Starogardiâ vi captis; reliquæ arces spontè sub imperium Regis concesserunt. Regi è propinquo (Torunij agebat) successibus Prussicis intendenti, gemitu teius diei lætitiâ, allatus nuncius simul, & hostis profligati, & filij Kalendis Augusti Cracouiæ nati : cui in sacro fonte Sigismundi Augusti nomen est inditum.

Sigismundus Augustus nascitur.

A. 1521. Magister Prusiæ Albertus, amisso exercitu, & magnâ ditionis parte, post accisas vires, alieni imperij patientior redditus, ad petendam ab auunculo per amicos pacem, consilia flexit. Concessæ sunt quadriennales induciæ, vt id tempus esset legibus perpetuæ pacis quietè condendis. Iam enim Luteri sectâ ex Germania in Prusiam inuectâ, Equitum Crucigerorum ordo, rebus contra idolorum cultores gestis celeberrimus, ita luxu dissolutus fuerat, vt summi æquè ac infimi, nullo discrimine, proculcatis votis, quæ Deo nuncupauerant, desertâque autâ Romanâ religione, ad sacrilegas nuptias appetè conuolarent. Inde veteres titulos Magistrorum, Marschalcorum, Commendatorum, extremè nauseâ dubiè moliri.

Status Crucigerorum in Prussia.

De pace cum Moscis tractatur.

Pacata Prussia Rex, cum Basilio per Stanislaum Dowgird egit, vt inchoata pacis tractatio resumeretur. Basilius verò institit, vt regij potiùs Legati Moscuam venirent, quòd ipse præsens, faciliùs suorum intempesti-

uas

uas concertationes moderari posset. Commissum itaque est à Rege hoc negotium, Petro Kiszka Palatino Trocensi, Bogusio Bohovitino Ararij Lituani Supremo Præsidi, & Ioanni Hornostaio Notariorum Magistro. Vrserunt illi diu, ut si Basilio Duci, sincerè pax cordi esset, pacisceretur, aut ijs conditionibus quibus olim inter Basilium eius auum, & Casimirum Regem; aut quibus inter Alexandrum Regem & Iuanum Basilidem, parentem Basilij, conuenerat. Verùm obstinatè Proceribus Moscis, spem nullam concordiae ea lege, facientibus; de alia pacis forma agi cœptum est. Imminēbat ei quoque labori, non dispar à superioribus legationibus euentus: cū enim Mosci, non solum Smolensciam, sed etiam nihil omnino agrorum Lituanae ditiori detractorum restituere vellent; restabat, ut legati post diuturnam concertationem, absque pace, Moscuā abirent. Fortuitò tamen sermone illato; num nequirent ad decennium induciæ fieri, quibus annis pacatè utrimque possideretur, quidquid agrorum, iure seu iniuriā, ad initium induciarum, Lituani, Mosciue obtinerent? in quinquennale fœdus utrique consenserunt; limitesque Smolenscensibus agris delignarunt.

Sequens annus ab armis quietus, comitijs Grodnæ peragendis spatium dedit: verùm ea, quantum ab hoste fuerunt secura, tantum ex domesticâ causâ turbulenta. Commoti fuerant haud leuiter Ordines, quod Rex Constantino Ostrogio Trocensem Palatinatum contulisset: non quidem, quod tantorum meritum

Bbb 2

viro,

41522. viro, eum honoris gradum inuiderent; sed quòd prauo exemplo, via infringendis legibus antiquis, aperta esset. Constantinus enim, vt erat Russæ religioni addictus, Antistibus Russis, Græcorum Schisma, per eos annos, secutis, adeorum factionem transierat, atque obsequium erga Romanum Pontificem detrectabat. At verò vetus lagelonia lex, ab omnibus Magnis Ducibus Lituaniæ, non tantum sanctè obseruata, verum etiam firmata, arcebat Senatu, cæterisque dignitatibus omnes, qui Pontifici Romano subesse nollent. Neque prius quieuerunt Ordines, quàm extortâ à Rege sponsione, publicis munimentis signatâ, quâ suam, ac successorum fidem obligabat, non facturos vnquam, vt homines à Romana religione alieni in senatum cooptrarentur. Imposito ijs comitijs fine, Rex Cracouiam abiit. Secuti sunt Legati Moscouiæ, qui induciarum firmandarum causâ missi, Regem in Lituania nonprehenderunt. Cum essent Cracouia, post peractam Legationem, Regalem mensam declinarunt, ne cum legatis Papæ, Cæsaris, ac Regis Hungariæ, de Principe loco concurrerent. Barbaris etiam pectoribus suis honoris gustus inerat; sed nimius: nam officij virtutis ignari, etiam indèbita, vsurpabant. Iocine causâ, an ex veroscriptum, non discepto: reperio tamen, sapidiorem illis fuisse, regijs epulis, alij ceparumque vluni, quibus tantâ eos copiam vesci solitos, perhibetur, vt tandem Cracouia vtriusque huius oleris defecerit genus.

*Legati
Moscorum
Cracouia.*

Basilus pacis à Lituania securus, arma contra Casanenses

nenses Scythas vertit : fixaque in inferiore Nouogardia
 fede, ei expeditioni inuigilabat praesens. Eo usque pro-
 ficisci debuit internuncius Regius Stanislaus Dowgird,
 cum expostulatione de nouis iniurijs : at responsi lo-
 cum, mutuae querelae occuparunt. Itaque duo proximi
 anni, inter minutas priuatorum circa fines iniurias, ac
 Principum perinternuncios querelas, exacti; plus ad
 nouas discordias, quam ad perpetuae pacis spem, con-
 tulerunt. Ac ferè vtrimque, & querelae simillimae erant,
 & responsa paria. Cum enim semel, iterumque, ac ter-
 tiò explicuisset Sigismundus Rex, per eundem Dougir-
 dem, quod à Vielicolucensi Praefecto, Vsuatenses; à Sta-
 rodubensi, Lubecenses; ab alijs Kriceuenses, Ciecier-
 scensesque agri, ac coloni, paterentur : Basilius prote-
 statum inscio se, ac inuito, haec facta; promittebat cura-
 turum se : vt pro praeteritis omnino satisfaceret; deinceps
 verò nulla daretur, querelis ansa. Similia Sigismundus,
 ad querelas Basilij reponebat. Tandem Basilius, per
 Boufalum Dimitrowicz regium nuncium, ita scripsit;
 vt more Moscis perpetuo, omnem causam à suis amo-
 tam, in regios deuolueret. Aiebat, post inspectam rem
 sedulo, probè sibi & praefectis ac ministris, cognitum
 esse, iniurias nullas omnino à Moscis inferri, plurimas
 autem perferri : ius laes, à suis praefectis administrari; a
 regijs, prorsus negligi. Orabat, vt ad eradicandam in-
 felicem continuarum litium segetem, Legatos mitteret,
 qui pace constituta, vtriusque populi gentes, certis li-
 mitibus, de communi consensu diuiderent.

A. 1522.
 Mutua
 iniuria
 & quere-
 le, inter
 Sigismun-
 dum &
 Basilium.
 A. 1523.
 A. 1424.

Bbb 3

Verum

A. 1525.
Pax noua
cum Cru-
cigeris
Prussiae,
conclusa.

Verum Sigismundus Prussicis rebus componendis interea intentus, coactus est Legationem Moscouiticam differre. Misso tamen Nicolao Iwaszencouitico, legatorum aduentum promisit: adiunxit, & querelas de recentibus iniurijs. Porro cum Alberto Prussiae Magistro, ac integro Crucigerorum Ordine, ita conuenit. Ordo Crucigerorum in ea regione penitus extinguere-
tur. Albertus Prussiae portionem, quam nunc Ducalem vulgò vocamus, titulo Ducis obtineret: sed regio imperio, simul cum Prouiuciâ, subesset; eosdem cum Polonia hostes, amicosque, deinceps habiturus. Prussiae nobilitati, atque oppidanis, iniuriam passis, ius ac potestas libera esset, à sententia Magistratûs, atque ipsius Ducis, ad regium tribunal prouocandi. Præmissis itaque legibus, iureiurando firmatis, Albertus solemnî pompâ, à Sigismundo Rege, VI. Id. Mart. inauguratus, primus Prussiae Dux appellatus est.

Cum Moscis
de incenda
pace per-
petua a-
gitur.

His confectis ad Moscouiticam pacem maturandam versæ curæ: præsertim, quia & induciarum ultimi dies haud multum aberant; & exteri Principes opus vrgebant per legatos & literas, metu Turcæ imminenti: reprimendis enim eius successibus, pernecessaria erat Christianorum concordia. Collatis cum Rege consilijs, Legati Papæ, Cæsaris, ac Romanorum Regis, præiuerunt in Moscouiam, secururos mox Regios: in limitibus hæserunt tamdiu, donec Regijs potestatem liberam, penetrandi Moscuam, receperunt. Neque prius Mozaicum mouerunt, quam venisset nunciûs, Regios iam

iam Smolenscum attigisse. Nihil tamen ante eius anni finem, de pace tractatum reperio. Annales Moscorum Clementis Papæ Legatum Ioannem Frentiuscam, Caroli V. Cæsaris Leonardum Comit, Ferdinandi Regis Sigismundum Herbeisteinium, memorant. A Sigismundo Rege, ijs, qui ante quadriennium, eo munere functi fuerant, commissum est negotium.

In primo legatorum congressu, Procerum Moscorum Præses Szuiscius, præfatus est. Magnum Dominum ac Ducem Basilium, promptum paratumq; esse, Summi Pontificis, ac Imperatoris gratiâ, præstare vniuersa, quæ ad pacem cum Polonia Rege perpetuò duraturis foederibus stabiliendam, necessaria futura essent. Verum post tam liberale proloquium, ubi ad enucleandas pacis leges deductum fuit negotium, is ipse pertinacissimè pernegabat, cum collegis suis, aliquid posse à Duce restitui: quantumvis Lituani deploratâ aliarum provinciarum foederis interuentu recuperatione, Smolensciæ solius, eiusque non integræ restitutionem postularent. Rem arbitrorum iudicio, æquam urgebant: quare ut obtinerent, multum, ab ipsis arbitris, allaboratum est. Sed omnem eorum contentionem superabat, obstinata in vestigio pertinaciâ Moscorum, ad omnia nihil aliud opponentium, quàm Magno suo Duci vniuersam Russiam deberi, hæreditatis iure; quod nullum omnino esse, Legati minimè ignorabant. Aggè tandem in sexennales inducias, utrique consenserunt; eâ lege: ut Basilius retento Smolensco, Ducis Smolensciæ titu-

A. 1526.
Magni
Russie
Domini
titulus
Mosco cō-
ceditur.

lo abstineret: Regij verò ordinarijs Magni Moscouiæ Ducis titulis, adijcerent vocabulum Magni Domini vniuersæ Russiæ. Fœdere hoc per Legatos Basilij, in præsentia Regis ac Senatûs, confirmato, ad præscindendam iurgiorum in confinijs materiam, constitutum est, vt

Ludouicus
Hungariæ
Rex peris.

vt utrimque designati extra ordinem iudices, finitimis ius dicerent. Impetrârunt ijdem Legati, vt per vniuersam Lituaniam, captiui Mosci conquisiti, Vilnam deducerentur, atque liberaliùs haberentur. Commodæ Regi, ex induciâ acciderunt, ex domestico luctu, mœrenti.

Ludouicus enim nepos Hungariæ ac Bohemiæ Rex, prælio ad Moharam à Solimano Turca victus, cum amisso exercitu, fugâ periculo se efferre conaretur, collapsus in palude equo, ab eodem oppressus, VI. Kal. Sept.

Lutherani
turbas
Gedani
tient.

miserè interierat. In Prussia quoque Gedanum illata Luterana secta, vehementer ciuitatis statu concusso, nouis turbis causam dederat. Nam concitato tumultu, omnis propè templorum opulentia, sceleratorum hominum rapinis cessit. Publicè verò, vi lex perlata est: vt qui nouam illam sectam sequi detrectarent; magistratu abscederent. Regi itaque, necessariò festinandum fuit, ad occurrendum priùs malo, quàm radices altius egisset. Gedanum delatus Rex auctores tumultûs, partim capitis damnauit, partim eos qui maturâ fugâ capta gladio subdixerant, proscripsit; atque ita pacem, ciuitati ac religioni, paucorum poenâ, restituit.

A. 1527.
Lituanis
proceres

In Lituania silente Moscouitico bello, contra Tauricanorum irruptiones, quibus non Podolia tantum & Podguria,

Podguria, sed etiam Polesia, frequenter infestabatur, ^{A. 1537.} Procures Lituani, auctore Constantino Ostrogio, pri- ^{privatis} uato foedere conspirarunt. Augebant Tauricanis ani- ^{opibus} mos & audaciam, Turcica auxilia, Imbraimo duce: qui ^{Scythas} Scythicis excursionibus, viam Turcico imperio, mu- ^{profligant.} niebat. Ostrogus accepto nuncio, triginta quatuor millium exercitu, Scythas, Turcasque, more suo in Podoliam ac Podguriam ducere, monet properè foederatos de periculo. Neque illi morantur: magnâ celeritate cum milite, quem suis stipendijs in eam occasionem auctoratum habebant, ad Ostrogium confluunt. Georgius Dux Slucensis, Theodorus Dux Sanguszko, Georgius Radiuilus, Ioannes & Alexander Korybuti, Duces Wisniewicij, Alexander Dux Czartorisci, Andreas Niemirowicz Palatinus Kiiouię, Eustachius Daskowicz Praefectus Cirkassorum, alijque non pauci. Cum his Ostrogus magnis itineribus profectus, quadraginta leucas ultra Kiiouiam, progressus, hostem cum præda redeuntem assequitur: commissoque prælio feliciter profligat. Victoriâ celebrem fecerunt viginti quatuor millia hostium caesa, cum Duce Turcarum Imbraime: octuaginta millia captiuorum in libertatem vindicata: præda omnis erepta. Rex tantæ victoriæ famâ, ad conficienda reliqua, quæ pacto nuper cum Moscis foederant, usus est. Ioannem Iesman nobilem è regia aula equitem, ad Basilium misit, cum eiusmodi mandatis. Captiuorum numerum, ac singulorum conditionem, inuestigare: postulare: ut quandoquidem Rex ^{Cū Mosco} Moscis ^{agitur de} ^{implendis} ^{induciarum} ^{conditio-} ^{nibus.}

Ccc

Moscis

A. 1527. Moscis id præstitisset, Basilius quoque curaret maiorem rationem haberi Polonorum Lituanorumque, in Moscouia detentorum: quæretur denique, quòd, cum Rex magnæ æquitatis viros iuri dicendo in finibus præfecisset, uti nuper cum Legatis Basilij constituerat, Basilius non solum suos iudices non misisset, sed etiam regios fraude interceptos, in vincula abduci mandasset. Respondit, præter morem, modestè Basilius. Captiuos sedulo conquisitos per Moscouiæ Prouincias, compedi- bus atque carcere liberos, Moscuæ per contubernia agere: solis illis custodiam adhibitam, qui vadem habere non possent; reliquos omnes liberè, absque custode, versari. Recuperatores regios se omnino incio captos, iussu suo cum magna honoris testificatione dimissos esse: ac propediem suos affuturos ad condictum locum. Captiuorum aliquos, solutos vinculis, clam ex Moscouia abiisse: æquum proinde videri; ut eos Rex remitti iuberet. Denique petijt, ut quos, occasione Regionum iudicum interceptorum, Moscos aut mercatores, aut tabellarios, detineri contigisset, illis liber in Moscouiam reditus permitteretur.

A. 1528. Reuersus ex Moscouia Iesmanus, Regem cum Regina, Vilnæ reperit. Verebatur Rex, ne si fortè, uti iam grandis natu erat, morte festinâ præoccuparetur; Augustus filius adhuc puer, regendæ Reipublicæ per ætatem inhabilis, à Polonis præteritus, ex noui inter Polonos ac Lituanos fœderis formâ, Litواني quoque Principatus successione excluderetur. Augebat metum ac sus-
piciones

piciones Regina: non tam Filij, quàm suâ causâ. Ipsa enim sibi timebat, ne mortuo Rege in ordinem redacta, priuatam vitam agere cogeretur; quæ hæcenus, diuisum propè, autidem, cum Rege imperium, satis impotenter administrabat. In Lituaniâ itaque vterque venit. Cum Proceribus, Senatu, ac Equestri Ordine agendum erat; vt, primo quoque tempore, Sigismundus Augustus, Magnus Lituaniæ Dux, renunciaretur. Secretis consilijs ista tractabantur; captabanturque homines occultè, ne res euulgata ad Polonos, in irritum abiret. Hæc molitione, Rege Vilnæ occupato, Legatus Mosci Ducis, cum lepidâ Legationis materiâ venit. Offenderat nempe Basilium, quod Ioannes Iesman generis nobilitate, ac singulari industriâ clarus iuuenis, superiore anno Moscuam missus, iunior ætate visus fuisset: barbaræ suæ Maiestatis, eum contemptum interpretatus, vrgebat per Legatum; vt maturiori annis viro, captiuorum per Moscouiam conquirendorum negotium, committeretur. Petebat etiam, vt de iniurijs per Seuerinum Noruedum illatis, satisfaceret: ac Valachorum Legatis ex Moscouia redeuntibus, potestas transeundi liberè per regias ditiones, fieret. Responsum, Regis nomine, per Notarium Lituaniæ Ioannem Hornotaium. Valachis libera itinera patefe: Seuerinum latrocinij viciniam vtramque, infestantem, non parere Regi, vt hominem exterum: de reliquis, satisfacturos Basilio Legatos, propediem Moscuam venturos. Fuere legati Matthias Kloczko Mareschalcus, Basilus Bogdanowicz

*Moscouie
Dux offe-
ditur in-
ueniente
legati.*

*Legatio
in Mosco-
uiam.*

41528. nowicz Czyz, Comes stabuli, & Andreas Mackiewicz à Secretis Regijs. Legationis verò summa. Captiui omnes Moscuam deducti, legatis sisterentur: recuperatores ad confinia quamprimùm mitterentur; qui collatâ cum Mackieuicio sententiâ, lites terminarent: si de pace perpetua agi placeret Basilio, Legatos ad Regem mitteret. Basilius pacem se optare professus, negavit se eius causâ Legatos missurum. Captiuis omnibus circa Nates Christi ferias liberum abitum pollicitus est. Iudicij instituendis, festum, quod Russis sub Protectionis B. Virginis nomine celebre est, designavit; permittitque, ut ijs Mackieuicius interesset. Iam in reditu Legati regijerant: cùm nuncius Moscuam venit, Valachorum Legatis Vilnam deductis, comitem ijs à Basilio Moscum additum, Moscuam reuerti iussim. Perturbatus eonuncio Basilius, Legatos regios Mozaisci detineri mandat. Legati ignari prorsus quid ageretur, properè Turczeninum, virum è regia aula nobilem, in Lituaniam expelierunt, ut certi exploratiq̃ue, aliquid referret. Sed Boryssus, comes Valachorum, maturè vanos timores discussit, celerrimo nuncio ad Ducem misso. Valachos eâ sola de causâ ad Regem coactos ire; quod eorum Princeps solitas de more literas liberi transitus, à Rege petere neglexisset. Cæterum, ubi primùm deducti ad Regem postulârunt, ut ijs ad Principem suum, per regias ditiones liceret redire; absque vlla aut noxâ, aut morâ, esse dimissos. Properè itaque Mozaiscum missa Basilij mandata, ne ampliùs Legati regij detinerentur: rarâ felicitate

licitate domum redierunt, non violati ab ea gente, cui minimis occasionibus, ad proculcanda quævis gentium iura abuti, nulla est religio.

Interea totus hic annus, maiorque pars proximi, Regi abiit, varijs artibus Lituorum animos tractando, sententiasque inclinando, ad Augustum Principem, sibi substituendum, ac Magnum Lituaniæ Ducem renunciandum. Paratis ferè præcipuorum suffragijs, comitia Ordinibus, Vilnam, ad medium Octobrem, sunt indicta. Initio Comitiorum, aguntur in speciem, alia diuersa negotia: priuatim verò, illi, quibus necdum secretum suboleuerat, amicorum colloquijs subiguntur. Cum tandem vix ullus repulsæ metus superesset, Rex, quod pridem destinatum habebat, apertè in Senatu promit. Primorum consensum, sequuntur alij, magis veneratione auctoritatis, quàm propriâ sententiâ. Renunciatur Sigismundus Augustus, comitiorum concordia, Magnus Lituaniæ Dux: atque XV. Kal. Nou. regali apparatu, in templo D. Stanislai, solitis cæemonijs inauguratur, annorum nouem puer. Peractis comitijs, Rex, Basilium Moscouiæ Ducem, per Ioannem Bohouitinum, monuit: filium suum Sigismundum Augustum, se volente, ac spontè abdicante, Ordinum omnium consensu, Magnum Lituaniæ Ducem renunciatum, rerum in Lituaniâ potiri, solo labore ac publicæ rei curâ, parenti relictis. Quare quamquam non ignorem, consilio ac imperio Parentis, per plures annos administrata esse, quæ deinceps in Lituania contigerunt.

Ccc 3

A. 1529.
Sigismundus Augustus
puer, renunciatur
Magnus
Lituaniæ
Dux.

4.1529. runt: quia tamen ea, Parens ipse, noui Principis auspicijs, sua sententiâ addixit; mihi quoque sub eiusdem nomine, pertexere, visum est.

L I B E R VIII.

DE REBUS LITVANORVM

Sub Sigismundo III. Augusto, Principe.

*Iudiciorum
in finibus
Moscorum
successus.*



Væ ad concordiam in finibus Moscorum tuendam, constituta nuper, atque à Basilio Duce promissa fuerant, vix cum fine anni exitum habuerunt, Moscis procrastinantibus. Andreas Nackieuičius dicendo iuri à Rege designatus, maturè satis Polociam venerat, atque elapso tempore quod conditum fuerat, satis diu Moscorum aduentum irritâ spe, præstolatus est. Basilius tamen, suos omni culpâ absoluebat, tarditatis causâ in itinerum difficultates reiectâ: quin, & contra Andream querebatur; quod paucorum (ut ipse aiebat) dierum moræ pertæsus, licet rescuiisset Moscos propediem affuturos, tantillum temporis expectationi superaddere abnuisset. Quare cum Basilius diem iudiciorum ad Paschales ferias prorogat, Rex verò tempus id, ob exundantes vernis mentibus aquas, itineri perquam incommodum, non acceptat: negotium, propè ad hyemem, proractum est.

Rex

Rex ex Lituania in Poloniam reuersus, eodem suc-
 cessu, quo in Lituania causam Augusti Filij perfecit.
 Nam, consensu Ordinum, successor Parenti: designa-
 tus est, atque IX. Kal. Mart. sumpto Cracouiæ diade-
 mate, Rex Poloniæ salutatus. Eo ipso tempore, Vilna
 ex grauissimo incendio, magnam stragem accepit: va-
 statis flammâ profanis sacrisque ædificijs, vix tertia vr-
 bis pars, eaque tectis deiectis multum lacera, ægrè ser-
 uata est. Neque reliqua Lituania, meliore vîa est fortu-
 nâ. Pestifera contagio per æstiuos menses, vrbes plera-
 que ac oppida, pagosque funeribus impleuit. Ab hoste
 etiam accessit non leue damnum. Scythæ Tauricani,
 inopinatò patentibus campis infusi, priusquam ad ar-
 ma Lituania concurreret, latè prædas egerunt. Nobili-
 tas tamen & militiæ Ducis edicto, & suo periculo euo-
 cata, ductore Ioanne Dubrowicki, abeuntem cum spo-
 lijs hostem ad locum Pulozorze dictum assécuta, præ-
 lio vicit, prædamque omnem recepit. Remittente ex-
 ternâ calamitate, ciuilibus res sub noui Principis auspicijs
 meliorem ordinem accepit, vniuersis legibus, in volu-
 men vnum, *Lituaniæ Statutum*, vocamus; relatis, quas
 magno consensu Ordines 3. Kal. Oct. acceptarunt.

Sequens annus Lituaniæ, quietus; Poloniæ trium-
 phalis fuit. Ob celeberrimam victoriam Ioannis Comi-
 tis de Tarnow. Hic sex millium exercitu Polono, quin-
 quaginta millia Valachorum aggressus, felicissimè pro-
 fligauit, ac quinquaginta bellicas machinas cepit. Hinc
 aliquibus spes aliqua visa, Moscum proniorem fore, ad
 æquiores

A. 1530.
*Sigismundus Au-
 gustus Rex
 Poloniæ
 coronatur.*

*Scythæ
 profligan-
 tur.*

*Statutum
 Lituaniæ
 conditur.*

A. 1531.

*De pace cū
 Moscis a-
 gitur.*

A. 1531. æquiores conditiones pacis : quare eius stabiliendæ cu-
 ram, iterum Rex resumpsit. Præmissus est Alexander
 Bokiewicz, illustris iuuenis, qui de aduentu Legatorum
 Basilio nunciaret. Accepit quidem est satis amicè : sed,
 quod nondum ei barba auctoritatem fecisset, more gen-
 tis ab osculo Ducis dextræ, exclusus : nullus nimirum
 isthæc ingenij iudicijque maturitati honor est, barbâ de-
 stitutæ. Secuti sunt Alexandrum Legati Ioannes Sapien-
 ha Palatinus Podlachia, Matthias Kloczko Mare-
 chalcus, Paulus Naruszewicz consilij Secreti Regij Mi-
 nister. Mandatorum caput erat. Non exiguum discor-
 diarum materiam ab ipso Basilio nuper esse porrectam,
 cum datis ad Regem literis eum Prussiae, Russiaeque Du-
 cem appellare neglexisset : neque difficilem fuisse Regi
 iniuriæ illatæ vindictam, post debellatum grauissimâ
 cæde Valachum, laureato exercitu in Molcouiam
 translato. Verum Sigismundum Regem, belli victoria-
 rumque saturum, ob studium pacis, noluisse præcipiti
 consilio ad arma prorumpere, quin maluisse hæc lega-
 tione prius experiri, quo animo esset Basilius ? Ille cul-
 pā omni erroris, in scriptores deuolutâ, sibi quoque pa-
 cem vnicè cordi esse, inde comprobauit, quod nullam
 bello causam sumpsisset, licet Regionum codicillorum
 ministri, Magni Russiae Domini titulum sibi subtraxis-
 sent. Tum hortari cœpit Legatos, vt ita tandem cum
 suis Proceribus de pace agerent, ne superiorum anno-
 rum exemplo, omnis opera in vanum recideret. Inchoa-
 ta eâ actione, nihilo languidiùs veteres concertationes
 sunt

sunt resumptæ. Regij vrgebant pacem, aut eam quæ ^{A. 1531.}
 Casimiro vel Alexandro regibus fuisset; aut saltem eam,
 quam Sigismundus inito regno, ante captum Smolen-
 scum, repererat. Mosci verò nihil æqui concedebant.
 Negabant resummi posse leges illorum fœderum, quæ
 bellorum interuentu pridem essent antiquata: irritò vo-
 to, ea reuocari clamabant, quæ transissent; vano studio
 repeti à Duce, quæ belli iure possideret; præsertim, cum
 nulla restituendi necessitas instaret. Lituanos magis in-
 digere, quàm Moscos, pace: eos itaque potiùs redime-
 re debere, reliquæ Russiæ cessione. Amisâ spe perpe-
 tuæ pacis, de breuibus inducijs agi cœptum est; eâ con-
 ditione vt Mosci Czernihouiam, Homelum, & alia
 quædam propinquiora loca restituerent. Nihil tamen
 Regij legati euicerunt. Illud vnicum à Basilio expressit
 desiderium eliberandorum captiuorum, qui magni no-
 minis in Lituaniâ tenebantur: vt captiuis vtrimque li-
 berè dimissis, aliquibus agris Lituaniæ restitutis, indu-
 ciæ in annum prorogarentur. Atque ita proximus an-
 nus ob induciarum prorogationem; alter ei succedens ^{Dux Mo-}
 ob secutam Basilij ipsius mortem, nihil belli in finibus ^{scouia Ba-}
 Moscouiæ habuit. Circa eadem tempora Dux Oltro- ^{silus mo-}
 gius Constantinus, Castellanus Vilnensis, vitâ functus, ^{ritur.}
 in suprema militari Præfectura, successorem habuit ^{A. 1532.}
 Georgium Radiuilum. In Moscouia verò à morte Basi- ^{A. 1533.}
 lij Iuanidæ, filius Iuanus paternum imperium occupa-
 uit. Interceperunt ab initio eius Principatûs mutua in-
 ter Principes literarum officia, quibus pacis concor-
 diæque

D d d

diæque

diæque studium promoueri potuisset.

*A. 1534.
Mosci Li-
tuaniam
vastant.*

Atque Sigismundus quidem, haud dubiè pronior e-
rat in pacem, si ea æquis conditionibus stabiliretur: at
Moscouia, quàm alieno ab ea animo esset, nihilque ei
ultra verba daret, argumento fuit, auspiciū noui
Principatūs, ab armis Lituanix illatis, sumptū. Quam-
quam id bellum susceptum fuerit, non voluntate aut
imperio Principis, qui necdum nouennis, publicam
rem ferè non attingebat; sed factione crudelissimi ho-
minis, Theodori Owczynæ. Hic sublato, vti aliū me-
morauī, Michaële Glinščio, oppressisq; Proceribus a-
lijs, sub Tutoris nomine, ius omne inuaserat, penes su-
perstitēs Glinščio collegas, Coluczouum & Szuisciam,
vanā tutorum appellatione relictā. Quia verò res suas
pace domesticā firmare non poterat: bellum contra Li-
tuaniam suis fraudibus consciuit. Sexaginta millium
copijs Lituaniam inopinatò aggressus, populationem
per profundiora Lituanix, infami in sexum & ætatem
imbellem, crudelitate, exercuit. Quindecim dumtaxat
leucis Vilnā distabat, maximam cladem, quacumq; e-
ibat, circumferens: cū ad famam exercitūs Lituani
cœpit retrocedere. Collegerat, quas in re subita poterat,
copias Georgius Radiuilus: sed & ipse impares vires
tanto hosti apertè obijcere non audebat, & à Rege pro-
hibitus fuerat, ante aduentum Poloni militis, confige-
re. Adfuerunt quidem satis festinatò Polona auxilia,
ductoribus Ioanne Tarnouio & Andrea Gorka: sed iam
hostis, non minùs infesto per obuia in reditu agmine,
impunè

*Regius
exercitus
Homelio,
ac Siaro-
dubo rece-
pto Moscos
profligat.*

supra

b b c

impunè prædam ac militem trans Borysthenem rece-
perat : atque contractis in vnum vniuersis copijs , ita
castris locum sub vallo Starodubi ceperat ; vt regijs ad-
uersus castra hostilia ituris , necessariò prius oppidum
expugnandum esset. Nihilominus iunctis viribus con-
silijsque, Poloni Lituaniq̃ue ductores incredibili festi-
natione signa promouerunt, vt hostem alicubi nancis-
ci possent. In via Homelium vi receptum est. Ad Sta-
rodubum oppugnatione bellicis machinis tentatâ, ni-
hil profectum : cuniculis tandem sub mœnia ductis,
valloque tormentarijs pulueribus disturbato, ciuitas
impetu militis capta est. Inde, faciliior victoribus in ca-
stra hostium decursus fuit : cædes maior, quàm pugna,
in castris : profligatis, qui se opposuerant, plures capi
mallebant, quàm pugnare. Cæsus in prelio Petrus Dux
Romadanowski, capti tres Moscouiæ ac ipsius Princi-
pis, Administratores, cum Theophilo Duce Obolen-
ski. Reliquorum captiuorum numerus longè regium
militem excedebat : quare iubente Tarnouio, repetitâ
cæde imminui debuit. Tormenta bellica duo supra se-
ptuaginta, cum ingenti bellico apparatu ; atque incre-
dibilis vis prædæ variæ, victoribus cessit. Neque enim
solum recepta est omnis Lituana præda ; sed etiam opu-
lenta Moscouitica supellex direpta ; quam secum, bar-
baro saltu, velut ad pompam in castra Mosci conuexe-
rant. Non minore clade Moscouiam exercebant, Po-
tentiorum discordiæ, ac æmulorum in aduersæ factio-
nis familias sæuitia : quam exosi Simon Dux Bielski, &
Iuanus

A. 1534.

impro-
de m. 1534.Proceres
Mosci in
Lituaniam
transiunt.

D d d 2

Iuanus

4.1534. Iuanus Lacki cum filio, capiti atque fortunis perflugium apud Sigismundum Regem quæsiuerunt. Accepti sunt perhumaniter Vilnæ à Rege, atque amplis ditati possessionibus. Laccio cessit Zoludkum, & Altaaula: à quo nobilissima domus rebus pace ac bello gestis, atque Magistratibus amplissimis clara, ortum in Lituania ducit. Bielscij posteros, absque hærede decessisse, argumento est; quod ditiones ei attributæ, Zezmori, Stokliszki, Kormialouia, desierint esse equestris iuris.

*Capituli
Mosci de
pace agit.*

Præcipuæ Nobilitatis viri, atque adeo capita Procerum Moscouiæ Lituanis carceribus inclusa, cum nulla aliunde libertatis spes affulgeret, quàm ex pace constitutâ, primi suos sollicitare cœperunt, vt Iuano Ducipacatorum consiliorum auctores esse vellent. Theodorus Ouczyna, ex colloquio Georgij Radiuili, cognitâ re, quàm proni essent Lituanix Primores ad fœdera, Iuano Ouczynæ fratri studiosè scripsit, vt apud iuuenem Principem captiuorum liberandorum curam, ac in primis pacis stabiliendæ promoueret. Iuanus respondit iussu Principis: placere illi, vt de pace ageretur, at omnino opus esse, vt eius causâ Regij Legati Moscuam mitterentur. Regijs contendentibus Sigismundum non difficulter in pacem consensurum, si captiuis petentibus, legati de pacis legibus transacturi venirent: negabant Mosci, è dignitate sui Principis fore; si aut pax per captiuos postularetur, aut, quod nunquam contigisset hactenus, priores, Legati Moscouiæ, Lituaniam adirent. Quare Georgius Radiuilus per nobilem virum Vladislauum

ladislaum Rogowski cum illis egit, ne vel eâ solâ causâ A. 1534.
puderet eorum Ducem prius suos legatos mittere, quod
puer adhuc missurus esset, ad Regem non tantum vitæ
actæ, sed etiam regni administrati, rerumque gestarum
annis grandem: quod si neque id honoris ætati conce-
deret; ita rem disponi curaret, ut utrimque destinati
Proceres, cum plenis suorum Principum mandatis, ad
condictum locum tempusque simul conuenirent. Nihil
tamen eo anno constitutum reperio.

Proximo primum anno, Minores, ut vocant, Mos- A. 1535.
corum Legati Vilnam ad Sigismundum Regem vene- Legatorum
runt. Multum siquidem de priore arrogantia Iuanus Moscorum
cum suo Senatu remiserat, metu Ioannis Hlebowicz apud Regem
Polocensis Palatini, qui milite per Polocenses agros di- postulat.
spolito, signum à Rege inuadendæ Moscouiæ præsto-
labatur. Accepti Legati liberalissimè, priuatim per Ioan-
nem ac Onesimum Hornostaios, atque Theodorum
Solomerecki: introducti in Senatum, sui Principis no-
mine postulârunt; ut Rex in irâ pace, sisteret sanguinis
Christiani miserabilem profusionem: neque abnueret,
pacis causâ, prior Legatos mittere; quod, per maiorum
exempla, atque instituta integrum non esset suo Mag-
no Duci facere. Similia complectebantur literæ, Iuani
Ouczynæ, ad Georgium Radiuilum, qui in super suppli-
cabat ut Hlebowicij præceps in bellum genius, manda-
to regio tantisper intra fines pacatè contineretur. Res-
pondit è Regis, Senatûsque sententia, Ioannes Horno-
staius, ærario Lituaniæ Supremus Præfectus. Multas,
magnasque

A. 1535. magnasque causas Regi esse, quæ ad prosequendum bellum non leuiter vrgerent: neque minores, quæ prohiberent; ne prior Legatos mitteret. Verum tamen, & studio pietatis ex Christiani sanguinis commiseratione, & pacis sincero desiderio, facturum: vt, neque à Hlebouicio intereà infestaretur Moscouia; neque legatos Iuani ad se expectaret, sed suos Moscuam expediret. Legationi tempus ad natales Christi ferias designatum fuerat: sed varijs difficultatibus in alterum annum extracta est.

A. 1536.
Ioannes de
Ducibus
Lituanie
Episcopus
Posnaniensis.

Eodem anno Rex Sigismundus, filium ante legitimum connubium vagis amoribus quæsitum, Ioannem dictum, ex Vilnensi Pontificatu, ad Posnaniensem transtulit, successore in Vilnensem Paulo Algimunto Duce Holizano. In Moscouia Legati regij, Ioannes Hlebowicz Palat. Polocen, Matthias Kloczko Mareschalcus, & Venceslaus Mikolaiewicz Notarius Lituanie, cum Hlebo ac Luca Korsak regijs familiaribus, vbi de pacis legibus cœperunt agere, veterem Moscorum pertinaciam, nequidem tot cladibus emollitam, repperunt. Repetentibus Nouogardiam maiorem, Plescouiamque iustis Vitoldi armis Lituanie adiectas Prouincias; contendebant Mosci suorum Magnorum Ducum id patrimonium esse: quamuis compertum in historia habetur, priusquam eæ vrbes à Vitoldo domarentur, nunquam Mosco paruisse. Quæ fœdera Lituanie Principibus, cum Basilio Basilide, Iuano Basilide, & Basilio Iuanide, intercefferant, ea ne nominari quidem patiebantur:

Legatorum
regiorum
irritus in
Moscouia
circa pacem
labor.

supplagum

8 b b d

bantur: prætendentes alium rerum statum, alia de nouo 4.1536.
fœdera postulare. Nimirum ius in Prouincias, non ex
belli æquitate, sed ex euentuum successu, æstimantibus
diuersum rerum statum faciebant, quòd violatis fœde-
ribus, inopinatò illatis armis, ac prodicione Russorum,
pleraque loca fortunato sacrilegij successu, Lituaniæ
detraxissent, quæ ex veterum fœderum formâ restituere
opus esset. At neque Regij legati minùs constanter
pro æquitate decertârunt. Quare Mosci, velut remissâ
pertinaciâ, simulant se aliquantum, in speciem cedere,
vt omnia retinerent: orant, ne irritum abire omnem la-
borem Regij permetterent; sed ijs saltem legibus in pa-
cem perpetuam consentirent, quibus ante decennium
sexennales induciæ inter Sigismundum & Basilium con-
stituerant. Hac arte, illi Smolenscum, belli ad tempus
sistendi causâ, à Sigismundo sub Basilij potestate in se-
xennium relictum, perpetuo iure vindicare Mosconiæ
sunt conati: quam quia solerter legati obseruârunt, ac-
riter ei postulato obstiterunt. Tandem ita conuenere
partes. Homelium Regi cederet, Siebiezium & Zaui-
lociam Dux retineret: de reliquis arcibus, atque agris,
nihil in præsens moueretur: induciæ in quinquennium
essent: silentibus armis de captiuorum liberatione, ac
pace perpetuâ, per Legatos ageretur. Ad confirmâdas
inducias venerunt Vilnam Mosci. Postulabant præter-
ea vt eius fœderis beneficio, Moscis ad Casarem, Hun-
gariæ Regem, ac Valachiæ Principem, liberè commea- 4.1537.
re per regias prouincias, permetteretur. Caesaris atque
Hungariæ

A. 1537. Hungariæ Regis, vti amicorum, ratio habita est: de Valacho apertè negatum. Bello enim inter Polonos ac Valachos feruente, quod ante annum inchoatum, in tertium vsque pertigit, contra Rempublicam videbatur fore, si eiusmodi commercia cum publico eius hoste concederentur: præsertim quòd Moscorum in colendis foederibus, religio, quàm aut nulla esset, aut admodum suspecta, experimento compertum haberetur.

Petrilo Daciæ seu Valachiæ Princeps, profligatis nuper modicis Polonorum copijs, impotentiùs agebat. Sed admoris tandem ductore Tarnouio maioribus viribus, detumuerunt arrogantes spiritus. Obsessâ ad Tyraram, Chocimo arce, pacem supplex petere est coactus. Occasione eius expeditionis, Nobilitas Polona sub Leopolum congregata, propè per seditionem militarem à Rege extorlit, vt filium Augustum, adhuc puerum, Regem dictum coronatumque, iam septendecim annos natum, tandem à sinu matris abstraheret: è medio muliebrium ministeriorum educeret; Reipublicæ, Curia, castris, redderet. In Lituaniam, quæ omnia fuere. In vicinâ ei Liuania, noua, turbis ac exitio, suborta seges: Lutherana nimirum secta, ab aliquot iam annis priuatim gliscens, Derpati in apertum, auctore ignobili pelione quopiam erupit. Hic enim Norimbergâ aduectus, nouus religionum à crepida Magister & arbiter, publicè praua dogmata vulgare cœpit. Succrescebat malum (vt semper maiora malorum, quàm bonorum, incrementa sunt) fertiliùs, quod Hermanus Bey loci Pontifex,

*Augustus
ad Rem-
publicam
admonetur.*

*Lutherana
secta
per Litu-
niâ initia.*

fex, quamquam præsens adesset, nullam morbo medicinam apponeret. Sequentes anni, nihil ad memoriam habent: præter connubium, Isabella Principis, cum Ioanne Hungariæ Rege, & Alberti Gastoldi Palatini Vilnensis funus.

A. 1539.

A. 1540.

Interea Lituaniæ administrationem, iam in parte à Sigismundo Augusto susceptam fuisse, indicio sunt foedera cum Moscis, sub eius nomine hoc anno confcripta Moscuæ. Laborarunt circa id negotium, Ioannes Hlebowicz Palatinus, Nicodemus Ciechanowiecki

A. 1541

Sigismundus Aug.

Lituaniæ admini-

strare incipit.

Dapiferorum regionum Præses, & Nicolaus Andruszewicz Notarius Lituaniæ; ut si non æquis, saltem non pudendis conditionibus pacem perpetuam constituerent: nimirum Smolensco, & Seueriensibus arcibus receptis. Verum Mosci, uti verbis, pacem se vnicè cupere, profitebantur; ita eius causâ nihil facere volebant. Qui-

Septenn-

les cum

Mosco in-

ducia.

nimmò etiam captiuos nullâ dignitatis numerique ratione habitâ, commutari poscebant: quamquam ipsi de Lituanis & paucos, & ferè non illustres, haberent. Impetrarunt tamen Mosci, ut induciæ ad septennium pro-

rogarentur: captiuorum negotio ad ipsum Regem re-

iecto. Venerunt deinde Mosci Vilnam, firmandarum

induciarum prætextu: reuerà, ut de occupatis inducia-

rum tempore agris, ac captiuorum libertate agendo,

pertractarent. An breues induciæ, possent in perpetuum

fedus commutari? his dumtaxat adiectis conditioni-

bus: si Homelium Mosco relinqueretur, & omisâ Smo-

lensci repetitione, aliquod aliud latifundium postula-

retur;

retur;

E e e

1541

A. 1541. retur; captiui verò nullo discrimine, vtrimque liberta-
 te donarentur. Nihil horum est concessum promissum
 tamen, affuturos propediem circa Siebiezium Regios
 recuperatores, qui cognitâ causâ satisfacturi essent pas-
 sis iniuriam agrorum. Delecti sunt ad id negotium, Sta-
 nislaus Douoyna Palatinus Polocensis, Nicodemus Cie-
 chanowiecki Supremus Lituaniæ Dapifer, & Nicolaus
 Andruszewicz Stabuli Principis, Magister: tempus iu-
 dicijs designatum ad IV. Non. Febr. comitatus ducen-
 torum equitum turmâ circumscriptus. Præcessit iudi-
 ces, Stanislaus Pietruszkowicz Aulicus regius, qui Iua-
 num Ducem de aduentu illorum præmoneret. Sed Iua-
 nus, causatus eiusmodi negotio ineptum fore tempus
 hybernium, quo contactis altâ niue agris, termini limi-
 tum dignosci non possent, in æstiuos menses diem dif-
 ferri petijt. Rex pacatâ Lituania, priusquam in Polo-
 niam abiret, Tröcensem Palatinatum recensuit, atque
 ad vetera territoria Vpitense adiecit. Magistratus quo-
 que, qui quorundam Procerum morte vacabant, di-
 stribuit. Georgius enim Radiuilus Castell. Vilnensis, &
 exercituum Magni Ducatûs Imperator, superiore an-
 no; & hoc ipso Ioannes Radiuilus Samogitiæ Guber-
 nator, ac Georgius Olelko Dux Slucensium, obierunt.
 Segetibus per æstiuos menses magna strages incubuit:
 incredibilis locustarum vis, (malum his regionibus in-
 solens) circa Vilniam, Iwieniecium, Koydanouiam, la-
 tissimè depopulata est, agros omnes.
 In Poloniam Rex reuersus, ad nuptias Augusti filij
 procu-

*Vpitense
 territorium
 erigitur.*

procurandas studium conuertit. Austriaca domus aff-
 nitati nouæ delecta: atque in ea, Ferdinandi Romano-
 rum Regis filia, Elizabetha. Data est in matrimonium,
 magnâ tum parentis ipsius, tum patris Caroli V. Cæsa-
 ris, propensione, vt foedera, cum Ladislao ac Ludouico
 priore affinitate inchoata, firmiùs hoc connubio sta-
 bilirentur. XVII. Kal. Iun. festum nuptiale, solempni
 dignoq; tantis sponis apparatu Cracouia peractum
 est. In finibus Moscouia conuentus Iudicum, ad cog-
 noscendos, designandosq; Siebiezia terminos hucus-
 que dilatus, etiamnum in irritum abiit. Ioannes Ko-
 maiewski, & Hlebus Iesman, Regij familiares, maturè
 in Siebieziam delati, loco mille passibus, ab ipsa arce
 Siebiezio, disito constiterant. Id verò indignè ferre Mo-
 sci, atque adeo negare, se ad negotium accessuros, prius-
 quam Regij vel Wiczerkam, pagus erat quindecim
 leucis distans, se reciperent; vel Wierciam, aliquantò
 propiorem. Regij rati, tempus ludi, neque è dignitate
 fore, si locum mutarent; rectà in Lituaniā iter arri-
 piunt: quamquam verò, iteratis Moscorum nuncijs re-
 uocarentur; nihilominus, vt hostibus reponerent eo-
 rum pertinaciam, in cœpto itinere perstiterunt. Que-
 stus est de ea re per litteras Iuanus, atque vt alij iudices
 designarentur, postulauit: verum, an aliquid eo aut se-
 quente anno factum sit, notatum non reperio.
 Vastatis, ante annum & aliquot menses, locustarum
 procellâ agris, ingens annonæ angustia, Lituaniā uni-
 uersam afflixit: maximè verò Vilnam; quò, quia plures
 E c c 2 egeni

*Ann. 1543.
 Sigismun-
 dus Augu-
 stus Eliza-
 betham
 Austriacâ
 ducit.*

*24. 2. 1. A.
 1543.
 24. 2. 1. A.
 1543.
 24. 2. 1. A.
 1543.*

Que. 1. 1. 544.

*1544.
 Fames in
 Lituaniâ.*

A. 1544. egeni ex pagis concurrerant, plures morbis ac inedia
 confecti sunt, ex multitudine mortalium, difficultate
 alimentorum crescente. Quare, cum eo anno: Litua-
 norum comitia cogi necesse fuisset: Brestiam indicta
 sunt. Conuenerunt frequentes Ordines. Rex secum fi-
 lium Augustum adduxit. Inter initia comitiorum, cum
 magistratus distribui est necesse, Gregorius Chodkie-
 wicz Supremus Cubiculi Principis Magister, vulgò
 Archicamerarius M. D. L. est renunciatus. Vbi de Re-
 publica agi coeptum est, Rex causatus aetatem annis ac
 laboribus fractam, de consensu Ordinum, vniuersam
 Magni Ducatus Lituaniae administrationem à se in fi-
 lium Augustum, transtulit. Peraetis comitijs, Rex Cra-
 couiam se contulit. Augustus Vilnam cum coniuge.

A. 1545. Breue admodum hoc eius coniugium fuit. Elizabetha
 vxore intra viginti quinque menses à celebratis nuptijs
 XVII. Kal. Iulij exstincta, nullaque prole ex eo matri-
 monio suscepta. Postelata Elizabetham, atque regia
 magnificentiam in sacello, in quo Alexander Rex tumu-
 latus fuerat, Vilnae sepultam, non diu pertulit Augu-
 stus coniugis desiderium. Iuuenili letitiae, atque pri-
 mae educationis assuetudine, in conuiuia, saltus, care-

raque iuulorum cum foeminis oblectamenta prouocans
 frequentius inuisere coepit, Barbaram Radiuiliam, Geor-
 gij Castellani Vilnensis filiam, Stanislai Gastoldi Tro-

centis Palatini Vidnam. Quamquam verò, non procul
 ab arce & regia aedes Radiuilianae essent, ut breviori spa-
 tio in hortos, earum, quibus liberet, commeari posset;
 palatium

*Augustus
 Barbaram
 Radiuiliam
 coniugem
 primam
 ducit.*

palatium suum, hortis Barbaræ, per publicam viam, ^{A. 1545.}
 amnemque Vilnam, ponte coniunxit. Vapulabant po-
 puli linguis, tum Barbara, tum Augustus: fortassis fal-
 so, non tamen innoxie. Et si enim illa conuiuia, tantum
 aliquid leuitatis, nihil autem inhonesti, habuerint: sa-
 tis tamen Principi ad noxam erat, quod ea non vitaret,
 quæ à populo carpi necesse erat. Post diurnam ac
 frequentem familiaritatem, cum neque Barbara de
 constantia pudicitia dimoueri, neque Augustus cres-
 centes internos ignes diutius ferre, posset: Christiano
 ritu, presentibus Barbaræ cognatis, Stanislao Kieizgai-
 lone, & duobus Radiulis, in connubiales leges mutuò
 iurauerunt. Consobrinus Barbaræ Nicolaus Radiu-
 lus, niger à capillo nigro agnominatus, ut amplioribus ^{A. 1546.}
 domus suæ ornamentis, nuptiarum Barbaræ cum Au-
 gusto imparitatem moderaretur, apud Carolum V. in
 Augustanis comitijs obtinuit, ut ipse cum suo Germa-
 no Ioanne, Dux in Olika & Niesuizio, Nicolaus verò
 Barbaræ germanus, Dux in Dubinki & Birze, renun-
 ciarentur, atque in Collegium Principum Romani Im-
 perij, cooptarentur. Secretò ea agebantur, quæ ad nu-
 ptias Augusti pertinebant: tanquam non paucos, nec
 infimos, aduersarios habitura, cum in publicum pro-
 traherentur. Polonorum itaque imprimis studia sibi
 conciliare Augustus maturauit, publicâ largitione. In-
 dictis Vilnam comitijs, ita Lituatorum animos versa-
 uit, ut cum Bielscentis in Podlachia terra, a Lituania
 ditione recisa, auctoritate horum comitiorum, Polo- ^{A. 1547.}
 nis

A. 1547. nis addiceretur, non solum ei donationi Ordines non reclamarent, sed etiam magno numero, Procerum primi subscripserint.

Augusti cum
Raduilia
matrimo-
nium im-
pugnatur.

Conciliatis Polonorum animis, securior Augustus; religionis quoque metu solutus, ex inito rite matrimonio; familiarius, quam ante, agebat. Plerique ergo, secreti non conscij, liberiùs obloqui: vulgus, ut solet, omnia in peius interpretari. Augustus veritus, ne si ex aliorum sermonibus res intelligeretur grauioris offensae Parentibus daret, ansam, Regem Sigismundum in Polonia conuenit: inter mutua colloquia sermone sensim deflexo, leuiter Parenti insinuat, ne grauaretur in eas nuptias consentire, quas filius sibi optaret. Pupugit vehementer Regem id dictum. Quae de iuuenilibus Augusti studiis vulgò iactarentur, non dubitare, etiam ulterius progressa esse: furere igitur aduersus filium: ex- postulare apud Matrem, materque iram Regis, mulieribus furoribus augere: Proceres Poloni ac Litvani impares Augusti amores odisse: licentiosa ingenia probolis versiculis, inuisas nuptias audacter lacerare. Atque haec fiebant ab ignatis, rem iam peractam esse: existimabatur vulgò, optari tantum eas à Principe nuptias, à quibus, ut vagi ac in constantes iuuenibus affectus sunt, facile posset auerti. Solus propè Ioannes Tarnowski ob negatam sibi Craconientem Praefecturam, Regi ac Reginae offensior, probabat matrimonium: non quòd ita sentiret, aut Principi gratiam factam vellet; sed ut parentibus eius, aduersaretur. Sigismundus

mundus Rex, Augustum tot difficultatibus perculsum, *A. 1547.*
 dissimulantemque fateri quid iam egisset, apud se reti-
 nuit: existimabat enim ipsâ negotiorum varietate, in-
 tempestuosos iuuenis filij amores, sedari ac restingui pos-
 se. Petricouiam inprimis ad comitia Regni Poloniae; se-
 cum duxit: in quibus regij per Mazouiam ac Prussiam
 reditus, consensu Ordinum Augusto Principi sunt do-
 nati. Tentatus isthâc morbo Rex, cum Cracouiam in
 Nouembri rediret ager, Augustum filium grauibz o-
 neratum monitis, abire in Lituaniâ permisit. Augu-
 stus aduersa omnia in Polonia expertus, sperabat, Litua-
 niâ magis sibi obnoxiam reperturum. At etiam ibi,
 plena querimonijs, ac proxima tumultui, inuenit. Vix
 aliquid desiderabatur ad apertam defectionem: ita Pro-
 cerum animi, dolore, uti aiebant, vulgati sanguinis Re-
 gij, sed magis domûs Radiuiliânæ inuidia, exulcerati e-
 rant: ut armis viderentur extorsuri, quod precibus mo-
 nitisque, non persuaserant.

Sed eos motus, in tempore compescuit, nuncius *A. 1548.*
 mortis Sigismundi. Morbus in reditu Petricouia Cra- *Sigismundi*
 couiam, viâ incommodis auctus, ipso Paschatis festo, *I. Regis*
 grauem ætate senem, plusquam octuagenarium, con- *mors et*
 fecit: cum iam regnando quadragesimum secundum *elogium.*
 annum, ad medium duxisset. Fuit huic Principi forma
 par imperio; sermo grauis tempestiuo, lepore tempera-
 tus; incessus lenis; virium robur singulare, ut qui annis
 iunior, ferreas soleas nullo labore solitus fuerit confrin-
 gere; ingenium ante alios fratres expeditius; memoria
 firma;

A. 1548. firma; corpus tum nativâ constitutione, tum assuetudine, patiens frigoris, sitis, cæterarumque incommoditatum. Ante Regnum, liber ambitione, Hungaricum, Sueticum, Bohemicum sceptrum oblatum generosè repulit: in regno, facilis aditu, iræ potens, æqui acerrimus cognitor, animo ad vtramque fortunam æquabili. Fœdera cum exteris coluit constanter: bella gessit invictus; semper fortunatissimè. Suorum Procerum similitudines, ut lethalem Reipublicæ morbum, studiosè restinguebat. Parcior plerisque habitus est, non suo vicio; sed ex comparatione antecessorum: qui perquam prodigii fuerant. Cæterum suo exemplo, Poloniam ac Lituaniam, ad civilitatem ac magnificentiam expoliuit. Apud subditos, tantum securitatis habuit, ut dictitaret, in sinu se cuiusque illorum, posse confidenter somnum capere: apud vicinos tantum venerationis; ut Pater Principum suæ ætatis, vocaretur.

*Augustus
Barbaram
coniugem
publicè
dedit:*

Augustus filius accepto nuncio de morte Patris, cum uniuerso suæ Regiæ comitatu, Vilnæ iuxta funebria, magnâ doloris in publicum significatione, perfoluit. Priusquam verò Cracoviam ad eum tumulo inferendum proficisceretur, solutus parentis metu matrimonium cum Barbara dissimulare desiit. Vix quatuordecim diebus, à nuncio mortis, elapsis, Senatam in curiam, XV. Kal. Maij, cogit: aliquot Proceribus secreti conscijs mandat, ut Barbaram è paternis ædibus, quàm magnificentissime, in regiam deducant: senatusconsultum tamdiu trahit donec significaretur, iam eam non

non procul à palatij limine abesse. Tum primùm ad Senatum conuersus. Quod hæcenus, inquit, iustis maximisque de causis silentio pressi, hodie vobis aperio. Barbara Radiuilia vxor mea est, præsentibus eius cognatis, ritu Christiano, mihi in matrimonium tradita. Quidquid tandem vestro animo conceptum habeatis, omnes vestros conatus irritos fore, ne dubitaueritis. Non enim ignoratis, nullam in terris auctoritatem esse, quæ matrimonium inter Christianos legitimè initum, atque conuictu firmatum, possit rescindere. His dictis, obuiam Barbaræ, ad atrium progressus, in penetralia regio apparatu instructa, yti coniugem, deduxit. Posteaquam factum Principis, vt vt reprehenderetur, corrigi iam ampliùs non poterat, proceres, desperato remedio, maluerunt, quod vtilius Reipublicæ futurum erat, silentio tolerare non probanda; quàm ex nihil profuturâ improbatione, dissidijs ac simulatibus publicam quietem concutere. Rex ipse experimentum sumpturus, an idem Polonis ac Reginæ matri animus maneret euulgato iam matrimonio; quem nuper ad solas suspiciones ostendissent: solus Cracouiam iuit, ne inuisam isthuc coniugem, primis impetibus indignantium obijceret. V. Kal. Maij, elato Sigismundo Parente, cùm ad publicæ rei curas sese conuertisset, Senatus ac Equestris ordo, Reginâ Bonâ instigantē, grauius in publico consilio cœpit vrgere, vt matrimonium legibus, dignitati regiæ, publicisque commodis contrarium, rescinderet. Nihil tamen matris monita precesque, nuntiorum dedignantis; nihil

A. 1548. hil consilia procerum, Reginam hanc recusantium, profuerunt: quin immò ne aures sibi diutiùs molestis querelis obtunderentur; abruptis publicis negotijs in Lituaniam se ex Polonia proripuit.

*De pace cū
Moscis a-
giatur, irri-
to labore:
in quin-
quennales
inducias
conuenitur.*

Interea cum induciarum decursu bellum Moscouiticū imminebat, nisi aut de pace perpetua aliquid certi tempestiuè statueretur, aut inducijs tempus prolongaretur. Quare vt primū Vilnam peruenit Augustus, missi sunt Moscuam Stanislaus Kiszka Palatinus Vitepscensis, Ioannes Komaiewski Marechalculus, & Hlebus Iesman, Notarius Lituaniæ. Nihil spei pax ab initio habebat: Moscis, non modò nihil eius gratiā facientibus; sed etiam talia vrgentibus, quæ nouo bello materiam ministrarent. Nam præterquam quod de ablatorum restitutione, ne mentionem admitterent; insuper reliquam Russiam repetebāt, ita vt Berezynæ ripis Moscouiæ termini circumscriberentur. Tam impudente siue arrogantiā, siue vesaniā offensi Regij Legati, ipsum Magnum Ducem conueniunt: frustra tempus, postulatis ad concordiam nihil collaturis, teri queruntur: quandoquidem eius Proceres, nullam spem pacis facerent, missionem vrgent. Tum primū Mosci cœpère aliquantū remittere, neque tamen desierunt absque fronte postulare; quæ vt nullo iure petebantur, ita nullo modo concedi poterant: nempe Polociam & Homelium. Renuentibus demū ampliùs de pace agere Legatis Regijs: de captiuorum liberatione, atque induciarum prorogatione sermo à Moscis institutus est. Czerniko-
uia

uia restitutionem pro captiuis legati petebant: Mosci ^{4.1548.}
 causati captiuorum numerum magnâ parte per mor-
 tem imminutum esse, negabant posse pro illis, tam no-
 bilem Seueriæ urbem, concedi. Tota denique actio ad
 solas inducias reducta: non difficulter vtrique conue-
 nerunt, vt foedus iisdem quibus hætenus fuerat legibus,
 in quinquennium prorogaretur. At propè perfectam
 rem, noua à Moscis iniecta concertatio vix non præci-
 pitauit. Seu debellatâ, seu attritâ victorijs nuper Casa-
 nensi Scythiâ Iuanus, vsurpare cœperat titulum Tza-
 ris: quo Scytharum Reguli more eius gentis vti fuerant
 soliti. Sclauonica ea vox, non significat Cæsarem, aut
 Imperatorem (quemadmodum exterorum aliqui, igno-
 ratione idiomatis mixtâ adulationi, lapsi, vocitare so-
 lent Magnum Moscouiæ Ducem) sed Regem. Legati
 tamen Regij, quod homo arrogans insolentem titulum
 priuatâ auctoritate inuasisset, Rege suo inscio, recusa-
 bant constanter, eum foederis tabulis præfigere. Infe-
 ctis itaque rebus iter apparabant, præmissâ comitatûs
 impedimentorumque parte, iam iam in Lituaniam pro-
 fecturi: cùm insperatò à Proceribus Moscis missò nun-
 cio rogantur, ne ante abitum colloqui secum grau-
 rentur. In eo congressu suasere Legati, vt reiectâ ad Re-
 gem de innouatione titulorum, controuersiâ, induciæ
 secundum veterem formam scriberentur. Mosci verò
 vrgebant, vt Legati per literas sententiam Regis exqui-
 rerent, responsumque eius Moscuæ præstolarentur.
 Tandem vtrique in quinquennij inducias ita conuene-
 runt.

*Concerta-
 tiones de
 Tzaris ti-
 tulo, cum
 Moscis.*

41548. runt. Dux Moscouiæ in suis literis Tzare[m] se scriberet; Legati verò nihil in vetere scribendi formâ immutarent.

41549.

Scythæ Lituaniam infestant.

Lituania intereà Scythicis irruptionibus præter solitum afflicta, vix suffectura bello Moscouitico, plerisque videbatur: nisi ex eo fœdere respirâset. Inter alia priuata ac publica, à Scythis accepta damna; maximis, propinquum fuit, Dux Wisniewiecki cum coniuge ac vniuersa familia interceptus, atque in Scythiam abductus. Legati Moscouitici firmandarum induciarum causâ missi, hæc potissimum ab Augusto postulârunt: Tzaris titulus, induciarum tabulis adderetur; captiui liberaliùs haberentur; transfugæ remitterentur; negotium de ineunda pace perpetuâ, ne negligeretur. Respondit Rex Augustus. Multum sibi placere, vt de pace ageretur: transfugas Moscos in Lituania nullos reperiri: captiuorum eam conditionem esse, quæ apud Christianum Principem aut soleret, aut deberet: tabulas fœderis ritè conscriptas, nullâ instauratione egere. Post abitum Legatorum, nobilem virum, è sua aula, Stanislaum Iendrzejewski, Moscuam misit; vt dubiam Luanæ amicitiam, literarum internunciorumque commercio retineret: quia verò alia scribendi materia defuit; de iniurijs finitimorum aliquantum questus, mercatoribus Iudæis liberam è Lituania in Moscouiam veniendi potestatem, postulauit. Negauit diserte Luanus postremum: ad resarciendas iniurias, recuperatores spondit; ita tamen, vt Rex iniuriarum indicem priùs sibi mitteret.

Moscorum apud Augusti postulata.

mitteret. Adiecit expostulationem de iniurijs, vicissim sibi à Rege illatis, quarum prima frontem querelarum occupabat, quod Tzaris titulus negaretur. Ita enim eâ re offendebatur, vt vicissim dato per Matthiam Giedroicium responso, Regem, Augustum non vocârit; quamquam eâ literâ ad regias manus non peruenerint. Matthias enim ad fines Lituaniâ delatus, inuitis licet Moscis eas reiecit, Iuano reportandas. Consultatum est deinde in Senatu Lituaniâ, num impotentis hominis ambitioni obsecundandum esset? Plerisque annuentibus, ne materia belli noua præberetur, negando id, quod nullo damno concedi posset: solus propè Mareschalcus Onesimus Hornostaius, vir antiqui moris, magnâ constantiâ obstitit. Aiebat ille, non esse Moscorum arrogantiam nouis ac iniustis titulis alendam. Si enim, quâ facilitate nuper Basilio titulum Magni Domini totius Russiâ, permiserant; eâdem nunc Iuano consentirent, vt se Tzarem Moscouiâ scriberet: Moscum procul dubio semper alios super alios titulos, sibi arrogaturum; quibus Regis Poloniâ Magnique Lituaniâ Ducis dignitas obtereretur; & falsâ, inuadendarum Lituaniâ Præuinciarum prætensiones, ad posterorum memoriam transmitterentur. Facto itaque Senatûs decreto, ne quid ea in re innouaretur, vniuersus labor eò collatus est, ne aliunde violandæ paci, vlla occasio, daretur præsertim quia valdè propinquæ erant militares contra Scythas excubiæ, Lituanorum circa Czernihouiam, Moscorum circa Kanieuiam & Cirkassos. Successit cura ex voto:

A. 1549.

Concertatio de
Tzaris titulo.

A. 1550.

Fff 3

non

A. 1550. non modò nihil nouarum turbarum erupit, inter excubantes copias; sed etiam collatis consilio atque manu, magnâ felicitate conantes irrumperè Scythâ, ab utriusque, sunt repressi.

Augustus ab ea parte pacatâ Republicâ, agitare se-cum cœpit, quomodo aduersos Polonorum animos in sua studia inflecteret. Barbaram coniugem volebat consueto more, regio diademate coronari: quod permissuros Polonos, Regis eam vxorem, non suam Reginam, vocitantes, vix sperari poterat. Ingenio ergò superanda, perfringendaque difficultas fuit. Indictis Petricouiam comitijs, Rex vetera quædam instituta, vsu contrario propè antiquata, instaurare se nouâ lege velle, præferebat: vt scilicet qui pluribus magistratibus fungerentur, vno contenti, cæteris ex templò decedere, comitiarum auctoritate iuberentur; Præfecturas Regias, ne quis plures obtineret; ademptæ antiquis possessoribus, aliquæ Regiæ mensuræ addicerentur; reliquæ, inter viros benè de Republica meritos, sed domesticâ egestate laborantes, distribuerentur. Vtrâque Regis rogatio popularis erat, ac optimatum capita tangebatur: pertulissetque haud dubiè legem egentiorum consensu, ad quos emolumentum legis magnâ parte peruenturum erat. Eo metu plerique Procerum perculsi, ne Regem irritarent, non solum contentionem omnem de relin-dendo matrimonio remiserunt; verum etiam consenserunt, vt more aliarum Reginarum Barbara, Cracouiæ coronaretur. Augustus obtentis ijs, quæ animo destina-uerat:

*Augustus
Petrico-
uianis
comitijs
conuincit, ut
Regina
Barbara
consueti
more coro-
netur.*

uerat : lege quâ minimè opus habebat, abstinuit. Ne-
 que multò post Regina solemnè ritu, apparatuq; magni-
 fico regali diademate Cracouiæ est insignita. Fratribus
 quoque eius, Petricouiensium comitiorum lege est
 concessum, vt quas nuper apud Carolum V. Cæsarem
 prarogatiuas obtinuerant, ijs liberè in Polonia, ac Li-
 tuania vterentur. Auxit deinde non leuiter eorum, tum
 potentiam, tum dignitatem, Augustus, coniugis gra-
 tiâ. Nicolaum germanum Barbaræ, Palatinum Tro-
 censem, ac Koydanouiæ hæredem renunciauit : Con-
 sobrinum eius Nicolaum, vulgò Nigrum; Marschal-
 cum & Supremum Cancellarium Lituaniæ. At non diu
 Regiæ licuit, ea regiæ beneuolentiæ, atque domûs de-
 corum, voluptate frui. Ab ipso inaugurationis die, mor-
 bo correpta, per hyemem integram ac vernos menses,
 cum eo couflictata, Cracouiæ in festo Pentecostes o-
 biijt. Non defuerunt, qui suspicarentur, à proceribus
 Radiuilianæ domûs æmulis, medici cuiusdam Itali ope-
 râ, propinato inter medicinas veneno, Regiæ quidem
 vitam, Polonis verò inuisum eius regnum, præcisum
 fuisse. Hyems ea fuit morbis augendis vulgandisque
 per Lituaniam damnosa: ira enim tepidæ pluuiæ incre-
 buerant, vt non aliter, quam vltimò vere solet fieri,
 omne frumenti genus in spicas excreuerit: quod dein-
 de vniuersum intempestiuo gelu exustum, planè inter-
 cidit. Rex Regiæ morte mirum in modum afflictus,
 internos sensus magnificentia funeris testatus est: præ-
 ter colorem festiuum, nihil defuit ad summum splen-
 dorem,

A. 1550.

A. 1551.

Barbara
Regina
moritur.

Lituania
calamita-
tes.

A. 1551. dorem, quò Cracouiâ Vilnam vsque deportari curauit; atque ad latus primæ coniugis Austriacæ in Basilica D. Stanislai, tumulari. Lituaniam intereâ afflixit ingens annonæ angustia; Volyniam verò Scytharum depopulatio: qui primo impetu vastatis obuijs, Braslaviâ captâ ac exultâ, ingentem prædæ vim, atque mortalium captiuorum, impunè euexerunt. Ad finem Septembris Vilnæ Ordines comitia peregerunt: in quibus plenas periculo simultates inter Nicolaum Radiuilum Trocensem, & Stanislauum Kiszka Vitepscensem Palatinos auctoritate suâ Rex cōposuit; gnarus nihil magis obesse publicorum negotiorum tractationi, quàm priuata optimatum dissidia. Venerunt ad eadem comitia Polonorum Legati: qui coram Senatu ac Ordine equestri grauissimè perorarunt, vt Regno Poloniæ restitutis Prouincijs, Podlachia, Volynia, Kiiouiâ, Seueriâ; tandem aliquando perfectæ Polonorum cum Lituanis societati, ac fœderi, vulgò *Vnioni*, extremam imponerent manum: nihil tamen effecerunt, disertè negantibus Lituanis, ius aliquod, Poloniæ, in eas prouincias competere. In ijsdem comitijs sciuerunt Ordines, vt miles ordinarius esset, qui contra Scythas ac Moscos pro finibus excubaret: in stipendium verò, à iugo bouum quinque grossorum vectigal concesserunt.

*Quarta-
ni milis
origo.*

De pace cū
Moscis a-
gitur, &
de titulo
Tzaris.

Peractis comitijs, Rex Augustus, vt Moscum in fœdere retineret, atque adeo in æquiores pacis perpetuæ conditiones inclinaret, duos è captiuis nobilitate generis claros Duces, Michaëlem Iuanowicz, & Iuanum

num Sielechowski, Magno Moscouiæ Duci, misit, per 4.1557.
 Paulum Ostrouicki suum internuncium. Beneuolè re-
 cepit captiuos Iuanus: sed, Paulo debitos de more fa-
 uores subtraxit; quod is cùm salutaret eum, Tzarem
 compellare neglexisset: quin immò quòd Augustus Rex
 eundem titulum suis literis non præfixisset; ipse quo-
 que Augustum, in suo responso, Regem non vocauit.
 Verebantur Lituani Proceres, ne ab hac scintilla, noua 4.1552.
 flamma erumperet: quare per clarum natalibus hun-
 cium, Hayko, scripserunt; tum vniuerso Senatui, tum
 imprimis sacrorum per Moscouiam Antistiti, quem illi
 non ex Ecclesiæ, aut legibus, aut vsu; sed priuatâ vsur-
 patione Patriarcham Moscuorum vocant: persuade-
 rent suo Magno Duci, vt prouidorem ad perpetua stabi-
 lienda fœdera animum induat, atque eorum causâ, ma-
 iores Legatos ad Regem mittat. Antistes respondit se
 eiusmodi fungi officio, quod à belli armorumque con-
 silijs, plurimum abesset; frustra itaque eo in negotio,
 suam operam interpellari: acturum nihilominus cum
 proceribus; vt Principem ad procurandam studiosius
 pacem, conentur inducere. Senatus verò, ex indigna-
 tione, quòd literis, Tzaris titulus, non esset adiectus;
 literas suppressit: collatâ verò cum Principe suo senten-
 tiâ, Lituaniæ Proceribus scripsit. Nullam spem pacis
 esse, si aut titulos Magno Duci subtrahere pergerent,
 aut vrgere vt priores Mosci, Legatos Vilnam mittant.
 Cùm enim & debita Magno Duci officia pertinaciter
 negantur; & ab eo indebita, per præsumptionem exi-
 guntur:

G g g

guntur:

4.1552. guntur : bello potius irritamenta continuò ministrari, quàm ad fraternam concordiam inuitamenta. Post de- bellatam Casaniam, titulum Tzaris, exemplo aliorum triumphatorum, Moscouiæ Ducum fortunæ, meritò deberi. Legatos nunquam antea, ne quidem Papæ aut Romani Cæsaris rogatu, à Duce Moscouiæ, in Litua- niam, priores iuisse : quare neque nunc ire posse. Si Rex cogitaret suos Moscuam mittere, ne illi venirent, nisi tabulis induciarum nuper, initarum, adiectum Tzaris titulum secum ferrent. Nihilominus missi ab Augusto Legati Stanislaus Dowoyna Palatinus Polocensis, Eu- stachius Wolowicz Marefchalcus, Petrus Siemaszko Notarius Latuanix, magnâ constantiâ Iuanum, præ- sente eius Senatu, Magnum dumtaxat Moscouiæ Du- cem salutârunt. Offensus eâ re Iuanus, neque literas re- gias acceptauit, neque munera : Legatos verò ab oscu- lo dextræ exclusos, ad paucos Proceres, responsi exci- piendi causâ, reiecit. Proceres exaggeratè exostula- runt, quòd tanti nominis Principem, suo Regi amicitia fœderibusque iunctum, Magnum dumtaxat Ducem, velut vnum è Regijs subditis, aut ignotis vicinis nomi- nando, graui contumeliâ affecerint, quam inuitus bel- lo vindicare cogeretur. Sibi itaque, suoque Regi impu- tarent, si quid de solito legatis honore, ab irato Iuano imminutum esset. Sat maturè scriptum fuisse in Litua- niam, ne ulli Legati mitterentur, si Tzaris titulum de- negaturi essent : quem Parenti Iuani Clemens Papa, ac Maximilianus Imperator, in suis literis attribuere non neglexe-

neglexerunt. Regij Legati ab aduerso contendebant. A. 1552.
 Se neque moribus, neque exemplis exterorum Principum teneri. Iisdem, ac planè totidem verbis salutasse Iuanum, quibus è vetere forma Legati Regij, parentem auosque eius, salutare consuissent: ex quibus nullam, Iuani maiores, inimicitijs occasionem, sumpserunt. Iuanum, Legatis Regijs, negato nullâ causâ debito honore, fœdera amicitiamque violasse. Pacis negotium, à pluribus annis agitari; titulorum controuersiam, nuper primùm exortam esse. Agendum itaque potius de populorum concordia ac securitate, de iniuriarum illatarum vindicatione: de titulorum formâ, Regem ipsum Mosci conuenirent; qui, ubi intelligeret, quis compellendi Moscouiæ Ducem mos, alijs Christianis Principibus esset, nihil deinceps aut Legatos, aut codicillorum Magistros, difficultatis moturos. Non posse satis se mirari, cur Iuanus amplissimis parentis sui titulis, non contentus, nouos ambiret, offendereturque ijs, quibus maiores eius toties fœdera cum Lituanis auspiciatò instaurassent. Caterùm, quandoquidem à Stanislao Kiszka Legato Regio admissæ essent induciarum tabulæ cum præfixo Tzaris titulo, se quoque non multùm recusaturos eum tribuere, modo arces ac prouinciæ varijs artibus Lituanæ ditioni detractæ, (ac præsertim Smolenscum) restituerentur. De titulis facillimam concordiam fore: si priùs de pacis legibus, ablatorum restitutione, iniuriarum compensatione, conueniretur. Nihil ea permouerunt Moscos: perinde, negabant agi posse

1552. posse de pace; nisi ante omnia, Tzaris titulus, à Rege ac Legatis eius, luano tribueretur; atque restituendarum prouinciarum mentio omnis, à fœderis conditionibus excluderetur. Abeundum itaque Moscuâ legatis fuit, rebus planè infectis. In viâ affecutus est Procerum Moscouiæ nuncius, per quem significabant: magno se consensu Tzari supplicasse, vt quoniam pax non potuisset constitui, inducias saltem breues fieri permitteret; atque ei postulato Tzarem annuisse. Non latebat Regios legatos; preces procerum in speciem prætendi: cæterum reuerà sponte suâ inducias optare luenum, quòd difficili cum Astracanensibus Scythis bello distineretur. Quia tamen eâ occasione obtineri aliquid posse in rem Lituaniæ non diffidebant, redierunt Moscuam, non omninò inuiti: inchoatâ verò induciarum tractatione nihil omnino de ijs agere voluerunt, priusquam de iniurijs circa Siebiezium illatis, certi aliquid à Moscis responderetur. Eâ constantiâ perfregerunt tandem Moscos, vt ex templò designarent iudices, qui Siebiezium delati, recognitâ iuberent ablatos agros restitui, ac reliquas iniurias compensari. Vbi de his rebus partes conuenerunt, Legati Regij inducias triennales admiserunt, iisdem, quibus proximæ, pactæ fuerant, legibus.

*Sigismundus Rex
Poloniam
& Prussiā
inmisit.*

Cùm hæc in Moscouia per legatos aguntur, Augustus Rex Vilnâ in Ianuario profectus, comitijs Polonorum Petricouia interfuit. Venerat eodem Isabella eius soror, Regina Hungariæ vnâ cum filio regno suo exul, fortuna collapsæ apud fratrem, & Polonos, subsidium quaesitura.

fitura. Poloni ancipiti bello res suas implicari noluerunt: Rex indies consilia protrahebat: interea Turcarum Imperator, missâ plenâ honoris legatione, in regnum Iſabellam reuocauit, pace ac patrocinio suo promissis. Ita & regnum, & sceptri hæres periit: cùm inde Turca, regnum pupilli, tutoris specie; inde Romanorum Rex succedendi iure, sibi ambiunt. Negotijs Poloniae confectis, Augustus Prussiam petijt; ab Alberto Duce vbique, ac præsertim Regiomonti magnificè exceptus: vbi non exiguo suo periculo, defunctus est, factis in alterius caput effusis. Cùm enim solito more, machinæ bellicæ è muris detonarent, vnus ex globis ferreis, Ducis Wisniewicij Regem proximè comitantis caput ita abstulit, vt eliso cerebro, Regem ipsum consperferit. Rex incolumis seruatus, magnâ clementiâ cauit, ne Machinarum Magister, seu calum, seu inscientiam, vitæ damno luere cogeretur. Ex Prussia prius Caunam, deinde Vilnam delatus, non leues tum populitum equestris ordinis offensiones incurrit. Inconsulto eo Ordine, extra comitia, ex aliquot Senatorum familiarium sententiâ, in singulos equos sexaginta grosso-
rum, Lituanæ pecuniæ, vectigal, per vniuersam Lituaniam, indixerat. Eo onere haud multum se grauari equites sentiebant, sed quòd contra leges impositum esset; violatas prærogatiuas equestres, vniuersi priuatim, ac palàm querebantur. Populus verò & insolito pensionis genere, & quæstorum exactionibus oppressus, quod vnicum illi ad vindictam telum suppetebat, multa in

A. 1552.

In Litua-
na popu-
lari tu-
multu.

Ggg 3

Regem

A. 1552. Regem ac Senatum probrosa, audacissime iactabat. Reddita est deinde cum tempore quies: exactis enim persolutisque pecunijs, postquam onus transijt, sensus quoque eius, cessauit.

A. 1553. Sequens annus fatalis fuit clarissimæ Algimundorum, Olszanensium Principum, domui: ultimo eius hærede Paulo Pontifice Vilnensi è viuis erepto Luceorensem ille prius administrauerat Pontificatum: donatisque suis paternis bonis, Ianouia & Paulouia, insigniter redditibus auxerat. Vilnæ verò plurima religiosi ac fortis Pontificis argumenta, dedit, præsertim sectam Luteranam reprimendo: quamquam non defuerint, qui maiores in eo, circa hoc negotium, spiritus desiderauerint. Successor ei datus Valerianus Szuszkowski Protaszewicz Luceoriensis Antistes. Moscus per suos Legatos egit, tum vt inducias nuper initas, confirmaret, tum maximè vt Regi persuaderet, ne ad pacem stabilendam, titulus Tzaris in literis, ac legationibus negaretur. Respondum est Cæsaris ac Tzaris vocabula, vt literarum similitudine sibi esse propinqua, ita significationis sensu, longè diuersa. Cæsaris titulum, à Principibus varijs, soli Romano Imperatori, honoris causâ tribui, veluti primo inter Christianos Principi: eum ab Iuanon non appeti, ipsos etiam Moscos fateri. Tzaris verò tamen solos sectæ Mahometanæ Principes, Religionis Christianæ hostes, Turcarum tyrannum & Scythiorum populorum regulos, vsurpare. Cum igitur Reges Poloniæ Magnum Moscouiæ Ducem fratris loco habeant,

Cum Moscis cœceratio de titulo Tzaris.

habeant, atque ad modum Christiani Principis, honorent: contra dignitatem Christiani nominis facturos, si communes cum barbaris honores ei tribuant. Quod si Iuanus suam dignitatem usque adeò negligeret: facturum quidem Augustum Regem, quæ tantoperè ipse ambiret; sed priùs aliorum exempla expectare, ne tam insolentis rei auctor haberetur. Cum eo responso Legati expediti, literas regias ad suum Ducem ut acciperent, nullâ ratione sibi persuaderi sunt passi, ubi ijs titulum Tzaris deesseprehenderunt. Rex Vilnâ Grodnam abiit, cum Reginâ matre, consilia de nouo matrimonio collaturus. Persuasit ea, ne inchoatam cum Austriaca domo affinitatem negligeret, sed peteret prioris coniugis sororem Catharinam in matrimonium: quæ Francisco Gonzaga Mantuæ Duce vitâ functo, vidua apud Ferdinandum parentem agebat. Posteaquam conuentum est in id matrimonium, Rex magnificentissimam Legationem instituit, è præcipuis proceribus Polonis Lituaniisque, inter quos adfuit Nicolaus Radiuilus Palatinus Vilnensis Dux Olyciæ & Nesuisij. Nuptiæ incredibili pompâ, in Iulio, Cracouiæ, peractæ, singulis Procerum collegas apparatu superare annitentibus: è Lituanis, ante alios magnificentiæ primas partes tenuerunt, hic idem Radiuilus, & Gregorius Chodkiewicz. Atque hæc quidem connubialia festa, tunc quidem feliciter ad publicam hilaritatem celebrata sunt. Reinceps verò tristem exitum priuatim habuerunt: Regis animo, non multò post ita à Catharina auerso; ut repudiare

Rex prioris coniugis sorore Catharinâ Austriacâ ducit.

A. 1553. pudiare eam, velut illegitimè in sororis demortuæ thorum superinductam, omnino constituerit. Procerum quoque aliquorum inconsulti amores, non leuiter Volyniæ pacem concusserunt. Demetrius Sanguszko Dux Volodimiræ, Elizabetham Ostrogij Principem deperibat; neque Virgo abnuebat nubere Demetrio: at Mater pertinacissimè obsistebat. Demetrius spe omni, de expugnanda matris voluntate, perditâ; specie amicitie in ciuitatem, arcemque, Ostrogium admissus, matre inuitâ, sponsam volentem secum abduxit. Mater incerta consilij, muliebriter furere: Regis auxilium implorare: Polonos proceres lachrymis, precibus concitare; ac inprimis Palatinum Calissensem Zborowski. Amicorum omni operâ, qui priuatim componere negotium contenderant, nullo fructu consumptâ, dies Demetrio ad Regium tribunal dicitur. Iuuenis non amore magis, quàm fastu opumque fiduciâ infans, mandata Regia contemnit: absens à Cancellario Lituaniæ Nicolao Radiuilo condemnatur, ac proscribitur: possessiones eius fisco; Matri filia, cum ijs quæ extulisset, caputque raptoris addicitur. Post Regiam sententiam, non modica equitum manus fuerat missa, quæ Sponsam raptori auferret: sed Demetrius ab amicis præmonitus, virili veste occultatam, magnis itineribus in Bohemiam secum auexit. Securi fugientem satellites, in oppido sex leucis Pragâ dissito, deprehenderunt; corruptoque pecuniâ ædium Domino, clàm noctu in diuersorium admissi, inermem trucidârunt, atque Elizabetham matri reportârunt,

târunt. Eâdem deinde foemina occasione nouis tur-
bis dedit, quæ Simeonem Sluccij Ducem, & Comitem
de Gorka, diu exercuerunt.

Comitia anni insequentis Lublini, in frequente Se-
nata celebrata, nihil ferè habuerunt, præter Equestres
querelas tota curiâ resonantes, quod in solitus comitijs
locus, lectus à Rege esset. Ad famam comitiorum, Mos-
corum quoque Legatus venit: quem iussu Regis, viri
illustres Theodorus Tyfzkiewicz, Alexander Zito-
mirski, Gregorius & Eustachius Wollouicij, Theo-
dorus Wodka, Petrus Siemialzko, Lublinum honori-
ficè deduxerunt. Literas ille nullas tulerat, eâ consilio,
ne Augusto Regis titulum tribueret. Introductus in Se-
natum nihil se mandatorum habere disertè dixit: eâ sô-
lâ dumtaxat missum affirmans, vt Magnus Dux hilari-
tatem animi, velut præcipuum victoriæ fructum, post
subactam Astracaniâ, communicaret cum Augusto
Rege. Responsum est Regis nomine: non Iuano soli, aut
Regi Poloniae, sed vniuerso Christiano orbi meritò gra-
tulangum esse, quod tam amplâ prouinciâ debellatâ,
Mahumetanorum vires haud modicè Christianis armis
sint attrita: missurum quoque propediem Regem Mos-
cuan Legatos, per quos de negotijs Christianæ Rei-
publicæ commodo concernentibus, agere cum Iuano
destinasset. Legato Moscorum expedito, ac Paschalibus
festis Lublini peractis, Rex Brestiam ac Grodnam, de-
inde Vilnâ venit. Inde Georgium Tyfzkiewicz Mos-
cuan misit, qui quamquam regias literas absque Tza-

A. 1554.
Mutua
inter Regē
& Mosco-
nia Ducē
legationes.

COLLE

H b h

ris

A. 1554. ris titulo attulisset, in sua tamen salutatione Iuanum Al-
 stracaniae Tzarem nuncupauit. Ea salutatione hilarior
 Iuanus, confidentius egit cum Legato: optare se affir-
 mauit, vt tandem aliquando suis atque Augusti Regis
 viribus iunctis, vniuersi Europae Scythiae populi,
 Christianorum cladibus viuere assueti, aut penitus ex-
 scinderentur, aut subijcerentur Christiano imperio: per-
 misit deinde rem insoliti erga exteros in ea gente fauor-
 ris, vt cum quibus videretur ei proceribus, liberè age-
 ret; Tyfzkiewicius nihil aliud cum illis, atque inprimis
 cum sacrorum Antistite egit, quam vt magnum Du-
 cem, ad stabiliendam colendamque constanter pacem,
 hortarentur. Pontifex vbi negauit licere sibi cum ipso
 Principe super ea re, verba facere, spopondit suasurum
 se id alijs, quorum id officij esset. Proceres verò, etsi pro-
 bare videbantur Tyfzkieuicij studium, aiebant tamen,
 non posse se Magno Duci supplicare, nisi prius id Sena-
 tus Lituaniae per Legatos vrgeret. Regresso in Litua-
 niam Tyfzkieuicio, praecipui Senatores scripserunt
 Moscis, vt prorogatis inducijs, plus temporis ad termi-
 nandam de titulis controuersiam, pacemque stabilien-
 dam daretur. Respondit Collegarum nomine Moscu-
 nus Antistes. Ab ipsis toto orbe maximis Principibus,
 Romano scilicet Imperatore, & Orientis tyranno, Tza-
 ris titulum Magno Duci Moscouiae tribui: vt consta-
 ret, ex adiunctis Maximiliani & Solymani literis, ad
 Basilium Basilidem datis. Cur igitur solus Augustus
 Rex, nihil hostile ab Iuano Duce hactenus expertus,
 contra

contra aliorum Principum morem id honoris negaret. *A. 1554.*
 Certè Astracaniâ & Casaniâ debellatis, ac sub impe-
 rium Moscouiticum subactis, Magnum Ducem, verè
 Tzare[m] esse. De inducijs verò aut pace altum erat in-
 literis silentium. Missi tamen sunt pacis stabiliendæ cau- *A. 1550.*
 sâ maiores Legati Moscuam: Stephanus Dux Zbarazij *Sexennales cum*
 Palatinus Polocensis, Iuanus Szymkowicz Marechal- *Moscis im-*
 cus, Venceslaus Mikolajewicz Notarius Lituaniæ, & *ducie.*
 Paulus Sokolinski Dux Drucius. Cum post solitæ sa-
 lutationis cæremonias, indicassent, missos se ad agen-
 dum de pace: responsum est. Magno Duci Iuano, nihil
 pace magis hactenus in votis fuisse, sed ob Legatorum
 Regionum pertinaciam, titulos debitos imminuentium,
 nihil potuisse de ea concludi. Nunc insuper accessisse
 rem momenti, quæ conciliandæ concordiæ plurimum
 obstaret, nimirum quòd Rex Scythas contra Mosco-
 uiam concitasset. Subiecit deinde supremus exterarum
 Legationum Præfectus, quærendo, num in mandatis,
 quidpiam extra ordinem Legati haberent. Ad hæc le-
 gationis Princeps. Quæ de concitatis contra Moscos
 Scythis audisset, ea grandem contra innoxium Regem
 calumniam continere: perspectum quippe haberi ab
 ipsis Moscis, quàm proum esset Scythicis populis, ex
 vicinorum præda viuere assuetis, nullo concitante, bel-
 la in Lituaniam vel Moscouiam, pro cupiditatis impe-
 tu, ordiri. Regem Augustum cultorem fœderum reli-
 giosum, procul esse ab ea noxâ, quam ij commisceren-
 tur, qui Christiani sanguinis auidi, bello concitando

A. 1555. non causas; sed falsas suspiciones, studiosè colligerent. Titulos quos tantopere Iuanus ambiret, Augustum minimè negaturum, vbi cæterorum Principum consensus accesserit. Verùm hanc, alterius legationis materiam, curamque fore. Consultius utique longè Iuanum facturum, si sepositâ hâc controuerfiâ, iuberet agi de auertendo, quod imminebat bello. Remissi ad proceres, in sexennales inducias antiquis legibus conuenerunt: ad quas firmandas Mosci Vilnam venerunt.

A. 1556.

*Hæresis
Luthera-
ne ac Cal-
uinianæ
per Litua-
niâ iniuria.*

Cùm foris, pax breuibz inducijs prope de anno in annum, ægrè protrahitur: domi, contra publicas leges, cum ipsa Christianâ religione, Iagelone Principe, natus, à Lutheri sectatoribus bellum religioni indici cœpit. Iuuentutis Principes per Germaniam visendi studio & literarum causâ, peregrinati, quos ibi de religione sensus imbiberant, in patriam secum retulerunt. Nihilominus, etsi auitis sacris nihil Diuini inesse opinarentur, dubij tamen, quam vnâ inter tot sectas amplecterentur: nullos adhuc profanos ritus certos, veteribus substituerant. Itaque, licentia illa quidvis de religione sentiendi, per procerum nobiliumque curias gliscens, inter mensas & conuiuia dumtaxat, identidem fœcundis calicibus excitata, prorumpebat: templa necdum audebat occupare. Vilnæ primum adhuc viuentem Paulo Episcopo, Viclephus quispiam, Sacerdotem veste ementitus, apud eundem obtinuerat: vt in S. Annæ tēplo, ad plebem Teutonicæ originis, ex opificibus, ac mercatoribus, conflatam, verba de rebus diuinis face-

non

ddH

re

re posset, ibidemque sacris operari. Hic primum de pro-
 miscuo in sacra mensa calicis usu, Luteranum dogma
 pro concione vulgare cepit. Pontificis deinde iussu, post
 probatam, damnatamque eius hæresim, templorum
 accessu exclusus, per priuatorum ciuium ædes, ac præ-
 fertim apud prædiuitem hominem Morstinum, con-
 fluenti populo propinare virus non destitit. Ausus dein-
 de palam suo exemplo carniū esum die Veneris per-
 suadere, vix rudioris plebeculæ manus euasit. Quam-
 quam verò ille, urbem deserere metu mortis fuerit co-
 actus: iacta tamen semina, etiam absente eo, ita succre-
 uerunt, vt intra breue tempus, opulentiores quique ci-
 ues, religionem mutauerint.

Ex eadem causa nouis turbis, Liuania cepit con-
 cuti. Guilhelmus Furstembergicus Liunionensium equi-
 tum Magister, propè cum vniuerso Ordine desertà a-
 pertè Romanâ religione, ad Luteranam sectam descen-
 derat. Mox, vt eius sectæ ratio ferebat, animo ad occu-
 pandas Ecclesiæ opes intento, templorum ornamenta
 prædari, ascetarum claustra inuadere, possessiones agros-
 que Sacerdotum vsurpare. Obstitabat pro viribus suis,
 Guilhelmus Marchio Brandenburgicus, Rigenfis Pon-
 tificis, sacrilegis Furstembergij conatibus. Hic verò co-
 mitijs Vendam indictis, reum Archiepiscopum agit,
 initæ cum Sigismundo Augusto Rege consobrino suo,
 & germano Alberto Duce Prussiæ, conspirationis: fal-
 sisque indiis probat, Curlandiam Alberto, Liunioniam
 Augusto, promissam esse, ac propè perditam. Post co-
 mitia,

H h 3

*Liunioni
belli occa-
sio & ma-
teria.*

*aniqui
in hunc
modum
scribitur.*

A. 1556. mitia, exeunte Iulio Pontificis ditiones aperto bello ag-
 greditur, hostilemque in modum latè vastat. Multa e-
 rat nobilitas, pro æquo, & Archiepiscopo: sed is cam-
 po diffusus, maluit cum delecto præsidio Kokonhau-
 sum se recipere. Diu obsidio tolerata est; diu oppugna-
 tio omnis, ab arce solidæ rupi imposita, est elusa: tan-
 dem, quos arma non subegerunt, fames ad deditionem
 coegit. Facta est deditio conditionibus non grauissimis.
 At Furstembergus, & fidei datæ, & dignitatis Vilhelmi
 immemor pertractum ad se à Satellitibus, variisque
 probris oneratum, in carceres coniecit: ac reliquas eius
 arces sacrilegis armis occupauit. Accepto eius rei nun-
 cio, Augustus Rex illustrem virum ad Magistrum pro-
 perè milit, vt causam Archiepiscopi tueretur. Verùm
 ita hæc noua religio, nihil iuris inuiolati relinquebat;
 vt eum Legatum in via interceptum, trucidauerit. Suc-
 cessit deinde cum simili legatione Episcopus Samogi-
 tiæ: sed nihil eius industria, nihil Regis auctoritas, apud
 furibundum hominem profecit. Rex armis iniuriam
 persequi certus, Sueciæ Regem in belli societatem per-
 trahere est conatus. Quia verò Suecus impendentem
 sibi à Mosco procellam opponebat, per literas, Suecos
 inter & Moscos amicitiam stabilire contendit.

*Regina
 Bona in
 Italiam
 abiit.*

Eodem anno Regina Bona, post multam ac diutur-
 nam concertationem, apud proceres Poloniæ largitio-
 nibus perfecit, vt in Italiam eum omni pretiosiore su-
 pellectili, atque gazâ regiâ, abire permitteretur. Quam-
 quam verò deinde testamento ritè ante mortem condi-
 to,

to, filium Augustum heredem vniuersæ rei scripsisset: A. 1556.
tamen post mortem eius, artibus Papagodæ ministri
voluntas vltima interuersa, tota ferè in irritum abiit.

Magnus Moscoviæ Dux, nuper ab Augusto ad in- A. 1557.
eundam cum Sueciæ Rege amicitiam inuitatus, nihil
omnino ad votum respondit. Negabat sibi posse ali- Moscus cū
Rege agis
de bello
Scythia
inferendo.
quid amicitia cum Suecis intercedere, quod ij violatis
incredibili fastu fœderibus, graues iniurias intulissent.
Hortabatur præterea studiosè, vt secum iniro fœdere,
vires contra hostes Christiani nominis Scythas verte-
ret, atque tot suarum Prouinciarum clades vindicaret.
Intempestiua nimis belli Scythici mentio accedit Regi,
torâ mole, arma in Liuoniam comparanti. Neque im-
meritò verendum erat, ne spreto apertè Scythici belli
consilio, suspicionem Iuano moueret, initæ alicuius
cum Scythiis amicitia: atque inde, occasio hostile ali-
quid moliendi fumeretur, contra Augustum Liuonica
expeditione intricatum. Purgare se igitur Augustus
Iuano, per literas contendit. Si suo arbitrio agere sibi li-
ceret, haud dubiè perlibenter accessurum fuisse pacifi-
cendo contra Scythas fœderi: at in libera Republica
imperantem, legibus stringi, ad audienda prius aliorum
consilia. Proceribus verò Poloniæ, nullo omnino mo-
do bellum Scythicum probari, quod motis contra Scy-
thiam armis, nemo non videret fore, vt Turcæ in id
bellum excitentur. Ad futuros tamen propediem suos
Moscua Legatos, qui cum Moscoviæ Proceribus con-
ferrent, dispicerentq; diligenter, quid e Republica fieri
posset.

Anno 1557. posset. Literas subsecuti sunt Legati, Lucas Haraburda Notarius Lituaniæ & Ioannes Wilczek per Vilnensem Palatinum Stabuli regij Magister: sed nihil momenti statuerunt; Moscæ ad aduentum maiorum Legatorum negotium vniuersum reiicientibus.

Interea in Liuoniam centum millium exercitus ab Augusto promouetur: accesserunt Georgius ac Simeon Duces Slucenses, cum delecta quatuor millium manu, priuatis stipendijs comparatâ. Castris ad Posuoliam locatis, Nicolao Radiuilo negotium datur, vt cum expeditiore agmine prægressus, Liuoniam inuadat, hostemque infestationibus diuexet. Furstembergus quoque bello sua tueri destinauerat: atque in eum finem octo millia mercenariorum equitum & aliquot millia peditum, ex agrestibus lectorum, armauerat. Non opinabatur fore, vt totâ vi Rex eum adoriretur: atque ideo copijs quas collegerat, satis fidebat. Verum à speculatoribus edoctus, de regij exercitus magnitudine, omnem belli cogitationem abiecit. Ferdinandi Imperatoris Legato, quem apud se habebat, arbitro, pacem, actorumque veniam, postulauit. Rex post tantas in apparatus belli impensas, non multum in pacem inclinabat, rebus suis damnosam. Nihilominus, quod victoriam innoxiorum sanguine, atque capitibus, constare necesse esset; non se ab ea alienum, esse Legato respondit: si Magister ipse præsens pacem peteret, atque Archiepiscopum solutum vinculis, quamprimum sisteret. Dura conditio: sed si succumberet, duriora metuenti,

illoq

tuenti, hæc quoque ante incertam prælij aleam, toleranda est visa. Cum trecentis ex equestri ordine Magister ad Regem venit: fœdus his præcipuè legibus, Nicolao Radiuilo Duce Nesuisiensi allaborante, perpetuum obtinuit. Magister Liunionæ cum vniuersa Prouincia Regis imperium deinceps agnosceret: Archiepiscopus, cum omni honoris testificatione ac damnotum refusione, suo loco ac dignitati restitueretur: impensæ à Rege in eam expeditionem factæ, ex Ordinis arario compensarentur: si Moscus, contra Liunioniam, aut Lituaniam, arma sumeret; vtriusque simul gentis viribus, bellum propulsaretur: neque alterutra sola, aut inducias aut fœdera, perpetua pacisceretur. Magistro præeunte, in eas leges reliqui Equites iurauerunt: fœderis tabulas præter Magistrum, duo à cæteris delecti, Henricus Stendich Præfectus Gondinensis, & Christophorus de Villanoua Mareschalcus Prouincialis, nominum suorum subscriptione firmauerunt.

A. 1557.

Primum
fœdus Li-
unionum cū
Lituania.

Liunionicis rebus pacatis, missisque Moscuam Basilio Tyfzkiewicz Palatino Podlachia, Nicolao Poszuszewski Mareschalco, Ioanne Hayko Notario Lituania, qui de pace cum Moscis agerent, Rex publica tranquillitatis securus, ex castris in Poloniam iuit. Interea Dux Moscouiæ Iuanus, quod bellum in Scythas ac Suecos apparare videbatur, in Liunioniam inopinato totis viribus effudit: veritus fortasse, ne prior eam Augustus occuparet. Non enim poterat ignorare, quæ nuper fœdera, cum Magistro Liunionæ, fuissent pacta. Centum vigin-

A. 1558.
Moscus
Liunioniam
inuadit,
legatos re-
gios absque
ipse pacis
dimittit.

A. 1558. ti millibus militum, id bellum à Moscis gestum est; atque magna pars Liuoniæ occupata, cum Felino, ac Derpato. Felini ipse etiam Magister Furstembergicus, in potestatem hostium venit viuusne, an casus? non comperio. Derpato expilato, vrbis ac provinciæ eius Dominus, Episcopus Derpatensis, cum vniuerso Sacerdotum collegio, in captiuitatem est abductus. Perlatâ eius rei in Poloniam famâ, celeri nuncio Augustus Legatos suos monuit, vt Liuoniæ causam apud Iuanum Ducem suscipiant. Verum hostis successuum prosperitate elatus, nihil aut modicum aut æquum, vel ipse proponebat, vel à Legatis proponi, de Liuonia, atque adeo de pace cum Lituanis, sustinebat. Repetentibus Legatis Seueriam atque Smolenscum; disertè procures responderunt. Non esse sibi per Principem integrum, de restitutione ablatorum agere. Pacem aliter obtineri non posse, quàm Russiæ reliquæ cessione, quidquid tandem eius residui, in Litvana, aut Polona ditione, adhuc remaneret. Si pax his legibus circumscripta, non placeret legatis; nihil amplius ad agendum restare: quod Magno Duci constitutum esset inducias non prorogare. Immeritò ab Augusto suscipi curam Liuonum: Moscouiæ illos subditos esse; atque denegato tributo, violatis templis, sacris omnibus profanatis, ita contra se Tzarem concitasse: vt nulla ijs veniæ, aut pacis, spes sit relicta, nisi indignatione eius per debitas pœnas mitigatâ. Infectis rebus digressos Moscuâ Regios, secutus est ad Regem Iuani Legatus. Nihil ferè in mandatis habebat, præter
veteres

veteres de iniurijs finitimorum querimonias. Sed color hic Legationis quæsitus est, vt datis ad Regem literis solito factu tituli ampliarentur: iam enim Dominum Liunionis in ijs Iuanus, se scripsit. Rex querelas, mutuis iniuriarum exaggerationibus reposuit: literis verò nouos illos titulos Tzaris Moscouiæ, ac Domini Liunionis præfigi vetuit. Atque ita postquam infida amicitia legationibus & breuium induciarum prorogatione, per viginti quatuor ferè annos, ægrè est sustentata, cum Iuano Basilide; tandem rursus apertum Bellum occasione Liunionis exarsit.

4.1558.

Gothardus Ketlerus, nouus Liunionis Magister, Furtembergio successor datus, non ambigebat Moscum superioris anni successu inescatum, nequaquam quieturum. Sed & vulgi sermonibus iactata fama circumferebat, Archiepiscopo Rigenfi, similem ac Derpatensis subiisset, sortem comminatum fuisse Iuanum. Impar igitur tantæ moli ferendæ, Augustum Cracouiæ conuenit, obsecrauitque, vt ex recentis fœderis formâ, Liunionis periclitanti opem ferat. Rex pertentatis Polonorum sententijs, cum eos perquam alienos, ab omni Liunionis cura, deprehendisset, Gothardum spe oneratum, cum negotio vniuerso in Lituaniam remisit. Quia verò alacrius suscipiuntur, agunturque illa, quorum ipsi nostris sententijs auctores sumus: experturus Lituanorum animos, nobilitati comitia Vilnam indixit. Frequentissimum eum conuentum fuisse perhibetur: multa in eo Equestris Ordo obtinuit, omnia liberalissimè,

4.1559.

Magister
Liunionis
opem contra
Moscos ab
Augusto
petit.

Lituanis
suscipiunt
Liunionis
de sententiâ

A. 1559,
à Polonis
reiectam.

& pollicente & concedente Rege, vt prouiores in suam
rogationem faceret. Prærogatiuæ Ordinis, nouis tabu-
lis firmatæ: leges quæ aut graues nimium videbantur,
aut minùs iustæ, abrogatæ, substitutis clementioribus;
pluraque alia his similia, in gratiam nobilitatis, con-
cessa. Conciliatis eo modo animis, de suscipiendâ Li-
uoniæ defensione consilium instituitur: quæ & necessa-
ria erat, ne Moscus oppressâ Liuoniâ, Lituaniæ infe-
stior è propinquo redderetur; & perquam difficilis, ob-
ingentem ærarij publici egestatem. Non difficulter ta-
men omnes consenserunt; vt Rex Liuoniæ patrocinium
susceperet, fœdusque cum Liuonia, quale in Reipublicæ
rem, optimum videretur, pro suo arbitrio pacisceretur:
certam quoque pecuniæ pensionem assignârunt, in
biennales belli impensas. Adfuerunt comitijs præsen-
tes, ipse Magister ordinis Ketlerus, & variorum Liuo-
niæ statuum Legati: qui operâ Nicolai Radiuili Ducis
Nesuiij, consenserunt; vt Liuoniâ in fidem ac clientelam
Sigismundi Augusti, vt Magni Lituaniæ Ducis, his le-
gibus, transiret. Ordo Teutonicorum in Liuonia equi-
tum, agros omnes qui inter Druia limites ab vtroque
Dunæ littore, & Ascheradensem Præfecturam interci-
piuntur, Boucum præterea, Reziciam, Lutzinum,
Dunemburgum, Zelburgum arces cum suis latifun-
dijs, Lituaniæ consignaret: tum in tesseram gratæ volun-
tatis; tum maximè pignoris titulo, pro impensis, ex Li-
tuano ærario faciendis. Bello iunctis viribus perfecto,
ac pace redditâ, ius esset Liuonibus, ea territoria nume-
ratis

Conditio
nes huius
fœderis.

rātis sexies centenis millibus florenorum, Lituanicæ 41559.
monetæ, redimendi. Si Liouones, nullis Lituanorum im-
pensis, sed solâ suorum legatorum indultriâ pacem cum
Moscis procurauerint: nulla pecuniâ exhibitâ, arces
cum agris liberè reciperent. Intereâ earum præfectura-
rum incolis ac nobilitati, magistratus à Magno Lituanicæ
Duce instituti, ius secundum patrias Liuoniæ leges di-
cerent: vniuersis & singulis, sua iura, prærogatiuæ, sa-
cra, in integro conseruarentur; neque vllus iniustis ve-
ctigalibus oneraretur. Magnus Lituanicæ Dux, ac vni-
uersi Lituanicæ Ordines, Liuoniam omnem, ac Teuto-
nicos Equites, proprijs impendijs ac milite tuerentur.
Exercitus Lituanici Duces, vires cum Liuonibus iunge-
rent: collatis consilij bellum gererent; darentque ope-
ram, ne per castra, statiuâ, hyberna, viasque militares,
Liuioniæ incolis damna inferantur. Armis ab hoste
communi recuperata, ijs cederent, quorum dominio
ante suberant, Lituanis aut Liuonibus: propriæ verò
Moscorum ditiones, æquo iure, inter Lituaniam ac Li-
uoniam diuiderentur. Rex Augustus ante exitum cur-
rentis anni per Legatos suos à Mosco occupata & capti-
uos repeteret, damna compensationem vrgeret, à
vexatione Liuioniæ deterreret: nisi hæc velit præstare
Moscus, bellum denunciaret.

Posteaquam Gothardus Ketlerus cum præcipuis suo-
rum, præsentibus Secretarijs Regijs Gabriele Narkuski
Vilnensi Canonico & Nicolao Naruszewicz Marco-
uiensi Præfecto, pridie Kal. Sept. iuramento has leges

A. 1559. solenni firmauit: Rex animum tuendæ Liuoniæ sedulo adiecit. Ioanni Chodkiewicz, & Georgio Zenowicz negotium datum est, arcium Liuonicarum recipiendarum, firmitque Lituanorum præsidij muniendarum. Moscuam quoque Legatus expeditus est. Hic illarum iniuriarum compensationem, publicè vsit priuatim verò cum Proceribus, non Regis, sed Palatini Vilnensis Radiuili nomine, egit, ut curarent, ne repentino bello, non tractatio modò omnis pacis, sed & spes, præcederetur. Responderunt Mosci, nihil hæcenus hostile contra Regem, à suo Principe, aut re actum, aut animo destinatum, fuisse: sed iam cogi vel inuitum ad arma sumenda, posteaquam se Rex in negotia Liuoniæ ingessit. Ea in bellum propensione Mosci agnità, Rex magnæ constantiæ virum Martinum Wolodkowicz ad Iuanum misit. Martinus in Senatu, disertè ac constanter Iuano edisserit; Liunioniam suâ sponte, magno Magistri ac Ordinum omnium consensu, Lituanix Ducatui sese adiunxisse, atque sub imperium Sigismundi Augusti liberè cōcessisse. Orat præterea, ut earum induciarum intuitu, quibus hæcenus amicitia mutua conseruata steterit, bello omni in Liuonia Iuanus absteat: quòd Sigismundo Augusto Regi defendendæ omni ope Liuoniæ, non minùsquam Lituanix, cura iam imposita esset. Adiunxerunt suas; Senatùs Lituani Principes, ad Proceres Moscos, literas, Nicolaus Radiuili & Eustachius Wolowicz: quarum summa erat. Regem suum, uti hæcenus, nihil contra Moscouiam mouisset;

ita

ita nunc constanter à bello abhorre. At Lituaniæ Ordines vehementer obstare, ne Rex mutuâ internunciorum literarumque missione, belli tempus sub spe incertæ pacis luderet: quin in publico ausos, esse comminari; obsequium se erga Regem omne excussuros, si bellum, quod totis Lituaniæ viribus pro Liuania geri oportere, Ordinum suffragijs decreuerant; procrastinari trahi que aduerterent. Solos aliquot Senatores, tum precibus, tum auctoritate, ægrè apud tumultuantes euicisse: ut non diutiùs arma in quiete continerentur; quàm quantum temporis satis esset, ad iter Moscuâ conficiendum Vilnam. Curarent itaque Proceres Mosci, ut interea misso ad Regem à Magno Duce Legato, cruentum bellum sisteretur. Proceres Mosci ostensis Wolodkowicio literis Derpatensis, seu Iuriensis, Episcopi manu ac iuramento firmatis, in quibus tributum annui nomine pro singulis suorum capitibus Marcam Germanicam spondebat: hoc solum adiecerunt. Iniquum omnino sibi videri, ut à Magno Duce nuncius iret ad Regem, qui tributariam Ducis Prouinciam auertendo, tam aperta hostilis animi argumenta prodidisset. Literarum ab ipso luano per eius nuncium, ad Regem datarum, hanc sententiam reperi. Præ nouitate rerum stupere se, neque satis intelligere ea, quæ à Rege de Liuania accepisset. Constare quippè sibi certò, Liuoniam etiam, cum Daniæ Regis imperio oppressa obtineretur, Moscouiæ Ducem, solitam fuisse recognoscere, uti Dominum ac Principem suum legitimum: nihil vnquam à vici-

*Mosci
Regem à
Liuania
defensione
auertere
conatur.*

*Interdum
sunt
quidam
qui
ad
hoc
fieri
conantur.*

A. 1559. à vicinis, Romanæ religionis Principibus, accepisse; præter Sacerdotes, ac Latinæ linguæ magistros. Se in facram contra Scythas pro Christianis expeditionem, intentum, nihil omninò de dissidijs cum Rege animo agitare; atque ideo enixè desiderare, vt Rex contentus prouincijs induciarum formula expressis, à Liuania abstineat, præsidia inde sua deducat, neque bello ampliore materiam ministret. Vt verò quocumque tandem modo Regem à Liuania, cui ipse inhiabat, curaueret: misso altero Legato sororem Regiam alteram (mortuâ interea coniuge Anastasiâ) in matrimonium sibi postulauit. Designati sunt à Rege Stanislaus Pac Pro-præfectus Dapiferorum, & Matthias Pietkiewicz Pincerna Lituanie, vt de eo negotio cum Legato agerent: verùm hi rem integram distulerunt, ad maiores Legatos, qui à Rege & Magno Duce, ad fines Molcouiæ conuenirent.

*Legatorum
Lituanie
ac Mosco-
uie con-
gressus.*

Condicto tempore, Legati regij Ioannes Szymkowicz, Ioannes Hayko, & Martinus Wolodkowicz adfuerunt: de pace, atque connubio Iuani cum sorore Augusti, non nisi Moscuæ acturi, ceterùm eò non progressuri, nisi priùs in ipsis limitibus, certi aliquid cum Moscis, de iniurijs vtrò citroq; illatis, & de negotio Liunico, statuissent. Occurrerunt proceres Mosci, atq; in prima salutatione sui Principis nomine questi sunt: multa, præter morem hæcenus obseruatum, geri; Legatorum collegio, neminem ex maioribus proceribus adiunctum esse; quamquam vt id fieret, singulariter postulatam

postulatum esset; intempestiuâ Liuania curâ omnes A. 1559.
concludendæ pacis rationes perturbari: cogi se, vt extra Regiam, de Principum affinitate agant. Pro Collegis suis Marechalci Lituania Szymkowicz respondit. Nobilitatem in Lituania censu aut opibus non æstimari: ubi omnes Equites, paribus prærogatiuis gaudere oporteret. Dignitatem singulorum ex officiis quidem ac muneribus publicis censeretur: sed ea, non solum se, qui vnus ex præcipuis Senatoribus esset, verum etiam collegas Legationis, Notarios Magni Ducatus Lituania, sat eximia habere. Grauitur itaque hallucinari Moscos, qui in regia Legatione, aut claritatis aut honoris, aliquid, desiderarent. De pace dominiorum, atque affinitate Principum, non acturos se alibi, quam loco solito, in Regia Moscorum Ducis. Quoniam verò à tot annorum Legatis, omnis opera nullo euentu Moscæ consumpta esset: ne in irritam spem nunc etiam tantum itineris susciperetur, iussos se esse experiri prius in finibus, quam sincerè in pacem pronos habituri essent in ipsa Regia Moscos. Cùm ea prius, inter utroque comparanda proponuntur; quæ, si in limine non complanata transirentur, omne in progressu negotium præcipitatura essent: nihil ad perturbandam pacem fieri. Deductâ tandem re ad consultationem, Legati regij inter iniurias Lituania illatas, ante alias, Seueriæ ac Smolensci occupationem vrgebant. Mosci verò nihil aliud respondebant, quam eas Prouincias Russi imperij olim fuisse, Lituanoꝝ Principum iniustâ vi oppressas,

Kkk

sas,

fas, atque ideo Moscouiæ Duci deberi. Ita rebus omnino infectis, utrique discesserunt.

A. 1560.

Videbat probè Rex, nihil iam, nisi bello, confici posse; habebatque omnia ad repellendam vim pridem comparata: nihilominus siue aliâ quâvis ex causâ, siue quòd naturâ in agendo lentus, nihilque ferè nisi necessitate urgente agere assuetus, procrastinaret; priùs Michaëlem Haraburda misit. Legationis summa erat, ut saltem intereà infestari Liunioniam Iuanus prohiberet, dum legati de pace acturi Moscuam venirent. Pollicitus id sanctè Iuanus, nihil minùs egit, quàm quod promiserat. Immisso enim exercitu, barbarè finitima Liou-

*Bellu Li-
uanorum
pro Liuo-
nia contra
Moscos.*

niæ euastavit. Propinqui hostis metus impulit Liuones, ut in fœdera nuper Vilnæ pacta faciliùs consentirent, atque publicâ omnium statuum auctoritate ac sententiâ, XVI. Kal. Mart. ea confirmarent. Accessit postero die eisdem fœderibus, Vilhelmus Archiepiscopus Rigensis, cum vniuerso sacerdotum collegio: atque arces Marienhausenum, & Lenuartum, cum latifundijs, in sumptus bellicos, Regi concessit, istiusmodi legibus. Reditus earum præfecturarum omnes, ad Archiepiscopum, quamdiu viueret, pertinerent: præfectus ab eodem designatus, fidem suam iureiurando obstringeret, arces eas Archiepiscopo mortuo, nemini alteri, quàm Regi, aut eius ministro, se traditurum. Allato in Lituaniam nuncio, inde fœderis industriâ Ducis Nesuisij, Nicolai Radiuili, ritè perfecti, inde Moscouiticæ in Liunioniam irruptionis, vniuersi arma pro Liunia sumpserunt.

runt. Primus Hieronymus Chodkiewicz nobilitatem ^{A. 1560.}
 Samogitiæ, atque Trans-Viliensis Lituaniæ, versùs
 Vendam duxit: quam urbem quinquaginta millibus
 Mosci cinxerant. Secuti sunt Hieronymum impigrè
 cum stipendiarijs Georgius Zenowicz, Ioannes Chod-
 kiewicz, Alexander Polubinski, tribuni militares; ac
 præcipui cohortium ductores Nicolaus Osticus, Zi-
 zemski, Szemeth, Surwil, Holubicki, Lucas Swierski,
 Daugird, Skinder, Baka, & alij, tum genere, tum rebus
 militiâ gestis, clarissimi viri. Ad famam venientis exer-
 citûs Mosci non obsidionem, tantùm, sed & campum
 deseruerunt, satistrepidè. Non deprehenso ad Vendam
 hoste, nobilitas domum redijt; defendendæ verò Li-
 uoniæ prouincia Alexandro Polubinski obtigit. Hic ho-
 stem alacriter infecutus, duobus locis aliquas cohortes
 lentius progredientes cecidit, ac deinceps toto quin-
 quennio bellum hoc fortunatissimè administravit.

Accensis vtrinque in bellum animis, nulla pacis spes ^{A. 1561.}
 suppetere videbatur. Non destitit tamen eam Iuano ^{Mosua}
 Augustus suadere, misso Moscuam Borkolabo Korfak. ^{pacem o-}
 Querebatur in literis inuito se, Lituanos arma coactos ^{blatam}
 sumere: quòd Iuanus promissi immemor, Liuoniam in-
 festo exercitu aggressus, Vendam oppugnari iussisset.
 Nondum tamen rem eò prolapsam esse, vt sistendi belli
 ratio desit; modò Iuanus, æquas pacis condiciones, aut
 ipse inquirere non negligeret, aut oblatas admittere.
 Nihil pacati responsum est ab Iuano: occupatâ enim
 Esthoniâ propè vniuersâ, ægrè ferebat, difficultates o-

A. 1561. hijci, ne reliquâ Liuoniâ tam citò, vti cuperet, & speraret, potiretur. Quin immò ausus est barbarè exprobrare Regi, quòd quas iniurias Lituanix illatas prætenderet, consultò fingeret, ne aut occasio aut prætextus bello deesset: atque adeo nihil ab eo sincerè, omnia dolo agi. Nihilo moderatiùs respondit Iuanus Wiskouaty Eustachio Wolowicz. Interpellauerat hic Iuanum, vt quoniam ante alios gratiâ apud Magnum Ducem flo-
reret, animum eius ad pacem suis consilijs inflectere contenderet. Iuanus verò non adeo se annis maturum esse præfatus, vt de tanti momenti negotijs, Magno suo Duci loqui auderet: omnis belli, quod vnquam inter Lituanos ac Moscos intercessisset, quodque recenter exortum esset, originem, atque adeo iniquitatem, in Principem ac Procures Lituanix, deriuauit. Contendebat Liuones, iam inde à Rurico Russiæ vniuersæ Principe, Ducibus Moscouiæ paruissè: ac deinceps publicis tabulis fidem suam obstrinxissè, sub nullius vnquam alterius Principis potestatem concessuros, sed in obsequio Ducum Russiæ perpetuò perseveraturos. Seueriam atque Smolenscium ab Olgerdo Lituanix Principe in Mosci ditione relictas, postea successorum fraudibus Lituanix aggregatas, optimo iure Moscouiæ deberi. Hæc, vt multum plausus apud Moscum habebant; ita apud peritos Historiæ, nihil fidei. Nam & Liuoniæ finitima haud pridem Mosci vsurpare cœperant, & ex Olgerdi fœdere Lituanæ ditionis termini Mozaïscum vsque protendebantur. Rurici tempore, nomen Moscorum

*De iure
Moscorum
in Liuoniâ
Seueriam
Smolens-
ciam.*

eorum inter ceteros Russiæ populos, valde obscurum, ne dicam ignotum omnino, fuit, solius Moscuæ ciuitatis agro circumscriptum. Atque ut fortè Rurici imperio Moscuam subiectam fuisse nemo negauerit; ita in eius Ducibus, nullus historiæ gnarus, vllum ius, in Rurici successorumque eius dominia, concedet.

Respuentibus pacata Moscis, bellum in Liouia resumptum est, primo vere. Nicolaus Radiuilus Birzanus Dux, supremus militiæ Lituanæ Magister, cum stipendiario milite in Liunioniam mouit. Auxerunt vires exercitûs, lectis proprio sumptu copijs, Hieronymus & Gregorius Chodkiewicz, Paulus Sapieha, Basilius & Georgius Tyszkiewicz, Gregorius Tryzna, alijsque procerum præcipui. Quam primùm per Liunioniam vulgatum est Lituanas copias per Dunam transportari, Moscuscus ne aperto campo decernere cogeretur, relicto milite qui præsidij arcium sufficeret, cum reliquo exercitu, in tutum se recepit. Radiuilus dato negotio Georgio Tyszkiewicz, & Gregorio Tryzna, ut quinque millium expedito equitatu, hostium vestigijs insisterent, ipse robur exercitûs ad Tauri arcis oppugnationem duxit. Tyszkienicius ad ipsos Moscouiæ fines citato agmine hostem secutus, nullibi pugnandi copiam habuit: itaque impunè per Moscouiæ agros grassatus est. Tauri oppugnatio diutiùs exercuit reliquas copias. Post viginti dierum, & ampliùs irritum laborem, tandem perducto ad mœnia cuniculo, eiecta que muri non modicâ tormentarijs pulueribus parte, via ad victoriam est aperta.

*Bellum pro
Liunia
contra
Moscos.*

A. 1561. ta. Summâ contentione, ac celeritate, ruinam Mosci obstruebant: pars comportabant materiam reparando muro necessariam; pars irruentes lunatis securibus, gladiisque, arcebant. Neque vanum eorum incæptum fuisset, nisi Ioannes Wolminski, hastatæ cohortis ductor, suos properè ex equis descendere, directisque in obstantes hastis, maximo quo possent impetu, se ipso duce, ire iussisset. Hastatos reliqui secuti, in arcem penetrârunt. Expugnatio loci, vt diuturno labore, ita nulla ferè maiore iacturâ, victoribus stetit; quàm quod insignem cohortis præfectum, Modrzewski, amiserint.

*Fœdus Li-
uoniae cū
Lituaniam
nouis legi-
bus in-
stauratur.*

Liuania Magister Ketlerus, meliore spe, atque animis, ex felici noui fœderis successu, auctus; non audebat se integrè, ei quæ in præsens erat, fortunæ permittere. Nam, vt fortè auxilijs Lituanorum vltiores Mosci progressus reprimere potuisset: at viribus Liuonicis penitus collapsis, inter potentes hostes Dania, Sueciæque Regem, ac Moscouiæ Ducem deprehensus; à Cæsare Imperioque Romano desertus; non videbat quomodo Esthoniâ ac Derpatum Moscis extorqueret; maritimæ oræ loca aut retineret, aut à Dano, cui pleræque cesserant, reciperet. Maioris molis ea res visa, quàm vt solus Lituania auxilijs perfici posset. Quare vniuerso equestri Ordine, legatisque ciuitatum flagitantibus, Augusto Regi supplicauit: vt quempiam in Liuaniam destinarer, qui re è propinquo inspectâ, maturius dispiiceret, quid opis, Liuania in arcto positâ, ferri expedi-

rect.

ret. Missus est Nicolaus Radiuilus Dux Nesuisij Rigam, A. 1561.
 qui Gubernatoris regij titulo, collatâ cū indigenis sententia, rebus Liuonicis prouideret. Rigenles, quamquam in obsequio se Regis constanter mansuros profiterentur, neque arcem, neque urbem Radiuilo permiserunt: dissimulauit hic factum, ne intempestiuâ irritâque concertatione, magis suam Regiamque, imminueret dignitatem. Instituto deinde de Republica consilio. perpensoque prouinciæ statu, neque difficulter aduertit, neque fateri dubitauit Liuoniæ defendendæ vix suffecturam Lituaniam. Quare disertè suasisit Liuonibus, vt quibus legibus Lituaniæ accessissent, iisdem Poloniæ regno sese adiungerent: quod eâ ratione Polonæ quoque opes, in subsidium Liuoniæ, pertrahi posse viderentur. Indixerat fortè Rex Vilnam Lituonorum comitia: in ijs Magister, cum alijs legatis, quæ destinauerat, Regi ac Senatui exposuit. Verum, quod absentibus Polonis, nihil certi concludi poterat, res integra ad Polona comitia est reiecta. Ne verò ex mora, Liuoniæ status in peius prolaberetur; Rex in primis promisit totas Lituaniæ vires, ad eius conseruationem, collaturum: tum, industriam omnem in Polonorum animis ad Liuonum vota inflectendis. Hac Regis beneuolentiâ permoti Liuones, Magistro ordinis auctore, nouo se ac Liuoniam omnem fœdere Poloniæ Lituaniæque obstrinxerunt: ex cuius formâ, non iam fœderata tantum, ac socia prouincia, sed eidem Reipublicæ insita deinceps haberetur. Fœderis noui hæ leges fuerunt. Sigismundus Augustus

A. 1561.
Conditio-
nes istius
fœderis.

gustus Rex omni studio allaboraret, ne nouum hoc fœ-
dus, aut Magistro ipsi, aut Equitibus Ordinis, damno,
fraudi aut vexationi esset apud Imperatorem, Impe-
riumq; Romanum: quin immò procuraret, vt Cæsar,
Principes, ac supremus Ordinis Magister, ea fœdera ra-
ta firmaque in perpetuum manere, iuberent. Religio
sacriq; ritus, prout in præsens secundum Augustanæ
Confessionis dogmata, deinceps integrè inuiolateque
relinquerentur nihilque innouari permetteretur. Ius
omne, priuatorum hominum, ac ciuitatum, statuum,
ordinum, cum suis prærogatiuis, intactum seruetur.
Ab ordinarijs magistratibus, ad Gubernatorem Liuo-
niæ, pro Rege præsidentem, appellandi potestas, libe-
ra cuius esset. Tribunal iudicum regionum, ex illis dun-
taxat constaret, qui in Liuania agros aliasue possessio-
nes haberent, siue ij nobiles, siue ciuiles magistratus,
siue Ordinis equites, essent. Qui in territorijs nupero
fœdere Regi addictis, viuerent: ijs à prædicto tribuna-
li, ac quouis alio Iudice, ius liberum appellandi ad Re-
gem daretur. Ciuitatibus præessent, vti hætenus vsus
habuerat, magistratus, more Teutonico lecti. Per pro-
pinquiora hosti castella, ij durante bello præficerentur,
quorum fides magis esset probata Regi: redditâ pace,
præfecturæ omnes Liuonibus, Germanici sermonis pe-
ritis, committerentur. Magistri Ordinis titulus, offi-
ciumque in perpetuum aboleretur. Gothardus Ketle-
rus Curlandiam ac Semigalliam Ducis titulo, iure, vt
vocant, *feudali* possideret: ditione eius, Curoniæ Epif-
copatus,

copatus, & quidquid inter Dunā ac Samogitiæ Litua-
niæque terminos continetur, comprehenderetur: ad
sexennium cum sua provincia à bellicis oneribus liber,
immunisque relinqueretur. Quidquid trans Dunā
Liuoniæ esset, cum Elthonia ac Derpatensis Pontifi-
cis ditione, Regi eiusque successoribus, perpetuo iure
cederet. Riga omni Magistrorum Liuoniæ imperio so-
luta, Regi subesset: arcis, urbisque administratio ijs de-
mandaretur, qui natione Liouones, linguam aut Teu-
tonicam, aut popularem Liuonicam callerent: Præfe-
ctum Urbis, vulgò *Burgrauum* legerent ciuiles Magi-
stratus; Rex confirmaret. Monetæ cudendæ ita Duci
Curlandiæ potestas esset; vt vnâ eius parte, facie aut
stemmate Ducis signatâ, altera aut Regem, aut insig-
nia Poloniæ Lituaniæue repræsentet. In has leges ita in-
ter Lituanos ac Liouones conuentum est: vt, etiamsi
fortè Poloni Liuoniam suo regno inseri prædictis legi-
bus abnuerent, Magno tamen Lituaniæ Ducatui, in-
sita vnitaque perpetuò maneret. Confectis tabulis 4.
Kal. Decemb. ijsque Regis Sigismundi Augusti manu,
ac Lituaniæ maiore signo, ritè communis: Gothar-
dus insignia præteriti muneris, Crucem auream, ac
Sigillum Magistri, publicè Regi tradidit, in arario Li-
tuanæ, per Cancellarium eiusdem, Nicolaum Radiui-
lum deponenda; mox solenni pompâ, Dux Curlandiæ
ac Semigalliæ est renunciatus, atque inauguratus. Gu-
bernatio verò Liuoniæ, Gregorio Chodkiewicz Castel-
lano Trocensi. Campestri militiæ Lituaniæ Duci, com-
missa

Primus
Curlandiæ
Dux Go-
thardus
Kesternus.

Guberna-
tor Lio-
niæ Gre-
gorius
Chodkie-
wicz.

missa est, ut eam pro Rege administraret, atque bellum contra Moscos perurgeret.

A. 1562. Chodkieuicius maturè in Prouinciam profectus, militem tum stipendijs auctoratum, tum ex ordinaria Samogitiæ recensione lectum, non procul à Derpatensis agris contraxit. Priusquam tamen infesta in hostem signa immitteret, experiri voluit, quam spem pacis Mosci facerent. Datīs ad Derpatensem Palatinum literis spondit, allaboraturum se, ne Rex ab ineunda pace alienum se præberet, modò Palatinus quoque id ipsum apud suum Principem efficeret. Respondit ille: præstitisse ex fide se, quæ Chodkieuicius postulasset. Scriptum esse sibi Moscuâ, Magnum Ducem tum suapte, tum Procerum precibus inductum, vnicè desiderare Regis Augusti amicitiam. Restare itaque, ut ipse suas partes, uti promississet, studiosè ageret, apud Regem & Senatum: ut quàm primùm legati Moscuam mittantur. Chodkieuicius relicto in castris Legato Alexandro Polubinski cum ijs literis ad Regem excurrit. Interea vtriusque partis consensu miles ab infestationibus cessauit, donec aliquid certi à Principibus mandaretur. Dederant in eodem negotio literas, ad Macarium Summum in Moscouia sacrorum Præsulem, & aliquos Magnates, Valerianus Episcopus, & Palatinus Vilnensis Nicolaus Ioannes Radiuilus, Senatus Litvani Principes. Macarius quidem nihil ampliùs rescripsit, quàm collata cum alijs præsulibus operâ, impetrâsse literas, à Magno Duce, quibus liber Moscuam aduentus permit-

*De pace
inter Mo-
scos &
Lituanos
agitur.*

permittebatur Legatis Regijs de pace tractaturis. Magnates verò multa fastuosè, planeque barbarè scripserunt. Quòd titulus Tzaris per tot annos negatus sit à Rege, vt nimium arrogans factum incusabant: sacrilegio cuius æquabant, quòd solitis stipendijs, Scytharum Crimensium copiar, contra Moscouiam auctorata, Seueriam nuper suasu Michaëlis Haraburda, peruastârint. Sed ante omnia maximè perstringebant susceptum Liunioniæ patrociniū. Augustum Regem, aliam atque aliam causam nouo fœderi prætendentem, vel inuitum confiteri, nullum sibi ius in Liunioniam competere. Quid enim necesse fuisset illi, modò donum Cæsaris Romani, modò Lituaniæ patrimonium, Liunioniam vocare, nisi prætextum veri quæreretur, in re apertè falsa? Indignam omnino rem fuisse tanto Principe, quantus esset Augustus, tam contraria, ne dum diuersa, scribere. Num lateret eum Historia Litwana, in qua legeretur Iagelonem & Vitoldum suos maiores, pecuniâ solitos militem in Liunionia conquirere? nullo utique modò id facturos, si Liunionia, vetus Magnorum Lituaniæ Ducum patrimonium fuisset. Hæc Proceres Mosci. At reuerà Liunionia, & vetus Lituaniæ patrimonium rectè vocabatur, & donum Cæsaris. Liiones enim, olim eiusdem cum Lituanijs originis ac linguæ, ante aduentum Germanorum in Liunioniam, ortis dissidijs, non semel à Lituaniæ Magnis Ducibus bello sunt deuicti. Hac verò tempestate Liunioniam premente, Carolus V. Cæsar alijs bellis intricatus, Liiones opem tanto terrarum

At 562

De iure
Moscorum
ac Litu-
norum ad
Liunioniam.

De iure
Moscorum
ac Litu-
norum ad
Liunioniam.

De iure
Moscorum
ac Litu-
norum ad
Liunioniam.

A. 1562. interuallo implorantes, diserte ad quærenda, apud vicinum Poloniæ Regem, auxilia, remisera. Quamquam autem hæc omnia defuissent: certè quemadmodum Moscus, nihil vspiam in Liuania obtinebat, nisi quod illata vi rapuisset; ita nullum magis æquitati conforme ius cogitari poterat, quàm id, quo suâ sponte Liuones sub imperium Augusti Regis concesserunt.

Quam alieno à pace animo Mosci essent, quidquid in speciem ore iactarent, satis argumenti in ijs literis dedunt: ex quibus constabat clarè, nihil eos ad commuue cum Legatis consilium allaturos, quod non cum summo Liuniæ ac Lituaniæ detrimento coniunctum esset. Ipse verò Dux Iuanus, ne tantillum quidem ab armis temperauit, quamdiu Regij internuncij Moscuæ sunt morati. Liuniam non attigit, quòd comparatum isthîc ad bellum militem, signum belli expectare non ignoraret: Albam Russiam inopinatò aggressus, Vitepsenses, Dubrownenses, Orszanos, Kopysienses, ac Sklouientes agros latissimè populatus est. Ad eius rei nuncium Augustus Rex copias bifariam partitur. Polonos Floriano Zebrzydowski, Campestri Regni Duci, versùs Polociam mandat ducere: Nicolao Radiuilo Lituanos versùs Smolenscum. Radiuilus magnis itineribus Orszam vsque progressus, cum nullibi in campo hostem deprehendere potuisset, firmatis ad Borystenis ripam castris, equitatum omnem ad vastandas Mosci ditiones misit. Reddità per Smolensciam mutuâ hosti clade, Vitepscum mouit: inde Vielizientem oram ingressus

*Dato à
Moscis
initio bel-
landi.*

*Lituanie
Mosconie
ditiones
vastant.*

gressus obuia excidit, ac ciuitatem Vieliziam exulsi. A. 1562.
 Arx, neque primo impetu capi potuit, opportuno loco
 sita, ac valido præsidio firmata: neque deinceps oppu-
 gnatione tentari; quod festinantem, spe intercipien-
 di alicubi hostis, militem, vetuisset Imperator machi-
 nistimentarijs onerari. Zebrzydowius Polociam præ-
 teruectus, lezierzycios primùm, deinde Neuulium per-
 uenit. Isthic inopinatâ ægritudine deprehensus, quod
 se imparem laboribus experiretur, Stanislaw Lesnio *Poloni*
Mojcos
profligat.
 wolski suas vires commisit: cum hiscè mandatis, ut
 omnem circa oram percurrat, hostemque vestiget. Mil-
 le delecti equites Poloni, cum ducentis Lituanijs, ad eam
 operam assignati sunt: quibus Dowoyna Palatinus
 Polocensis, trecentos circiter suos variè armatos adiun-
 xit. Cum tantilla manu, haud multum progressus Les-
 niowolscio, quadraginta quinque millia hostium oc-
 currerunt insperatò. Lesniowolscius, in tam subito dis-
 crimine, tantaque virium debilitate, dubius consilij,
 plusné periculi, pugna, quàm fuga, habitura esset, ma-
 luit pugnare. Castris, ut tempus, ac periculum repens,
 ferebant, loco paludoso permunitis, campestribusque
 machinis opportunè locatis, hosti signa audacter in-
 ferenti, aperto prælio occurrit. Pugnatur acriter maio-
 re longè hostium cæde; sed ea minùs sentiebatur in
 tanto numero, quàm inter paucos exigua. Tribus mil-
 libus hostium in campo cæsis, quindecim apud Les-
 niowolscium desideratis, cum æquante multitudinem
 virtute, victoria diu neutrò inclinaret: nox prælium di-
 mit.

A. 1562. remittit. Altero die Mosci, non ausi prælij fortunam iteratò experiri, motis in Moscouiam priùs castris, victoriæ confessionem Lesniowolscio reliquerunt. Interea hyems ingruens victores ad hyberna reuocauit.

A. 1563. Instabat iam tempus comitiorum, quæ Varsauian Rex indixerat, acturus cum Polonis Ordinibus, de Liuania, regno adiungenda. Adfuerunt in tempore Liuonum Legati, mandataque suorum in Senatu explicârunt. Poloni tot annorum bellis grauissimis, Prussico, Moscouitico, Scythico, Valachico, Turcico, mirè exhausti, nihil ægrius audiebant, quàm cum de nouis expeditionibus sermo inferretur. Quandoquidem ergo, non aliter poterat Liuonum postulatis satisfaceri, quàm suscepta Liuiantiæ contra Moscos, Danos, & Suecos defensione: ne se his difficultatibus intricarent; apertè omnia Legatis negauerunt. Atque ita in solas Lituanian opes yniuersa belli pro Liuania gerendi moles relapsa est. Moscus æstate totâ quieuit. Remissis insuper cum honore Regijs nuncijs, pacata omnia præseferabat: datis enim ad Regem literis ad pacem eum est hortatus; paratumque se ostendit pacis causâ, quidquid Regi liberet præstare: siue mallet Rex suos Legatos Moscuam mittere; siue Moscos Vilnæ præstolari. Vniuersa hæc ad fraudem erant composita; ut si Rex falsâ securitate illusos, verteret aliò copias, Iuanus inopinatò aliquam Prouinciam inuaderet: quemadmodum deinceps euentus probauit. Nam præcipuâ exercitus parte ductore Polubinscio, ad vindicandam à Dano maritimam

*Moscos spe
pacis de-
cept. Le-
tuani Po-
lociam
inuadit.*

nam oram conuersâ; reliquis copijs in vltiorem Li-
 tuaniam hybernorum occasione digressis: Iuanus cum
 ducentis peditum, octuaginta equitum millibus, ac du-
 centis machinis tormentarijs, (quas copias toto eo an-
 no in silentio comparauerat) Polocensem Palatinatum
 inuasit; caputque Prouinciæ, urbem ac duas arces, ar-
 ctâ obsidione, Decembri extremo, cinxit. Eodem an-
 no per Octobrem, Demetrius Dux Wisniewiecki in
 Valachia profligatus, plurimos amisit illustres viros;
 ipse quoque captus, atque barbarâ crudelitate ab vnco
 suspensus, occubuit: vir rebus contra Scythas, Valachos,
 ac Turcas fortunatè gestis celebratissimus.

A. 1563.

Comitia Vilnæ peragebat Rex, cùm Polociam in-
 genti à Moscis exercitu obsideri, nuncius est allatus. In-
 re subita, Radiuilus Lituanix militix Dux iubetur ce-
 lerrimis nuncijs stipendiarios ex hybernis euocare: pu-
 blicis edictis, mandatur nobilitati, vt ad arma absque
 mora concurrat; inuitantur Proceres, vt priuato milite
 publicam rem iuuent. Ex nobilitate pauci admodum
 confluxerunt: quòd & repentina bellandi necessitas
 imparatos occupasset; & incommodum bello tempus,
 pluribus indigeret. Ex proceribus soli ferè Gregorius &
 Nicolaus Radiuilus, in tempore venerunt. Minisci co-
 piæ recensæ, duo millia Lituanorum, mille quingentos
 Polonorum habuerunt. Nihilominus, tam exiguam
 manum, Palatinus Trocensis Radiuilus, magno animo
 contra hostes duxit: palatos eos variè, magno successu
 cecidit: castris intra octo leucas ab hoste permunitis,
 excur-

A. 1564.
 Rex labo-
 ranti Po-
 locie sub-
 sidia pro-
 curat.

A. 1564. excursiones hostiles stitit. Verùm neque penetrandi ad obfessos via modusvè ullus suppetebat: neque audendi è propinquo aliquid animum, virium concientia permittebat. Moscus verò, eò magis accelerare contendit oppugnationem, quò vehementiùs metuebat, ne maiore exercitu collecto Regionum, aut apèrto prælìo decernere, aut ab incæpto desistere cogeretur. Præerat intra urbem summæ rei, loci Palatinus, Douoyna: habebat in præsidio viros consilio manuque promptissimos, Ioannem Hlebowicz, Gregorium Holubicki, Petrum Dorohostynski, Ieszmanos ac Korsakos, eius Palarinatùs Equites, & Centurionem Polonum Wierzchliński, cum alijs tribus eius collegis. Insigni horum omnium virtute, non solùm à manibus strenuè reijciebatur hostis, verùm etiam magnâ in obuios per excursiones strage editâ, in dies affligebatur. Nihilominus, vt tela à multis simul, etiam in incertum, proiecta, non omnia irritò ictu cadere solent; non deerant obfessis sua neque vulnera, neque funera: quæ in paucitate magis sentiebantur. Perculit maximè Holubiccij interitus, qui trabis globi maioris impetu excussæ, oppressus onere, occubuit. Iam vereri cœperat Palatinus Douoyna, ne imminuto sensim præsidiorum numero, impar redderetur propugnandæ vniuersæ ciuitati. Crescente cum tempore metu, tandem constituit turbam, quæ ex agris vicinis concurrerat, expellere, mœnia atque ædes omnes igne demoliri, vniuersam belli molem intra arces receptam, sustinere. Improbabat acriter id consilium Hlebowicius:

Polocia ciuitas à suis exuritur.

bouicius : absoluebat Douoynam curâ defendendæ ciuitatis: quod enim inter agrestes, haud dubiè viginti minimum millia habilium armis reperturum se speraret; cum ijs hostem se reiecturum promittebat. Vicit sententia Palatini, longè maiore obsidentium, quàm obsessorum commodo; postquam & agrestis turba omnis pulsa est, & flamma pluribus locis ciuitati subiecta. Iam hostis, vt necesse erat hyberno tempore contingere, consumptis, quæ ad rapiendum obuia agri habuerant, cœperat extremâ annonæ difficultate laborare: eam verò eximie releuârunt agrestes à Douoyna pulsi, seu metu hostium, seu irâ in suos acti, indicatis, quæ, per subterraneos specus, granaria copiosissima occultauerant. Absumptâ quoque flammis ciuitate, facilior patuit ad arcem via, siue confertim connitentibus in vallum, siue tormentis in aduersa mœnia dirigendis. Tardè nimis cœpit damnare inconsultum suum Douoyna factum: tum nimirum, cum summâ vi institutâ oppugnatione, pars hostium obstinatè in vallum enteretur, pars turribus ac munimentis ignem subijceret, pars tormentis fistulisque explosis, vallum propugnatoribus nudaret. Multis pereundum fuit, cum discurrunt incerti, ignem né extinguerent, an hostem repellerent. Desperatâ re, Palatinus cum Archiepiscopo, ex arce progressus, deditionem offerre cœpit. Mosci nihilo inde mitiores, ferociùs apertæ portæ signa conantur inferre: occupassentque procul dubio arcem, nisi Wierchlinius, cum suis commilitonibus, atque nobilibus

*Polocie
arces à
Mosci ca-
piuntur.*

M m m

Polo-

A. 1564, Polocensibus, irrumpentes reiecissent. Exclusi arce, omisâque oppugnatione, pacatè cum Palatino de deditione transegerunt. Dedita est XV. Kal. Mart. conditionibus non omnino iniquis, quarum nullam Iuanus seruauit. Contra fidem datam, omnes Litواني nominis nobiles, ipseque Palatinus cum coniuge ac liberis, in vincula coniecti sunt, nulli reditu in Lituaniam permisso. Ciues fortunis omnibus exuti. Tempia donarijs ac supellectili pretiosiore spoliata. Soli quatuor Poloni centuriones, habiti liberaliter, veste Persica ac pellibus Sebellinis ornati, in Poloniam sunt liberè dimissi. Arcibus validum præsidium, præsidio ac Prouinciæ Dux Szuiski est præfectus. Comparatis interea validioribus copijs Radiuilus in hostilia castra successit, atque obsidionem arcium orsus est. Diuturna ea fuit, verum irrita. Nam, hostis copiosè apparatu bellico, annonaque præsidium instruxerat: & Radiuilo ad vrgendam maiore vi expugnationem bellicæ machinæ subministrari non poterant, Vilnæ ac per omnem viciniam pestiferâ lue, grauissimè sæuiente.

A Lituanis irrita conatu obsidentur.

Quartanorum militum origo.

Rex belli Ducibus, Liunionæ ac Albæ Russiæ curâ, commissâ; Varſauiam ex Lituania abiit, comitiorum causâ: in ijs titulum atque ius Hæredis Lituoniæ ac Russiæ, in gratiam Polonorum exiit, quartam ex Regijs præfecturis prouentuum portionem, in stipendia ordinarij contra Seythas militis, donauit; vnde vulgare *Quartanorum* militum nomen, originem accepit. Perlato Varſauiam nuncio, amissæ Polociæ; & quàm lentè, nullâque

que spe boni successus, recuperationis cura promouetur: Rex Georgium Bykowski, deinde Basilium Mackiewicz, in Moscouiam misit, ut inducijs belli progressum sisterent. Aegrè Iuanus Dux consensit in breues inducias ad VIII. Id. Decemb. duraturas, nec aliter, quàm eâ lege, ut interea maiores Legati Moscuam mitterentur. Antequam Legati expedirentur, nonnihil tumultum est in confinijs utrimque: cum inde Michael Dux Wisniewiecki, in Seueria, Nouogrodenfes agros peruasat; illinc Bogdanus Saburouius, Lukomlam exurit: nihilominus quod induciarum ignorantia factum crederetur, cognitio iniuriæ ad maiorum Legatorum aduentum est dilata. Legatione functi sunt Georgius Chodkiewicz, Georgius Wolowicz, & Michael Haraburda. Introducti in Senatum, more veteri, præteritis silentio recentibus titulis, Iuanum Magnum Ducem salutârunt. Tum præfati se ad agendum de pace, mandatis plenè instructos venisse, paratosque eam æquis conditionibus sancire; ante omnia postulauerunt: ut Magni Moscouiæ Ducis nomine planè explicaretur. Quam tandem causam Magnus Dux, bello tam cruento, tamque diuturno, non minoribus Moscouiæ, quàm Lituaniæ cladibus, funesto, prætenderet! Ignorato siquidem discordiarum fonte, irritam ac infructuosam, omnem stabiliendæ pacis contentionem fore, satis iam ex tot Legationum euentibus constitisse. Insolens visa, Moscis hæc postulatio: iussus tamen ei respondere supremus legationum Magister, populari vocabulo *Dia-*

*Inducia
breues in-
ter Mos-
couiam ac
Lituaniam.*

*Legatorum
cum Moscis
concertatio.*

A. 1564. *cus*, hæc solum reposuit. Hactenus Augustum Regem tantæ legationis munus, solitum fuisse committere hominibus, neque ætate maturis, neque dignitate præcipuis. Non decuisse itaque, ut Magnus Dux secreta animi sui illis panderet, atque sinceram belli causam aperte indicaret. Nunc demum primum inclinasse animum, ut eam per suos Proceres disertè explicaret. Deuoluto itaque ad Proceres omni negotio, Moscosita locutus reperio. Ab annis sedecim Stanislaus Kiszka, Georgius Komaiewski, & Hlebus Iesman Regij Legati, cum *Moscorum* quinquennialium induciarum tabulis Tzaris titulum *exposulatio.* adscribere noluisse: sponderunt effecturos se, ut neque Rex, neque eius Legati, deinceps eum honorem Magno Duci subtraherent. Id quia hactenus præstitum non est: inde, aut vnica propè, aut præcipua bello causa, sumebatur. Multo tempore, Poloniae Principes regio titulo caruerunt; neque habet inter suos maiores Augustus, qui ante Iagelonem Rex sit appellatus: nihilominus hanc ei prærogatiuam omnes deferunt, neque Magnus Dux vnquam negauit. Titulum Tzaris progenitores Magni Ducis, statim ab inauguratione, usurparunt: quem tribuere illi ne Imperatores quidem Romanus ac Constantinopolitanus, aut Reges Angliæ, tergiuersarentur. Cur igitur Augustus solus, eiusque Legati, pertinaciter, denegarent? Cur etiam ipsi præsentibus Legati, in solenni Magni Ducis salutatione, eum titulum silentio præteriuisent? An ignorarent, quoties Magnus Dux suorum Procerum precibus dedisset, ut regios

gios Legatos admitteret; eam conditionem disertè adieciſſe, ne venirent in conſpectum ſi titulum Tzaris eſſent ſubtracturi? Accedit, quòd cùm repetita toties induciarum inſtauratione, ſemper fuerit cautum, de transfugis mutuò repetendis, nunquam id à regijs ex fide præſtitum ſit. Vt verò multa paucis concludantur; tum Rex ipſe, tum eius Legati, non ſolùm hætenus nihil voluerunt admittere, quod ad ineundæ pacis rationes plurimùm conducere Magnus Dux iudicabat; verùm etiam nouis iniurijs, alias ſuper alias, bello cauſas, miniſtrârunt. Argumento eius rei ſunt: Liuania nullo iure uſurpata; Scythæ Crimæi contra Moſcouiam concitati; affinitas cum Magno Duce ſpæta; Arx Taurus in Liuania capta, militesque Moſci ibi deprehenſi rebellibus Liunionibus proditi; in epiſtola Gregorij Chodkiewicz nomen Magni Ducis indignè tractatum. Quamquam verò Senatus Lituanix pacem optare præferret: plus tamen obſtaculi, quàm adiuuenti, ad eam contulit; quòd præter uſitatum hætenus morem, literas ſuas ſacrorum Antiftiti inſcribendo, virum ſacris officijs intentum, profanis negotijs implicare contenderit. Nullus itaque iam pacis perpetuæ modus vobis ſupereſt, niſi has eius conditiones admittatis. Titulus Tzaris Magni Moſcorum Ducibus, mox à ſolenni eorum inauguratione, à Rege ipſo, Legatiſque illius, ac ſubditis omnibus, daretur. Rzeczycia, Sklouia, Mohilouia, Rohaczouia, Kiouia, & quidquid circa Boryſthenem arcium agrorumque eſſet; quidquid Volynix vtriuſque ac Podoliae

A. 1564. doliæ ambitu contineretur; quidquid inter Smolensciæ fines, & Berezynæ fontes, ac Poloniæ minoris terminos interciperetur; quidquid Russis Ducibus inter se digladiantibus, Lituaniæ Principes è Russiæ prouincijs occupassent; vniuersa integrè, imperio Moscouiæ, iure perpetuo, adiungerentur. Ad hæc, pro Legatis Regijs, constantissimè Chodkieuicius. Regem Sigismundum Augustum consueuisse in Legatis suis æstimare, non annorum sed iudicij maturitatem: quam, cani non semper aut augerent, aut indicarent. Curassè præterea semper, vt eam prouinciam demandaret, viris generis nobilitate clavis, quæ par omnibus Equitibus, incrementa neque ab opibus, neque ab officijs, posset sumere. Ducem verò Magnum Iuanum hætenus, cum Regijs quidem Legatis iniuriosè egisse, iuuentutis prætextu, solitos, debitosque honores derrahendo: de pace autem omnino fraudulentè tractasse; quòd per tot annos, Legatis belli causam sincerè non indicasset. Quare, quòd tantà operâ nihil sit de pace constitutum, tot impensæ in irritum abierint, tot cladibus Christiani populi sint afflicti: omnem culpam esse penes Magnum Ducem, consiliorumque eius administratos. Hæc loquentem interpellans Moscus. Nequaquam, inquit, Magnus Dux argui potest, quòd cum Legatis minoris per Lituaniam notæ, de tanti momenti negotijs, agere sit dedignatus: sed neque tu Chodkieuici, quamquam nobilissimâ te ortum familiâ non ignorem, è numero Senatorum es. Chodkieuicius moderatè subridens, vt insulso homini
vilob *g m m M* contemptim

*Legatorum
regiorum
responsio.*

contemptim satisfaceret; breuiter respondit: se de numero eorum esse, qui præcipuis Magistratibus fungentur, atque ratione muneris sui, Principis lateri familiares, subsellia Senatoria non ambirent. Deinde ad diluenda superiùs ab aduersarijs dicta redijt. Augusti Regis Diuos Maiores, non priuatâ cupiditate in Regios titulos inuolâsse: sed liberi populi suffragijs ad gubernandam eam Rempublicam electos; cuius Principem, Regem nominare, vetus ac concors omnium Principum mos esset, quod non ignorarent, Regiæ dignitatis ius à legitima potestate, Poloniæ collatum esse. At Iuano Tzaris titulos meritò negari: quòd eorum vsum conferre; neque esset ipsius Iuani sibi arrogantis; neque vnius, alteriusue Principis assentantis; neque arbitrij Regij: indigere omnino eam rem concordi Principum omnium consensu. Pacis stabiendæ causâ nihil omnino Augustum neglexisse, nihil eorum quæ induciarum legibus constituta fuerant violâsse: promptum se semper exhibuisse, ad postulata Magni Ducis; modò is æquum aliquid, aut saltem non immodicè iniquum, postulare voluisset. Liuoniam non Regijs artibus illectam, sed iniustis Moscorum armis oppressam, sub Augusti protectionem, ex communi concordique Ordinum suorum sententiâ confugisse. Affinitatem cum Regia sorore, non Regis contemptu, sed ipsius Iuani culpâ, non coaluisse: quod Ioannem Szymkowiez Marefchalcum, legatione suâ perfungi non permisisset, cui id negotium fuerat commissum. Taurum arcem in Liuonia expugnatam

A. 1564. natam, eam belli sortem subiuisse, quam prius Felinum ab Iuani exercitu tulisset. Gregorium Chodkiewicz virum militem, ferro non calamo inimicitias exercere solitum, nihil scripsisse vnquam probrosum Magni Duci. Michaëlem Haraburda in Scythiam à Rege missum iussisse, non barbarum ciendarum causâ, sed vt stipendiario Regis militi, pecuniam antiquo more numeraret. Denique Senatores Lituanos, ideo Pontifici Moscuano scripsisse: quod nullam aliam magis sacram curam esse existimauerint, quam quæ conciliandis inter se Christianorum Principum animis, sistendisque innoxiorum populorum cladibus, impenditur. Quam sincerè Mosci, cum suo Duce, pacem hæcenus optassent; planum satis modò fecisse, ijs propositis conditionibus, quæ omnem pacis tractationem in limine præciderent. Postulare enim eos talia, quæ ipsi scirent certò, se obtinere non posse: repetendo à Lituanis totam Russiam, cuius magnâ pars Polonæ ditionis esset. Relinquerent igitur has ambages: & si de pace sincerè secum agere vellent, ea proponerent; quæ neque postulare immodicum esset, neque concedere impossibile. Restituerent ipsi potiùs Smolensciam ac Polociam, dubium fraude magis, an vi, per certam tamen iniuriam, interceptas: de alijs verò arcibus olim Lituanix detractis, secum agerent. Vrgentibus deinde Moscis, an haberent plenam statuendi potestatem de Tzaris titulo, ac Liuania? responderunt Regij. Pacis causâ Regem minimè curaturum, etiamsi tituli Magni Ducis gemino incremento amplia-

amplia-

ampliarentur: Liunionæ verò negotium non adeo in difficili positum, vt complanari nequeat, modò Mosci ad æquiora sese demittant. Denique eò re deductà vt Mosci solam Liunioniam & titulos Tzaris postularent: Regij petierunt, vt prorogatis intereà inducijs, Regis sententiam priùs explorare permetterentur. Quin immò inducias ad quindecim vel pauciores annos offerebant: his legibus. Polocia vrbs, cum ijs quæ trans Dunam sita essent, in possessione Magni Ducis maneret; quidquid verò eius Prouinciæ cis Dunam agrorum oppidorum-ue iaceret, à Rege, induciarum tempore, obtineretur: pari ratione de Liunicarum arcium possessione partes inter se compararent. Iuanus permittebat quidem Legatis Regijs, vt vel ipsi ad Regem irent, vel literas scriberent, sententiam eius exquisituri; cæterùm nullo modo, aut in longiores inducias, aut in breue armorum, dum Rex interrogatur, silentium, consentire voluit; quòd tacitè collectas copias, non procul finibus Lituanix per hyberna dispositas haberet, inopinatò bellum orsuras. Propè ijsdem vestigijs, quibus Legati, desperatâ pace, domum redibant, exeunte iam anno, infesta signa sunt secuta: vrgentibus Iuanum fati in eam cladem, quæ imminebat. Petrus Serebrny & Casanensis regulus, cum quinquaginta Moscorum, Scytharumque millibus, quidquid circa Borysthenem erat, ferro & igne populari iussus est; ac Szuyfcus superato Duna reliquias Palatinatûs Polocensis, ac Vitepsciam vastare: tum collatis ad Iuanum binis castris, vniuersam

.A. 1564.

*Mosci
spernunt
inducias,
& Litua-
niam in-
vadunt.*

N n n

belli

belli molem Vilnam conuertere.

A. 1565.

Szuyscius

profligatur

à Nicolao

Radiuilo.

Iam Szuyscius populabundo agmine Czaśnikos vsque progressus, fixis isthuc castris Serebrnij aduentum præstolabatur: cum Nicolao Radiuilo nunciatum est hostem gemino exercitu per Lituaniæ confinia grassari. Superioris anni exemplo cautior Radiuilus, neque promissis Moscorum, neque hyberno tempori fidebat; atque ideo delectas quatuor millium copias in casum retinuerat in castris. Aderant multi Procerum, aliqui honorariam cum suis militiam professi, alij cohortium stipendiariam ductores. Gregorius & Ioannes Chodkiewicz, Theodatus Solomerecki, Romanus Sanguszko, Bogussius Korecki, Georgius Zenowicz, Nicolaus Sapieha, Ioannes Wolminski, Georgius Tyfzkiewicz, Borkolabus Korsak, Baka. Nemo erat tribunorum præfectorumque, qui non suaderet decernendum prælio prius cum Szuyscio, quam cum Serebrnio vires cōiungeret. Magnā summorum infirmorumque, alacritate, itum est aduersus hostem. Radiuilus suppeditandorum, quò resposceret, in tempore auxiliorum sibi curam; Gregorius Chodkiewicz ducendi in hostem exercitūs prouinciam sumpsit. In Iuanſcensibus campis, VII. Kal. Febr. horā ante solis occasum infestæ acies concurrerunt: accendebat prælium breue pugnandi tempus; metuentibus vtrisque, ne ante victoriam nox irrueret. Quò maioribus animis pugnatum est, eò citius victoria in vnam partem inclinauit. Mosci, amisso Duce copiarum Szuyski, & viginti quinquemillibus militum, magnā

gnâ clade profligati sunt. Inter cæſorum cadauera, om-
 nium oculos atque ſtuporem, in ſe vertit, enormi mag-
 nitudine Iosephus Theodori Bykow, quatuor cubitos
 & mediũ procerus. Ducis Szuyski corpus conquiſitum,
 Vilnam eſt honorificè deportatum atque in Ruſſorum
 templo, B. Virgini Deiparæ dicato, tumulatum. Qui
 cædi ſuperfuerunt, pauci ſaucij Polociam agrè euale-
 runt, præcipui quique, ac ferè omnes capti. Ignarus e-
 ius cladis Serebrnius non procul Orſzâ conſederat, ex-
 pectabatque tum à Szuyſcio nuncium, quo ſtatu res e-
 ius eſſent, tum ſpeculatores certi aliquid de Litvano
 exercitu allaturos. Præuenite eos nuncius Radiuili, ad
 Philonem Kmita, Orſzanum Præfectum miſſus, de
 profligato cæſoq; Szuyſcio. Philo vir inter paucos mili-
 tarium artium peritus, accepto eo nuncio, experiri con-
 ſtituit, quid animi, ad inſperatum Collegæ caſum, Se-
 rebrnio eſſet futurum: vt ſi fortè infaſtus nuncius ter-
 rorem in caſtris concitaret, ipſe hoſtium perturbatione
 ad audendum, cum ſuis, vteretur. Literas Dubrownam
 properè ſcribit, depicta que Szuyſcianâ clade quàm ex-
 geratiſſimè, Præfecto præſidij ſignificat, victorem exer-
 citum rectâ Orſzam tendere, vt Serebrnium ſecurè a-
 gentem improvîſò inuadat. Tabellario mandat, ne ſo-
 licitè vitando excubias hoſtiles, eas prætergrediatur; aut
 neglectim in eas incurrendo, fraudis ſuſpicionem mo-
 ueat. Ipſe ac Georgius Oſticus Palatinus Miſciſlauien-
 ſis tacito agmine Orſzâ proſecti, ſyluas caſtris hoſti-
 libus vicinas opportunis locis cum expeditiſſimo equi-

A. 1565.

Serebrnium
 de profligato
 Szuyſcio
 Philone
 Kmita.

N n n .

tatu

A. 1566. tatu insident. Non defuit fortuna solerti consilio. Interceptus cum literis tabellarius, atque ad Serebrnium perductus, extra suspicionem. Lectis literis tanta repente Ducem ac tribunos, vniuersumq; exercitum trepidatio peruasit; vt neque consilia neque imperia, aut ductores expedirent, aut reliqui expectarent: omnes tumultuario impetu desertis castris, quò quemque sua fors rapiebat, in fugam effunduntur. Philo, vbi ex insidijs, plena omnia apud hostem tumultu, passimque signa deserti, aduertit: ad augendam fidem literarum, perculsorumque metum, suos hâc atque illac in apertum prorumpere ita iubet, vt speciem præcursorum venientis exercitus facerent. Hinc maior inter hostes consternatio, atque effusior fuga. Persuasus omnibus, victores toto robore superuenire, nemo sub signa coire, nemo in globos se colligere, vt insequentibus resistat; nemo respicere, quæ vires tergo instarent: cuncti existimare solam illis salutis spem reliquam esse, qui alios fugâ anteuertissent. Magna cædes, atque multò maior, quàm pro insequentium numero, in fugientibus edita est. Verùm Philo metuens ne aliquo calu suorum paucitas ab hoste deprehensa, fortunam animosque variaret, maturè ab insequendo renocauit, atque per otium castra diripuit. Vingt quinque millia plaustrorum, variâ prædâ onustorum deprehendit: loricas ac diuersi generis arma, quæ lex millibus armandis abundè sufficerent. Non feliciore euentu rem initio gessit, Georgius Tolkmak ad arcem Ozierisce: quamquam deinde fortunam correxerit.

Trede-

Georgius
Tolkmak
funditur
à Sniepo-
rodo.

Tredecim millibus Moscorum eius oppugnationem acriter urgebat. Monitus de periculo à præfidiarijs, Vitepsensis Gubernator Stanislaus Pac, copias ex nobilitate eius prouinciæ, ac ordinario leuis armaturæ equitatu festinè legit, adiunctisque paucis mercenarijs, duo circiter millia ad pugnam recenset. Ioanni Snieporodo, viro militiâ probatissimo negotium dat, vt eâ manu obfidionem soluat. Ioannes nihil cunctatus, instructâ acie, contra Tolkmakum duxit: neque is prælium declinauit. III. Id. Iul. concurritur: post cruentam pugnam Moscorum quinque millia in campo cæduntur, reliqui profligantur, castra cum omni apparatu occupantur. Snieporodo Vitepsiam cum victore milite, reuerso, præfidiarij velut omni periculo defuncti, securiùs agendo, se & arcem perdidērunt. Nam Tolkmakus fugâ ex prælio elapsus, magnâ celeritate reliquias exercitus refecit, atque improuisò securos aggressus, primo impetu in mænia euasit, præsidiumque excidit. Perijt inter alios nobilis centurio Ioannes Dzierzuzinski. In Seueria Philo Kmita, iunctis cum Comite de Gorka, Lesnio-uolscio, ac Secignieuio viribus, circa Crasnopolim latissimè omnia populatus Poczapouiam opulentam ciuitatem expugnauit, direptamque exussit: præda ingens victoribus cessit, quòd ad primum belli tumultum, Turcæ Moscuam cum pretiosis mercibus tendentes, eò se, ex itinere, paulò ante recepissent. Lituanis bello Moscouitico occupatis, Ericus Sueciæ Rex Liunioniam inuasit, atque Reualiam, & Album-lapidem, in potestatem

A. 1565.

Seueria
vassatur
à Kmita
& Polo-
nia.

Sueci in
Liunionia
profligan-
tur.

Nnn 3

statem

A. 1565. statem redegit. Nicolaus Talwossius, qui militi Litua-
no per eam prouinciam legatus præerat, suos properè
legit, atque contra Suecos liberè grassantes duxit. Ad
vicum Kiriempe eos adeptus, prælio fudit, quadrin-
gentos è præcipuis cepit, militaria signa plura ademit,
reliquias fusi exercitûs Reualiam vsque insecutus est. Al-
ter militaris legatus Lucas Bolco Dux Suierski, cum
exigua valde manu felicissimè contra Moscorum incur-
siones, fines Liuania tutatus, insuper Carcum & Hol-
metum, arces nobiles, vi expugnatas hosti extorsit.

*Carcum &
Holmetum
arces Mo-
sco eripit
sunt.*

Per hos successus imminutis haud dubiè non leui-
ter Moscorum animis, maior pacis spes affulgere visa:
quare Senatores aliqui priuato nomine Moscos Proce-
res, ad agendum de ea inuitare sunt ausi. Dato à proce-
ribus initio, Principes quoque per internuncios, Wolo-
dimiram Zielinski Moscum, & Theodorum Iuraham
Lituanum, conuenerunt, vt per maiores Legatos eius
negotium tractaretur. Georgius Chodkiewicz Castel-
lanus Trocensis, Georgius Tyzkiewicz Palatinus Bre-
stianensis, Michaël Haraburda Notarius Lituania, ad-
ditis decem è regiâ aula illustribus viris, mille circiter
equitum manu comitati, Legatione splendide satis, fun-
cti sunt. At non meliore euentu, quàm superiorum an-
norum Legati: Moscis continuò eadem ingerentibus.
Iam inclinauerant Regij animos, vt in perpetuam pa-
cem sequentibus legibus, etsi valdè iniquis consenti-
rent. In Russia Smolensco & Polocia, aut solâ Polociâ
restitutis, reliquæ prouinciæ sub Casimiro & Alexandro
Regibus,

*De pace in
Moscis a-
gitur euen-
tu irrita.*

Regibus, à Lituanîa auulsæ, Mosco cederent. In Liuo-
nia verò, quæ in præsens, aut Rex, aut Moscus, possi-
deret, vterque perpetuò obtineret. Suecus collatis viri-
bus è Liuania eijceretur: vindicata Lituari ac Mosci
inter se partirentur. Captiui nullâ numeri aut dignitatis
habitâ ratione, vtrîque omnes restituerentur. Nihil
tamen admiserunt Mosci. De captiuis responderunt; nu-
merato pro Douoyna lytro posse singulos cum singulis
in capita, absque discrimine commutari. Desperatâ om-
ninò pace, id solùm ægrè euicerunt Regij, vt vicif-
sim Iuanus Legatos suos ad Regem mitteret; ac per id
tempus, vtrîque ab armis temperaretur.

Interea Lituaniam suspecta Regis valetudo, domus-
que eius nullo hærede firma, maiore curâ perurgebat:
nimirum, ne tot bellis implicata, à Polonis repentè de-
stitueretur; si forte ante perfectum cum illis fœdus, (vul-
gò vnionem) contingeret Regem vitâ decedere. Multa
adhuc supererant, non leuiter controuersa, quæ obsta-
bant ne eorum populorum societas, duorum sæculo-
rum labor, consummaretur. Lituari celebratis Brestia
magnâ ordinum frequentia comitijs, miserunt legatos
Lublinum, quo Polonis ad VIII. Id Iul. comitia fuerant
indicta. Legationis compendium fuit. Quamquam
difficili ac periculoso bello occupati essent Lituanæ or-
dines; tamen auctore Rege Sigismundo Augusto, non
inuitos conuenisse Brestiam: vt dispicerent, quâ ran-
dem ratione perpetuam Lituanæ cum Polonia vnio-
nem perficere possent. Superioribus annis, satis iustam,

A. 1566.

De vnio-

ne Litua-

niæ cum

Polonia

perficienda

agitur.

ac

A. 1566. ac pròpe necessariam rescindendorum fœderum causam habuisse: quando Poloni in Varšaviensi & Bielscensi conuentu postulata Lituanix reiecerunt. Nihilominus, quòd sincerè desiderarent, vt hæ duæ nationes in vnâ Rempubicam coalescerent, tunc quidem perstitisse in amicitia, nunc verò dissimulatis præteritis, concordî omnium sensu has fœderi leges offerre. Lituanî nunquam soli magnum Ducem sibi legerent: sed ad locum ab Interrege Archiepiscopo Gneſnensi, designatum venirent. Isthic pari cum Polonis prærogatiuâ, singuli equites ius suffragij haberent: qui verò Rex Polonix crearetur, idem & Magnus Lituanix Dux esset. Peragenda noui Regis electioni locus, circa confinia vtriusque gentis destinaretur. Hostes, & amici, vtriusque iisdem essent; & collatâ operâ fines Polonix ac Lituanix defenderentur. Comitia alternis vicibus in Polonia & Lituania peragerentur. Quoniam verò nihil ampliùs his legibus quæreretur, quàm vt Reipublicæ ac nationis Lituanix dignitas retineretur; ante omnia sponderent Poloni neque curaturos se, neque permissuros, vt hæ æterni fœderis forma immutetur. Quid responsi Legati acceperint, non reperio. Nihil tamen fuisse constitutum, argumento sunt ea, quæ deinceps contigerunt. præsertim, quia Legatis prohibitum fuerat, ne quidquam decernerent, sed rem integram ad ordines in Breſtianiensi conuentu referrent. Ita scilicet volebant, eam vnionem perfici: vt nihil de Reipublicæ dignitate: Magistratuum, iudiciorumque formâ; nihil de legibus, præro-

prærogatiuis ac consuetudinibus; nihil denique, de finibus Magni Ducatus Lituaniæ, decederet. *A. 1566.*

Moscorum Legati superiore anno promissi, diu nimis non venerunt: & quamquam inter ipsum Moscoviæ Ducem & Regios Oratores, nuper conuenerat; ut dum ea Legatio expeditur ac perficitur, pacata manerent omnia: nihilo tamen minus quieuerunt Mosci. Circa Vsiatam, & in confluente Dunæ Vlacque excitationibus munitio vicinos vexabant: Voroneciam arcem expugnare attentarunt, licet irritum euentum. Querenti de iniurijs Basilio Zaborowski Regis nomine, respondit Iuanus. Vsiatam & Vlam suæ ditionis esse, in qua pro arbitrio erigere castella, inducijs minimè prohiberetur. Voroneciam constructam à Regijs esse, foederis tempore, atque eâ causâ à suis aliquantum infestam. Cum nihil æqui per literas ac nuncios obtineri posset, Rex finitimarum arcium Praefectos monuit, ut vicissim Moscorum agros incursionibus infestent. Ante alios Bie-rula Stanislai Pac domesticus tribunus, cum leui Vitepsensium equitatu, frequente prædatione viciniam Moscorum afflixit. Tum primum Iuanus & Legationis & induciarum memoriam resumpsit. Per celerrimum nuncium sollicitè excusare, quòd aliquamdiu legati tardarint: spondere propediem eos affore: rogare, ne ex ea morâ, bellicis motibus noua ansa sumatur. Venere non multò post Legati Grodnam. Rex Primorum officia ita partiti sunt: ut alij essent, qui eos acciperent, deducerent, haberentque regiâ magnificentia; alij qui de Reputu.

*De pace
tractant
irritum euen-*

O o o

4-1566. Republica cum eis agerent. Prior Prouincia obtigit, Nicolao Kiszka Pincernæ, Nicolao Dorohostaiski Dapifero, Ioanni Wolowicz & Ioanni Wilczek Marefchalcis, Ioanni Tryzna, Skumino Toczynski, & Nicolao Konsza aulæ regię familiaribus; tractandi verò de pace industria delata, viris grauissimis, Nicolao Radiuilo Palatino Vilnensi, Georgio Chodkiewicz Castellano Trocensi, Georgio Tyszkiewicz Palatino Brestianensi, Eustachio Wolowicz & Ioanni Szymkowicz Marefchalcis, Nicolao Naruszewicz Aerarij præfecto, Michaëli Haraburda Notario Lituaniæ. Postquam, ad summam negotij, colloquium Procerum cum Moscis peruenit: viderunt pertinacissimè Mosci, vt quæ hæctenus Magnus Dux armis occupasset, ea perpetuò Mosci iuris essent. Rex à Liuania penitus abstineret: Vlà, Sokolà, Ozieryscijs, Vsiatà cederet: Ducem Andream Kurpski cum vniuersis fugæ comitibus dederet. Paulò ante hic, perosus crudelitatem Iuani, in Lituaniam se cum domesticis transtulerat. Furebat planè ob id factum Iuanus: nam & famulum eius casu interceptum, crudelissimè necauit, & vnum Primorum, qui trucidati cadauer tumulari curârat, tamdiu atrocibus tormentis excruciauit, donec sub torquentium manu expiraret. Neque tamen ijs cædibus, velut impare victimâ, furibundus homo placari voluit; sed ad exfatiandam sæuitiam ipsum Andream expetebat. Tam indigna, non concessu modò, verum & auditu, postulantes, cum nihil de vesana pertinacia remitterent, non diuturnam deliberationem

tionem Regi ac Senatui fecerunt. Quid enim prom-
ptius esset, quàm verbo negare omnia; cùm nihil in po-
stulando proponeretur, quod concedi posset? Vt verò
ipsi, ex sua sententia, quàm absurda postularent, aduer-
terent: ostendit Rex spem dedendi Andreæ, hâc lege.
Si Iuanus vicissim Duces Linguenieuios, Glinfcios,
Bielscios, Trubecios odoieuios, Massalscios, ceterosque
cum eorum familijs ac patrimonijs Regi sisteret. Ita in-
fectis rebus dimissi legati, atque breuib; inducijs bel-
lum successit, cui initium ante finem induciarum Mos-
ci iam dederant. Quo tempore per Legatos Grodnæ
de pace agebatur, miles ex Seueria missus, repentina ir-
ruptione grauitè Ostrogij Ducum possessiones deua-
stauit. Quare Stanislaus Paciliberius infestationes Mo-
scouia profecutus est. Situm initio Decembris vi ce-
pit, trecentos præfidiarios excidit, tormenta maiora ali-
quot, leuiora centum viginti, cum ingenti pulueris tor-
mentarij ac globorum copia abduxit. Inde Vielizium
instituta circa Id. Dec. excursione, prætoriam Ducis
Moscouia legionem, maiore parte, ex nobilibus aula
illius lectam profligauit.

A. 1766.

Bellum cū
Moscis re-
sumitur.

inducta
no. 23
et 24
et 25

Eodem anno Lutheranorum secta, inter Sacerdo-
tes per Liouoniam non audens hætenus publico se cre-
dere, sub Augusti Regis patrocinio in apertam erupit
impudentiam. Pontificalis ad Rigensem Basilicam Col-
legij, sacerdotes, omni iure proculcato, partitiq; inter
se, eius Collegij amplas possessiones, ad sacrilegas nu-
ptias conuolârunt. Vt scelus impunè abiret, literas Re-

Cathe-
drale Col-
legij Ri-
gensis Ca-
tholicam
religionem
deserit.

A. 1566. gias, VI. Kal. Decemb. datas obtinuerunt, quibus Rex suam auctoritatem, ad eorum acta defendenda obstrinxit. Quamquam illi diuinis legibus protritit, humanas pœnas non vsque adeò metuebant. Agrorum, prædiorumque possessio incerta, sollicitos eos magis reddebat. Verebantur ne collegæ, Kunheimius & Strubitzius, à sacra prædæ communione exclusi, litem mouerent, exuerentque bonis priuatâ cupiditate occupatis. Eiusmodi defectiones ab auitis sacris, nimium dissimulabat Augustus Rex, etiam per Lituaniam: vnde, non immeritò, suspicionibus sermonibusque populi vapulauit; veluti obnoxius sectæ Lutheranae. Auxit opinionem populi, quòd destinatum ante aliquot annos facinus, hoc anno exequi institisset: Catharinâ Austriacâ apertè repudiâtâ. Reuocabat enim suo facto Romani Pontificis auctoritatem, qui prius quàm celebraret Augustus cum Catharina connubium, soluerat eum religione legum vetantium, ne mortuæ coniugis thalamo germana superinducatur. Prætendebat Rex, diuinitus immisissis terroribus, se ita ob incæstas nuptias exagitari, vt morte ipsâ grauius duceret Catharinæ conuiuere. Diluit abundè hæc, & his paria, Legatus Cæsareus Antistes Quinqueecclesiensis: sed, & vulgò, vt certa res, spargebatur, præstigias eas fuisse ex adulterinis amoribus profectas. Nihil tamen de obstinatione remisit Augustus. Catharina ad Maximilianum Cæsarem remissa, non superuixit tantæ contumeliæ, animi magis quàm corporis ægritudine, in itinere consumpta.

Bellum

Bellum contra Moscos à Ducibus, legatisque milita-
ribus satis prosperè gerebatur. Stanislaus Pac agros Vie-
li zientes Vſuiatenſes, Bialenſes populatus vaſtè, oppidi-
ſque exuſtis, cum Petro Holouino feliciter confluxit. *A. 1567. Mosci pro-*
Miſſus hic ab Iuano cum prætorio ſelectæ nobilitatis *ſtigantur*
equitatu ad ſiſtendas Pacij vaſtationes, amiſſo in prælio *Petrus*
exercitu, ipſeque cum præcipuis captus, non modicè *Holouinus*
auxit eius victorias. Acta hæc per Ianuarium: ad ini- *à Stanif-*
tium autem veris, Campeſtris Dux Romanus Sanguſz- *lao Pac.*
ko, cum expeditiſſima mille nongentorū manu, maturè
caſtris ad Czafnikos oppidum locum cepit, vt inde in
hoſtiles motus intenderet. Nemo enim ambiebat futu-
rum, vt Iuanus ſuperiores clades vindicaturus, primo
vere Lituaniam inuadat. Nec vana opinio fuit. Edixe-
rat enim Iuanus, vt ductores legionum, tempeſtiuè cum
milite non procul Orſzâ conuenirent. Præceſſit alios, *Serebrnius*
delendæ quam acceperat nuper, ignominia cupidita- *à Romano*
te, ferocior Serebrnius, cum Moſcis copijs, & Amura- *Sanguſz-*
the Scytharum ductore: octo millium exercitum ha- *ko.*
bebat. Romanus accepto ab exploratoribus nuncio,
ingenti ſilentio Czafnicis monit, acceleratoque per
noctem itinere, ita indiſtriè excubiarum centuriam an-
te lucem intercepit deleuitque, vt nuncium in caſtra e-
labi non permiferit. Cum aurorâ, edito repentè rumul-
tu, qualis ſpeciem faceret maioris exercitus, caſtra ipſa
adoritur: repagula arborum curruumque refringit, ſe-
mieres inuadit, cædit. Pauci euasere cum Serebrnio
ſaucio: reliqui aut potiore parte cæſi cum Amurathe,
aut

A. 1567. aut capti cum Duce Palicki. Ex victoribus duodecim dumtaxat desiderati; duplò plures saucij: quorum desiderium abundè explerunt captiui magno numero in libertatem aſſerti. Romanus alacritatem militum per eum ſucceſſum erectorum, fortunæque fauorem, ad proſequendam victoriam vertit. Nunciabant exploratores Iosephum Szczerbaty cum collega Georgio Boratynski, ſex millia Moſcorum tria Scytharum ductore Segite, Vlâ Suſzam mouiſſe: neque conſultum videbatur, ſi illis & pauci, & equites ſoli apertè occurrerent. Vitatâ itaque viâ, quæ rectâ ducebat, ſuos Romanus cauiffimè per nemora circumduxit, atque extra omnem apud hoſtes ſuſpicionem vicinas caltris ſyluas inſedit. Obſeruat o tempore, cùm maximè ſecuri negligentius in caſtris agunt, ſimul repentinum clamorem excitat, ſimul curſu in caſtra fertur. Improviſo diſcrimine turbati Moſci, quia nullo ordine occurrerunt, magno impetu incurrentibus, poſt breue prælium fuſi ſunt. Fit primò cædes lentè conglobatimque cedentium, maior deinde, effuſorum in fugam. Præter plurimos nobiles, octuaginta illuſtres viri, atque in ijs belli Duces, viui in poteſtatem venerunt. Tam celebris victoria, trium dumtaxat morte, triginta ſauciorum vulneribus, Romano conſtitit. Rex Auguſtus ex tot ſucceſſibus, nihilo ad bellum pronior, pacis iungendæ rationes perſtentat. Per Ioannem Bykowski Iuano Duci ſcribit: ſe coactum Moſcorum iniurijs grauibus, ac præſertim quòd nuper durante armorum ex condicto quiete, Oſtrogiorum

*Moscuſ ad
agendum
de pace in-
uitatus,
legatum
regium
violat.*

strogiorum possessionibus euastatis libera Christianorum capita, pro pauculis nummis seruituti Mahumetanæ addixissent, in campum prodiuisse: nihilominus paratum omnino esse, pace perpetuā quamprimum cruentum bellum sistere, modò non iniquæ pacis conditiones ab Iuano proponerentur. Iuanus infeliciū in Russia expeditionum pertæsus, bellum in Liunioniam transtulerat. Ad castra itaque regius nuncius euocatus est: & mox expositis mandatis regijs Moscuam relegatus, rebus omnibus exutus, atque in carcerem cum vniuersis comitibus coniectus. Grauius eius rei nuncius perculit Augustum Regem. Totis simul viribus sacrilegum iuris vniuersi violatorem aggressurus, stipendijs militem conscribi, ac delectus quàm maximos institui, iubet. Sed paratum magis, quàm gestum, hoc anno bellum est: Rege comitijs Grodnensibus implicato, quæ ad conficiendum consummandumque Liunicum fœdus Ordinibus indixerat.

Sextus iam annus post initum secundò in Lituanos ac Liunos fœdus, excurrerat; Polonis Liunioniæ discrimen, extra aleam spectantibus. Quare Augustus Rex, posteaquam nihil omnino apud Polonos suâ auctoritate effecit, vt Liunioniam Regno adiungerent, ex forma præteriti fœderis, cogebatur eam Prouinciā Magno Lituanie Ducatui inferere. Peractum est id negotium Grodnæ, firmatumque tum legibus comitiorum auctoritate latis, tum tabulis exeunte Decembri conscriptis, adiectisque nominibus, Regis, Senatorum sex supra

*Liunia
cū Litua-
nia vlti-
mū fœdus
sub Augu-
sto.*

41567. pra triginta, septem Mareschalcorum, quatuor notari-
 orum supremorum. Conditionum potissimæ fuerunt
 hæ. Liuania omnis, Magno Lituaniæ Ducatui insita,
 deinceps illi Principi tantum subesset, qui Magnus Li-
 tuaniæ Dux ritè ac secundum leges esset inauguratus.
 Pars eius, cis Dunam sita, Duci Curlandiæ, iuxta prioris
 foederis formam, relinqueretur: quidquid verò trans
 Dunam Liuania Ducatus nomine censèretur, in Ri-
 gense, Treidanum, Vendense, ac Dinemburgense ter-
 ritoria diuisum, ad normam cæterarum Prouinciarum,
 Lituaniæ accederet. In singulis territorijs, Senator Liuo,
 cū duobus iudicij collegis, ac notario, viris nobilitate ge-
 neris conspicuis, ius genti diceret. Acta publica progres-
 sus litium, sententiæ iudicum, Teutonico sermone con-
 notarentur. Prouocationes ab ordinarijs iudicibus, intra
 Liuaniam à supremo Administratore, ac quatuor Se-
 natoribus terminarentur: sententia tribunalis, Liuania
 figillo proprio, muniretur. Senatores in Senatum Li-
 tuaniæ cooptati, locum ac suffragij ordinem, certum,
 neque postremum, haberent. Administrandæ Liuania
 dignitas solis Liuonibus, aut si id commodè fieri non
 posset, Lituanijs peritis linguæ Germanicæ, demanda-
 retur. Stemma nouo Liuania Ducatui Rex pro arbitrio
 designaret. Nobilitas Liuonica paribus cum Litwana
 prærogatiuis Equestribus gauderet, comitijsque inter-
 esset. Legatis territoriorum in publicis conuentibus lo-
 cus honestus tribueretur. Pecuniæ cudendæ forma ea-
 dem in Liuania, quæ in Lituania esset. Si fortè Litua-
 niam,

niam, Poloniae nouis foederibus arctius iungi contingeret, Liuania nomine Lituaniae comprehenderetur. Augustanae Confessionis religio inuiolata conseruaretur. Gymnasium ad formandam honestis artibus iuuentutem, regijs impensis excitaretur: Collegia Virginum antiquitus erecta, addiceretur iuniorum puellarum honestae educationi, ac matronarum natu grandium, quarum viri exularent, alimentis. Donationes regiae, privilegia, dignitatum collationes, in Regia ab eiusmodi rerum administris, sigillo Magni Ducatus Lituaniae munirentur. Haec vniuersa Augustus Rex rata aeternum esse voluit; publicisque tabulis, ita fore, pro se ac successoribus sancte spondit: Ducatum Ultra-Dunensis Lituoniae instituit, eique solemne signum esse iussit; Gryphem album in rubra area in pedes erectum, dextro anteriore gladium vibrantem, pectore complexum primas Regij nominis literas S. & A, sibi implexas, ac diademate regio coronatas. Eo nimirum monumento conseruari ad posteros optabat memoriam sui in primis, tum Ioannis Hieronymi Chodkiewicz Comitis in Szklow & Mysz, Supremi Samogitiae Praefecti, Mareschalci Lituaniae, Administratoris Lituoniae. Hic enim maxime suam industriam in tales foederis leges, Liouones permouit: atque insigne domus a Romano Caesare parenti suo Hieronymo, cum Sacri Imperij Comitis titulo, collatum, Gryphem habebat. Quae ad firmandum foedus opportuna videbantur, ijs rite peractis: vetusta Liuania monumenta, quibus praerogatiuae ac iura ab Imperatoribus.

A. 1567.

Stemma
Ducatus
Lituaniae.

P p p

ribus.

A. 1567. ribus Romanis Ordini Liuonico concessa continebantur, consentiente Maximiliano Cæsare Regi præsentata sunt, atque Magno Ducatui Lituanix consignata, in eiusdem sanctiore tabulario per Cancellarium deponenda. Deinceps itaque, ad Stephani usque regnum, Liuaniam veluti sui corporis portionem sola Lituania proprijs impensis ac viribus, nihil Poloniâ conferre volente, contra Moscos ac Suecos est tutata.

A. 1568. *Bellu contra Moscos apparatu vano exitu.* Confectis Liuanix negotijs, successit cura Moscouici belli, magno molimine superiore anno apparari cæpti. Radoszkouicios edicto regio vniuersæ copix euocata, conuenerunt in tempore, inde totis viribus in Moscouiam ituræ. Centum millia bellatorum censebantur. Famâ eius apparatus permotus Dux Moscouix, Ioannem Bykowski regium nuncium nuper violatum, ac detentum, honorificè colere cæpit, ac properè in Lituaniam remisit, inuitando Regem vt amicè secum congregari vellet: aiebatque facillimam rem fore, vt ipsi Principes vltimam manum imposerent ei negotio, in quo tot annis laboratum esset vano euentu per Ministros. Rex in literis vehementius respondit, exprobrando iura gentium, etiam barbaris populis sacra, ab ipso violata in nuncio: quem etsi tandem liberum dimisisset, res tamen ei, comitibusque eius, vi abstractas, restitui non iussisset. Vbi agendi tempus deinde venit, cum tanto milite nihil egit, ob inertem procrastinationem. Consumptis per otium in campo duobus mensibus, expilatis extremè circumquaque agrestibus, Nobilitate Lituanâ,

t uanâ, ac Polonicis auxilijs domum remissis, non im-
 ritò scommate notatus est, vulgò ea expeditione galli-
 nacea vocata. Rege nullo victoriæ fructu, magno gloriæ
 impensarumque damno, Grodnam reuerso, Ioannes
 Chodkie wicz cum mercenarijs, ac honorarijs Litua-
 norum copijs Vlam ex castris mouit. Oppugnata est
 arx, nullo alio operæ pretio; præter fortitudinis com-
 mendationem: non pauci enim animosiùs quàm pru-
 dentiùs agentes fortiter occubuerunt, cum Ioâne Kur-
 nicki pedestri centurione. Quamquam verò nihil sit à
 Chodkieuicio omissum, quod capiendò vi loco serui-
 ret: submissis tamen Polociâ per Dunam recentibus au-
 xilijs omnis conatus in irritum ibat. Cùm obsidio spe-
 diutiùs extrahitur, Chodkieuicio ad alia Reipublicæ ne-
 gotia euocato, cura oppugnationis ad Romanum Du-
 cem Sanguszko translata est. Romanus, dato mandato
 equestribus turmis, vt hostilem agrum latè popularen-
 tur, ipse negligentius cum paucis obsidionem vrgerè
 orsus est: eo consilio, vt suâ remissione hosti præberet
 occasionem securiùs agendi, eamque improvisò in ca-
 put eius verteret. Philon Kmita vastando Smolenscum
 progressus, Moscos qui ex arce eruperant, cecidit, atque
 accisis eâ clade præsidij viribus, liberiùs Viazmam vs-
 que vastitatem vulgavit. Georgius Zenowicz cum filio
 Christophoro, circa Leplos igne ac ferro grassatus, ali-
 quot hostium millia, quæ populationem sistere cona-
 bantur, prælio vicit, ac deleuit. Romano ad Vlam, re-
 missiùs, vti credebatur, agente, iterùm recens miles Po-

A. 1563.

Vla à Ro-
 mano Să-
 guszko ca-
 piatur Di-
 tiones
 Moscorum
 vastatur.

unab

P p p 2

lociâ

4.1568. lociâ Vlæ immissus est: præfidiarij vsu ad securitatem assuefacti, die cum nouis commilitonibus hilariùs peracto, per noctem liberiùs se somno permiserunt. Romanus, id quoderat, quodque futurum sperabat, suspicatus, iam ante præparatis in eum casum scaphis, impolitisque promptioribus è leuiore equitatu, iubet quàm maximo silentio sub ipsa se mænia à tergo arcis applicare, ductoribus Birula, Minko, Oskierka. Ipse viâ Turrowlenfi instructâ acie cum ceturionibus Runczkowski & Tarnawski peditatum scalis instructum, Polocenfi portæ opponit. Equites per tenebras sub mænia scaphis tacitè delati, ipsâ loci propinquitatè ab ictu tormentorum securi, pars ignem ligneis munitionibus subijciunt, pars securibus portas effringunt. Excitati à somno excubitores, cuncta tumultu complent: concurrentibus hinc inde Moscis, neque valentibus periculum, tam prope admotum, tormentorum vi reprimere; pugna ad manum & gladios deducitur. Acriter vtrimque dimicabatur: sed Moscos maior numerus, & extremi periculi metus, audaciores ex desperatione, faciebat. Conspicatus id equestris turmæ præfectus Nicolaus Solohubus, eques cum suis in fluuium se coniicit, nandoque eum transgressus, prælium restaurat. Iussu Ducis, sequuntur Nicolai exemplum, alij equitum ductores, Woyna, Tyfzkiewicz, Lukomski; ceterique. Aucto oppugnantium numero, vno simul omnium nisu, fit in Moscos vestigio immorientes impetus. Non diu sustinetur: confertus pugnantium globus perumpitur: cæduntur

duntur resistentes pertinaciùs: arx vi occupatur. Capti *A. 1568.*
sunt in ea octingenti sclopetarij, nobiles trecenti, duo
Palatini de Velaminorum domo. Duces Moscouiticæ *Vitepscen-*
militiæ Seremetes, Basilius Buturlinus, & Gregorius So- *sem obsi-*
bor, valido Moscorum exercitu & sex millibus Nahai- *dionem*
ensium Scytharum succincti, non sunt ausi aperto cam- *Mosci tre-*
po cum Romano congredi: verùm vt eum ab Vlenfi *pide defe-*
obsidione auellerent, Vitepsciam V. Kal. Oct. cinxe- *runt.*
runt. Per desertam ab incolis ciuitatem excitatis ad ter-
rorem ignibus oppugnationem arcis semel iterumque
tentârunt: à Stanislao Pac Palatino fortunatè reiecti.
Adfertur intereà nuncius, Romanum Vlâ positum esse,
atque Vitepscium mox ad fore: ad eam famam Mosci,
tertiâ ab aduentu nocte, oppugnationem trepidè deser-
uerunt. Expeditus eques, iussus abeuntes insequi, ac mo-
rari, nihil maioris operæ præstitit: nisi quòd cohortes
tardiùs procedentes, inter impeditiores vias aliquantùm
vexârît, carpsêrîtque. Par fortuna eius anni, etiam in
Liuania Moscis fuit. Nam Alexander Polubinski Izbor- *Izborgum*
gum ciuitatem, atque arcem expugnauit, virumque a- *Moscis*
micitia Magni Ducis Iuani insignem, Athanasium *eripit Po-*
Nalczekinum, loci eius Præfectum, cepit. Eius rei *lubinski.*
nuncio in furorem versus Iuanus, Moscuæ, incredibili
crudelitate, in captiuos Lituanos, ac præsertim nobiles,
desauijt. Argumenta horrendæ sauitiæ piget ad poste-
ros transmittere, quòd ea Guagninus in sua Sarmatia
abundè depinxerit.

Remittente amentia cum tempore, celerrimo nun-

P p p 3

cio,

A. 1568.
Comitia
Grodnae
celebrata.

cio, Nafzczekinum à Rege Iuanus repetijt, quodd accēptum esse dicebat durantibus inducijs. Ita illi lubebat induciarum tempus prætere, quoties in promptu militem non haberet. Iterauit postulatū rursus, per Petrum Kazimierski, eā solā causā à Mosco libertate donatum. Rex, quod in curam ordinandæ Lituaniae intentus, quiete egeret, ad comitia Grodnae, ex voto peragenda; nuncium Iuani, accepit beneuolē & suo vicissim Moscuam misso, oblatum ab armis otium captauit. Eius operā, Bykonio, ablata nuper res, ex fide sunt restituta: Douoyna Palatinus Polociae captus, pro Suyfcij caduere promissus; ac vicissim Nafzczekinus cum captiuis Izburgo abductis, pro illis, quos ibidem Iuanus expugnatā arce ceperat. Curā belli Moscouitici solutus Rex, sed animo imminētia fata præsentiente, intentius per comitia incubuit in Lituaniae negotia. Pecuniam ad belli sumptus necessariam ex Ordinum consensu indicxit. Liuonicum foedus stabiliiuit, ac lege latā locum tum Senatoribus, tum alijs Liuoniae Magistratibus, inter Lituanos designauit. Tandem superatis ingentibus impedimentis, peruicit apud Ordines: vt Comitiorum auctoritate eiusmodi legerentur, ad Polonos Legati, quibus plena ac sine exceptione, potestas committeretur, perpetuae Lituanorum cum Polonis amicitiae ac Societatis, vulgò *Vnionis*, statuendae ac perficiendae, controuersijs quibuscumque vtriusque planē sopitis, oblitteratisque.

A. 1569.

Celeberrimus itaque sequens annus fuit Lublinensibus

bus comitijs : quæ consummandi inter Polonos ac Li-
tuanos fœderis spe certâ , vniuersam Europam erex-
rant ad expectationem. Plurimi Principum exterorum
Legati, Summi Pontificis, Cæsaris Romani, Regis Sue-
ciæ, Turcarum, Scytharumque , & Magni Moscouiæ
Ducis, aliorumque, Lublinum confluxerunt. Alterius
Reipublicæ in Lituania, quàm quæ nunc est , vestigia
aliqua facilè posterì legent, ex eorum officijs, quorum
humeris tantæ molis Prouincia concredita est. Ex Pon-
tificibus lecti sunt, Valerianus Vilnensis, & Nicolaus
Pac Kiiouienfis. Senatorius Ordo non sacer, in gemi-
nam subfelliorum classem diuidebatur : ex prima fue-
runt destinati Nicolaus Radiuilus Dux in Olyka Pala-
tinus Vilnensis, Marechalculus, & Cancellarius Litua-
niæ, Stephanus Korybut Dux in Zbaraz Palatinus Vi-
tepscensis ; ex altera Nicolaus Kiszka Pincerna Litua-
niæ, Præfectus Drogiciensis. Ex ordine Ducum, & Ba-
ronum, Nicolaus Radiuilus Palatinides, Hieronymus
Chodkiewicz. Castellani Vilnensis, Iuanus Dux in
Czartorysk, Iaroslavus Sanguszko Dux in Nieswiecz.
Ex Marechalcorum Ordine, Petrus Zaorski, & Mi-
chaël Lozinski. Ex patritijs, Melchior Szemet, Mel-
chior Snowki, & Ladislaus Dux in Zbaraz. Ex Vexil-
liferorum Ordine Paulus Ostrowicki Osmianensis, &
Nicolaus Ianowicz, Vpitenfis, Signiferi. Ab vniuerso
Equestri Ordine, quælibet Prouincia, sequentes sibi
substituit. Samogitia Nicolaum Wolodkowicz, Volynia
Ielonem Malinski, Kiiouia Theodorum Soltan, Smo-
lenscia

A. 1569.
Comitia
Lublinensia
de Vnione
inter Po-
loniam, ac
Lituaniam.

A. 1569. Ienscia Basilium Kopec, Polocia Andream Ducem Lukomski, Nouogrodecia Petrum Horoszewicz, Vitpefcia Iuanum Soroka, Miscislauia Simonem Kamienski, Podlachia Christophorum Olecki Praefectum Bransensem, & Adamum Kocinski Notarium Drogicinensem. Ciuitatum vices suppleuerunt consules Vilnenses Lucas Opachowski, & Zeno Zarzecki. Auxit celebritatem comitiorum aduentus Romani Sanguszko, qui ex bello Moscouitico reuersus, splendido apparatu illustriores captiuos, & machinas bellicas hosti victo ereptas, Regi exhibuit. Negotij ipsius caput, diu nimis ingenia laboremque, tum Regis, tum aliorum, in publico congressu exercuit. Vix superabile opus plerisque videbatur, duas nationes concordia perenni iungere: quarum vna ingenti contentione tres amplissimas prouincias Kiiouiam, Voliniam, Podlachiam, repetebat; altera, non minore studio obstabat, ne earum possessione detruderetur. Rex omni ope pro Polonis annitebatur, etiam minis in Lituanos intentatis, si pergerent obnunciare. Praecipui Procerum, cum reclamando nihil proficerent, ne legem cui libera voce, ac constante animo, aduersabantur, praesentia comprobare viderentur, Lublino in salutato Rege abiuerunt. Rex interea suo edicto nominatas Prouincias regno Poloniae addixit. Subscripserunt regiae sententiae ex proceribus Lituaniae, Constantinus Dux de Ostrog Palatinus Kiiouiae, & Alexander Dux Czartoryski Palatinus Volinae. Liuones quoque instaurarunt iuramentum, quo

fidem

*Vnio Polo-
noru cum
Lituanis
concludi-
tur.*

fidem suam Sigismundo Augusto, tanquam Polonia^{A. 1569.} Regi obstrinxerunt. His perfectis, facile in alias foederis leges conuentum est, ac praecipue vt vtriusque gentis comitijs Rex Poloniae eligeretur, neque vnquam alius à Rege, Magnus Dux Lituaniae crearetur. Verum iam amplitudinem eius tituli aegrè implebat imperium Lituaniae; inde per hostem Seueria, Nouogardia, Plescouia, Smolenscia, Polocia ereptis; inde per locios, Kiio- uia, Volinia, Podlachia, auersis: longè utique se ipso minus; praesertim posteaquam illustres familiae, à Lituaniae ac Russiae Principibus genus ducentes, cum possessionibus auitis, ad regnum transierunt, Sentire coeperat imminutae viribus patriae damnum Augustus: sed eum sensum obtundi facile permisit sponcione Mazouiae, ad Lituaniam adiungendae. Caeterum illud solum Lituani solatio fuit, quod Kiiovia ac Volinia ad Polonos translatis, viderent belli Scythici, continua prope incommoda, ad Regni curas ac impensas, transisse. Quare cum multò deinde post tempore, ad propulsandas Scytharum irruptiones, auxilia Litanorum in comitijs postularentur, à principe Senatûs Lituani responsum esse traditur. Litanos nequaquam eiusmodi auxilia postulatu- ros, si Poloni semel se curâ Scythici belli liberare vellent, Volyniâ & Kiiovia restitutis. In publicis tabulis, vetusto iure, Poloniae proprias fuisse istas Prouincias non ambigue Rex fatetur; Lituani tamen contendunt ab irritato Rege id consultò adiectum. Ego, vt iudicem non ago, ita de subsecuta concordia gaudeo.

Qqq

In

A. 1569.

*Leges Lituanie
instaurantur.*

In iisdem comitijs actum est de corrigendis Lituanie legibus. Verum hæc cura longior futura erat: itaque extra comitiorum tempus perficienda, paucorum industria demandari debuit. Lecti sunt ad id negotium, ex comitiorum sententiâ, Valerianus Pontifex Vilnensis, Melchior Szemet Castellanus Samogitiæ, Nicolaus Dorohostaiski Supremus Lituanie Dapifer, Lucas Swirski Mareschalcus Samogitiæ, Benedictus Iuraha Mareschalcus regius, Paulus Sokolinski, *Succamerarius* Vitepsensis, Kierdeius Kryczewski Iudex Brestianensis, Andreas Maszkowicz Notarius Terræ Vilnensis, & Augustinus Rotundus Prætor Urbis Vilnæ, vir iuris divini humanique consultissimus.

*Primi ex
Polonis in
Moscouiâ
legati.*

Constitutâ pace domi, de sistendo foris bello cura mansit: decreta proinde est Legatio ad Moscouiæ Magnum Ducem. Quia verò translatâ ad regnum Kiouia, ac Voliniâ, Poloniæ limites in Moscouiam usque pertingebant: ab his primùm comitijs mos cœpit, ut quoties legatio ad Moscos institueretur, nec Poloni soli, neque soli Litواني, eâ fungerentur. Primi itaque à Polonis Moscouiticam legationem admiserunt Ioannes de Krotoszyn Palatinus Inouladiensis, & Raphael Comes de Leszno: collegas à Lituanis habuerunt Nicolaum Taluossium Castellatum Minscensem, & Andream Charytonowicz Obrinski Notarium Lituanie. Præiuit Legatos Andreas Chalecki à Rege missus, tum ut de Legatorum aduentu significaret; tum maximè, ut exploraret Iuani mentem, quâ ratione de captiuorum liberatione,

tionem, transigi optaret? An lytri numeratione, vel mutua permutatione? Iuanus negotio omni ad Legatos reiecto, nihil certi Andreæ respondit. Legati non nisi sequente anno Moscuam attigerunt.

Incredibilis à media hyeme fames extremè Lituaniam afflixit. Egentiores agrestes, non bestiarum modo extinctarum carnibus, sed hominum etiam exhumatorum cadaueribus, pascebantur. Remisit malum cum hyeme. Eodem anno, hortatu Cardinalis Hosij, à Valeriano Protaszewicz Sufzkowski Vilnensi Antistite, ad sistendos incredibiles variarum in religione sectarum progressus, Societatis Iesu Sacerdotes Vilnam sunt introducti. Miris artibus obsistebat Hæresis: sed constantia Antistitis, Regis Sigismundi Augusti diplomate atque auctoritate fulta, perfregit vniuersa obstacula. Ad Basilicam D. Ioannis Vilnæ Collegium, Latinarum Græcarumque literarum Magistris, erexit dorauitque; apertoque Lituanæ iuuentuti publico gymnasio, fundamenta prima celebris Academiæ iecit.

Legati in Moscouia haud multum suâ industriâ profecerunt. Remissi, ut cum Proceribus Moscis de pace agerent, conati sunt imprimis Iuanum, non modò suo Regi conciliare; sed etiam Ioanni Sueco, qui non pridem Augusti sororem Catharinam in matrimonium duxerat. Responderunt Mosci, nihil suo Principi belli hætenus fuisse cum Suecis: cum Augusto Rege ob solam Liunioniam non conuenire. Cæterum non deesse illi animum stabiliendæ pacis, si æqua, & postularentur &

Q q q 2

admit.

A. 1570. admitterentur. Erecti his verbis ad aliquam spem Legati, de conditionibus sermonem sunt orsi. Tum verò Mosci, veteres concertationes resumere: horrere, ad omnem restitutionis mentionem: Russiam vniuersam repetere. Itaque Legati ad Magnum Ducem redeunt: explicant, quàm æqua Regis nomine proponerent: petunt vt ijs contentus, iuberet suos de pertinaciâ remittere. Ad hæc Dux. Expendere potius mandata regia rectè, & dispicerent, an integrum per ea esset, pacem perpetuam sancire legibus, quas à suis Proceribus audiissent. Si ea non probarentur, ne deinceps vanis legationibus aures obtundendo, animum magis irritarent. Negantibus Legatis, posse in ea se consentire, quæ commissam facultatem excederent, de inducijs breuibus sermo illatus est. Iuanus ipse quinquennales obtrusit, legatis annuas concedentibus: tandem in triennales conuenerunt. De captiuis nihil ferè actum: nisi quòd proceres Mosci repetendo imaginem B. V. M. Thomam Mackiewicz cum quinquaginta captiuitatis socijs, pro ea promiserint. Celebris illa, antiquitate, & cælestibus beneficijs, per Moscouiam habebatur, ab Helena Regina, inde euecta, atque post eius mortem in præcipuo Russorum Deiparæ templo collocatâ: nostrâ ætate ad ædem Sanctissimæ Trinitatis magnâ populi religione colebatur. Verùm ea res, vt mandatis regijs minimè comprehensa, ad Regem est dilata. Multa, quo tempore Moscuæ sunt morati, planè barbara passi legati, diu detenti, ac propè violati, vix altero anno in Lituaniam reuerterunt.

*Inducia
triennales
in Moscis.*

ppp

Secuti

Secuti eos, confirmandarum induciarum causâ, Moscorum Legati, in itinere collegam, Ducem Kambarouium, morbo absumptum amiserunt. E Lituanis quoque Proceribus, Romanus Dux Sanguszko Imperator fortis æquè ac fortunatus, velut cessante per inducias bello, rude donandus, è viuis IV. Id. Maij abiit. Circa idem tempus Perecopenfes seu Crimæi Scythæ, omni ferè Moscouiâ peruaftatâ, ipsam regiam aggressi, Moscuam urbem cum extima arce, igni ac ferro funditus exciderunt. Interior arx Kitaigrodum, agrè impetum hostilem sustinuit, stetitque. Rex Legatis Moscorum dimissis, Varfauiæ comitia Polonorum celebravit: ut, quæ spes ei facta Lublini fuerat, Mazouiæ cum Lituania coniungendæ, horum comitiorum auctoritate impleretur. At rogatio regia variè elusa est, præsertim Mazoniâ palam reclamante: itaque neque Rex quidquam obtinuit; & Ordines nouo exemplo ante finem comitijs more solito impositum, Varfauiâ tumultuosè abiuerunt. Tum primùm Regem sensisse, impositum sibi à plerisque, rerum Lituanarum scriptores tradunt. Dole-
re itaque factum esse, quod insectum nequiret fieri: in auctores consiliorum, furere: agitare animo, quibus rationibus acta Lublini rescindi possent. Tanta fuit ea animi ægritudo, ut breui in corpus quoque diffunderetur: tandem planè viribus concidere, ac confici coepit.

A. 1571.
Romanus
Sanguszko
moritur.

Mosconia
à Scythis
vastatur.

Rex cogi-
tat rescin-
dere unio-
nem Lu-
blini con-
stitutum.

Tikocinum in Podlachia, quo loco vehementer oblectabatur, releuandi animi morbiq; desiderio profectus, cum in dies debiliorem se experiretur, Knysz-

A. 1572.

1571

Q 99 3

num

A. 1572. num deportari voluit. Interea nouo bello fax à Liouonibus, Ioanne Tudio & Cleto Cruzo prolata est, sparsis contra Regem & Moscouiæ Ducem probrosis, Germano idiomate, libellis: eo consilio, vt aut ipsi inter se committerentur, aut Liuania contra vtrumque ad arma sumenda, concitaretur. Augustus itaque misso maturè Michaële Haraburda Notario Lituanix, apud Iuanum obuiauit, ne insanorum hominum audax facinus, inducijs fraudi esset. Actum est per eundem Legatum cum Iuano, vt captiui omnes vtrunque liberi dimitterentur, & Polocensium in Vitepscentes agros iniuriæ compescerentur. Pronum se ad omnia exhibuit Iuanus, hortatusque est Regem per literas, vt maiores Legatos conficiendæ pacis causâ, ac præsertim Eustachium Wollowicz & Michaëlem Haraburda, quàm primùm mitteret. Proceres quoque spem fecerunt fore, vt perpetuæ pacis studio non grauatè Magnus Dux Polociâ, ac Curlandiâ cedat, modò vicissim Rex sincerè ad æquas conditiones descendere velit. Necdum Moscuâ abierat Michaël, cum Scytharum Perecopensium Legati, ex superioris anni successibus, fastu pleni venerunt, tributum ab Iuano velut victores exacturi. At Iuanus, & reuocatæ cladis ignominiâ, & arrogantis legationis impudentiâ accensus, trecentos ex eorum comitatu securi percuti iussit: principes verò legationis, naribus, labijs, ac auribus ignominiosè præcisiss fœdatos, ad Regulum Tauricanum remisit: adiunxit doni vice securim; minatus illâ se, vti alijs iam Moscuæ fecisset, in

regia

regia ipsa ceruices eius præcisurum.

His barbarorum dissidijs, Lituaniæ pax consistebat, Rege Augusto, atque cum eo, masculâ Iagelonis stirpe in occasum vergente. Michaël Haraburda ex Moscouia reuersus Regem in viuis adhuc deprehendit: sed internuncius Iuani, Michaëlem ex interuallo secutus, iam functum vitâ mortali reperit. Mortuus est Sigismundus Augustus vltimus Iagelonis stirpis Princeps Knyfzini XV. Kal. August. cum ætatis annum quinquagesimum iam decurreret. Fuit Princeps eruditus, nisi eruditionem supersticiosâ curiositate vitâisset: in rebus gerendis tardus, atque ideo craftinus Rex per scomma appellatus: circa religionem negligentior; quæ potissima fuit ianua sectis in viscera huius Reipublicæ: in Regiâ, eruditos, ac inprimis facetos, libenter videbat. Facto post eius mortem de Republicâ à Senatu cōsilio, Theodorus Zienkiewicz cum literis missus est, ad Magnum Ducem Moscouiæ, ne ex morte regia turbis occasionem sumeret. Significabatur eâ epistolâ, Regem Sigismundum Augustum, iam mortalitatis debitum persoluisse: nihilominus inducias, cum superstite Republica integras subsistere; æquum proinde esse, ut eas Magnus Dux iubeat inuiolatas conseruari. Aduenturos propediem à Republica Legatos, à Rege nuper promissos, qui de perpetuis fœderibus Reipublicæ vniuersæ nomine conueniant. Respondit Senatui Iuanus. Dolere se vehementer ex morte Sigismundi Augusti Regis; sed longè magis ex Christiani sanguinis multiplicatis cladibus: quibus


A. 1572.


Mortuus
Rex Aug-
ustus.


A. 1572. quibus Mahumetanum ferrum per Christiana regna barbarè, effusèque grassaretur. Optare igitur vnicè, ne Scytharum opes crescant ex Christianorum discordijs: atque ideo aduentum Legatorum, cum quibus de pace transigat auidè expectare. Circa fines Lituanix nihil se omnino hostile tentaturum: at non posse fieri, vt interea pacatam Liunioniam relinquat. Si pacem Lituania sincerè cuperet; Liunionix curam abdicaret: se Polociâ eiusdem causâ, cessurum. Primùm in his literis luanus se *Autocratora*, seu Monarcham vniuersæ Russiæ appellare cœpit: Lituani verò, ne durante interregno nouis turbis materiam aliquam præberent, contradicendo; fastu ac falsitate tumentem titulum dissimulare ad tempus maluerunt.


Ad Maiorem Dei Opt. Max. Gloriam, Regis Regum, Reginae celi, & SS. Lituanix Custodum Angelorum ac Patronorum Honorem.


F I N I S.

















1.7.384

- controllo collazione;
- restauro carta (rammendo piega, imbrachettatura, sutura di strappi e lacune): carta giapponese Vang 517, linee giapponesi Vang 502, 508, e 561, adese con Tylose MH300p al 6%;
- ricomposizione fascicoli;
- pressatura tra cartoni, sotto pressa a colpo;
- preparazione fogli di guardia struttura "F" in Ingres Vang 20231 e pelle uovo;
- loose guard in carta giapponese Vang 517;
- cucitura piena su 4 nervi di canapa singoli: fili di lino inglese, corde di pura canapa a 8 capi;
- preparazione piatti: cartone fibrato nel verso, cartoncino LC Fabriano; scarnitura dei cartoni a smussare gli



005644879